

特70
54

武藤嚴男

宇野東風

古城貞吉

同編

第五卷

肥後文獻叢書



東京隆文館藏版

肥後文獻叢書第五卷例言

一、本卷には、四時園詩集初編四卷、同二編四卷、靈雨山人詩集五卷、滄浪草稿七卷、煙霞洞集一卷、檜岡詩集一卷、日岳文集十五卷、合和園詩集一卷、朝來遺稿三卷、桂風集一卷、夕佳園遺稿一卷、鹽井遺稿十卷、采芹集八卷、采茹集二卷、共に十四種、六十三卷、及び采芹采茹名録を採録せり、其の解題大要左の如し、

一、四時園詩集は、米田松洞の撰に係る、松洞は名を是著、字を子隱と云ひ、波門と稱せり、家老長岡助右衛門の弟なり、中老職と爲り、別祿二千俵を食めり、詩を服部南郭に學び、致仕の後、専ら吟詠に耽りて、復た世事に與らず、寛政九年四月十四日に、七十八歳にて歿せり、

一、靈雨山人詩集は、伊形靈雨の撰に係る、靈雨は名を質、字を大素と云ひ、莊助と稱せり、天資高明にして詩才一時を横絶せり、其の死するや、遺篇流落して、全本を留めず、好事の徒、輯録するものあるも、均しく完本にあらず、本集は、落合東郭氏藏本及び中野嘉太郎氏藏本に據り、又これを樂洋集載する所に考えて、分類編輯したるものなり、諸本互ひに出入長短あり、善を擇びて之に従ひ、間々中本、落本等の字を註して、其の異同を標せり、抑、山人大才を負ひ、曠處の世に生れて、落々世と合はず、詩酒放浪、四十三歳にして死す、天の斯人に幸せざる、遺篇亦且つ散逸して留らず、之れを世の妄庸子、生前に榮名を享け、死して尙ほ遺集の存するものあるに比すれば幸不幸の懸ると、一何ぞ此に至るや、然りと雖、瓦礫糞土、留りて世間に在るも、人之

れを顧るものなきに比すれば、山人佚餘の集、吉光片羽、永く天地に存するもの、亦其の孰れか幸にして、孰れか不幸なるを知るべからざるなり、

一、滄浪草稿は、住江滄浪の撰する所、滄浪は名を昭猷、字を君微と云ひ、萬之助と稱せり、中瀬柯庭の弟なり、詩を徂徠に學び、書畫を善くせしが、享保十三年七月に、年三十八にて歿せり、本集は池松常雄氏の所藏本に據れり、原本は滄浪の自筆に係るが如きも、誤落頗る多く、句を成さざる處、一二を以て數ふべからず、姑らく遺するに□を以てしたり、

一、煙霞洞集、檜岡集は、ともに富田元朗の著す所、元朗は名を守高と云ふ、煙霞洞集は、其の自選に係る、檜岡集中の詩にて、煙霞洞集と出入するものは、今すべて之れを削れり、

一、日岳文集は、富田大鳳の著す所、大鳳は字を伯圖と云ひ、大淵と稱せり、元朗の子なり、享和三年二月、四十二歳にて歿せり、

一、合和園詩集は、片山豊嶼の著す所、豊嶼は名を介、字を介夫と云ひ、喜三郎と稱せり、一、朝來遺稿は、嵯峨朝來の撰に係る、朝來は名を直方と云ひ、輔と稱せり、朝來山下に隱居して出でず、母に事へて至孝、家に妻孥なく、躬ら薪炊を執りて之れに奉事せり、母歿せし時、朝來の年、已に七十歳にて、遂に娶らざりしといふ、高風百歳、洵に欽仰すべしと爲す、

一、桂風夕佳の兩集は、共に安野南岳の撰に係る、前者は南岳の自撰する所にして、後者は門生故舊の編輯せしもの、今其の前者に見えたるものは、すべて之れを刪れり、南岳は名を肅、又眞卿字を公雍と云ひ、形助と稱せり、祿二百石を食み、時習館訓導と爲れり、文政十二年十一月に

年六十九にて歿せり、

一、鹽井遺稿は、辛島鹽井の撰する所、鹽井の名は憲、字は伯彝、通稱は才藏なり、祿三百石を食み、時習館教授と爲り、天保十年二月、八十六歳にて歿せり、

一、采芹采節集は、ともに藩學時習館にて時人の詩文を採録せしもの、原本は藏して細川家文庫に在り、本卷採録の本は、其の副本に據れり、間々誤落の疑なしとせざるも、多くは其の舊に因れり、思ふに副本作成の時に、誤落を來たせしものなるべし、

明治四十三年十一月

編者 識

肥後文獻叢書第五卷目次

四時園詩集初編四卷……………一

四時園詩集二編四卷……………三五

靈雨山人集五卷……………一〇一

滄浪草稿七卷……………一四四

烟霞洞集一卷……………一六六

檜岡詩集一卷……………一七九

日岳文集十五卷……………一八五

合和園詩集一卷……………三五六

朝來先生遺稿三卷……………三八二

桂風集一卷……………四二五

夕佳園遺稿一卷……………四四三

鹽井遺稿十卷……………四六六

采芹集八軸……………五八三

采茄集二帖……………六四七

采芹采茄名錄……………六七八

米大夫四時園集序

集何以名四時、其園名矣、曷爲取於園名、思所以名之人也、其人奈何、我大父南部翁也、往年大夫之東也、見我翁而稱解頤說甚矣、我翁亦始與言詩、心知其已爲名家云、居則講習禮樂、思不出其位勿論已、若夫東風解凍、天地和同、芳菲芳菲々々滿庭、則思茲恒於斯、樹木方盛、土潤溽暑、清風颯至、披襟命酒、則思茲恒於斯、悲哉秋之爲氣也、艸木搖落而變衰、傾南樓之明輝、憐東籬之黃華、如彼雨雪、先集維霰、凡造化之尤難爲懷者、而思茲恒於斯、則大者可謂深於詩者也、乃我翁之所以名其園、意亦於斯乎、熊本侯嘗謂我翁曰、吾邦有照乘之寶者、寧知之乎、對曰、知之矣、公之可乎、曰何傷矣、於是、侯即日命大夫、謀梓其詩、大夫固辭曰、臣有所詠歌、未嘗韞匱而藏諸、已散已去、今無由沽之、乃亦何敢、而侯命之再三不止、謝不得、有滕子豐者、每得大夫詩

三嘆、以爲此奇貨可居、聞此舉也、具其諸體、成卷以待、侯急命野伯脩謀上梓、由是散去者得完而還、余受而讀其集、何愷悌之甚似我翁哉、雅以正思無邪、不獨稱其志潰々乎大風也哉、亦惟思其人不合、則願余作序、余愧彼寶而冠之以石、而義不可辭、因磨數語、以轉其首云爾、

安永甲午之春

東都 服元立

四時園詩集序

四時園集者、藩大夫米君之所著也、其詩若干首、古今諸體具焉、余弱冠與君相知、是以得觀君之志也、君之專業詩、蓋不廢大孺人之命也、初君三四歲、性好翰墨、大孺人絕鐘愛之、從其所爲、及至十二三、潛心文籍、兼善屬詩、


大孺人愈益奇之、每得一篇、輒手自錄之、時々諷詠以爲樂、居恒命之曰、唯此足以樂我餘年、兒其勿廢焉、爾來三十餘年于今、公事之暇、未嘗不言詩也、以謂孝養志爲大、爲人子者、於其所不好、有說於親則爲之、況爲其所好以養親乎、吾奚辭之爲、是以所作、前後不下數千首、然皆棄去不顧之、其志蓋不欲以詩名家也、亡幾大孺人逝矣、君居喪三年、弗忍言詩、旣祥、乃復以此代笙歌、其或遇忌日、則奠詩草於墓前、明其不違其訓云、今茲癸巳春、我公述職于東都、君攝相事在 銀臺之邸、先是、公徵君詩梓之、君拜謝曰、臣第以慰母心耳、無意公諸世、況敢不朽之乎、固辭、不得命、乃退搜索巾笥中亡有、旣而於大孺人遺篋之中得若干首、然皆其少作、無一充其意者、最後獲膝子豐所私錄、諸體備具、且多近作、因命侍史、別謄寫一本以進之、公覽而大說曰、此足以傳夫、乃急命野伯修謀上梓、君乃謂鼎也曰、吾詩豈足以傳於世哉、然旣已奉命、末如之何、獨憾不使起逝者於九京、親睹聞此舉也已、

唯子知余、亦知逝者、子盍一言以題諸卷首乎、顧鼎之無似、焉能足為君重、唯道君之所為、非世間耽思以廢人事者之比、以信諸四方者焉乎爾、

安永癸巳之冬

東肥 古鼎 撰

四時園詩集初編目錄



- 五言古詩十首
- 七言古詩十首
- 卷之二
- 五言律七十三首
- 五言排律六首
- 卷之三
- 七言律七十一首
- 卷之四
- 五言絕句二十九首
- 七言絕句百四首

四時園詩集初編卷之一

米 著子隱著

肥 後

藤實厚子豐輯

五言古詩

寄服仲英

靡々沼沚毛、可以薦鬼神、況此蘭蕙花、豈不貽美人、美人在天末、欲致道無因、庶假流塵力、吹送遠海濱、幸能傳馨香、千里結德隣、

至北澗、覽解園巖名跡、

朝踰植杖山、遙赴北澗澗、披榛經狹路、捫蘿涉滑崖、暗谷雲猶宿、密林陽尚微、巖泉噴白雪、逕草挺紫芝、千仞上環峯、一萬仞下臨谿、始言入靈窟、覽古久徘徊、想彼解園人、斯人去何之、遂作山中鬼、百載歸無期、昔被緩胡服、今結菌桂旗、代驄乘赤豹、駕虬騁白螭、金鏃留故物、騎射憶英姿、悽惻心莫置、顧瞻日云移、悲風叩虛牝、凜冽振重基、戀々賢寮跡、遲々晚旋歸、

入磻池

曠昔投壘村、平明赴山澤、振策除荆榛、窵衣涉崖磔、

冥々洞烟颺、玲々巖泉落、臨此澗沱水、憶彼呂梁壑、
橫蹙降折坂、延緣攬撥薄、雖重垂堂身、亦輕回車客、
履石凌瀾湍、依折摘蕙若、隈隩異寒溫、險峭殊今昨、
洗幘思鶴銜、忘筌玩魚樂、宿志終申寫、中心存玄漠、

籠鳥詩

西山有奇鳥、文采何明著、朝飲前川水、暮啄後田黍、
不圖值密羅、永言拘絳羽、銀籠美且寬、芳餌固不粗、
雖見籠主家、難復求儔侶、強從朱冠雞、恐觸其金距、
寤寐懷憂悲、此心與誰語、

詠懷五首

其一

去者難再會、來者非同志、歡樂當憑誰、憂思耿不寐、
春霄漸已旦、攬衣起徒倚、戀彼疇昔人、吊其丘墳地、
丘墳被花草、唯見朝露墜、安得接爾顏、呼來遂不至、
冥々窮泉底、茫茫不可隨、

其二

翩翩孤白鶴、遠自瀛海涓、踰躐戩巨關、嗟嗟至小池、
載我遂高舉、凌霄搏會變、忽瞰靈嶽起、靈嶽何魏々、
上有金銀閣、綺疏錯丹雘、真人居中央、羽客相追隨、
瑤階列奇樹、神露一何滋、餐我以其質、云是發妍姿、

嚙之窮晨暮、曷爲抑渴饑、既悟無仙骨、將欲從是辭、
雲梯元易墮、天路亮所危、懷土心辛酸、徒憶千載期、
不見珠樹花、離樽便先萎、

其三

天々三五女、皎々當雙扉、流阿媚朝妝、巧笑揚春輝、
良人飄云至、惠妾以前綏、同車就高閣、携手入重圍、
歡嬉未幾許、倏忽復別離、遠遊唯可好、何能如早歸、
容華隨時零、豈得待來茲、經妍郎爲醜、但恐君心移、
妾心等金石、千秋無磷時、

其四

佳人從遠方、遺我絳綺琴、琴輕協我膝、感君願同心、
試張理清曲、俯然發奇音、朝彈復暮彈、絃故竟不任、
其絃收在懷、其琴抱至今、今君思我否、焉如我思深、

其五

青々園中葵、託根林塘涓、衰露施豐澤、柔葉發榮輝、
迎日朝東傾、送日夕西移、猶能衛其足、生養茲相依、
其智勝鮑率、鮑率一何癡、謗言自口流、悠悠不復歸、
一旦遂見刑、百戰徒苦悲、速々方殺者、願慎榮辱機、

抄秋登西山

夙齡好丘壑、軒冕未嘗尚、遭此秋氣澄、戀彼西山爽、

振策赴遙林、寒裝遶平莽、宿霧停隈隩、朝景半峰嶂、
豁谷互隱映、雲霞相明暢、源流厲急過、巖阿踞險往、
躡蘿若有人、衣帶宛集想、採芝山陽路、握蘭留絕境、
逍遙從所造、泐焉吾可爽、

七言古詩

鎌倉覽古

相中尋霸跡、跡荒何所見、陰雪起鶴陵、慘淡海南面、
霸王臺榭空田疇、日暮寒草臥黃牛、于今狂軍何處在、
七里灘前水自流、

登九重山絕頂

阿蘇之北九重山、攢峰削立天宮間、云是神仙翔遊境、
誰能容易得往還、我雖老矣有勝具、欲凌倒景求天路、
一朝飄然携向禽、試入林樾隨烟霧、烟霧香穠不見陽、
五里迷途且徬徨、左顧右眎層崖斷、山脊隆起爲飛梁、
度來自雲迎我低、行到半嶺殆無蹊、前人相引後人聲、
乃捫石壁強上躋、俛窺豁谷深萬丈、目眩眩轉意且迷、
仍能買勇未肯止、遂就坦途停履齒、自謂已是最高巔、
問之云尚十餘里、更進漸向天狗巖、無復一徑可攀倚、
仰頭奇花照眼紅、燦如赤城朝霞起、若木交枝互映發、
下有清冷之源水、漱水弄花神心蘇、鑿空遙過魑魅塗、

探勝猶未解辛苦、踏盡紫氛窮仙區、仙區窮處物愈奇、
翠屏成堵環大陂、陂南陂北皆珠樹、日照花萼煇漣漪、
忽訝耕父揚先出、且怪數頃堆瑠璃、倚劍下見筑紫州、
疏黃如池澹不流、城郭郡邑看不見、唯見蓋山似贅疣、
乾坤總是一瞬盡、笑他驅石設勞舟、不知阿誰後來者、
輕舉當追我輩遊、

洗馬灘覽古

維昔城氏營城郭、精兵分隘守萬壑、山河之固何險艱、
劍鋒誰當容易鑿、城氏駿馬碧玉聰、一躍千里起長風、
自誇臨陣久無敵、回旋躊躇與心同、朝掃一軍暮二軍、
戰罷牽來浴渚濱、偶有流矢在白肉、忽見房星墮陰雲、
水流汗血去不回、五花空與苜蓿摧、爲道圍人勿惆悵、
消憂汝且盡酒杯、更呼衆人齊縱飲、酌醪自投河上來、
菊池奇兵俄破壘、飛鋒突出若洩水、城氏倉皇不擇險、
騎來驚走遠潭止、願望無地避弓槍、欲非魚腹入淵死、
當年旌旗何處在、山嶂除非雲霧起、人間興亡休謔嗟、
古今天地總如此、君不見古時涓々洗馬灘、今日水涸
秋草寒、

花樹歌、示藤子豐

花樹歌、未了若夕何、夕花色非朝花色、休辭花

前酒如河、河水流春不暫住、餘暉沈々藏山霧、今夕相逢不賞春、明朝誰家醉花樹、花樹歌兮勸酒厄、與君行樂當及時、縱是年年花長好、春去春來髮作絲、

經空巖至北洞、率為歌示同遊者

鞍山南畔蹊路絕、藤蘿藏蛇相盤結、忽聞花間暗泉鳴、山翁指顧為我說、空石之中曾有人、能養其源無纖塵、清響至今猶濕瀑、君何不求名跡春、乃入烟霞用舊居、居空不復聞吹噓、破甕僅存阿堵物、定知昔時買山餘、覽物懷人徘徊久、山間落日何忽諸、日落月來仍探奇、遂從釣徒到水涯、東窮襟丘北花谷、設遊縱適君休噴、君不見少文少壯遊山水、須臾老疾俱至矣、日月徒消書壁間、假臥昏々終不起、

枯我岡、晚歸愁村叟宅

晚下枯我岡、來慰薛荔房、薛荔盤結自為戶、百年無客蹊路古、窻牖南對飯顛山、唯見白雲閑往還、往還願與白雲伴、薛荔之戶數數款、

侯石

阿蘇峯頂彩雲間、峰下南北列名山、維昔神人居其際、日日射獵此往還、往還之道奇樹碧、中有巖々一巨石、崖上欹側何怪奇、屹如白額窺行客、曾是神人調窺弓、

決毗遙自峯頂射、從遊方士亦雄健、直逐白羽入林隙、到得試掃烟雲看、深飲苦幹石將躡、之子由來力有餘、拔之真如拔稻麥、手自北嶺投南巔、空中飛過神人前、惡來壯態休設論、渠子鼓勢那足傳、山翁至今說其故、猶使聞者氣翻々、懷古回頭且踟躕、此石怪奇真可憐、金鏃之痕今何在、苔蘚埋盡幾經年、去年來不暫止、倏忽速於神人矢、君不見昔時射獵往還道、唯有烏雀呼樹裡、

輕薄篇

君不見人情多反覆、取新舍故一何頻、取新實重於珪璧、舍故實輕於埃塵、其新已若兄與弟、其故已若參與辰、新人歡然日寵遇、故人悄然日苦辛、新畏經新漸為故、故願翻故復為新、新兮故兮兩不樂、已矣哉何所因、

送人還白雲山

白雲山上白雲間、北入白雲怡悅還、雲亦不離君劍鳥、相隨遙過萬重山、山阿有人窈窕態、薛蘿為帶關為佩、迎君雲間應目成、那不知君仙骨在、去矣宜與白雲遊、白雲何限名山秋、還山解作一生意、事事從此無所求、問君幾日出山去、出時一片持贈不、

四時園詩集初編卷之二

行路難、贈古文學、

人間行路艱難多、非關險阻與風波、險阻風波何足道、乘桴浮海應須好、吾聞上有蓬萊山、欲求仙路一躋攀、但願相隨輕舉去、人世憑誰常展顏、君不見古來免世者誰子、祝蛇佞兮宋朝美、可憐瓢飲眩臥人、徒在陋巷終不起、馮唐屈署髮空殘、卞和抱玉淚沈瀾、人間行路難如是、其難難於蜀道難、

肥後

米 著子隱著

藤實原子豐輯

五音律

小弓

縱非三射具、短小愛工奇、自謂宜衰腕、兼憐似薄眉、負薪雖有疾、穿柳竟無疲、但願從君子、相爭上酒卮、市原訪佐氏、佐氏去歲羅災、三首、

其一

長轡行欲盡、不用哭窮途、竹樹依春水、桃花見酒墟、主仍迎倒屣、身似人懸壺、山市多幽事、偏教地脉殊、

其二

聞說燎原火、無端過四鄰、西南知曬酒、老少不傷人、晏坐甕如舊、回看廐已新、自今家醞色、更貯幾多春、

其三

家醞人全醉、河魚膾更鮮、淹留移午影、緩步咏風前、危樓斜懸壑、翻車巧送泉、知君多種秫、百畝有山田、過北山山館、將浴溫泉、行規館後開選、別構

四時園詩集初編卷之一 終

浴室、云是原氏爲余設、賦謝、
戶外千巖拆、花間一運新、可憐今雨色、還勝去年春、
移石通仙液、分池浴我身、丘山休數鑿、恐駭郡中人、

發北洞

北洞遍探勝、東山遠共尋、爲携玄度侶、轉適謝安心、
夜雨千花落、春烟小草深、峯峯披霧出、似待我登臨、

遊北里翁山莊、莊有黃犢廬及流慧園、七首

其一

路隨溪水入、九折到柴門、黃犢從廬古、烏皮見几存、
蕭條雙髮髮、醒醉一乾坤、偏羨將閑事、流年過灌園、

其二

園成彭澤趣、溪憶武陵春、垂柳當門亂、開花夾水新、
琴書携共涉、雞犬伴相親、流慧多幽興、兼看似避秦、

其三

猶有綈袍在、寧無信宿歸、春寒醒酒過、夜月映花微、
賓主同高枕、雲烟自掩扉、應緣溪谷近、夢駕玉虬飛、

其四

朝日懸峰嶂、晴烟散薜蘿、林隨長嘯響、泉解宿醒過、
由徑開樵斧、隨流混釣簑、初衣如製得、與爾老山阿、

其五

藉草臨溪水、看雲倚石欄、林間空翠落、峰畔夕陽寒、
仙液溫宜浴、靈芝秀可餐、此中堪養病、不必問金丹、

其六

行欲歸城市、留歡上酒卮、調羹開碧筍、鮮脍聚銀絲、
促飲風花散、聞詩夕月移、謝君分旨著、遠更贈吾兒、

其七

主人携老少、送我到溪橋、更有行厨贈、應憐去路遙、
過村流水轉、向野曉烟消、憶得山林裡、柴關鎖寂寥、

泉氏宅賞花

去歲移奇樹、今春始著花、胭脂交綠葉、爛熳覆紅霞、
知勝河陽種、疑求漢使家、可憐曾宿客、到此弄年華、

悼亡二首

其一

憶昨歌春雪、追歡宋玉傍、朝雲纔黯澹、暮雨忽悲涼、
夢短闌燈影、情餘蕙帳香、幽魂招不得、杳渺楚天長、

其二

寂寂空閨夜、燈花更照誰、紅顏春不駐、明鏡月閒窺、
藥憶蟾宮搗、簾應鳳背吹、紫烟天路遠、凡骨可能隨、

初冬集井大年、時齋前假築山、得真韻、
藥味和桑落、壺中爲貯春、能教丘壑縮、何厭市城隣、

晚食饒鮮鮓、清歡足故人、不須愁酒渴、并橋帶霜新、

重遊水明樓、贈子順兄弟、

風流開濁酒、登眺屬新晴、東嶺孤霞駐、西窓一水明、
芙蓉憐劍合、芳草見詩清、豈意懸欄上、還題舊客名、

春日四時園小集得飛字

四時園裡色、無處不芳菲、好客看花到、幽禽勸酒飛、
林間移午席、枝上掛春衣、今夕正三五、休辭醉月歸、

春日臥病三首

其一

春盡消幽獨、蕭條伏枕年、窻暝花蔽日、階靜草如烟、
宴坐蒸三秀、微吟撫五絃、不唯同調少、病色有誰憐、

其二

暫勞行將謝、清羸老自愁、春風雙鶴髮、歲月一狐裘、
豈可登高賦、祇應曝背休、懶眠隨日永、慣夢中遊、

其三

聞說看花伴、城南處々携、酒應兼麗美、鶯憶勸杯啼、
抱病春將老、回頭日已低、可憐過客絕、桃李未成蹊、

昌浦石二首

其一

盆裡收泉石、浦芽出玉沙、夜盞來集葉、朝露結爲花、

四時園詩集初編卷之二

豈豈風霜折、根知歲月遐、偏憐清瘦色、原自屬詩家、

其二

朝々新灑水、細葉綠方滋、龍影憐根瘦、神工愛石奇、
偏宜陪米芾、不用啣安期、何草爲仙侶、芳蘭有玉姿、

關山月得長字

三秋關月色、半夜滿沙場、塞雁聲偏苦、胡笳恨更長、
寒先生白羽、朔氣凜清霜、隴上千餘騎、一時思故鄉、

將遊北山、賦寄君山師、

北地山川美、寧無似剡東、千巖臨綠水、群嶺映丹楓、
勝憶秋冬際、心馳洞壑中、將携佳興去、但願伴林公、

同前贈板微卿

如問北山勝、乾坤實異哉、路從蘇嶺入、谿傍樸丘廻、
鸞鳥巢林嘯、仙羊化石來、烟霞儼可貌、須向少文開、

同前示井大年

城中車馬滿、佳境竟難求、自謂三餐足、偏思一壑幽、
我將遊水石、君亦愛山丘、勝具如無恙、相携作北遊、

曉發

二百里山程、何妨道不平、川光留曉月、嶽色傲秋晴、
露墮巾纒折、風來屐屐輕、笑吾遊傲態、枉得謝家名、

訪佐氏隱居

山田開百畝、中結白雲蘆、秋稼收將盡、霜林染未疎、
移床依水石、把酒弄樵漁、夕漱餘酣去、鳴泉玉不如、

過北山清音館、既而家氏携酒及贈藥至、欣然
賦贈、

常歎知音少、不圖逢舊盟、盈樽携杜酒、鮮膾共吳羹、
契濶多時恨、交歡一日情、請開山水響、堪代竹絲聲、
月夜恩師携諸子見訪山館、各貽一物、賦以
為謝、

各乘山月去、叩戶風煇晴、石耳兼香飯、珠榴映菊英、
偶緣諸彦會、堪遺百年情、衣裡摩崖色、忻添一夜明、

山寺避暑

乘閑來寶地、避暑就溪流、山色繞過雨、松濤不減秋、
謾言河朔好、何如剡東幽、昏黑迎涼月、相携到上頭、

遊柯川得奇石、賦此叙賞情、
十里柯川北、尋源與不孤、忽逢幽石集、中有一拳殊、
綠作娥眉頂、玄思赤水珠、支機看髮髻、携去問誰徒、

夏日梅亭尊者席上得十四寒

偶携諸彦去、勝地開旂幟、玄語推支遁、新詩愧謝安、
芙蓉初出水、風露乍生寒、豈意將香飯、同依一壑餐、
冬夜金川驛別服仲英

何唯饒俊味、兼更有調羹、笑殺吳江興、風流空得名、

其四

醉後忘賓主、園中任往還、松泉看不乏、麋鹿狎逾閑、
觀水臨巖上、尋源到峽間、誰知投浴處、靈液似驪山、

其五

慙慙丘壑裡、又踏白雲遊、留飲移林日、餘酣漱洞流、
南山寒影落、三逕暮烟浮、繫菊君封殖、明年復賞秋、

春園偶興五首

其一

試出庭園望、幽林日色晴、斑衣携稚子、斗酒聽啼鶯、
更愛松泉響、何如鼓吹聲、園夫新摘菜、調得薦春羹、

其二

登下鳴蛙集、蒼苔滑溜痕、連筒臨露井、引水灌春園、
碗濕園看秀、畦香菜轉繁、誰知城郭際、亦有一山村、

其三

春園宜養病、林下臥遊孤、地自多松石、山何待薔圖、
縱非人境遠、亦覺我場殊、寄語諸年少、無苗食白駒、

其四

去歲栽桃李、開花此日新、乃將金谷酒、坐醉武陵春、
枝長看移鳥、蹊成恐引人、及遮來往路、誰不似迷津、

立馬金川驛、蕭條落月殘、同袍千里別、斗酒一宵歡、
山色催風雪、濤聲入曉寒、離情與歸思、去住欲裁難、

石山覽古

下馬尋名跡、徘徊梵宇陰、山唯留彩石、地自布黃金、
暮色湖雲合、寒烟逕草深、猶憐南浦月、曾照美人心、
殊日聞南郭先生營白黃巖、遂有此寄、

澁谷居應好、其中我舊知、峯巒兼石勢、薜荔掛松枝、
爽籟秋聞早、孤雲暮去遲、丘園何所貴、醉裏有新詩、

北山道中就佐氏飲、既夜不許即發、戀夕途宿、
張燈期永夜、移席向秋晴、家釀傾新黍、盤餐愛落英、
消愛人一醉、牽睡月三更、無復尋常夢、應緣水石清、

遊流憩園五首

其一

欲探秋園勝、衡門叩水邊、前題猶見鳳、舊物更開甍、
侵坐烟嵐過、當窓瀑布懸、好將茗酒美、三日醉林泉、

其二

雲氣生山閣、秋霜滿石欄、浮遊憐地僻、流憩覺園寬、
曳杖行尋藥、褰裳去採蘭、同心唯爾在、堪繫百年歡、

其三

移厨依雙密、開席就溪清、漁網隨看舉、鸞力促飲鳴、

其五

桃花三日近、歷亂照春衣、園鳥啼幽韻、池魚躍落暉、
撲巾空翠過、醒酒暮寒微、小戶通林下、無勞促詠歸、

秋日登披雲閣得十一真

一登高閣望、秋露入看新、烟霧連峯畔、梧桐落水濱、
披雲來鳳鳥、終夕聚星辰、自愧將蟲技、還稱作賦人、

九月十三日夜壁月亭集、有懷古公款山叔瑟在

東都、限尤韻

此亭明月夜、幾歲與君遊、繫菊花無恙、桂檣香更浮、
遙思連壁色、不減滿輪秋、東海隨流處、誰同李郭舟、

壽山水

披圖湖水潤、上有數峯浮、楚色疑來雨、吳山坐眺秋、
風濤聲欲起、雲月影長留、應吊湘娥客、輕舟下碧流、

春日過大津

偶伴曾遊客、乘閑到水濱、峯巒如有待、鷗鳥稍相親、
山色憐今雨、溪花記舊春、能令來往熟、何用問前津、

同諸子重遊流憩園、數日忘歸、八首

其一

春來尋壑興、重到水村西、洞道行將盡、山園望不迷、
紅桃當戶發、黃鳥近窓啼、但為相求切、同人復此携、

其二

愛此溫泉色、含烟注水濱、林遮觀禪客、山鎮養源人、一液蘇多疾、紅顏駐幾春、自今應不老、非獨滌埃塵、

其三

緩步春園裡、尋芳伴鶴冠、橋邊逢怪石、樹杪見長巒、流憇仍藜杖、淹留或藥欄、與移從所去、各自釣前灘、

其四

磴道莓苔合、巖阿薛荔懸、小堂臨澗水、深戶鎖山烟、壁古枯蟬跡、燈殘繡佛前、知君春醉興、往夕愛逃禪、

其五

飛泉鳴萬玉、急瀨洗千花、夕照含山駐、春烟透岸斜、隔離聞牧笛、看竹過農家、隴畝南東罷、悠然對落霞、

其六

燈火春窗下、茶烟晚飯餘、障觀安道畫、案展右軍書、同好人無幾、交情爾不疎、慳拋簪紱去、此裡卜幽居、

其七

夢裡春禽語、醒來曙日移、泉聲催壺漱、霞色照澗漪、幽樹多成綠、殘花盡謝枝、相看驚借問、起臥幾經時、

其八

暫爾臨流水、陶然舉酒觴、頻遊知不遂、多病醉何妨、

歸興逢春盡、留歡惜夕陽、幾時泉石裡、重更得徂翔、

初冬集青霞洞、是夜始接管子靜、得六魚、

寒樹連崖上、蒼々月出初、青霞生古洞、黃葉下前除、卜夜興難盡、忘年交不疎、新知多樂事、非獨愛幽居、

杪歲辛翼之席上得六魚

稍似子雲居、終年過客疎、草玄仍寂寞、浮白且琴書、柳色烟將染、梅花雪不如、黃鸝求友日、重更問茅廬、

禿港夜泊、觀北山山水圖、

停棹沙岸際、展卷薛蘿新、泊渚宜消夜、名山坐探春、梅溪連筑折、蘇澤與豐隣、莫道難爲水、堪驚觀海人、

船經華子峽、時同島延年讀遺詩、

夾船山疊合、傍峽市樓開、莫是靈公縮、疑移剡曲來、清沙爲白雪、奇石滑蒼苔、招隱相吟去、寧同與盡回、

發土毛港

津樹懸朝日、蒼茫雨色晴、三千帆影動、五兩海風輕、乃放舟船去、如從枕席行、悠悠唯任浪、不復問前程、

將發龜港、既而風惡、不能即渡、乃捨船登象頭山、

驚風生西里、急浪拍孤舟、繫纜辭龜港、褰裳向象頭、層巒合雨暗、古祠鎖雲幽、浮海兼登嶽、何鄉不壯遊、

渡播海至大坂、賦此寄西、

微茫二十灘、杳渺渡雲端、乘去舟無恙、投來舍更寬、遠遊仍筆硯、奇勝紀峰巒、但恨書中語、匆匆說盡難、

澗水舟行

中宵乘落月、百里入舟行、山色隨看曙、波光逐望明、朝雲含岸樹、宿霧半江城、稍覺前津近、翻車認水聲、

相山道中得花、乃插置輿中、且賦申賞、

驛亭桃李樹、攀折屬花新、借問輿中色、何如檻上春、黃鸝窺欲下、粉蝶集相親、載向東方去、忻堪贈故人、

思立亭

佳境知非遠、聞君有所求、思立新作賦、舉白且忘憂、身豈勞飛遜、圖應足臥遊、此間多勝事、不必問滄洲、

早春寄島翁

自別同袍後、俯然復見花、驚心黃鳥至、過隙白駒遐、日月勞書素、春風歎髮華、羨君山水裏、起臥弄烟霞、

極述其勝、悵然賦此以寄二子、

清風吹錦字、飛落白銀壺、忽見龍泉合、無端雷雨來、天遙齊楚望、山戀向禽才、何日幽巖裏、同捫薛荔回、

五言排律

九月十三夜、北山望月、寄懷古公僕從 公在

東都

夙昔期秋月、頻年共酒杯、忽遊東海水、恐戀北山萊、三五看將近、盈虛更幾回、離居驚甲子、悵望上崔嵬、

鶴山

宿霧連岡上、陰雲結洞中、巖峰相秀出、澗水幾蒙籠、玉瀨留仙跡、翠巖見鬼工、林棲銜鶴鶴、岸住引舟翁、

晨度北山慈僧院

尋春經洞壑、際曉度山蹊、峰畔千花落、林端片月低、行難人屢息、險遠鳥初啼、積阻仍援葛、坦迤復杖藜、宿雲橫嶺北、朝景半橋西、界道飛泉瀉、參天灌木齊、霧中聞梵唄、松下問禪棲、僧稍同支遁、身如在會稽、

露蓼芝交秀、秋寒草互摧、釣筇青壁下、樵斧白雲隈、俗異疑秦隔、蹊通似蜀開、傍巖危棧掛、觸岸亂流回、應接無餘暇、登臨乏賦才、誰非耽傑狹、不復憚崔嵬、此道雖難矣、斯丘實樂哉、充餐饒野菊、隨意上山杯、

贈二重嶺

仰攀侵杳靄、登眺屬清晨、城閣懸林杪、村家點水濱、二重相合杳、九折轉嶙峋、豈做回車客、宜追叱馭人、騁靈交影密、芝草擢莖新、髣髴看山鬼、雍容養谷神、捫空踰嶺遠、迷霧問歧頻、暫爾因奇絕、悠然遣苦辛、

北澗道中

水源花谷北、地脉襟丘東、急瀑飛天際、暝烟滿澗中、屏欹崖盡斷、巖裂徑纒通、無乃關雝鑿、兼疑是禹功、潛龍窺暗窟、伏獸見幽叢、雲氣俄成雨、山間忽吐虹、深潭春浪漲、頽棧暮途窮、縱有垂堂懼、還令萬慮空、

四時園詩集初編卷之二終

四時園詩集初編卷之三

肥後

米 著子隱著
藤實厚子學輯

七言律

謝張氏贈盆榴

仙槎萬里渡雲端、移得奇花植玉盤、織女錦文知似否、真人紫氣奪應難、千枝噴火烟霞散、六實懸星夜色寒、不是張翥分種去、那能容易掌中看、

暮秋得服仲英夏日書、未遑作報、忽復計至、

慨然賦此、兼代吊詞、

音書昨自海東濱、報道清風臥病頻、遙料祗緣三伏熱、寧知忽作九泉人、懷中未減加餐字、夢裏難逢漉酒巾、此日秋霜看欲下、舊園莖菊為誰新、

將遊北山、賦示諸子、

遙傳花谷正芳菲、且憶溫泉勝浴沂、曲蘗併存前日履、折巾象製暮春衣、我今乘暇將登躡、君豈無心待詠歸、龍尾巖中珠可得、投來不必惜清輝、

宿茭收驛

其四

山館蕭然竹樹幽、為憐泉石此淹留、南東植杖披藤藟、日夜投竿向水流、逕引懸流羊仲侶、澗容散瀉志和舟、林中稍覺多青眼、溪上何唯伴白鷗、

其五

山中幽興日堪乘、況復如秋霽景澄、躡蹻橋頭臨白水、琉璃閣上見青燈、逍遙已遇觀魚客、飄逸寧無愛馬僧、跌坐不知何處是、試分雲霧陟峻嶒、

其六

久涉巖阿遣宦情、薛羅行欲易簪纓、山中一臥無人駭、舍外三春任草生、不用登臨携妓樂、從來鼓吹有蛙鳴、可憐東嶺晴霄月、對飲連霄影更清、

其七

欲辭林谷且徘徊、惜別山翁就勸杯、漁釣明明難暫混、子規殘夜更相催、春光漸老歸期迫、風雨纒過醉夢回、臨水殷勤門外竹、何時重問此君來、

望雪嶺春望

登臨正好飽陽年、佳絕何唯雨雪天、兩岸花兼群鷺散、層巖泉噴萬珠懸、水光遙曳吳門練、月色纒移剡曲船、招隱吟來誰氏子、晚晴乘興過前川、

峰巒當戶彩霞生、獨坐悠然對晚晴、茭收驛前看驢伏、蘇門山上聽鸞鳴、舍隣南畝耕耘處、人怪西窗嘯詠聲、只愛竹林投此地、還羞謾比子猷名、

發茭收驛

日出前村宿霧收、南溪夜雨漲春流、驛過茭收風烟變、山入驪駒草樹幽、紅木紫芝隨處採、層巖回壑聽泉休、可憐二十三峰色、故照衣巾水上浮、

植杖山偶興七首

其一

林壑晴光逐望新、重遊何用問前津、青山有待浮橋上、黃鳥如呼繞水濱、桃李猶餘三日色、松花更買一觴春、醉來靈液爭相浴、堪笑幽亭祇禩人、

其二

齋館尋春入翠巒、投來夕月上欄干、穠花認得明霞嶺、急浪依然白玉灘、沽酒何妨千日醉、置身偏覺一丘寬、靜凭巖石堪高枕、愧作長康畫裏看、

其三

戶外春泉瀉石臺、清晨漱罷步莓苔、烟中樹擁孤村暗、雨後山臨絕澗開、便荷短鑷尋藥去、靜乘輕屐踏花回、隣翁獨有方平似、釣得河魚贈我來、

題北里氏快哉樓、是妙解公遊蹟、
蕭秋原上碧山東、爽塲從來地勢雄、衆嶽平臨鴻影外、
分封回見犬牙中、斗文夕傍豐城動、雲氣朝含楚色通、
一自襄王開宴後、至今猶快滿樓風、

登蓋山絕頂望海

蓋山春色傲晴天、看弄潮波坐絕巔、北望龍頭連島嶼、
南飛鵬翼渺風烟、長流激灑豐州外、平楚霏微海市前、
遊傲縱同康樂態、名聲難比木華編、

南歸寄北山諸友

林中幽興近如何、琴酒兼思醉後歌、記得長將青眼見、
歸來忽已白駒過、鯉淵流水勞書札、隨石風烟夢釣蓑、
知是北山奇最甚、日添峰勢夏雲多、

夏日辛文學眠師見過、眠師有詩、賦答、

閑園長夏對袈裟、牆外城門近不譁、且喜玄言逢許掾、
還將彥會愧王家、移床黃鳥來窺客、照席紅榴故著花、
妙偈縱橫揮翰處、天台忽爾起烟霞、

夏日梅亭尊者携勉眠二師及諸子見過、時掛蘭
盛開、得香字、

蕊蕩騷客共相將、良會偏憐午影長、室掛芳蘭供秀色、
庭栽蔞荷有餘香、同心求得清韻侶、一晤怡然白足傍、

豈意人間三伏日、摩尼並照賞寒光、

掛蘭

朱繩翠籠一根輕、可愛新芽日夜生、高傍湘簾搖月影、
遙離楚曉掛秋晴、葉間露瀼彈琴下、花際風飄滿室清、
但爲從來多秀色、憐君亦自國香名、

早秋訪淵大夫、時臥遊亭新成、得刪韻、

秋來尋興試躋攀、爲愛風涼晚未還、酒滿清歡思北海、
亭新高臥勝東山、石泉驚見神工似、歲月應緣吏事閒、
況值衆峰當戶牖、更疑身在畫圖間、

又得支韻

林亭秋色重來移、可愛前除彩石奇、盆水坐收山海勝、
庭梧想見鳳凰枝、簫知律呂同秦史、琴自潺湲感子期、
從是更教幽興熟、那能不數問園籬、

秋日集青霞洞、賦此贈主人板微卿、得十二侵、
偶携秋興此相尋、密樹幽崖境更深、看弄青霞依洞口、
攀援雙桂向庭陰、乾坤縮得壺公術、丘壑悠然太傅心、
何厭南來城市近、風塵不必到園林、

同辛翼之登三峰絕頂、翼之有詩見贈、賦答、

三峰突兀插層空、上有香城勢更雄、爐氣常侵金像座、
塔標高逼玉皇宮、羨君勝具同玄度、愧我詩名比謝公、

仙巖寥々幽峻處、還疑身在會稽中、

秋夜集古公餗、遲君山師不至、得十一尤、

霜落窻前桂樹幽、攀援有待共淹留、長空飛錫窺清影、
落月高樓倚素秋、西望城頭銀漢轉、南來山色碧雲愁、
諸賢此夜爭詞賦、恨殺筵中少惠休、

冬日過枇杷齊、君山師設茶、賦以爲謝、

聽鐘經過白河傍、寒水潺湲竹籟長、龍鳳熟來甘露味、
枇杷和得上春香、緇衣知勝鴻漸態、玄刹疑遊曼濟房、
豈意滿瓶花萼色、霜中早已弄年芳、

澄泥綠荷硯

誰採青泥坊畔來、製成荷葉信奇哉、只言端石看難辨、
且訝吳娃折得回、滴水更思金草露、渴嚮何代碧筩杯、
一圭我有磨人墨、豹窠今朝爲爾開、

春日同諸子重汎舟神水、得四支、

神水花開雨後時、各尋春色重相隨、菰蒲認得垂綸處、
楊柳依然繫纜枝、十里峰巒如有待、一群鷗鳥未須疑、
請君看取橋邊石、隻字猶留舊日詩、

入京奉謁右府久我公、公賜酒饌、

朱樓畫閣映朝陽、如市門前紫陌長、孤鳳九天誰易附、
雙雛五彩更相將、醇醪和得仙盤露、羞膳分來禁鬻芳、

豈意青雲開宴處、還教我輩此徊翔、

蚌珠應美仲瑞乞

明月圓圓出海涯、夜來寒色掌中移、忽疑淵客盈盤淚、
更憶江妃解佩姿、一椀光輝難自掩、連城弊債待人知、
即今縱少先容者、會見前程照乘時、

寓目侯石 公園二首

其一
阿蘇彩霧滿西原、傍設幽亭倚水村、傳道神人曾射石、
爲憐仙跡此開園、紫芝莖秀階庭古、翠鳥巢深草樹繁、
不用觀漁遊遠地、山莊自有一乾坤、

其二

園池秋色愛澄清、窺得相忘世上情、侯石村前雲半散、
赤嶺峰頂雨新晴、高蒲含綠疑啼髮、流水無塵可濯纓、
忽見南東蘋末動、雄風欲待大王生、

過湯氏、聞今春其翁沒、愴然有述、

水樹蕭條鳥雀悲、秋風愁見舊青旗、懸壺肆上知何日、
傾釀花前彼一時、醉裏遊仙春夢短、醒來駕鶴歲華移、
猶思良夜江亭興、對酌曾歌月出詩、

遊清音館二首

靈液涓々館舍傍、同遊乘暇此相將、滌身何減驪山浴、

高枕真爲華竹鄉、認得鳴流猶怪雨、望來閉月正如霜、
夜猿縱破幽窗夢、不似愁人易斷腸、

其二

草樹蒼々山館深、人稀無日不蕭森、千山朔爽烟嵐氣、
一館秋清水石香、溪上何翁仍抱甕、丘中誰子試鳴琴、
相知更有羊求在、三逕時々問竹林、

訪冢氏驪淵莊、莊前有玄窟巖、

朝入峰巒凌紫氣、夕經溪谷此尋君、驪淵明月窺龍影、
玄窟斑毛見豹文、北望山光含霧暗、西來野色擁流分、
秋寒更有絳袍贈、信宿何辭臥白雲、

遊北里翁山莊、歡樂經日、因賦贈主人、二首

其一

林泉不厭促秋寒、起臥悠然對鶴冠、乘暇白駒從影過、
容身黃犢覺虛寬、樹延山色連門逕、雲雜溪烟透石欄、
自是園中堪養病、誰知靈液勝金丹、

其二

招尋一自入林莊、笑語無非舉酒觴、攀桂小山歌夕月、
餐英寒谷愛秋香、釣漁興逐居諸熟、流憩情緣水石長、
稍覺山園相涉久、幾時能得醉君傍、

三月一日、同君山師及諸子過辛文學亭、得停

字、

同隨杖錫入幽亭、寂寞春園草色青、詠罷一觴傳濁酒、
醉來奇字問玄經、桃林催節花先發、竹塢臨風客未醒、
應爲惠休裁麗句、碧雲終夕傍窗停、

奉夕答春潮師見東

飛來錦字白雲端、暮色西窗把燭看、爲報禪餘仍翰墨、
還期宦暇叩旂檀、貝多應是翻新譯、香積寧無懋晚餐、
閒說溪花春欲老、臨流明日撥清歡、

觀七級巖瀑布

劍歸飄然度石梁、回看崖樹鬱蒼々、飛流影折千巖掛、
灑落聲隨七級長、源接浮雲遙界道、身臨絕澗冒垂堂、
此中知有驪龍窟、欲駭安眠探夜光、

九月十三夜、暨月亭集有懷山叔瑟、

樓頭東望月蒼々、滿坐停杯思更長、鴻雁三秋勞尺素、
緜袍獨夜奈繁霜、再曹不淺登臨興、何處堪歌窈窕章、
早晚懷中雙白壁、連城並照弄清光、

秋日遊植杖山二首

其一

萬木秋深霜露濃、岩峴翠嶺夾溪重、漁家幾枕浮槎口、
樵路高懸植杖峰、泉煖知同神女澤、峽開疑見巨靈蹤、

欲投舊館門蹊變、行向村南問老農、

其二

試上岡巒眺素秋、峰々有待競相浮、千尋瀑水披雲下、
一半溪光映日流、濟勝誰無支度具、彌旬更作郭文遊、
何當隱此名山裏、來往烟霞著鹿裘、

酬豐州吉田氏問余遊植杖山見寄

植杖山林傍碧淵、閑來日々此投竿、雙魚影送絨書過、
一水光開匹練寒、報道據鞍廿款段、兼知說劍拂垂冠、
飛龍近指豐城氣、何事雌雄欲合難、

圓福寺偃松應塵鏡師乞、師時七十初度、

憐君摩頂百年心、傾偃禪扉老古今、根訝降龍依窟壑、
蓋看群鶴護巢深、繁陰障日迎趺坐、爽籟合秋入梵音、
鷗自無量誰得似、低眉大士在幽林、

訪津山人、屋後有赤鹿峰、

茅茨深鎖北山雲、行到林丘一水分、赤鹿狎來長避害、
白鷗疑罷日成群、身將笠笠終漁父、誰信風流本隱君、
悵懸未歸休說訝、吾曹無意勸移文、

將發梅溪、賦示井山人、

暫就梅溪共釣磯、明朝幽事忽相逢、仍維白舫臨流水、
欲別青山惜落暉、多日興隨秋色盡、小春光入晚晴微、

一枝能得何時寄、此地由來驛使稀、

春日遊植杖山七首

其一

春來乘暇伴諸君、北度層巒入紫氛、萬尺瀑泉懸絕壁、
千章林木掃重雲、石苔踏遍仙羊跡、山霧窺看隱豹文、
共是登高爭作賦、聲名恐使衆人聞、

其二

下山經過北村傍、春水潺湲石徑長、披棘橋邊行植杖、
尋芳溪畔去裘裳、浮烟半鎖漁樵宅、落日斜懸薛荔牆、
投宿晚來將浴盥、幸逢靈液似溫湯、

其三

愛此春山白屋幽、貧閑無日不相留、老來豈可耽登陟、
病後祇應作臥遊、花竹盡當窻牖出、峰巒似向畫圖求、
更憐獨有東隣叟、鷄黍時々爲我投、

其四

新晴緩步出青蘿、靜倚幽巖眺夕波、峰畔輕烟連北散、
橋頭微月自東過、纔知衣上春寒透、應爲花間露氣多、
歸興隨流村不遠、無勞深戶叩山阿、

其五

探春偶到鹿丘隅、處々風烟逐翠殊、山美誰愛非我土、

境深多恐是仙區、水源茅舍聞鷓犬、峽畔花蹊入有無、
稍覺此中天地別、怡然欲問避秦徒、地正 屬正

其六

舍外林巒透碧溪、草深門逕使人迷、龍巖泉瀨橋邊落、
兔窟雲連谷口低、花木蒙籠晴靄裏、山川映發夕陽西、
春光何地能爭美、不信長康賞會稽、

其七

杜鵑前夜響巖扉、知是催吾探勝歸、屈指醉醒驚日月、
回頭風雨惜芳菲、東村新樹隨看長、南澗殘花逐步飛、
去路殷勤山水裏、清音相送故依依、

柚臺眺望

蒼嶺突兀白雲端、石徑遙連七十盤、北望豐城高紫氣、
南來蘇嶺聽青鸞、本字從本峽間林水陰晴變、樹抄人家暮色寒、
總為山中多勝事、不知行路本艱難、

北遊得靈芝歸

北入雲峰採石芝、携歸偏愛六英奇、清爭曉裏蘭芽色、
光如階前玉樹枝、淡殿九蓮何足數、商山四皓不曾知、
靈根他日應無恙、待見新柯秀出時、

仲春同諸子過海南尊者房、余將赴東都、因賦
留別尊者、得回字、

夕停鞍馬上香臺、欲別憐君許酒杯、勝會暫從玄度侶、
濟言堪戀道林才、離筵惜日依親座、孤塔臨風聽雁回、
但為春潮通萬里、海音寧不送書來、

三日同島氏本鄉氏渡北濱

清晨解纜渡春流、東望群峯宿霧收、洛水勝途休謁戀、
山陰禊事不須修、宜開斗酒酬三日、欲御長風問十洲、
醉裏飄然遵海處、偏憐二子共乘舟、

疏黃海

樓船延眺意悠悠、行弄烟霞把酒杯、筑紫州邊雲氣合、
疏黃海上日華開、遙凌鵬際從風去、似駕鼉頭波浪來、
醉裏遊仙歌一曲、何須別更覓蓬萊、

土山

驛樓佳麗土山傍、登眺憐春且舉觴、花下絃聲留大傳、
林間歌曲憶王郎、烟霞交照千峰色、洲渚中分一水光、
醉後欲尋奇僻境、高巔遙入白雲長、

薩埵

層巒臨眺夕陽開、潮拍懸崖殿作雷、萬里驚濤隨北望、
三峰積雪自西來、已乘康樂登山興、不是玄虛賦海才、
幸有村翁知我輩、食鮓兼勸濁醪杯、

贈函關二首

落月蒼々露色新、燈微驛舍四為隣、昭天十里聽鷓度、
絕坂千盤叱馭頻、泉洗綠頭逢玉女、關懸紫氣憶真人、
那知今日蘆湖上、重倚山樓眺暮春、

其二

湖邊急雨客衣寒、兩岸蘆蕪露未乾、霧暗窟中窺豹隱、
泥深洞底見龍盤、幽棲憶得商山老、懸絕爭來蜀道難、
縱是白雲迷去馬、還將怡悅度廚糲、

得君山師書、聞九日携諸子遊余別莊、其詩見
投、誦之所寄懷余在東都者也、因賦遙謝、并
以代簡、

書札西傳自海濱、故園叢菊入詩新、地憐假主翻經士、
山喜堪供落帽人、香飯芳樽應並足、青氈烏几未全貧、
明年看及茱萸熟、健在寧無共此身、

又聊賦一首、答謝諸子見寄

報道黃花滿故丘、憐君共賞小園秋、登臨空負重陽會、
羈旅堪添九辨愁、齊楚各天終不及、羊何勝地奈難求、
斯都縱是多佳麗、那似山中水石幽、

聞井大年同君山師數遊余別墅、有詩見寄、賦
此和答、以叙悵戀、

聞說空亭野水西、袈裟相伴數攀躋、前山應足供玄度、

脩竹羞難比剡溪、但任高僧開彥會、何妨凡鳥為吾題、
三秋旅髮看將老、幾日芳樽得共携、

春得板微卿書、作此答之

問余何處散鄉愁、乃賦東都為爾酬、海擁八州天際湧、
山分二總霧中浮、諸王圍圃花成錦、少婦絃歌月滿樓、
日夜仍催非土嘆、春風忍聽鳥相求、

春夜邸舍贈古侍讀

杯樽花月邸陰陰、偶接詞臣慰客心、匣裏青萍存古色、
絃中白雪感知音、百年入夢同遊盡、一夜論交對酌深、
共惜故園春事過、翦萊何日向山林、

春日送山大夫西歸

東西熟路自分明、驛樹花深好鳥鳴、永畫歸裝開錦繡、
暫時留餞對干旌、山川應美三春色、跋涉何勞萬里程、
遙憶樓船遊海處、登臨日弄彩毫行、

春日登樓望海

試登樓上眺春華、烟樹蒼々海畔家、山壓巖頭開彩翠、
潮連鵬際渺雲霞、王侯邸第臨流起、客子帆檣掛日斜、
此裏東溟堪一瞬、觀臺何必問琅琊、

海樓避暑、晚際值雷雨

高樓東望八州遙、忽見炎雲擁脫潮、一雨怒雷隨烈缺、

九天垂翼擊扶搖、興來賦海才誰老、病後觀濤氣尚驕、
半夜留連窺日出、斯遊不必假秦橋、

四時園詩集初編卷之四

肥後 米 著子隱著
藤實厚子豐輯

五言絕句

澄泥生水硯

遊觀何所佩、澄泥生水硯、川澤與丘山、到處紀扇面、

東溪探梅

人道東溪上、寒梅處々新、臨流問樵者、花在水西濱、

北山五題

聞說昔時春、仙翁此耘籽、試尋植杖處、綿々多葛藟、

右植杖山

石勢信奇哉、宛然徹背開、分雲坐其上、何必假蓬萊、

右菴石

終日觀魚臺、觀魚臨幽壑、不知淵水中、旋復幾多樂、

右觀魚臺

靈液煖且清、涓々注幽谷、不是龍巖泉、那得浴鳴玉、

右龍巖溫泉

獨坐迎明月、長歌拂素琴、蒼々山水夕、何處不清音、

四時園詩集初編卷之三

右清音館

山中閑步

何處多棲隱、山山雲霧集、依稀聽漁歌、試自洞中入、

南歸

稚子依膝問、山中遊何久、好花春幾多、官今折來否、

謝東溪翁自栽花筒見貽

謝君截琪玕、供我插桃李、行貯三春色、坐弄幾紅紫、

嵩山水

一片前峯月、朦朧照水濱、唯餘橋上雪、不見騎驢人、

澗河別澤井氏

相逢澗河夕、別酒更依々、憐此新汀柳、重攀定十圍、

船經赤石、海上風惡、數日不能渡、四首、

其一

欲發問棹郎、郎言不可渡、定此雲山際、颼風滿歸路、

其二

飛濤驚客夢、聲自萬山間、月下回頭望、不分濤與山、

其三

冥濛赤石朝、朝霧滯島嶼、時有回楫聲、去舟不知處、

其四

汀柳催春烟、稍々青絲細、相見驚相問、船從何日繫、

寒谷

聞說寒谷泉、虎豹飲即死、縱難漱餘髓、有石冷於水、

多春山

愛此多春山、無山不春色、桃花與李花、總如機上織、

漫漶早行

坦迤江上山、山人春曉、中有疎鐘聲、高僧知多少、

月夜山行

山月乘清夜、徘徊澗水濱、林間聞獨笑、知是讀書人、

清音館五首

其一

寂歷山中夕、空林爽籟生、悠然隱几聽、嗒坐對秋晴、

其二

秋水鳴牆外、潺湲過竹林、此中清響足、不待嵇康琴、

其三

漁父過南洲、無端發棹歌、千巖齊啞答、聲入亂山多、

其四

忽爾聞仙梵、橋東雜水音、高僧何處在、只是白雲深、

其五

蒼翠合山閣、上有雙仙鶴、清唳從松風、時自雲間落、

慶鏡師房

陰雲連谷口、宿霧滿山中、不是聞鐘磬、誰知有梵宮、

題山桁

曲柯爲桁勢、可掛我衣裳、汝儻有相待、須裁羅帶長、浪野道中望多春山、是去歲與板微卿遊處、峰畔花如錦、春光望不迷、可憐探勝侶、今日各東西、望富嶽

七言絕句

夏日寄梅亭尊者

每聽鳴鐘憶梵臺、前峰回首夏雲開、已知寶地芭蕉長、昨夜雷聲送雨來、

作答之

自愧書名比右軍、揮毫豈可起烟雲、雙兔如代雙鷺贈、直寫黃庭寄與君、

慰古公餽悼兒

孤月依微愁夢長、斑斑雙淚滿衣裳、即今仙蚌猶無恙、會見他時產夜光、

梅亭尊者見乞余所藏篆印、因賦併贈、

銀朱玉石染斑斑、玩弄常堪養我閑、君自毘盧真印在、

文章何事乞人間、

長山

不厭岡巒一路長、遇僧如在道林傍、總爲坦迤山可愛、還疑身是入東陽、

洗馬灘觀松崎氏藏笛、云是自其祖傳、其祖以

曾吹折柳傍星霜、今日清哀傳響長、猶憶關山明月夜、一聲能斷幾人腸、

觀音巖遺跡

百仞層巖枕水濱、千秋禪窟絕風塵、唯餘如鏡澄潭色、曾照空居觀世人、

清音館贈島延年

蕭然丘壑白雲深、石瀨松濤日夜音、清響潺湲山館裏、非君誰愛謝公吟、

暮林晚望

暮色西原月出時、暮林秋老半無枝、誰家年少歌新曲、想見王郎兩鬢姿、

驪淵晚歸

會板微卿自熊本至、喜而賦贈、良夜深橋步月回、那知時遇故人來、驪淵幸有探珠興、握裏清光爲爾開、

猶疑急瀨送寒聲、

其三

夕渡梅溪彼一時、每看明月益相思、定知雪裏花纔發、峰畔春光好媚誰、

其四

多春山上彩霞深、下有潺湲水石音、寒谷勝遊君記否、慇懃勸酒醉楓林、

其五

幾尋名勝度山丘、今日松蘿不可求、二十三峰幽峻處、何時更踏紫氛遊、

冬日小集遲古公餽、病不至、

霜寒五柳定蕭疎、此處杯樽興有餘、無奈先生將脚疾、只言高臥愛吾廬、

花下飲、得飛字、

看弄春光醉不歸、停杯偏惜夕陽微、花前休設歌新曲、恐逐梁塵萬點飛、

春夜宴桃李園、得卮字、

桃花李花正滿枝、花下月下勸金卮、可憐桃李芳園夜、能向春風醉幾時、

字規啼、得愁字、

北山山館板微卿示詩卷、誦之則熊本諸友、月

夜集微卿所唱酬者也、中有盈師辛氏寄懷余之作、聊賦一首、以答二詩、

遙聞永夜水東濱、會遼高樓月色新、中有愛山支許在、題詩遠寄北遊人、

始接僧曇茂、曇茂有詩見贈、因賦答謝、

玄言偶此聲交歡、纔接袈裟髮已殘、豈料碧雲將麗句、慇懃更借老夫看、

初冬多春山觀楓

峽畔斜陽楓樹丹、多春山色照前灘、可憐霜葉二秋後、猶作穠花二月看、

發北山、中路示板微卿、

十月繁霜落木齊、回頭北嶺白雲低、請看多日躋攀處、兔窟巖峰望不迷、

向同板微卿北遊歸、不見數日、因賦寄問、五首、

其一

問君歸去興如何、連夜祗應夢寐羅、長憶接峰雲霧裏、共驅山鬼涉巖阿、

其二

山樓明月憶秋晴、悵戀知君北望情、中夜每聞風雨過、

子規啼夜駐孤舟、江樹蒼蒼月影流、起自空舸灘上望、一聲遙入楚雲愁、

夏日奉謝君侯賜詩

雄風颯颯落蘭臺、盛夏披襟正快哉、不怪大王堪避暑、遙吹白雪入歌來、

送山叔瑟歸毛州

白雲山上白雲開、獨向家山萬里回、縱是白雲無限好、可能持贈故人來、

西歸、賦別南郭先生、兼示諸子、

此地重遊未有期、玄亭落日暫相隨、何年載得盈樽酒、更與侯芭共問奇、

同前別服仲英

分手寒烟處々迷、離歌唱罷向前溪、可憐赤羽橋頭月、半夜殷勤送馬蹄、

同前別岡士駟

梅樹花開別故人、到時應值柳條新、各天風月書中語、兩地烟霞夢裡春、

杜若橋覽古

杜若橋邊夕照微、芳洲處處水禽飛、春前草色看將改、長使王孫魂不歸、

自東都歸、訪凌雲師、有詩見贈、賦答、

袈裟一別幾經秋、此日歸來問惠休、無恙明珠衣裏色、多君重向故人投、

春日寄梅亭尊者

梵臺春靜百花香、日日翻經送夕陽、即色寧無新著論、知君展卷待中郎、

君山師初度、賦此為壽、

戶外名山白水西、故添霞彩照禪棲、共言萬古無量壽、更見雙眉似箇低、

春晴藤子豐過訪、席上賦贈、

莫辭花底勸銜杯、能遇春晴醉幾回、縱是明朝仍有意、豈應風雨抱琴來、

暮春遊妙解精舍歸、明日會別道禪師使携芍藥

至、附謝、

春風昨日上花臺、臺上天花拾得回、睡起驚看紅芍藥、猶疑天女散花來、

送梅亭尊者之京師龍寶山二首

天龍護送白雲煇、遙向名山入帝州、縱是禪心無住著、恐緣奇勝易淹留、

其二

明月橋頭明月孤、山河夜色滿清都、到時龍寶休相問、衣裡由來有大珠、

送岷師赴大德寺

東山西嶽遠相尋、行入名藍境更深、歸與待君持贈物、白雲兼有碧雲吟、

冬日招板微卿

盈樽美酒釀來新、欲飲多時待故人、爲道窻前梅樹色、今朝儘是洩青春、

四時園贈板微卿

萬種芳菲手自栽、好花交逐四時開、如君行欲乘春醉、爲我仍能載酒來、

栽花

桃種南園李北園、他時封殖愛花繁、却羞春色同金谷、來往無人不指門、

遊南溪二首

其一

下山經過小溪濱、移步橋南路更新、夾岸桃林春不淺、花間恐遇避秦人、

其二

溪流窮處一峰懸、樵路如絲入紫烟、稍覺此中人境遠、

相逢多是採芝仙、

田氏舊居

溪烟黯淡夕陽愁、草閣無人水自流、猶憶意冠相伴去、永和三日共輕舟、

夜歸

醉後前川洗玉壺、歸鞍遙夜向城隅、回看昨日躋攀處、山色蒼茫落月孤、

會業之日、家兄偶招余于別莊、將出、爲古公

餽、題壁以謝失約、

畫靜空堂白日遲、到來休怪負佳期、偶從靈運探春去、與在東莊芳草池、

春日小集、和答古公餽見贈、

纔逢春露夕陽斜、一醉休辭暫駐車、但恐明朝風雨色、無端減却滿園花、

壽常光太孺人初度

五色蟠桃王母栽、今春新傍壽筵開、朝來方洽花間露、併與流霞瀉玉杯、

暮春答辛翼之見寄

問我園中春若何、夜來風雨落花多、牆東幸有千竿竹、遲爾他時嘯詠過、

暮春送井君祥之東都八首

其一

春風吹送木蘭舟、纔渡疏黃隔九州、一曲棹歌聲不住、已過三十五灘頭、

其二

舟路東連伏水陰、朝來繫纜彩霞深、桃花山畔行應好、千樹春芳次第尋、

其三

立馬長橋夕月孤、峰々彩翠照平湖、試看志賀山櫻樹、猶有春花滿舊都、

其四

碧海東邊一路斜、鞍轡應駐水南家、知君名跡尋春處、恰好橋間杜若花、

其五

薩埵春寒海氣中、潮頭山路入青空、重遊多爾心逾壯、不與回車九折同、

其六

行到三原興更多、芙蓉峰勢曉嵯峨、遙知白雪天邊色、應待風流楚客歌、

其七

東度兩關綠樹分、山中急雨日紛紛、請看天際雙生色、添得奇峯起夏雲、

其八

白馬蹄前月似霜、城頭曙色鬱蒼々、揚鞭直入吳門去、橋下清流認練光、

酬淵大夫聞余臥病見寄訊二首

其一

西窗落日照衣巾、忽見飛來錦字新、爲是芙蓉初發似、翕然堪起抱疴人、

其二

閒說風流一酒樽、何人相待醉名園、可憐蒲柳蕭條色、不似階前嘉樹繁、

又謝大夫自印笈見揭示

籍跡如花照眼新、愁顏忽破欲生春、怪君操得刀偏妙、原自風流製錦人、

梅亭尊者携勉岷二師見過、余病不能出迎、致

令空歸、因賦寄謝

病裡階庭罷掃除、無因自起駐三車、林公此日應相怪、遂使中郎交態疎、

北遊示諸子

阿蘇山北幾山川、川澤丘山探勝年、他日待看持贈物、囊中豈少白雲篇、

宿山村、既而藤子豐疾發、因賦示之、

高秋伏枕白雲間、休恨前峯不可攀、窗外山光如畫裡、登臨何似臥遊閑、

長山道中有懷君山師

長山不斷白雲殊、二十三峯水上浮、縱是坦途行更好、恨無因與道林遊、

過佐氏

再會偏驚白髮長、樽前握手感年光、春風黃鳥啼花處、今日丹楓滿樹霜、

北山偶興八首

其一

試上峰頭夕日曛、西來秋色入看分、無邊衆木皆黃葉、何處名山不白雲、

其二

兔窟秋深桂樹多、攀來夜月影婆娑、蒼巖高插清霄際、欲叩雲門問素娥、

其三

靈液消々急峽間、塵襟滌盡向前山、掃雲漸涉巖阿去、

龍尾龍頭次第攀、

其四

巖扉石迳是誰虛、暮色蕭條過客疎、燈火影闌山鶴裏、不知幽獨讀何書、

其五

秋風颯爽暮天晴、誰撥琵琶向月明、自有清音山水在、添來裂帛四絃聲、

其六

浮槎口上月明低、兩岸蒼々水樹齊、搖落秋風聲不斷、東山北嶺夜猿啼、

其七

三秋起臥北山中、佳興幽情不可窮、溪上黃花纔賞罷、已傳峰畔有丹楓、

其八

明朝行欲謝山林、回首前峰日半沈、倘道歸程何地好、從來北澗白雲深、

山館示寶林道士

忽見山陰道士過、問余佳興近如何、右軍老去書逾拙、無意黃庭換白鷄、

暮秋同梅亭尊者、過愛山亭、

前峰秋露入看新、霜葉如花不減春、此與堪憐支謝侶、從來共是愛山人、

過東村二首

其一

二重山上伴山翁、山下村前去向東、唯有青春無限色、千花映發碧樹中、

其二

輾轅阪下兩三家、滿路春風桃李花、此裏應逢村酒美、山人那不釀烟霞、

佐氏宅同諸子酌

書靜村園雨色深、共開春酒醉花林、蛙鳴鶯語君聞否、總勝城中鼓吹音、

北山道中

阿蘇山上雨初晴、日見烟霞五彩生、鳥道人家花不斷、春風二百里行程、

宿湯氏宅二首

其一

尋春重到荃村西、夕月朦朧照小溪、桃李似知曾宿客、橋邊相引故成蹊、

其二

孤村夜色靜林丘、花下潺湲春水流、偏愛窻陰多怪石、夢中宜與白雲遊、

北山雜詩四首

其一

浮槎口上百花明、石瀨涓々日色晴、携酒往還山樹裡、春風何處不聞鶯、

其二

兔窟巖前枕石灘、勝多行路豈辭難、山靈不惜烟霞色、日日登臨借我看、

其三

桃李繽紛滿水濱、前山霽色入看新、劄々春服誰家客、携到冠童五六人、

其四

一室蕭然一壑中、花前高枕臥春風、那知已有知吾者、枉使詩名比謝公、

贈赤鹿山、訪北里氏、

赤鹿山中赤鹿遊、行從鹿跡度山丘、尋春漸向前溪去、兩岸桃花認水樓、

遊恩仲師房

兩後千峰紫翠重、溪橋草色少人蹤、那知地淨容幽展、

一聽東林寺裡鐘、

同諸子遊北山歸、明日藤子豐寫贈其山水、賦謝、

憶昨相携作壯遊、今朝北望路悠々、非緣吳氏丹青手、那得江山咫尺求、

自北山歸、訪君山師、席上賦贈、

暫入林巒弄白雲、南歸此日一尋君、慙慙爲說山川美、不是支公那得聞、

探梅

欲問梅花向水濱、橋南偶遇採樵人、相隨試自山間入、忽見中峯一樹新、

晚渡硫磺海

帆檣明月影婆娑、夜坐悠然聽棹歌、三十五灘行欲盡、烟波穩處釣徒多、

華子峽同島延年觀花、有懷熊本諸友、

峽間回舫屬花多、相見偏驚日月過、縱是行逢春色好、人生可奈別離何、

赤石覽古

朝回舟楫向東津、吊古偏憐赤石春、猶憶柿公詞一曲、霧冥孤島更無人、

大坂逢萱天目

一別東西隔海雲、每逢過雁喚離群、寧知今夜青燈下、說著千秋此對君、

琵琶湖眺望

琵琶湖上白雲歸、石鏡山頭返照微、南浦春風吹不盡、千帆遙拂水烟飛、

假居寶德寺、自春涉夏、因賦贈祐師、

春來一自入僧房、已見清風簷菊香、但使林公能愛曉、何妨久繫紫遊韉、

移居邸中、不見祐師、數日賦此寄懷、

每逢風月益思君、悵望珠林暮色分、傳道多時仍會彥、清言願使謝安聞、

嚮島翁東遊、遍覽諸勝歸、別來月餘、至今欣羨

壯遊、忽得翁書詩、喜而賦答、且以代書、二首、

其二

海東名跡遍探春、且上芙蓉出世塵、知是昔時玄度後、能存勝具更何人、

其二

岐阻遙求勝地回、無非水石入清才、怪君報寄詞偏妙、多少江山助得來、

東都見賣花者、因憶故園、二首、

萬種芳菲帶露新、城中日賣滿枝春、故園桃李看應好、遮斷幽蹤迷幾人、

其二

千家風雨百花殘、都下今朝賣牡丹、可惜空園春色老、年年開落有誰憐、

月夜汎江

水樹蒼々暮色收、清風明月渡中流、不知誰子歌新曲、聲在前汀估客舟、

暮春諸友西歸、念及逢秋、悵然賦寄、

花前三月醉相酬、荏苒年光入夢流、此日東西八萬里、天涯望斷白雲秋、

秋夜有懷板微卿、因賦遙寄、

一隨東海再經秋、每值良宵懷舊遊、料得西山多桂露、攀援誰共度峰頭、

九日寄懷若山師及井大年

秋風重上望鄉臺、佳節遙思泛菊杯、借問匡廬容客處、不知彭澤伴誰來、

四時園詩集初編卷之四

四時園後編序

吾藩致仕大夫松洞米君、名其園曰四時、蓋取其園中賞景之移也、夫天地之間、變化日新、二氣相代於前、則爲春爲夏、爲秋爲冬、生焉長焉、收焉藏焉、譬諸人之有六志也、詩者何、志之形於言、而成文者也、故其志在朝廷、則言多典雅、其志在山林、則言多隱趣、其發乎寬厚者、言必和平、其發乎清高者、言必簡潔、觀其所發、而其志可知已矣、米君以詩聞于世、幾四十年、其身立、本朝、而游心乎山林、體寬厚之資、而抗清高之志、故其爲詩也、有典麗者、有隱逸者、有和平者、有簡潔者、四時之氣備矣、嘗奉先公之命、梓其初編、我家侍講序以傳焉、爾後三十年于今、志之所至、詩亦至焉、因集而錄之、以藏於家、今公命而梓之、乃亦先公之意、而今公善繼其志云、隔也不敏、以辱知於米君、遠書見教、日嚮子家侍講、爲拙稿賜光、今二編繼成、願子弁一言、以從侍講之故、余乃喟然歎曰、我日本之開國也、別州七十、封侯數百、其緇衣羔裘而泣朝者何

限、然其能文其言、行諸遠者、天下幾人、夫米君者、世卿之華族、而俸粟四千
 鍾、何欲不如意、猶且弗求飽安、且夕密勿、以修其業、其好惡喜怒哀樂、悉託
 諸四時之園景、而不失風人之旨也、嘗從南郭服子而游焉、服子稱其詩、以列國
 大夫之選、高昔與米君周旋藝苑、今讀其稿、恍如揖遜於一堂、且以侍講為請、
 不敢辭不敏、因援筆書其端、

寬政癸丑夏四月

東肥 古扇 撰

四時園詩集二篇目錄

卷之一

銘五首

五言古詩十二首

七言古詩二十五首

卷之二

五言律百八十一首

五言排律三首

六言三韻律一首

卷之三

七言律百四十二首

卷之四

五言絕句六十八首

七言絕句二百三十九首

四時園詩集二篇卷之一

肥後 米著隱子著

板獻徵卿輯
池澄伯盧校

銘

弓銘應平井繁卿乞、是繁卿所自改削、

良工既製、君子改飾、維燕與賓、持之莫惡、

結隣硯是李衛侯所藏、我祖在丹州時得之云、

爾來于今三百年、傳以為寶、文房珍玩莫過焉、

因書匣上、

衛侯有硯、命以結隣、令德不忒、維我祖賢、

蓮葉硯銘

芙蓉方體、維葉其瓊、藏我文房、永宜煥彩、

花筒銘、應璘溪師乞、

有筒曷美、嵯峨之竹、我昆度之、其子墨畫、乃命良
 工、以斫以削、巧飾孔嘉、規矩不忒、挿皇々華、見
 種々色、或澄食滯、盛可以蓄、筒豈攸貴、攸貴知足、
 見種々色金剛經、
 文道食滯拾得事、

為池生題袖中硯

蕉露為滴、蕉葉當紙、紀山紀川、持之遊履、

五言古詩

續氏亭宴集分韻

郭南有華屋、臨水面連岡、金嶺一何峻、積阻徑穹蒼、階前列奇樹、蕙蘭秀其傍、噉々條上鳥、索群以翱翔、何況文雅主、孰欲若參商、幸得此良覲、攜手行一堂、盈樽酒有英、陶寫我哀傷、數爵酬兄弟、以歌常棣章、冀君恒文德、會友愛景光、

謝古公餞折梅至

美人自南方、遺我早梅花、芬馨何郁々、隨風溢曲阿、遭此榮輝發、歎傷去日多、寒冬十二月、履霜折芳柯、相思心尙爾、愧謝將如何、願君遺感念、努力保容華、

贈板微卿

粲々獨樹梅、寄生此西麓、孟春發華滋、其馨盈我屋、仰觀黃鳥遷、四序逝何速、思子愛萃心、悄々起踟躕、汎彼澗谿蘋、蕙神聊亦足、何況一枝榮、貽此可比玉、南郭豈無花、庶美出塞谷、

贈公餞

郁々庭中花、粲々瑩心神、亮勝蘭與蕙、可以遺佳人、

終朝而不采、春輝豈再新、但恐飄風至、中道隕為塵、此花何足貴、所貴平生親、庶用令德馨、皓首長結隣、

西莊贈辛子清

冉々山園竹、猗猗蔭水濱、咏彼淇澳篇、悵望君子人、君子飄云至、貽我南澗蘋、相去十餘里、眷顧意何真、何以當報之、葳蕤香且新、可以比雜佩、豈不稱君身、君唯能自賞、衆人誰可珍、

九月九日遊西莊、和板微卿詩、

良辰不再至、歡娛在片時、食駒場窪側、攜手相徘徊、仰觀西陸日、忽々若驅馳、焉得停光景、杯行一何遲、不見東籬菊、含露發榮輝、及時不掇英、其將離羣姿、庶君留斟酌、永夜以爲期、

答大琢上人

奄忽歲云暮、懷憂獨徙倚、戚々我何思、思彼四禪士、士住雲外山、我遊澗中水、良緣日以遠、飛沈若千里、不圖裁梵偈、託流寄清泚、感歎大慈深、中心愧且喜、上說思松泉、下申夢杖几、高言妙入神、殊勝七寶美、彈琴再三詠、音響真陸耳、何以當報之、聊作相思字、心長難具陳、願君識察此、

春日西莊集詩

仲春山氣和、卉木竊其繁、嚶々幽谷鳥、求友相飛翻、嘉賓携手至、遺我以蘭蓀、相思一何切、中心不可諉、

采薇當庶羞、係以琴與樽、一彈再三酌、願君留暗言、及時不爲樂、何以慰營魂、餘思在夜飲、恐君厭丘園、

秋日遊阿羅羅谷得蘭、贈井大年、

杖策出巖扉、遙赴阿羅谷、谷中幽且閑、樵蘇唯往復、秋蘭羅夾迳、芳馨溢林麓、塞裳采其榮、采采既盈掬、秀芬不可捐、乃贈同心客、君豈可廢琴、庶幾入清曲、

遊西莊、遂山行經澗中、

西山幽且峻、林木鬱羅門、層崖百餘尺、臨水面平原、阡眠送春日、延行憑欄軒、辨麥何芘々、菜花芬以繁、仰觀午日麗、攬衣涉中園、山間放所行、凌緬距泉源、泉源一何清、瑩我心與魂、既遭奇僻境、頓足藉蘭蓀、滔々車馬客、孰美此潺湲、

仲春怡雲亭集詩

英々嶺上雲、涓々亭下水、水與雲俱流、晨昏不少止、人生一世間、奄忽真如是、及時不相行、何以寫愛思、摘蔬當膳羞、何必河魴鯉、有醕何必醕、亦足稱和旨、暨此嘉卉榮、陶陶以觀爾、戲謔能幾時、今日惟爲美、

折梅贈板微卿

粲々小園梅、寒色真如玉、寧無贈美人、侵雪企山足、維蘭非獨馨、此花何可惡、餘花當酒籌、以過三四爵、

七言古詩

哭海南尊者

海南公海南公、忽携隻履入虛空、天堂何在白雲外、禪室長開白雲中、雲去雲來君不見、門前流水自西東、野伯修示南郭先生畫山水、且乞詩、因作此題之、

有客携來山水圖、展開咫尺渺江湖、洞前波勢侵巖石、烟霧蒼茫山有無、云乞芙蓉館中主、我亦曾觀之赤羽、那知今復共君觀、偶坐低頭感今古、維昔斯人勝具多、朝度海嶠暮山阿、探奇歸去向墻壁、寫得雲霞與薜蘿、自道從來供獨樂、乃彈絳綺且長歌、隨歌山水清音起、四壁玲瓏鳴不止、其音竟共其琴亡、水墨之痕留至此、猶想昔時隱几人、嗒焉坐此江湖裏、

四時園花樹歌、贈古公餞、

昨日花開桃李樹、今朝花落春將暮、已看節物逐江流、日夜滔々不少留、伊昔園中延好客、林花爲障草爲席、春服冠童五六人、芳樽賢聖三千石、調羹鮮膾足盤餐、費却萬錢何可惜、興闌斟酌促詩來、但願賞遊淹旦夕、

且夕忽過四時移、當年明好存者誰、憐君餘興尋蹤到、我亦看花感舊時、與君今日須行樂、酌酒勸君君莫辭、君不見桃花源上群仙子、只今惟在畫圖裏、

近營莊將成、先賦此示古板二子、

問我西莊幾日成、欲成意匠復新生、莫問室中何所有、圖書筆硯將琴酒、莫問園中趣若何、竹叢泉石且松蘿、松溝竹籟與泉響、日夜寥寥山氣爽、不妨避暑還避喧、唯能君輩相來往、

西山營墅吟

誰謂新營巧飾窮、此翁懶性愛天工、幽篁成堵紫崖峭、鹿跡微々草徑通、壺蒲席芬芙蓉帳、壁掛七絃之古桐、古桐只在山風拂、自愛茫然我調同、其他山野將溪谷、諸勝坐收一丘中、總是幽襟相會得、樂哉斯丘愜懶翁、

春日西莊遲板微卿不至、卒作歌寄贈、

上西山兮採芬芳、欲贈君兮險路長、終是春輝不相待、我悲感兮結中腸、

晚夏寄辛翼之

君不見樂成郡內張高士、每見衣冠避竹裏、又不見我之西莊避竹園、我何避兮暑與喧、所避從來事不同、不妨詞客入園中、繁陰六月蓋溪谷、日夜清風滿白屋、

白屋森沈翠嵐間、百年無客三徑閑、莫問幽期在何日、但與羊裘時往還、

晚夏苦熱、偶有携益昌石圖至者、開卷氣骨頓

蘇、借覽數日將摹、余素不善畫、乃澄泥自造、燒而成矣、遂植昌蒲、以為暑中之玩、

有人携至畫昌石、開卷靈苗冷雲液、豈與尋常花鳥同、殊宜暑日養病客、休怪終朝展拜頻、由來愛石是吾癖、吾癖由來世所知、好書好畫亦多時、不圖今見同好子、白首交歡曷其遲、說罷更向晴窗開、終忘炎蒸大快哉、貪看當午猶無厭、吾欲摹之君且回、乃命侍僮移淨几、披絹徑携筆硯來、十日五日勞心匠、匠盡心亦如塞灰、別有澄泥殊絕法、煉成宜開彼崔嵬、五色縱堪欺淡墨、小工寧比女媧才、自言聊足供樂事、遂植昌蒲慰神志、盛盆澗水置床頭、屹如山嶂附龍至、可憐咫尺縮乾坤、誰料于今奇術存、此物雖微作伴侶、朝隨翰墨夕琴樽、但期長在詩家側、苦思應須爭瘦色、或恐山中諸隱君、無端嚼齒又充食、

新歲山居歌

白水青山一草屋、南園東圃千竿竹、林中謝客長養病、窓下看書不移目、四時不改白綸巾、萬事無營老此身、

閉戶未嘗見花發、黃鸝一囀始知春、

元夜山齋集

君不見節物風光不待人、梅花已落柳條新、去年此會真如昨、今年此會轉驚春、可憐明月盈輪色、復照華顛舊角巾、烟蘿泉石應須賞、火樹冰燈那足珍、對此今宵君不醉、良辰逐水過東津、

近搜篋中得詩卷、是余少時、諸子集富春園所唱和者也、因追念亡友、慨然作歌

富春園裏舊時春、桃李花開會所親、富春園主纔十六、樽前花下調絲竹、毛生豪飲助燕喜、對酒長歌落花裏、醉中往々有新詩、題來筆底雲烟起、青袍白髮葉先生、心如秋水澹且清、左携童子右冠者、諷詠容與揚花行、熊氏羸形長七尺、鯨吸百杯從所適、自稱我是高陽徒、每見醉人眼無白、田郎絕世美少年、皆言天地一神仙、紈袴繡衣兩九疊、興來新試鐵連錢、揚鞭直逐飛花去、看者相爭集埽前、中有飄逸太寧師、愛馬自比剡東支、設揮如意叫稱快、其聲恍焉猶在茲、境移物換幾年過、狂態仙姿無見期、獨有富春舊園主、展開遺草不勝悲、

觀古水滴引、贈堀秀才、

堀公夸看古水滴、云是前日市中覓、披巾古色不尋常、

弄來蚤暮已相忘、休怪惘然嗟歎久、伊昔我家翰墨偶、秋月春風唱和間、陪我未嘗離我手、同學年少田嘉榮、愛此起臥但關情、一朝燕間向我說、與君方弓欲相爭、此物應須充其賭、幸及今日之新晴、下堂腰間佩弓箭、桃李陰畔聯步行、翻身齊自花間射、田郎一箭串雙鶯、遂就青玉案頭奪、解顏罰我進兕觥、紅顏一去安在哉、終是遊魂弗歸來、爾來此物伴誰視、各處轉傳亦幾回、今日因君偶覽此、玩弄再三嗟且喜、但願此中貯清泉、長在君之染翰前、

伯修翁梅隱亭歌

伯修老翁元愛梅、園裏曾經手自栽、頻年累月仍封殖、殘蕪初春花漸開、每及黃鸝數求友、十千兌得百壺酒、會客花前日唱酬、斯遊能使歲年久、老翁今已七十餘、比來乃欲謝釋裾、傍設一亭稱梅隱、亮勝蓬蒿仲蔚居、此境市城雖近矣、君心遠兮世塵疎、盛夏亭前樹正繁、四藏朱景冷中園、即今招我相行樂、為君避暑還避喧、我亦隱淪憐君伴、那能不醉負琴樽、坐久樹間看月色、皎如霜雪照黃昏、君不見師雄昔日羅浮裏、林下忽逢一女子、對酌交歡能幾時、夢後無人悵徒倚、老翁樂事豈須火、賞逐四時移不止、日夜長開梅隱心、此心

澄湛如秋水、

重過蓮光寺、老山師歿後既七年矣、慨然賦此

贈徵師、

懷舊尋蓮社、遠公安在哉、凄風吹貝葉、暮入翻經臺、
翻經臺下東流水、長與孤魂去不止、蓮花開落七經秋、
重遊之客吁老矣、

妙解寺席上得心字

化城湧出西山岑、不盡籠燈照古今、菩提之樹千餘丈、
參天覆地何森々、下有浴地稱八解、一洗塵垢澹且深、
俄頃諸緣脫灑盡、世人那得知此心、下見東城與北郭、
東北連雲鬱若林、牛鳴相去纔五里、不使喧囂到山陰、
俛仰頓知清淨理、自茲老病復何侵、

遊松石居

市隱心閑性且雅、栽松移石何瀟灑、松探春花釀香醪、
石將寒色供醉者、愛君酒欺澗水清、愛君家奪杜康名、
多病長醒君莫怪、君不見華髮數千莖、

宿白雲樓

白雲無限好、終夕滿層樓、喜吾一與白雲宿、羨君長
與白雲遊、雲去雲來琴酒際、得遊此境復何求、
同田氏池生遊印師禪房、得齊韻、

君不見三間茅舍倚幽溪、一塢白雲終夕棲、看弄忽然
六時過、前峰月出方皎兮、此夕何夕月殊皎、々與禪
心不染齊、

正月十四夜山齋集

去年此會相唱酬、今年此夜復攜遊、多君鷄黍不爲薄、
多君琴書樂未休、來宵火樹嘉春事、多君即今隨薜荔、
來宵燈火競相張、多君即今月下醉、試看燈火火樹光、
與月賞心孰尤長、

又

今春雪已晴、今宵月欲盈、月色年々好、髮色年々老、
可惜梅花不待人、落隨野水過東隣、莫辭勸酒無休歇、
君不見西傾月、

怡雲亭

怡雲亭子翠微間、說道生平隱此山、身忘華髮猶能健、
心與白雲長自閑、羨君會友恒文德、愧我成隣稱舊讎、
山中有勝人不知、林外望雲一色、

首春同諸子遊靈樹院、時園花盛開、卒作歌、

君不見一花二色之靈樹、種之東園之別塢、紅白相鮮
映佛燈、根柢全固免樵斧、春去春來封殖長、衆人難
見但聞香、傍籬圍繞山僧榻、成錦依稀天女裳、借問

自何仙境得、轉移無乃神通力、詔華入偈偈何多、多
若沙流動恒河、

村叟宅作栽花歌書壁

阿羅谷口野翁家、四面遍栽桃李花、看弄不知老將至、
童子服勞多種麻、羨汝長逃桃李塢、愛汝長爲桃李主、
一枝換酒足春遊、此外此翁棄如土、

逐師禪房得疑字

泰安師泰安師、趺坐三秋二六時、山霧巖泉侵几案、
白雲黃葉滿園籬、禪心虛澹如秋水、溪上閑鷗竟不疑、

南遊餘興行、代記贈野伯修、

伯修老翁好山水、久憶南中春景美、一朝攜我作壯遊、
隨我者誰徵卿氏、我家童子伴童冠、春服乘春覓桃李、
桃李花開覆水濱、中有風流老主人、花下相迎開一飲、
書畫詩篇興愈新、醉後依沙舫舟楫、殷勤相送到前津、
前津長水通海潮、雲斷南天眺望遙、兩岸飛花追綠水、
千峰積翠接松橋、松橋落日青篔簹、罷釣幾群遊淺渚、
行就漁艇乞肥腴、投舍擊鮮杯數舉、醉飽惘然臥月前、
春夢忽回黃鳥語、已看紅日照花間、哺罷南帆日南去、
日南々畔海雲收、葦北北來山雨愁、深淵蹙蹙窺窺室、
杳霧縹微見層樓、九十灘頭覽勝過、津亭楊柳晚維舟、

海濱處々多村落、側看靈液吐珠流、里人云是蘇多疾、
各脫衣巾池底投、笑殺永和三日會、澗水枉將契事脩、
浴後忘疲醒亦解、一船一詠夜央休、日出千帆拂海霧、
乘風互與飛鳥渡、我謀前路向山林、寒衣同涉探樵路、
峻峰萬仞競相攀、險路千盤休復步、遙仰鳥道望前人、
白雲高處唯見履、自嘲似藉哭窮途、不復同詢多勝具、
坦夷到處藉蘭蓀、各自行厨開酒醕、巖阿俛見琵琶潭、
灘聲幽咽流不住、恍聞六么四絃音、凄如九秋半夜雨、
漸到層巒眺海涯、波光凝紫映春霞、即今有能知我者、
山中新釀爲相贈、醉裡笑談猶未了、海天落日入雲斜、
乃下赤松山畔徑、遂宿青田浦上家、主人有酒千餘石、
花下燈前夜醉客、客言三日醉未醒、主道數斗傾何惜、
猶能爲我酒杯行遲、東園邀月更移席、醉舞狂歌且劇談、
彈琴作賦意愈適、五更歡極寢花間、曉寒侵衣何急迫、
屢聽鷄聲起四隣、回首曙光過簷隙、傳道門前行露乾、
勿々聲食盤狼藉、自愧老夫酒掃慵、不似林宗投宿跡、
短屐長筇伴向禽、清朝出舍赴遙林、白雲有待低巖曲、
青壁催詩欵水陰、澗流爲滴石爲硯、摩墨染翰題且吟、
借問無乃爭奇絕、發狂未是倦登臨、登臨住々愛道險、
低臥時々愧人賤、偶見清泉瀾石根、一飲纔蘇意先慊、

乃披雲霧立絕巔、延眺海山茫黯黯、長坂降暈日欲低、
 兒童扶掖到前溪、廬居臨水連橋畔、欲投幽處且東西、
 行々忽遇隱君子、倒屣出迎桃李蹊、爲道吾廬先容膝、
 漉酒張琴情非一、銀絲鮮脣碧芹蕖、白芽清茗香柑實、
 供給須與費萬錢、交歡倏忽連三日、隣人醜酒弟與兄、
 由來不減壯康名、一宵就共諸君飲、行杯百遍百相傾、
 共道似封酒泉郡、但恨今無郭弘生、半夜歸來纔高枕、
 侍童逼枕報天明、日出窻前啟雲幘、花岡卉木燦茶尊、
 對此老翁稱解醒、終朝五斗代餐飯、醉餘要我入其中、
 主人喜問來何晚、餘醪爲置滿樽春、饒如河水方混々、
 女兒連袂來勸杯、含笑成歡變且婉、翁言不復願遊仙、
 二子提挈卽劉阮、但恐曉霧失前途、不待落月月中反、
 鶴來山上日初昇、方舟佳興共堪乘、右顧蒼茫天欲盡、
 左眄崢嶸山幾層、舫人爲報到三島、且云勝地何不登、
 移楫就沙石殊、半如白玉半玄珠、異草承坐花馥郁、
 欲舉一杯命行厨、笑談漸高狂已發、持觥豪興與之俱、
 酒酣老翁歌且舞、驚殺前汀雙浴兔、自道壯心老未已、
 復歌一曲叩玉壺、稠人絕叫齊稱快、聲入長風散海隅、
 此時天吳擊鼓出、吞舟潛躍蛟龍趨、雷雨欲來雲壘對、
 嵐氣乍陰山有無、將來壯觀難再得、況復仙區與君極、

窮愁此日安在哉、遊冶少年那能識、已見晚潮生島前、
 回棹歸去前山北、道逢漁父乞魚飯、攜來館舍主人側、
 主人奮起操鑿刀、割成玉脰勸醇醪、日日解醒復解、
 諸君豪飲日逾豪、我亦頗知酒中趣、笑問何如桓溫曹、
 殘樽已盡人全醉、落月既低枕始高、高枕未知早潮滿、
 睡起朝煙峰畔散、卽今纔到華胥休、夢裡春宵一何短、
 人道薄屏勝最多、自茲更欲泛煙波、白鷺洲南同索柳、
 五十餘灘次第過、灘灘漸過派海邊、倚舷回望異風煙、
 波盤紅藍山疊綠、此鄉佳麗轉可憐、漁戶桃花春水口、
 農籬菜麥艷陽天、沙際臨風聞款乃、山光當午尙留連、
 白首山翁出山園、指點前程向東村、流水小橋隨竹石、
 回巖曲逕入柴門、地主相迎盟始結、家釀稍傾心乃論、
 已唱楚調名家曲、併聞和歌博士言、明月離披青松阜、
 白波映帶紫蕨原、波光月色生窻牖、花間竹裏見田畝、
 興移林丘聯步登、心適主客相忘久、常歎向來三益稀、
 今忻偶爾逢佳友、明朝更有浮海約、乃呼金枕收樽酒、
 幽窗早起望東方、山色纔開海日光、與主同舟載贈炙、
 桂楫回旋月浦傍、海山到此觀尤異、問主卽云薩封疆、
 又說封中產名酒、澄清莫憚君詩賜、十千應須爲君買、
 乃使楫師乞其鄉、須臾賒得自南至、纔解微風先送香、

酌來滿坐稱奇品、共弄菱笠更舉觴、我徒元與王侯異、
 遠地觀漁不復妨、幸值三五前一夕、邀月欲令遊賞長、
 柁樓移席仍東望、良久明輝揚疊嶂、僅分空翠出山間、
 忽破春陰臨浦上、蚌胎魚眼總難論、趙璧隋珠安惜讓、
 漁人燈火爭亂流、沽客布帆皎漂漾、傍有孤鬼洞玲瓏、
 南北潮流泛月通、恍見華陽小兒子、握取龍珠填耳中、
 先命杯樽酬怪奇、相酬賓主不相辭、良夜不歡復何益、
 明年再渡非易期、島嶼微茫林翠散、洲沙隱映月華移、
 已報五兩風方好、挂席歸來派海道、天際晴光清絕塵、
 汀前夜色白如縞、中濱橋下隨穩流、直入山園俱醉倒、
 清晨分袂出柴關、舟楫復向雀來山、長巒蒼翠連沙岸、
 與帆送送到溪灣、欲問昨來投宿處、繫纜經過桃李間、
 桃李春輝不相待、忽與溪流流入海、但喜主人釀松花、
 尋盟杯裏春猶在、今日逢迎轉相歡、今宵儻倒何足難、
 諸勝話罷燈花落、復期問來月色殘、將歸少長牽衣袂、
 酒膳交進終朝際、矯首峰頭日已高、乃謝茅茨入薜荔、
 薜荔盤結蹊僅通、繁回漸到桑原東、樹裏鷄聲催午色、
 花間樵唱散春風、寒葦踏石幾涉瀨、著屐登山更捫空、
 捫空遠上巖居嶺、路入龍盤雲氣冷、亂崖層巖次第攀、
 欲叩天關凌倒景、鳥外飄然與雲行、遂窮險峻留絕境、

下見海潮混春輝、連山煙霧半霏々、箕踞藉蘭展遐矚、
 忘却苦辛降翠微、翠微迢遞連漆水、人煙忽雜山煙起、
 窺來陶穴有陶人、燒成罌缸將徑區、都有古色工可憐、
 買得先收行囊裏、向晚東來宿處來、偶聞人語響蒿萊、
 谷口試侵煙霧入、隕行得戶叩三回、黃髮山翁藍纜服、
 推前石逕掃蒼苔、開席相迎破窓下、且供食鮭濁酒杯、
 酒杯傾盡睡纔熟、夢中髣髴杜鵑哭、可惜衆芳從是沈、
 流水送春去何速、黃楊山頂曙煙濃、卽出幽谷向前峰、
 狹路巨巖脅肩過、懸崖危木壓頭重、山間雲樹聞猿嘯、
 峽畔風叢見虎踪、虎踪盡處漁樵集、途窮熊水深且急、
 舟人爲倚洲渚迎、載客徑從瀨湍入、顧舷驚波吐雪華、
 數拍蓬窗衣帶濕、九曲亂流亂石間、老呼少答頻回楫、
 回楫稍寬行欲遲、已經瀉瀨飯東涓、棹郎指顧爲吾說、
 山中有洞洞殊奇、君今縱觀應須引、除棘掃雲辨路歧、
 行藤單衫跟々往、到來便破眠烟窺、異鳥憤然驚散亂、
 舉頭玉乳擊頭垂、吾兒扶吾僕相避、相攜更入隘口移、
 顧步暗坡深萬丈、隙漏日輝濕漉漉、風號雲起寒俄至、
 龍出雨來亦不知、命兒洞口題名去、還就前溪上酒廛、
 蕭瑟原東去路除、平波如剪渺晴沙、船遲群嶺始停驂、
 隨意聽鶯且弄花、兩岸春風鼓柁去、直到松江太夫家、

大夫樓閣臨江渚、江畔山間多別墅、約我彌旬作設遊、且報有魚將有黍、問翁翁意定何知、翁言未負海山主、朝遊林鹿暮松濱、北登白島南水嶼、其餘勝地無不探、遊觀終過信宿去、去程香渺網津東、東南山色雜含空、忽見故人迎半道、牽衣直入彩嵐中、桃林新綠雜梅樹、崖下涓々澗水通、三石爲梁當小戶、一條開逕透幽叢、絕巖奇石觀逾改、後圃前園趣不窮、風月頻夢蕉蕉勝、今日一接桂源公、與公別來今已久、猶疑蕉鹿夢中偶、話罷窻扉月窺人、興來詞賦琴與酒、令吾夜醉臥白雲、朝共白雲出谷口、谷口白雲遠送行、猶隨杖屨故英々、峰巒盡處悵相別、南北悠悠二日程、境轉事殊時亦往、海山忽爾隔欣賞、詩中因紀昨遊鄉、寄使老翁慰餘想、

四時園詩集二篇卷之一

肥後 米著子隱著

板獻徵卿輯
池濱伯虛校

五言律

七月十五日遂師損餉油煎物、因賦爲謝、

孟蘭盆會日、佛餉寄幽人、曾謂施諸鬼、何知供此身、麻油香未滅、蕙屑氣俱新、因信高僧意、本來慈是真、

靈樹院觀瑚禪者養盆魚

盆魚隨教誠、斗水足慈恩、恒賴方羅護、難同涸轍論、

昌蒲當岸草、沙石擬淵源、莫戀江湖闊、從來釣網繁、子介山莊集值雷雨、泰安師有詩見示、賦此酬之、

雷聲隨急雨、忽爾度前溪、列缺當軒發、煙雲擁戶低、鉢龍看欲出、暮燕不堪棲、窓外芭蕉長、慚同妙偈題、

盆昌石二首

其一

青玉盤中水、盛來澹且清、寸根存九節、片石帶千莖、

四時園詩集二篇卷之一終

彩與支機類、冷教醒酒爭、不知何處出、試欲問君平、

其二

愛君清瘦色、自是慳詩家、石潤含雲氣、莖清綴露華、綠盈朝澗水、蒼節日生芽、最好風窓下、幽香不假花、

辛子清乞余書畫、因寫山水、題此贈之、

休言此圃小、一瞬入鴻濛、碣石陰晴變、滄江咫尺通、雁行連雨足、帆影沒煙中、縱久勞心匠、難爭李氏功、

西山顯石二首

其一

西山幽處在、事事總相宜、迷客蒔菜合、藏蛇辟務垂、鬚毛將此老、心緒有誰知、寄語林中鳥、深栖與汝期、

其二

不須遙避世、此境絕人群、地下幽居好、天成數畝分、一丘纔長桂、奇石盡生雲、獨自吟招隱、家僮尙未開、

將營別莊、先自圖狀、且賦叙欣樂、

新營多意匠、先試畫幽居、隨筆紛花吐、成籬苦竹疎、石泉紫戶牖、雞犬傍琴書、寫得成園趣、何年一結廬、

早秋海南尊者、假居寶光院避暑、一日見來、極述其勝、且約夜遊、作此答謝、併以代書、

報道前山際、移居在水鄉、巖松思爽頰、溪竹戀清涼、

假與秋雲住、非期歲月長、何當良夜會、寶地賞晴光、

謝僧秀林惠竹几

多謝琅玕几、供余讀五車、清元宜梵宇、瘦自慳詩家、紺碧含雲氣、斑文憶雨花、凭來心地淨、真似接袈裟、

病中新歲

一臥忽春華、已看椒頰花、啼鴛催節早、垂柳受風斜、鬢髮驚年過、山林奈跡遐、城中車馬滿、何處弄烟霞、

春日時憲歸省、乞余詩、因賦爲贈、

去矣春晴好、明朝是故林、烟霞迎彩服、兄弟接青衿、堂背萱無恙、池頭草更深、近來多麗句、須慰斷機心、

春夜板微卿過、席間賦贈、得十灰、

春園花月夜、偶見故人來、苔色迎移榻、林間勸舉杯、纔逢今雨霽、其奈曉寒催、幸有綉袍在、何妨信宿回、

西莊卽事

別墅多幽事、從容退食間、東南開密樹、近遠出群山、蒨蒨茨爲屋、藤蘿結代關、一丘將一壑、終夕踏雲還、

出莊、既夕復至續氏墅、得杜若歸、

歸程乘晚霽、還向故人莊、緩步隨流水、微吟過短牆、松踐行曳杖、林落去寒裳、偶爾逢園叟、幽談且採芳、

過浣紗溪

夕向前村去、山間一路斜、何來溪上女、並拾水中花、
霞色生連袂、泉聲起浣紗、苧蘿看髣髴、或恐是仙家、

酬野伯修梅雨見寄懷

雨色梅窓裏、懷人屬暮天、四隣皆鬱樹、何處不冥烟、
抱病唯高枕、消愁或拂絃、從來山水調、未惜向君傳、

仲夏夕霽、諸子過訪、各有詩見贈、聊作一首

答謝、得彩字、

城上陰雲散、園中晚景移、風簾吹燕子、露竹濕烏皮、
待月先開飲、彈琴更和詩、不須愁酒渴、林菓雨肥時、

晚夏遊西莊四首

其一

城中仍苦熱、退食到巖阿、空翠侵衣帶、流雲擁薜蘿、
林繁朱景沒、谷響暗泉過、不探西山勝、誰知爽氣多、

其二

自愛山莊靜、浮遊意緒寬、園唯供獨往、厨僅足三餐、
松籟催秋早、林泉竟日寒、煩暑堪滌盡、長嘯倚欄干、

其三

誰言新築美、頗似野人居、田綠苗齊秀、庭昏竹不疎、
樵蘇窺枕響、鷄犬狎琴書、三夏陰晴合、何人得枉車、

其四

夕自層崖望、遙天衆鳥還、殘虹懸鬼谷、急雨過龍山、
鐘動歸雲外、樓開返景間、不知誰氏子、野岸弄潺湲、

晚夏野伯修過訪、席間賦贈、向約今秋遊松江、

高枕移朱景、昏昏臥竹叢、戶庭非爾問、琴酒與誰同、
病至詩篇際、年流感慨中、松江期漸近、羨賸待秋風、

昌蒲石二首

其一

一片昌蒲石、清奇極米家、綠盆盛澗水、白玉碎為沙、
五彩生雲氣、千莖綴露華、宜陪袍笏側、難向次公誇、

其二

澹澹盈盆水、昌蒲石上生、便成丘壑趣、如聽瀨湍聲、
歲月盤根古、秋風細葉輕、支機與醒酒、何似一拳清、

西莊偶興二首

其一

偏愛山林靜、悠然步晚晴、村翁皆識面、野鳥似呼名、
微巡觀楓過、疎籬採菊行、農收三戶裏、笑語雜簫聲、

其二

不獨園中興、西南地總幽、巒觀滄海度、谷與白雲遊、
紆曲行程遠、坦夷到處休、下山歌乃就、暮色向林丘、
近得小松、偃蓋橫條、天成殊佳、乃栽之盈石、

且賦申賞、

小松何楚楚、移得石頭栽、蓋幹合風偃、峰巒枕水開、
全欺墻壁畫、勝作棟梁材、知汝經霜雪、千秋竟不摧、

冬日山行

野村行欲盡、稍覺白雲深、林菓侵霜摘、梅花載酒尋、
縈回經澗道、窈窕入山陰、古剎知何處、松風和梵音、

答辛翼之對雪見寄懷

聞君微月夕、懷我小莊幽、興與梅花發、詩含雪色投、
山樓開斗酒、野渡望扁舟、竹樹清如玉、可能無子猷、

答野伯修晴雪懷余山莊見寄之作

竹雪連幽逕、蕭條白屋寒、豈同梁苑趣、但作剡溪看、
舟楫如乘興、琴樽一罄歡、謝君傳楚調、可奈和歌難、

西山探梅

聞說西林際、梅花澗底新、乃乘微月夕、試探一枝春、
緩步經峰畔、清吟到水濱、暗香何處動、隔岸問山人、

春日西莊再成、賦此題壁、

西莊營重就、此興轉憐春、樹杪來山色、窓中眺水濱、
竹欄含綠淨、蕙帳帶香新、猿鶴休相怪、主猶前日人、

春夜藤子豐問疾、賦謝、

縱值春宵好、無由上酒卮、抱疴仍謝客、因爾始聽詩、

坐久燈花落、窓寒月影移、不須辭信宿、屈指少相知、

春日山行

開行春樹裏、一路傍溪斜、洞口隨流水、山間入落花、
磬鐘何處寺、鷄犬有人家、但訝仙區近、峰峰起彩霞、

首夏西莊三首

其一

春盡園林長、山中賞轉幽、有時黃鳥囀、終日白雲浮、
打麥聞三戶、採樵依一丘、總堪供樂事、此外復何求、

其二

援樹侵空翠、香臺眺夕陽、晴開諸嶽色、明滅一溪光、
村鷓連農畝、城雲遶女牆、貪看仍隱几、車馬總相忘、

其三

墻下吟風竹、巖阿出夜扉、空山行曳杖、斷岸去褰衣、
石耳分雲摘、溪魚釣月歸、明朝城郭裏、可奈賞遊稀、

暮秋遊西莊

城中幽賞少、退食此盤桓、霜色菊花老、夕陽楓樹丹、
山平寧著屐、溪靜好投竿、誰信峰巒際、行行路不難、

冬日續氏別莊晚歸、賦示諸子、

莫愁歸路遠、吾豈在東隣、小閣宜吟月、深林好避人、
溪映今已美、村酒亦應新、況復梅花早、君其問水濱、

盈師及後過蓮光寺、因追念舊事、愴然賦贈溟
師、得侵韻、

憶昔登廬興、陶然到夕陰、蓮花憐舊社、蓬鬢問幽林、
無奈尋盟處、猶存歎逝心、燈前言不盡、行漏夜沈沈、

人日堀君綽席上

遮莫隣城市、清齋自不嘩、況能移木石、那用畫烟霞、
酒色生春色、瓶花代彩花、芳餐新菜足、兼有虎丘茶、

春日過青霞洞

微逕通巖曲、千花覆地深、春風飄縹緲、空翠落清琴、
古洞青霞起、幽窓白日沈、誰知城市裏、自有一山林、

夏日溪行

十里西溪路、縈回入蔕蘿、山陰朱景沒、巖曲白波過、
涉渚依風竹、隨流折露荷、涓涓石灘上、安坐聽漁歌、

晚夏西莊偶興五首

其一

城東方暑色、誰忍著衣簪、餘暇遊蓬戶、煩囂避竹林、
澗中嵐氣集、峰畔午陰深、鳥語將魚樂、都無不會心、

其二

緩步携童子、南東縱涉園、掃雲題石壁、就水命杯樽、
荷氣清風轉、梧陰白露繁、自無炎熱至、靜勝復何論、

其三

獨坐東窓下、悠然對落暉、涼烟生竹簾、清瀨起松扉、
林響山蟬集、雲移野鳥歸、前峰何處寺、孤磬遠微微、

其四

松下侵空翠、看山倚一丘、電光遙照雨、風韻暗生秋、
幽谷隨琴響、清泉吐玉流、不愁無伴侶、但與白雲遊、

其五

欲去仍歌咏、徘徊晚樹傍、林巒新吐月、野水忽揚光、
曳杖過松逕、寒衣度石梁、却愁城郭近、歸路興難長、

晚夏遊臨流菴得蒸韻

香閣臨流水、敞然晴景澄、携唯玄度輩、主類剡溪僧、
急瀨寒鳴玉、平潭澹似冰、非關秋色促、露地少炎蒸、

同蟠年伯彝、觀桂源老侯山林圖、分韻各賦、

開卷煙霞起、山園坐賞秋、怪松含戶偃、叢桂傍窓幽、
樓前峰雲出、江浸海霧流、不唯憐勝境、歡接有羊裘、

病中春興

稍覺水霜少、陽和慰我心、呼僮移枕席、聽鳥向園林、
風送花香轉、烟含柳色深、此中堪養病、不啻五絃琴、

山齋示兒章兒時在西郭

玉樹階庭外、柴荆洞壑陰、隣唯三戶叟、身似一枝禽、
已得逍遙境、休勞省定心、西山靈藥足、看我養痾深、

夏日續氏席上探韻

置酒高亭上、悠然對夕陰、竹涼侵簾席、蘭氣撲衣襟、
牆外村烟散、階前嶽色深、西南堪一瞬、不用遠登臨、

夏日山居偶作

不知三伏過、幽事比來繁、荒蔓亂通徑、垂蘿結作門、
披雲臨谷口、帖石養泉源、更欲成佳趣、南東日涉園、

秋夕山行

山中松籟夕、緩步弄秋晴、棧傍幽巖度、轡觀片海行、
掃苔題石上、藉草聽泉聲、更愛林間月、清輝次第生、

兒童得繡目鳥、籠養數日、既能馴矣、放則戀

復來、可不奇哉、余亦爲作此、以申愛玩之情、
翱翔隨彩服、綠羽映相宜、得主忘山野、成聲勸酒卮、
盤中窺菓下、掌上見花移、憐汝安棲意、窓鷄只獨知、

宿田氏宅

稍覺春宵短、搗東釣客同、唔言仍剪燭、晏坐更銜杯、
海日光遙動、山烟曉欲開、脫巾纔醉臥、已報早潮來、

遊水氏宅、三宿而歸、五首、

其一

試依沙岸望、聚落半漁家、巖曲孤橋曩、山間一水斜、
微蹊隨竹石、深戶入烟霞、地主新開席、相將坐落花、

其二

花底傾家釀、調羹與膾新、興來須卜夜、醉裏欲彌旬、
山水儻同癖、芳菲惜一春、清談猶未已、林月隱西隣、

其三

不知林澤曙、處處鳥聲喧、賓主猶高枕、漁樵已過門、
醒來觀嶽日、携去漱泉源、閑坐松風裏、品茶依石根、

其四

聞說南中勝、無如月浦流、晚潮回桂棹、新霽向芳州、
漸紀峰巒渡、還登島嶼遊、今宵屬三五、莫謾促歸舟、

其五

昨夜子規啼、將歸意且迷、留歡須縱飲、衰老奈分携、
水送春光去、雲含夕照低、名山從是別、何日復攀躋、

中秋山居卽事

晴烟連澗戶、夜色滿山陰、露冷芙蓉帳、秋高桂樹林、
園中乘月涉、石上撫琴吟、偶爾逢樵隱、幽談興轉深、

西山

秋山無伴侶、乃與白雲行、雲字似在字下路滑蒼苔合、泉廻細石鳴、

輕烟峰畔散、返景洞中明、幽憩空林裏、唯聞落葉聲、

遊臨流卷二首

其一

扁舟隨野水、數里入山陰、岸樹風霜古、巖扉薜荔深、
停棧依淺渚、聽磬向幽林、寂寂空園晚、泉聲雜梵音、

其二

一樓流水上、半坐夕陽分、塔影波間落、鐘聲霧裏聞、
談經人愈病、施食鳥成群、此際空心想、浮遊但爲君、

同席上贈瑛尊者

人境元非遠、過橋地已偏、溪烟含紺宇、山樹上青天、
坐密金瓶下、談清玉麈前、只言堪解縛、那不數參禪、

陪遊妙解寺

小隊乘春霽、從容入紺林、花迎朱綬發、鳥傍碧巖吟、
遁跡三年客、陪歡半日心、何知盈鉢飯、全飽衆香深、

青霞洞席上分韻

忽聽春鶯囀、懷君一下山、水濱隨竹樹、岸曲入柴關、
濁酒孤琴側、青霞小洞間、何妨多聚落、境自與心閑、

開掘秀才登徐丘探石、因賦寄贈

聞說徐丘勝、大都靈壁同、名山分地勢、怪石極天工、
峰畔行應得、泉源探不窮、斯遊誰悵戀、獨有米南宮、

夏日同諸子遊明霞亭、原野二子後至、

曳杖伴交遊、携樽問一丘、山明霞色駐、田綠水烟浮、
白露催秋早、清泉洗暑流、可憐今夜會、復此有羊裘、

荅郁師

獨有玄門侶、偏思白屋幽、石泉宜避暑、松籟已生秋、
僧夏看將過、他時待再遊、西山多爽氣、那得不相求、

荅假師

十載栖遲處、衡門倚一丘、萊隨隣叟剪、藥與道人求、
小隱慚山淺、安禪羨地幽、桂叢君莫問、那似寶林秋、

荅辛翼之遊妙解寺見寄懷之作

報道名藍裏、看山晚未回、須兼清梵響、秋入白雲來、
露地炎蒸斷、珠林月色開、更思玄語侶、誰似許詢才、

初秋妙解寺席上分韻

長歌隨野水、緩步入琳櫺、爽籟秋聲起、清地暑色殘、
松枝懸片月、塔影落前灘、薄暮峰雲裏、聞鐘倚石欄、

同諸子遊德應師房、得重字

欲尋幽僻境、相伴入深松、杳靄遙連院、殘陽但聽鐘、
水繁青壁過、山與白雲重、潭上繩床在、知君製毒龍、

送瑛公之京師龍寶山、遂省母堂

休言京國遠、執路即東隣、龍寶分山色、牛車轉水濱、

談經誰不讓、翻譯亦應新、遙憶紆真果、偏能慰老親、

九日大年宅集、有懷瑛公、因賦寄贈、得蕭韻

幽亭佳節會、風雨晚蕭蕭、家縱隣城市、身如在海嶠、
琴書良可樂、杖鉢奈難邀、遙憶安禪處、孤燈照寂寥、

隴西山二首

其一

山中行客少、樵採但成群、橘柚經霜熟、楓林映日分、
微茫觀海水、窈窕入峰雲、茅舍知何處、鷄聲霧裏聞、

其二

稍覺長轡盡、西來路僅平、山田收穫後、村落笑歌聲、
秋草耕牛臥、寒流浴鳥鳴、欲知怡悅意、但伴白雲行、

覽鷹灘諸勝歸、中途憩田氏山居

山川探勝去、薄暮問幽居、月出樵歌起、霜繁客跡疎、
白雲生石壁、黃葉滿階除、休說勞供給、三餐尚有餘、

送梅隱翁奉命、之東都之邸

壯爾抽簪後、東方作遠遊、已辭空谷去、肯使白駒留、
勸接皆詞客、將迎盡列侯、不存丘壑性、誰過謝公求、

荅佐公明

自謝簪纓後、居然過歲時、一丘長避世、多病尙耽詩、

麋鹿爲吾伴、蓬蒿任客疑、比來流水調、喜爾稍相知、

雪夜板微卿懷避竹園見寄、率賦荅謝

忽聞風雪後、偏憶竹林幽、隱縱同張鶴、心仍戀子猷、
樹間開一徑、溪上望扁舟、無那前峰月、殘宵影欲流、

同教師遊靈樹院、師有詩見贈、賦荅

靈樹連初地、龍宮倚一丘、坦夷山可愛、禪寂境何幽、
林杪千家出、田間片水流、不同遺世意、誰得與君遊、

荅教師見寄

如問山中興、圖書且有琴、園唯多苦竹、境頗類禪林、
薜荔初衣敝、烟霞痼疾深、謝君投妙偈、起我得清吟、

荅假師見寄

謝君風雪日、題偈寄山林、設賞成園趣、何由懶道心、
廬唯容膝足、社憶結跏深、早晚禪餘興、探梅到潤陰、

歲杪立春、板微卿過飲山齋、席上賦贈、得十

每及梅花發、交歡繼至今、春烟催暹草、夜月照山林、
水送三冬去、霜留兩鬢深、休嫌雞黍薄、看我歲寒心、

人日

病起尊前坐、輕風拂角巾、已逢人日過、復賞物華新、
餘雪分山色、孤鶯囀水濱、不須勞彩勝、梅柳盡生春、

秋日新起、賦謝問疾諸子、

病愁三伏際、起色九秋初、嶺雁翔相喚、庭梧落漸疎、
變衰驚鬢髮、間澗感居諸、多謝風騷侶、招魂意有餘、

秋夕板微卿過訪、席上賦贈、得十一真、

抱病過三伏、交歡幾隔旬、已看楓葉下、將及菊花新、
露氣侵鳥几、秋寒透角巾、纔開家醞勸、山日隱西隣、

妙解寺席上、得十二侵、

蕭寺臨溪水、玲瓏寶樹林、衣從甘露濕、身入法雲深、
夜月窺禪坐、寒泉雜梵音、此中非易到、憐我得幽尋、

荅菅氏

君問山居興、琴書度九秋、白雲常作伴、華髮不如愁、
戶外蓬蒿合、庭陰竹樹幽、幸携羊仲侶、三運一相求、

秋日青霞洞集、得八庚、

崖樹連門逕、蕭蕭落葉聲、園中秋氣集、洞口晚霞生、
地縱多車馬、家如隔市城、爲君耽翰墨、那不數尋盟、

見性寺席上、得塵字、

寂歷祇園晚、禪餘引隱淪、蓮花聽法妙、柏樹見簫新、
咫尺雖隣市、虛間自絕塵、可憐遺世客、深接息心身、

首春偶興

圖書忘老到、琴酒復逢春、幽谷孤鶯出、衡門細草新、

採蘋隨澗水、看竹問隣人、到處多佳興、詩篇自有神、

春日避竹園答遂師見贈

閑居深竹裏、謝客度三春、不是離塵士、誰憐避世人、
莓苔迎坐厚、花木入詩新、自喜山阿晚、羅衣接法身、

靈樹院席上、得二冬、

遂公禪寂境、靈樹幾千重、不作山中客、安求象外蹤、
輕烟生水竹、微月上巖松、歸路吾廬近、何妨及夜鐘、

秋日并大年別莊、得齊韻、

雨後生秋草、重來路欲迷、松間清吹起、巖曲白雲低、
田靜耕牛臥、池喧浴鳥啼、班荆仍笑語、真似野人棲、

山居養鷄、矮小殊絕、馴狎亦勝、因賦書時、

低聲勞報曉、風雨不曾辭、尾接微冠擢、翎藏弱距垂、
掌中呼侶喚、膝上引雛移、恐被長竿拂、離翁喚麥時、

遂師携近作及茶、見過草堂、賦謝、

偶爾出禪房、飄然到草堂、籃携新茗笋、衣惹散花香、
梵偈輕春雪、尼珠笑夜光、一聞談淨理、老疾頓相忘、

山園卽事

朝烟含綠樹、宿雨欲晴時、遠近峰巒出、東南野水移、
農夫來贈麥、童子坐烹葵、猿罷還高枕、昏昏睡不遲、

夏日淵默堂呈大琢禪師

秋日荅寬道師

三秋丘壑裏、蓬戶鎖蕭森、每與樵蘇伴、時依水石吟、
園唯成隱趣、境莫會禪心、更喜山中桂、清香入偈深、

遊谷隱軒、爲要師携行厨、且有此贈、

問梵經林谷、題詩倚石欄、梅花如有待、冰雪未全寒、
供主三盃乏、容身大室寬、卽今纔問法、其奈鬢毛殘、

訪大琢尊者、半道逢遂師、乃同步過尊者房、

十里茅原路、南上半峰、忽逢玄侶過、隨入白雲重、
潭曲窺龍影、橋邊見虎踪、森沈禪宇夕、聞梵倚長松、

冬夜集原于介山居、得心字、

寂歷西山夕、幽居月下尋、相憐華髮色、同是白雲心、
微逕通禪窟、層巖響梵音、興來詩自俊、豈可避名深、

隣人携行厨夜至

山容携厨過、迎來夜月高、清菰開社飯、新黍足村醪、
堪慰幽棲寂、深憐捐餉勞、陶然方醉飽、移榻聽松濤、

田生棲居、得八齊、

羨汝樓居興、琴樽日夜携、長拚華髮醉、高與白雲棲、
郊野窓中盡、峰巒檻外低、不須勞縮地、一瞬極東西、

元夜泰安師、同諸子見過草堂、得一先、

偏喜存三益、何況接四禪、看梅開臘酒、煮茗勸春泉、

世上愁炎熱、精廬本不同、巖松障午日、水竹接晴空、

畫馬

煩斷聞思際、禪存語默中、怪來衣袂冷、大地自生風、

誰書龍媒骨、殊令意匠奇、五花何歷錄、千里可驅馳、

風展吹金絡、霜蹄踐玉璫、不勞鑄銅巧、短幅駐雄姿、

春日行藥愁村叟宅、得麻韻、

行散隨流水、經過野老家、窓陰迎勸茗、石上坐看花、
露井鳴蛙集、風梁舞燕斜、那知黃髮歲、復此弄春華、

初秋病起訪遂師

病起隨幽處、斜陽間紺林、院依靈樹密、山見法雲深、
雨足連虹影、蟬聲雜水音、知君禪坐久、秋草滿窓陰、

妙解寺席上

名利依巖岫、從來地勢偏、重林嵐翠裏、孤磬夕陽前、
頓覺空諸想、應緣接四禪、君心何所似、峰頂月輪圓、

向陽菴集、得微字、

清談泉石際、忽使病愁稀、盈鉢香生飯、繫珠光散衣、
已聞朝梵過、擬及夜禪歸、不分蓮花漏、寒聲稍稍微、

靈樹院席上

閒賴攀靈樹、披雲上化城、檻前群嶺秀、林杪片湖明、
清茗當桑落、香柑共菊英、纔收衣鉢語、山月已初更、

地僻觀燈外、山高指月前、可憐今夜會、已是十餘年、

和田生春夜雨中獨酌之作

獨坐春窓下、蕭然對暮林、淡烟籠樹影、小雨滌牆陰、

花氣濃和酒、松聲暗帶琴、誰知城市裏、亦有白雲吟、

向得田生詩、賦此却寄、

聞說高樓上、長歌且拂琴、溪聲風未遠、山色雨中深、

稍似天仙窟、兼憐市隱心、香醪應日熟、那得不登臨、

苔池生懷山園春事之作

如問山中興、春來日涉園、看雲依洞口、掃石坐泉源、

逕任蓬蒿沒、牆分藤葛繁、往還唯法侶、聽偈到黃昏、

白雲樓春集、得風字、

新霽東樓上、悠然眺遠空、山低青霞散、天近白雲通、

四野蒼合霧、千花亂任風、何唯逃避境、深在武陵中、

虛白堂春集分字同賦、主人有微疾、因及第七句、

羨君能避世、地僻四無隣、虛白知堂別、清明見火新、

庭昏花掩日、窓靜鳥窺人、不怪烟霞疾、從來隱是真、

三日過飲原田氏松風園、得通字、

三日名園會、歡娛那可窮、林深幽鳥集、谷響細泉通、

新釀分賢聖、流觴混冠童、不須絲竹盛、自有茂松風、

春日山行、私村叟宅、泰安師亦過、欣然有述、

受此春園靜、禪居接竹關、落霞鐘磬外、返照澗溪間、

法侶看花過、老農寒菜還、寥寥林谷晚、心與白雲間、

熊生山居、得秋字、

新築依巖壑、琴樽興更幽、夕陽分玉瀨、烟火起鍾丘、

四野茫如水、連山遠眺秋、不須牆壁畫、直臥白雲遊、

冬至前一日、怡雲亭宴集、爲主人子介、壽母

堂七十、得枝字、

山閣臨村落、杯樽共竹絲、陽先仙律動、日照壽筵遲、

萱草新含綠、梅花已滿枝、白雲如有意、故作彩霞移、

歲杪池生携畫幅及硯至、云二物公手自者、近

緣飾伊養成、因持此拜謝、且有詩、率依其韻、

興來忘白髮、病起聽清吟、化駭藏厨畫、狂同奪硯心、

苔謝、

梅花連谷口、草色發庭陰、稍覺黃鸝動、開樽就好音、

山俊度觀余西山秋景圖有詩、叙賞過甚、因賦

首春雨中遊靈樹院

春雨豈迷途、早花靈樹殊、招尋皆隱士、來往但樵夫、

山翠連羅谷、郊烟散畫湖、一盂分佛餉、無味不醍醐、

池生刻名字二印、鈕共辟邪、併篆可觀、石亦

清潤、賦以申賞、

靈獸工成鈕、真堪辟妖邪、漢章分款識、猶跡駐雲霞、

繫綬方添彩、點絨全作花、誰知刀與篆、雅趣在詩家、

遊谷隱軒、爲要師携行厨、

獨有山居叟、相憐谷隱心、携厨隨石逕、聽磬入雲林、

自愧三餐糞、徒教五觀深、晚來池上漱、烹茗坐松陰、

岫雲院贈康師、得支韻、

長夏蓮花漏、微微送六時、暝烟生鴨渚、返景入猿池、

衆鳥還林息、孤雲出岫移、此中幽賞足、無復世人知、

苔渡子溫懷避竹園寄贈

舊來三箇竹、今作萬重林、棲託期鸞鳳、逢迎謝芴簪、

新芽侵逕秀、苞翠覆泉深、但願琴樽側、親聞嘯詠音、

題子介怡雲亭、亭在威德院後、

三逕通孤刹、與僧同往還、香烟侵竹塢、燈火照松關、

爽簾兼開水、高秋靜對山、誰知怡悅意、深在白雲間、

靈樹院席上

寒裳隨水石、聞磬入旃檀、東野階前折、南湖樹杪看、

茶當新茶酒、梁代熟麻餐、勝熱何唯靜、繫珠衣裏寒、

七月二十二日、詣拜海南禪師影堂、復坐觀龍

關禪師偈、卒爾賦呈、

十七年前事、悠悠一夢中、山川猶舊色、草樹自悲風、

長憶青獅坐、深容白髮翁、忽觀君妙偈、萬慮頓爲空、

遊帶耕園

路自山間入、縈回到草堂、南窓開縹帙、東壁掛青囊、

春住蘭櫞綠、風和藥圃香、愛君耕種處、野興逐時長、

印師房夜集、田氏携厨、欣然有此述、

不厭蓮花漏、仍同夜話長、清醪兼濁酒、細茗共黃梁、

忽訝星收彩、回看月放光、寒梅何處發、風末送春香、

早春同諸子遊谷隱軒

開來求勝地、偶爾入禪林、微逕春芳發、前峰夕照深、

窓閑松鶴影、巖蒼木魚音、此外唯泉石、因知谷隱心、

首春遊怡雲亭

竹橫連山翠、柴扉倚水陰、不爲青眼客、安解白雲心、

徑草和烟發、蒼梅著雨深、謝君開臘酒、爲我作春吟、

早春同諸子遊靈樹院、得陽韻、

象外迎詞客、禪餘會法堂、清吟猶未止、白髮已相忘、

淑氣幽禽出、輕風嫩草芳、知君趺坐久、靈樹幾千章、

避竹園贈子介

多謝山中晚、餘寒問隱淪、因君詩忽就、抱病酒難親、竹樹東南合、蓬蒿日夜新、春來無酒掃、看我不迎人、

春雨中栽花叟宅書壁

花木栽千種、賞情無盡時、一枝常換酒、兩鬢任爲絲、烟雨芳交發、最昏艷數移、貪看忘世事、此意有誰知、

五日病起

南窓移几案、晏坐向風前、席冷江蒲色、簾開楚竹烟、獨醒徒自笑、同病有誰憐、松下行扶杖、閑吟就石泉、

草堂贈子介

偶然詩興發、忽爾病愁寬、世事君休道、人間路本難、餘醅堪小飲、一醉好相歡、曾識琴中趣、無絃未惜彈、

觀淵明歸隱圖

先生歸去處、寫得意何長、衣未成風勢、舟前颺水光、孤松存帶菊、三逕沒知荒、應是催春事、農人曉就堂、

梅溪探春、遂過谷隱軒

前村沽酒去、數里探梅行、香撲衣巾散、影籠烟霧橫、山暝花逾白、溪寒月共清、偶然逢道者、相引入柴荆、

歲晚不競廬新成、一夕主人子介見迎、欣然過飲、醉後賦此爲贈、得分字、

家臨生春色、山杯對夕曛、半窓梅影入、片水月華分、

疎放揜黃髮、掩留臥白雲、此中心不競、似伴海鷗群、

谷隱軒

谷口隨流水、過橋地更偏、竹叢連虎穴、雲氣集龍淵、案靜香烟直、室虛燈火懸、經行將坐臥、終日不離禪、

早春過靈樹院、後擁葉堂

巖曲攀靈樹、山間入法堂、安居偏可羨、靜點一何長、草色生春早、林花帶露香、看君多擁葉、應爲避風霜、

春日寄渡子溫

一爲東海客、早晚放舟期、漸見三春盡、何因尺素遲、隨流知幾歲、計日待多時、豈不如歸去、君其聽子規、

春日送大琢尊者之京師龍寶山

好去春寒盡、穠花滿帝鄉、逢迎皆七衆、驢笑或諸王、莫道尼珠色、不如龍寶光、禪心兼雅思、誰得繼支郎、

村叟字携酒賞花二首

其一

閒說山園夕、林芳萬種齊、弟兄應有待、樽酒爲相攜、緩酌花交落、酣歌月欲低、一春能幾度、花月問幽蹊、

其二

愛汝芳菲裏、陶然到夜遊、青錢看欲盡、白髮不知愁、寒菜供春味、折花當酒籌、興來醒復醉、醉即樹間休、

春日大琢尊者見過探釣園、率爾賦呈、尊者將遠遊、因及七八句、得林字、

春草迎禪坐、青青滿水陰、夕陽翻石壁、雨色半園林、不淺觀魚興、誰存結網心、雲遊期已近、可奈別愁深、

栽花叟宅再成、此日同諸子過飲、二首

其一

洞口看花入、巖扉傍水新、彩雲含酒榼、雲露濕衣巾、樵隱來相語、犬鷄馴稍親、杳然迷去路、似探武陵春、

其二

舊塢存花木、新營愛草廬、探樵歌暗響、遊騎跡全疎、興遠尋塵外、心閑返照餘、四時春色住、莫是地仙居、

春日舟行遊海藏寺

十里下春流、聞鐘此繫舟、禪扉招隱啓、靈境避喧遊、蘆荻潮首起、蓮華海藏幽、白雲終日住、心地澹如秋、

海藏寺席上、得蕭韻

一攀香閣望、南北海烟消、村落連沙際、帆檣出樹標、流雲過鷺塔、夕照半鷹橋、牟麥侵晴秀、應緣法雨饒、

清暉軒卽事

水樹皆合綠、陰陰帶夕陽、茶當新釀黍、飯供晚春粱、人語鶯來響、蛙鳴鼓吹長、清暉名自在、邀月擬徘徊、

泰安師禪房

定起移禪榻、閑來引老夫、空園猿拾菓、靜樹鳥將雛、杳霧連群嶺、斜陽見片湖、謝君分佛餉、使我飽醍醐、

得新字

夏節隨流水、榴花逐路塵、興乘翻譯暇、飯許讀騷人、半席分蒲淨、中餐供麥新、竹陰涼不斷、如在剡溪濱、

兒章陰晴日錄自東都至、喜而披覽、且有此述、

行行經海岳、日日紀陰晴、謾與當兒戲、離居慰老生、展來箋燦爛、寫得筆從橫、堪供晨昏斷、忻存省定情、

得兒章書、披之則云、初秋發東都、取道京師、

搜索勝跡、乃至浪華、將發歸、亦復有書、併

蜜煎橘尋至、因賦叙欣慰之情、二首、

其一 來書云驛舍食無鮮

秋來歸省意、憐汝日逾長、一別懷千慮、幾封傳八行、遙聞愁餒味、豈憶贈甘芳、堪比三牲養、狂夫喜更狂、

其二 蘇蘇、一曰渠仙島、今俗名佐賀關、又有鶴磯、俗名鶴崎、共肥後封內

報道辭東海、三都遍歷還、柳聲流逐水、帆影轉來山、島宮神仙集、磯寒老雀閑、直維輕纜去、上岸卽鄉關、

月夜蒼子介見贈

忽聞輕履響、料得愛山人、巖曲尋幽處、林間問隱淪、
衣寒空翠落、軒敞月華新、晚食唯鮮菜、百年緣意親、

有憶泰安師益荷者、因代作寄師

菱荷隨妙咒、彈指出盤盃、風葉搖成扇、露華分迸珠、
諸塵都不染、淨質本來殊、碧筒杯堪憶、君容漉酒徒、

孟蘭盆會日、泰安師見惠油煎物、賦謝、

報道中元日、調和為會成、麻油香自異、草坐綠應清、
何曾供佳客、兼能飽老生、大慈心更切、愧謝不堪情、

原田子介母堂逝、此日過墓前、賦以叙追悼之情、

一朝纔臥病、雲外忽飄然、已竊延年藥、終為奔月仙、
招來魂不返、追悼意逾偏、唯有丘墳草、東西漸接連、

冬至後一日、遊泰安師擁葉堂、

至後來幽處、興來遊法堂、日纔添一線、寒已讓微陽、
嶽霧看生彩、檐梅遍發香、擁床多木葉、不復畏風霜、

至後病中聞泰安師亦伏枕、因賦寄懷

聞君長至後、伏枕亦多時、寧索一杯酒、勝逢三世醫、
春烟催煖草、臘雪礙禪枝、同病華顛客、相憐者是誰、

冬夜暗香舍贈子介

是病比丘事

多謝相思切、寒宵問草堂、擁爐談稍熟、溫酒興逾長、
竹雪明欺月、梅風暗送香、莫嫌供給薄、交態幾星霜、

歲晚不競賦集飲逢立春、因有此述、得聲字、

終年車馬少、塵外好尋盟、境愜相忘客、廬憐不競名、
彩霞添酒色、暗水入春聲、那用勞花勝、笳梅雪共清、

暗香舍同池山二生守歲

已見寒陰散、無端暮雨收、南園花氣動、北渚雁行流、
髮髮隨殘臘、詩篇慰病愁、好將終夜興、緩酌對羊裘、

十四夜、石子文、辛字清、伊子直、熊藤八、

同圓繼徒集草堂、各有詩、聊賦一首以謝、得

燈字、

夜集先三五、招尋彥與僧、松風當綠綺、梅月代華燈、
恰好春寒盡、況逢露景澄、不緣玄語侶、逸興那堪來、

首春泰安師禪房、得聲韻、擁葉看桃 共見佛書

羨此名山裏、長將習靜逃、春寒猶擁葉、霞色恍看桃、
鉢底窺靈物、燈前現佛毫、禪心何所似、天際一峰高、

又得真韻余携酒七 八因云

交歡隨日永、放縱任情親、蓮漏聲難盡、華經譯更新、
不為遺世客、誰接息心人、淨社休開酒、行厨聊貯春、

風蘭

肯令蕭艾伍、幽處掛林宜、花訝紫銀縷、葉憐齊翠眉、
楚臣應未佩、魯叟那能知、豈可勞封殖、因風秀不遲、

春園卽事

朝涉東園罷、悠然坐翠微、紫籬依淺渚、白鷺立幽磯、
水暖蘋交長、烟和麥稍肥、西疇知有事、村鼓響巖扉、

五言排律

寄題古侍讀愛日亭

窓扉開寂歷、卉木鬱蕭森、不作忘年侶、安知愛日心、
討論開繹帙、驩笑對青衿、識字何唯古、下惟良在今、

九日諸子見過山莊

別墅青山裏、孤亭綠竹前、登高迎九日、濟勝伴諸賢、
露冷班荆處、隱香泛菊年、祇應探潦倒、那不願留連、

狂態歛紗帽、嘲文滿綵箋、因君心愈適、揮麈語相玄、
樵採依崖嶠、農收聒澗田、世情雖斷矣、野興竟蕭然、

夕月宜當燭、寒泉以代絃、明朝歸郭內、佳節在誰邊、

桂源公見其隱居圖、展觀數日、因賦奉謝、

且叙悵戀之情、十四韻

桂冠隨薛荔、隱几對樵蘇、豈料羣塵際、還投絕境圖、

四時園詩集二篇卷之二終

纔開心已遠、稍展觀逾殊、卉木存生意、烟霞起病夫、
回流青壁側、急峽白雲徂、劈斲淵龍躍、依稀谷鳥呼、
桂源分水勢、蕉院在山隅、直訝夢中涉、飄然階下趨、
丘思琴韻響、壑與練光俱、玄語恍逢謝、精功匪滅吳、
平波知海澗、斜景曬帆孤、洲渚相明滅、峰巒互有無、
晨昏忘鶴髮、咫尺探仙區、不羨長房子、深逃縮地壺、

六言三韻律

十四夜、泰安師同諸子見過山居、率賦三韻律

為贈、得愁字、

夜靜巖泉響谷、秋高山月臨樓、無端逢德星聚、況復
從尊者遊、非為興來聽偈、那能老去銷愁、

四時園詩集二篇卷之三

肥後 米著子隱著

板獻徵卿輯
池濱伯虛校

七言律

觀印譜

心畫隨刀款識成，銀硃染得自鮮明，已看任巧全堪比，誰謂秦章未易爭，亂點桃花吹不散，接連霞彩拂仍生，滿箋燦燦千餘顆，會弁如星列姓名，

遇舊女史，慨然叙感懷、

看君小小龍公宮，不與尋常妓樂同，形管合花文愈長，青娥縮柳畫曾工，王孫草色霜中沒，神女雲容雨後空，唯有錦袍存舊賜，餘香猶自帶春風、

自畫北山秋景、且賦此題卷後、

平生悵望北山秋，乃寫烟霞咫尺求，楓映練光峰畔合，鳥隨毫末水中浮，九淵危棧懸巖鼻，三峽寒泉咽石流，憶昔曾攜羊仲侶，祇今惟作少文遊、

夏日護國山寮舍、呈海南尊者、得寒字、

寺後閑房傍水灘，同遊避暑並憑欄，松陰空翠侵床落，竹裏清泉瀉石寒，人戀風流河朔飲，誰知臨眺剡東看，多君彥會平生好，未厭多時此鬱歡、

聞海南尊者假居寶光院避秋暑、因賦寄懷

南溪別院竹林間，無復炎蒸到水灣，苔色應承趺坐遍，松濤知與梵音閑，移巢衆鳥朝飛過，捧寶群龍暮往還，名利從來多勝事，何須更買沃州山、

秋夜松江大夫席上

城池綠水遶林流，暮色蒼蒼片雨收，西郭煙連嘉樹散，南天月傍麗譙浮，絃歌乘暇迎清夜，詞賦登高屬素秋，已見稻花侵縣發，應緣子產殖田疇、

致仕大夫雪山閣居西山、今年七十、因賦為壽、

曾辭跋涉入西林，招隱偏憐歲月深，山探靈芝餐秀色，庭移嘉樹愛繁陰，斑衣霞彩看忘老，美錦春輝駐至今，醉裏遊仙裁曲處，兼聞蕤桂入彈琴、

秋夜過米氏

寧辭折簡往還頻，華髮蕭條意轉親，可愛卜隣依爽垲，誰知近市隔蒼塵，檻前林水秋烟散，樹杪樓臺夜月新，共道謝家群從足，況逢山色闢嶙峋、

秋夜野伯修古公餞過訪、欣然賦贈、得庚韻、

人兄弟、得長字、

憶昔南園嘉樹傍，絃歌風月屢相將，白駒過隙交歡盡，華髮尋盟感慨長，堂背猶存萱草色，樽前為唱棣花章，聞君久已要斯道，預喜聲名入雁行、

至後西莊集、得七陽、

中峰小閣竹林傍，延眺悠然舉酒觴，北郭寒烟連野色，南村霽日辨溪光，向來興逐三冬熟，至後歡隨一線長，不是諸賢能縱飲，風流那得似山陽、

人日山莊小集、得時字、

偶尋春色到茅茨，已見東園百卉移，林下逢迎誰白眼，樽前鼓吹有黃鸝，宜將滿酌酬晴日，能接窮交醉幾時，縱是山阿無一事，蒹蘿還勝綵花奇、

早春野伯修古公餞板微卿過訪、得營字、

林外青山彩翠生，前除移榻弄新晴，春來酒熟迎佳客，雨後花開待早鶯，嘯咏留連須盡醉，交遊寥落不勝情，祇緣同調餘君輩，未絕絃中白雪聲、

再營山莊、今春乃成、賦此申欣樂、二首

其一

營羅山莊賞復新，何妨官暇往還頻，茅茨僅是堪容膝，竹樹從來好避人，迎坐青氍依舊色，雜歌黃鳥報陽春、

喜君今雨重尋盟，說著千秋感慨生，吾黨漸稀狂簡士，雁行無恙弟兄名，綳袍華髮多時別，濁酒黃花一夜情，為道高山堪悵望，朱絃好聽舊年聲、

秋日病中、板微卿過訪、賦此贈之、

伏枕三秋老此身，對君杯酒奈難親，知音漸與朱絃絕，懷舊徒教白髮新，海上金丹誰得道，山阿薜荔未逢人，興來欲賦悲秋贈，自愧無詞似楚臣、

病中九日有懷諸友

何山延眺白雲天，佳節相思轉悵然，豈可登高爭麗句，徒因臥病愛青氍，心馳烏帽諸賢坐，老至狐裘一腋前，遍插茱萸酬此日，獨教華髮異當年、

春日蒼井蟠年寄懷

憐君狂簡已成章，彩筆從來不可當，俊秀名先多士發，詠歌聲入泮林長，香芹新采池中色，美玉兼貽篋裏光，聞說浴沂今有意，欲裁春服一相將、

題字氏盈山石

知君原自世情空，愛石終年興不窮，莫是曾求靈壁際，或疑遙落絳河中，千尋山嶂床頭起，咫尺烟嵐袖裏通，聞說忽袍堪展拜，風流應與我家同、

致仕大夫雪山沒後、重飲續氏宅、席上賦贈主

可憐幽事相關久、遺却衣冠老此身、

其二

早移松樹聽秋風、今日栽花與不窮、題壁春雲生筆底、
彈琴流水過牆東、橋邊靜對投竿客、園裏堪容抱甕翁、
原自山中多竹石、那須心匠代天工、

嚮老山師營別院、乃約春集、未遑携遊、忽爾
逝矣、因賦悼之、

聞君結宇自河東、更約春遊與我同、纔買名山移杖鉢、
忽辭佳境入虛空、蓮花行漏聲何切、貝葉遺文感不窮、
每聽門前流水過、猶疑仙梵和松風、

答井大年寄懷、余時營莊、

頗怪多時伏枕頻、祇應為謝少年人、相知誰戀朱絃響、
同病相憐白髮身、將卜山居隨水石、何如市隱避風塵、
從來國手兼經術、無復名聲並大春、

首春西莊再成、賦此寄伯修、

再營山墅屬新年、百卉纔移更可憐、芹水青烟連野色、
松岡蒼翠散村前、啼鶯幽谷交呼侶、修竹開園似待賢、
爲道共携琴酒去、三杯一曲弄林泉、

同前寄公餘、

營成愧似野人家、門前微微鹿跡斜、綠陰巖阿多辟荔、

彩彌山嶂露烟霞、壇陰舊植千竿竹、檻外新移萬種花、
待爾一窺園裏趣、下帷休謾負春華、

同前寄微卿

大年有携遊約

白髮偏憐官暇長、但將幽事再營莊、庭移彩石雲先起、
圃灌春泉菜轉香、莫道烟霞爲痼疾、非關蒔荔製衣裳、
儻逢羊仲勞傳語、三逕新開竹樹傍、

同前寄續氏

山莊頗與舊營殊、春事偏堪悅老夫、十畝開園花木長、
層崖臨野草堂孤、因期杯酒聽黃鳥、豈惜芽芽食白駒、
空谷從來多竹樹、不知能愛此君無、

春日東莊感懷

重入幽莊路欲迷、卽今琴酒與誰携、林間古道春烟合、
戶外層巒夕照低、芳草池頭君不見、楸花枝上鳥空啼、
弟兄唱和知何歲、滿石茶苔沒舊題、

懷舊贈野伯修

曾隨東海共淹留、客裏年年不解愁、詞賦登臨千氣象、
衣裳會集侍王侯、春風載酒驅山路、夜月同舟墨水流、
此日群賢寥落盡、非君誰識舊時遊、

仲秋西莊小集、得元韻

莫怪蕭條滿路繁、終年無客到衡門、桂花秋老初招隱、

竹樹陰深好避喧、林接小山紫北澗、烟合中野失東村、
不妨延眺還高臥、鳥几青氍兩尙存、

秋日汎神水二首

其一

長川東達野田流、霽日同人共放舟、鴻雁青秋邊淺渚、
兼葭白露滿中洲、西來城閣雲間起、南望峰巒水上浮、
醉後悠然心不繫、烟波行與釣徒遊、

其二

波色微茫接太清、隨風不復問前程、河源髮髻乘槎興、
岸曲回流鼓柁聲、各處釣絲懸夕照、孤村漁網曬秋晴、
從來此地鱸魚美、豈減吳江第一名、

暮秋病中、

默齋主人携詩卷至、披之各體佳甚、
欣然賦謝、
逢迎莫怪爛衣裳、病臥無由勸酒觴、愧乏盤餐兼味美、
但餘籬菊落英香、青囊久戀三山藥、白髮仍添九月霜、
頓愈頭風多麗句、何勞肘後試奇方、

元日立春

芳樹蒼蒼接四隣、坐聞車馬往還頻、簾前餘雪千峰出、
檻外浮烟百卉新、柏葉杯行隨稚子、金花勝就賞初春、
寄言林裏深栖鳥、無恙園中舊主人、

元夜小集、得蒸韻、

不厭年年會友朋、今宵佳興復堪乘、檻前梅柳春偏早、
樹杪樓臺雪半凝、綠綺調來仍和郢、香醪餘得幸如繩、
偏宜醉殺園中月、那用觀他世上燈、

春日默齋飲、得七陽、

負郭幽居水竹傍、歲時淵默意何長、家名難避人間世、
國手齊稱肘後方、檻外杏花饒露露、樽中藥味足春芳、
況逢羹膾盤餐美、一醉寧辭到夕陽、

首夏遊續氏別業、得八庚、

溪光如鏡照人清、上有峰巒彩霧生、群石爭迎垂釣處、
細泉工送浣紗聲、桃林春過臘脂落、杜若花深翡翠鳴、
不用此中携妓樂、松風竟日奏瑤笙、

九日西莊小集

佳節西林宿雨收、乃携詞客共登樓、村烟半斷千峰影、
野色中分一水流、新釀幸逢桑落熟、芳餐僅有菊英幽、
但將泉石供清賞、何似龍山勝會秋、

冬至前一夕、野伯修板微卿問疾、席上賦謝、

得除字

多謝黃昏遠命車、幸逢微月照階除、梅花欲發微陽色、
雲物纔移一雨餘、病裏愁先冬節盡、詩中興使世情疎、

與君晏坐相忘處、真似江湖對釣漁、

歲暮板微卿過訪、席上有詩見贈、率賦答謝、
得六魚、

燈前話舊感居諸、但喜交情老未疎、臥病三冬唯藥物、
因君一夜偶琴書、雪埋苔蘚留寒色、春入梅花逼歲除、
厨裏幸逢新酒熟、休辭滿酌且踟躇、

元夜板微卿過飲、席間賦贈、得光字、
已看春水滿池塘、引客階前草復芳、病起輕風生杖几、
興來良夜對壺觴、可憐雪月梅花色、不假冰燈火樹光、
歲歲招尋君莫厭、此遊期與鬢絲長、

病中懷西莊春事

聞說林莊雪已殘、病來春事欲求難、西山靈藥關心久、
南澗芳蘋入夢看、老大祇應隨水石、清羸豈可愜衣冠、
偏思猿鶴相愁處、蕙帳空垂夜月寒、

余既致仕、將間居西山、賦此申懷、
侯臺何幸日登臨、更接群賢歲月深、豈可不才能製錦、
還將多病竟抽簪、新篇已就遺榮賦、衰鬢猶存濟勝心、
知是西莊春色好、采薇行欲入山林、

入莊口號二首

其一

華簪已易白綸巾、遂入西林避世塵、洞口煙霞如有待、
江山麋鹿轉相親、朝花隱几吟峰畔、夜月投竿坐水濱、
因悔年年車馬地、空違勝事度芳春、

其二

採石山前一水通、樵家農畝混南東、新裁蒔荔衣偏淨、
更釀松花酒不空、林引彈琴青眼客、園容抱甕白頭翁、
但將枕席供吾懶、興在逍遙鼓腹中、

首夏遊西隣續氏釣耕園、得工字、

千章夏木繞牆東、下有潺湲澗水通、回逕斜橋隨地勢、
怪松奇石愛天工、磯平釣客依花際、田靜耕牛臥草中、
但爲山園多勝事、卜居終得作隣翁、

屈廉卿見訪山居、且有詩、賦爲謝、

一謝衣冠偃竹林、養閑終不出山陰、他時疎懶唯高枕、
此日交歡始拂琴、幸有南村春酒熟、請看東嶺晚霞深、
杜衡漸老無人採、偏喜芳馨入楚吟、

晚夏喜雨

密雨紛紛度翠微、漸隨輕電檻前飛、山田傳濼苗交秀、
野樹含滋葉欲肥、雲蔽炎輝連石壁、泉添清響咽巖扉、
東園更有千竿竹、六月秋聲已不稀、

七月八日山齋集限韻

淹留何事愛幽亭、應爲秋涼滿戶庭、日落雙河嵐外白、

天低萬嶺霧中青、只言林月清堪弄、無那村醪薄易醒、
昨夜女牛人盡望、誰知此處聚群星、

歲晚山齋贈板微卿

早拋冠帶隱西林、日夜唯聞水石音、梅樹春回迎好客、
松窓病起拂清琴、設食藥餌三冬過、偶對杯樽一語深、
不用做廬辭信宿、綉袍無恙歲寒心、

元夜板微卿過飲、席間賦贈、得元韻

茅廬深鎖正黃昏、豈料餘寒叩石門、雪映牆陰留暗谷、
烟含竹色滿荒園、山間明月應須賞、世上春燈莫設論、
多爾不嫌村酒薄、年年此會意猶存、

奉答南豐公見寄

錦札遙傳東海濱、披緘語語總驚人、始知他日辭簪紱、
借問誰邊試釣綸、老去烟霞同遠跡、別來花鳥十逢春、
因思赤羽橋南水、幾度隨君採綠蘋、

曉發西山

南行不厭路悠悠、海上春風好放舟、宿雨初晴開澗戶、
曉寒纔盡出林丘、過橋竹裏泉聲住、命駕花間月影流、
寄語山中猿與鶴、暫時無主莫相愁、

經綠川、田子華迎飲清音館、此日始接、喜而

有述、

南川花發偶招尋、把袂偏憐老後心、人賦新知多樂事、
園成佳趣會幽襟、春風杯暖交相得、暮色窓閑語轉深、
前路縱聞山水響、何如絃上有清音、

發松江經桂源、半道過帆香年、不見三十年、

執手而泣涕、遂相携到蕉夢菴、香年有詩、因
賦答謝、且叙感懷、

松江歸到桂源流、忽接綈袍感未休、尺素蕭然疎懶態、
一杯傾寫索居愁、歲年過眼傷衰老、詞賦因君想昔遊、
此會恍如蕉鹿夢、更令羹貽待涼秋、

桂源公隱居、同野伯修賦、

懸車十載老林丘、踪跡唯令我輩求、爲政郡中曾下鳳、
忘機海上竟隨鷗、琴樽靜對千峰色、窓牖遙觀萬里流、
此日桂源招隱處、篇章豈減小山遊、

續氏席上

愛山常不出烟霞、偶爲招邀一命車、認得麗譙臨水起、
攀來綠樹遶門斜、室中夕吹生蘭臭、曲裏陽春入棣花、
老去同心人漸少、往還唯有弟兄家、

酬瑛尊者見寄

問我山中興若何、避喧唯愛白雲多、園林夜靜聞接鶴、

衣帶秋寒製薜蘿、每見新詩仍悵望、欲驚跌坐一經過、
香樓縹緲前溪上、苦憶丹楓照水波、

秋杪訪瑛公、公將東遊、席上賦呈、

梵閣蕭條澗水陰、夜驚跌坐入空林、藤蘿窈窕諸天窟、
葦菊依稀十地金、法塔秋風吹雁過、離筵月色惱人沈、
津梁萬里歸何日、或恐春烟嫩草深、

從子長岡太夫携令子兄弟、見過避竹園、席上

賦謝、

多暇憐君遠世塵、遂忘冠帶接綸巾、禮寬龜父何須避、
機息溪鷗亦可親、一腋孤裘經歲舊、雙雛鳳羽映陽新、
更將堂上瑤琴曲、竹裏操來慰隱淪、

首春山樓眺望

輕風病起上山樓、野色蒼蒼片雨收、谷口花移黃鳥發、
峰頭日出彩嵐浮、東城宿霧千家樹、北郭晴烟一水流、
此地春來多勝事、新開樽酒望羊裘、

春日自茅原、開步至東溪即事、

茅原霽景入看新、緩步開吟涉近隣、城閣依微烟樹色、
田疇聆蕩菜花香、行沽村酒聞黃鳥、去就溪流採綠蘋、
知是淵中魚不乏、漁翁結網倚東津、

野伯修書甫七十、令妻亦六十初度、同日燕喜、

聊作一首、寄以為賀、

看君伉儷鬪紅顏、孫子如雲彩服斑、滿座杯樽欺北海、
數聲歌曲入南山、禮思玉筮齊眉舉、狂比金門割肉還、
從是仙桃應軒長、春風幾度醉花間、

荅大琢上人

開蹊日日望牛車、堂下蒼苔更掃除、跌坐纔開三伏後、
詩篇已就九秋初、無端感興因君動、苦恨交歡為病疎、
此地從來多桂樹、攀援早晚問幽居、

觀野伯修奉憶桂源山莊之詩、因想前遊、悵然

和之、同奉寄月翁老侯、

欲問名園歲月殘、南天悵望雪漫漫、桂源泉石關情久、
松嶺風霜入賦寒、憶昨趨陪花下醉、于今勝會夢中看、
興來將放扁舟去、肯許山陰渡水灘、

元夜山齋小集逢立春、席上分韻同賦、

遊賞頻年不可窮、笑談今夜復相同、繁華莫問觀燈興、
麗句堪爭剪彩工、窓牖青烟連樹色、松蘿明月挂嵐中、
酒闌但恐前溪水、漸送良辰遠向東、

若田生病中懷避竹園奉事賦寄

已看梅花滿翠微、更逢錦字鬪春輝、問吾丘壑携誰涉、
憐汝杯樽與病違、深竹避人仍嘯詠、早鶯求友漸翻飛、

西山休謾思靈藥、服食從來有是非、

井大年席上

卜築何妨近市城、心閑車馬自無聲、已看能在風塵隱、
不用遙尋洞壑行、藥味春芳和酒勸、松間流水入琴清、
煉丹仙侶應難比、經術兼傳國手名、

荅大琢上人同辛翼之、避暑見懷之作、

聞說禪餘與客歡、同吟夜月倚欄干、風高雁塔秋偏早、
水冷龍池暑已殘、蕉葉全經雷雨長、珠林更駐露華寒、
那知君戀山園興、枉作淮南桂樹看、

雨中妙解精舍集、酬辛伯彝席上見贈、

空山相伴問禪居、昏黑寥寥過客疎、萬籟寒聲催木葉、
諸天雨色散階除、林中聞梵心逾遠、燈下談玄弁有餘、
滿嶺白雲可怡悅、謝君持贈勝瓊瑤、

渡瀨瀨經曬浦、是前遊處、

曾乘畫舫此觀瀾、路熟仙區覺不難、舊日枉傳靈運汎、
今來翻作李膺看、前津林木秋陰散、極浦帆樯夕照寒、
欲探十洲三島勝、壯遊何必問金丹、

宿莊氏宅

偶因遊觀一尋君、岸樹維舟夕照分、衰老自憐新把袂、
交歡相得且論文、彈琴夜嘯長洲月、隱几朝看小岱雲、

莫道此亭幽賞少、漁樵兼有白鷗群、

妙解精舍、呈大琢上人

南溪草樹接祇林、纔入空門但夕陰、香案烟侵山色散、
石牀雲宿洞中深、譯成貝葉翻經業、談妙蓮花喻法心、
方外從來非易到、自憐多日得招尋、

酬理師見寄

梵謁飛來野水涯、披緘筆底起雲霞、虛稱隱趣同彭澤、
更愧詩名比謝家、社裏何人能縱酒、梅邊眾鳥幾銜花、
猶思宿昔遊香刹、此日因君感歲華、

妙冬遊津氏新居、居在柏原氏別墅、

名園寄跡世情稀、新結茅廬倚翠微、憐爾假為猿鶴主、
避人兼製薜蘿衣、南村烟透幽林散、西嶺雲連暗谷歸、
已見梅花侵雪發、可能辭醉負春輝、

歲暮草堂小集、贈板徵卿、得五微、

近寒山逕往還稀、多謝黃昏獨叩扉、霜雪如迎添月色、
梅花有待發春輝、終年翰墨仍無恙、衰老琴樽也不違、
相繼更開新歲飲、與君同見早鶯飛、

避竹園入日

幽亭把酒弄春花、眺望前山雁影斜、南澗水烟催百卉、
東城樹色散千家、避人唯愛園中竹、遺世長閑勝裏花、

寄語郊遊諸年少、蓬蒿無處可容車、

元夕草堂小集、得七陽、

春園樹色晚蒼蒼、花氣隨風撲酒觴、已見群星依席聚、更聞流水入琴長、澗烟斜透芙蓉帳、山月閑臨薜荔牆、此夜觀燈人盡醉、誰知幽處弄晴光、

早春送教師歸 京師龍寶山

名監隱隱帝城傍、春早江山少雪霜、鶴影朝隨金錫去、潮音暮送木杯長、白雲有待連初地、玄侶相迎滿上方、衣裏從來珠似月、可能龍寶奪清光、

春日閑居偶興

茅廬寂歷野村西、濁酒清琴獨自携、老去蓬蒿仍晦跡、春來桃李未成蹊、庭陰晝靜啼禽集、谷口雲深過客迷、已覺此中人境遠、居然如在武陵溪、

初夏大琢上人、携諸師見過草堂、席上賦呈、

得七陽、

名藍大士共相將、洒掃新開薜荔房、水竹繁陰迎杖鉢、巖松清吹奏笙簧、緇衣雙繫明珠色、白屋堪添片月光、設道袈裟難可接、喜君終夕此徬徨、

春日大琢上人、將遊靈樹院、就草堂見伴、欣然同過、

春風飛錫過柴荆、相引還移別院行、古道唯餘雙虎跡、前村漸隔一牛鳴、法雲接地衝禪石、靈樹參天擁化城、豈謂空花飄散處、妙談終夕聽無生、

春日都師携行厨、同翼之見訪、且各有詩、聊賦一首併答、

賦一首併答、

茅舍春深負郭西、誰求桃李度山蹊、比丘相伴風騷侶、一壑同尋隱遁棲、石上莓苔供法坐、園中卉木入新題、何知晏晦清齋後、香積餘餐爲我携、

初夏梅隱亭席上、依主人韻、

車馬如雲滿四隣、心閑此境自無塵、簷端逐溜黃梅落、池色籠烟綠竹新、可笑地仙遙絕跡、還將市隱不違親、醉來主客相忘處、似泛虛舟涉水濱、

山居九日

老病無由與客歡、南窓晏坐且加餐、籬邊露葉黃花吐、嶺上秋高白雁寒、遍插茱萸登嶂壁、徒將藥物易杯盤、西風休說吹烏帽、短髮蕭條不可看、

同遂師、携諸子遊梅溪、晚過谷隱軒、

遙隨金錫向山林、移步橋南積翠深、春入梅溪分樹色、水繁香利迸牆陰、清池不淺觀魚興、白首相忘結網心、那用羽人來奏樂、松風竟日足琴音、

冬夜集遂師房、得十一真、

永夜禪房會隱淪、多君未厭白綸巾、山間月色纔分雪、窓外梅花已放春、漏逐六時聲欲盡、經談諸品弁仍新、枉除村釀勞供給、愧比柴桑縱飲人、

歲晚避竹園小集、得十二侵、

梅花如雪滿山陰、偏喜幽人月下尋、四澤欲移春水色、孤松不改歲寒心、他時謝客唯高枕、今夜因君始拂琴、絲髮剩存青眼友、竹叢終作萬重林、

首春避竹園偶作

長辭城郭作山翁、深入烟霞世慮空、竹裏避人頻甲子、花間聽鳥又春風、只將書畫供閑事、忽與詩編落衆中、年少縱觀樓隱境、蒿萊曾不辨西東、

避竹園人日

採石山前幽谷西、村醪始熟早鶯啼、樹籠宿霧連微暈、蘋映朝暉亂小溪、東市彩童稚贈、南郊春菜老農携、林深起臥無人見、凡鳥何妨戶外題、

正月十四夜、遂師同圓達二緇衣徒、見過避竹園、欣然賦贈、得十一真、

金錫聯翩過水濱、多君共愛小園春、問禪合學栽松叟、卜隱徒爲避竹人、玉塵揮來談互妙、華顛病起興方新、

燈光明夜何堪賞、先見摩尼似月輪、

避竹園後暗香舍、有吟詩者、就見則唯遂師與

池生耳、走筆賦贈、

忽聽園南嘯詠音、欲添佳興爲携琴、向來已作抽簪叟、何事猶存辟席心、叢竹林間開臘酒、落梅花底聽春禽、緇徒騷客元無厭、休比張生遁跡深、

過桓嶺師禪房

偶隨流水入禪扉、已許淹留到落暉、佛餉衆香分綴鉢、尼珠清影散緇衣、譯成貝葉文尤秀、讀罷蓮花漏漸微、今日一逢開口笑、何人能得掛眉歸、

大琢禪師房春集

雨後山林綠接連、方看踞蹠照巖泉、溪橋虎跡分春草、村落牛鳴隔暮烟、坐久九年青壁下、心閑一塢白雲前、清羸自笑仍耽句、不似哀猿學四禪、

縮遠亭

偶隨金錫上高丘、到得先分半榻休、郭北山烟連雨足、城東樹色遶江流、不須地脉壺中縮、似是天仙窟裏遊、靈境從來難可涉、自憐延眺且淹留、

退雲樓春集贈主人、主人乞榜字、因及七八句、得灰韻、

石塘花木照樓臺、佳境寧辭取醉回、醅新澗水春波動、
鮪後吳鹽雪色開、行雲故待謳歌退、啼鳥工調鼓吹來、
老後留題尤放縱、謝君還愛米顛才、

立春

薛蘿衣上暖初回、先倚巖阿把酒杯、頻見白駒過隙去、
乍逢黃鳥出幽來、水濱農畝春烟散、樹杪人家雪色開、
聞說勝花爭剪綵、何如塞谷一枝梅、

元夜板微卿同僧泰安、見過草堂、徵卿求余書
畫、因及七八句、

講餘良夜出禪房、佳客携來竹樹傍、已見衣珠添月色、
那須燈火競春光、澗烟細繞蓬蒿徑、山翠斜連薜荔牆、
不是若同書畫好、誰憐狂態米元章、

初秋池生席上

萬木蕭條透短牆、林間爽韻晚偏長、淹留邀月閑凭几、
清嘯彈琴復舉觴、劍合芙蓉秋水色、堂深萱草露華香、
興來滿壁仍書畫、自笑南宮老更狂、

七夕山田生宅集、得長字、

衡門深鎖野田傍、一到林丘但夕陽、竹色總含新粉淨、
米花纔入早秋香、南天鵲影雲間掛、西嶺樵歌露裏長、
誰料雙流河漢外、群星此夜聚山房、

又得樓字

愛汝山居隱趣幽、琴樽不復負同遊、那須鶴駕隨烟霧、
不羨仙槎犯斗牛、嶺上松濤秋氣爽、村前石澗月華流、
但將詞賦酬今夜、俗殺人間乞巧樓、

秋夕怡雲亭集、得秋字、

西山晚翠散田疇、桑柘蕭條境更幽、興遠白雲怡悅意、
賦工黃葉變衰秋、松間露瀟孤琴濕、巖曲泉鳴萬玉流、
但使林園成隱趣、那須方外問丹丘、

叢桂園集并序

嚮井大年營別莊、莊在琴山、多桂樹、園因命
焉、茂松清泉、亦可以玩、鳥之與魚、來集
其間、日狎月親、不亦樂乎、主人曰、或云
大隱隱朝市者、是不知山林隱趣者之言也、
或云避跡于山林者、是不知人間之樂者之言
也、我笑然、栖栖風塵中、時時來往于茲、
而樂山林者也、何必大隱之為、故自號曰琴
山小隱、余喟然嘆曰、在山野溪谷中、而行
樂與人俱、隱豈為小哉、坐上賦其事為贈云
爾、

水石潺湲透舍清、喜君他日數相迎、常違猿鶴隨塵境、

夏日靈樹院卽事二首

其一

長夏禪餘會隱淪、名山不厭往還頻、萬重靈樹唯栖鶴、
十笏精廬好置身、鼎噴雪霜茶候熟、簾含紺碧竹涼新、
枉除村釀停籃輦、推愛慚同瀧酒人、

其二

多謝君容白髮翁、幾人能得上禪宮、醉遊不羨逃河朔、
登眺真如在剡東、蓮想散花天女態、益看咒水道人功、
怪來此境炎蒸少、日夜仍生大地風、
院中有盆荷
後聯故云

九日避竹園、贈泰安師、余時臥疾、

夕梵朝禪不暫休、何知此日到林丘、園中脩竹宜逃避、
窓外連山愜臥遊、多病百年仍止酒、重陽一瞬更驚秋、
盤餐無代醞酬味、聊有疎籬野菊幽、

仲冬叢桂園集、明日賦此、贈主人并大年、

茅廬全似野人看、每入園林意益寬、琴上無絃存雅趣、
樽中有酒足清歡、叢生桂樹經秋老、疎影梅花映月寒、
多謝君將籃輦送、黃昏山路不知難、

和韻答謝

病中得石子文寄題避竹園之作、兼乞余畫、因
華燄燦爛忽生春、彩筆縱橫自有神、服藥身將閑事老、

時入丘園遺世情、桂樹叢生鳥几側、松濤吹落鳳笙聲、
從來此際多棲逸、誰比琴山小隱名、

大琢尊者將遊海藏寺、中路輒舟見伴、欣然賦
呈、是余幼時遊處、因及七八句、

石澗涓涓日色晴、謝君沙際出相迎、幸逢供給香厨美、
更喜遊延畫舫輕、崖上纒分樵者路、山間暗響木魚聲、
何知蓬髮孤村客、重就蓮花法藏清、

歲晚山齋小集、得侵韻、

白屋蕭條水竹陰、何知雪後遠幽尋、梅迎巾寫香先發、
月入簾櫺影自深、謝客流年仍伏枕、因君今夜始張琴、
可憐霜色千莖髮、無恙冰壺一片心、

春日送渡子溫從駕之東都、因賦為餞、

翩翩旌旆向東方、趨從何勞道路長、漸到鶴磯離筑紫、
已過姬島渡疏黃、山間夜月花千樹、湖上春風雁幾行、
他日玉門迎客處、知君染翰接鄒陽、

馬彥章之東都、既而聞海上風惡船破、偶得淺
處上岸、走筆寄問、

積水東流數百程、忽聞船破疾風生、驚龍直入深淵去、
被髮終隨淺處行、可笑觀濤枚叔賦、還欺踏海魯連名、
喜君壯志仍依舊、堪慰悠悠別後情、

加餐字慰病愁新、虛傳隱逸名過衆、那得風流畫絕倫、竹樹只遮門逕長、謾言張鶴畏時人、

冬夕避竹園、贈泰安師、

杖鉢携來自屋前、南窓寒苦且開筵、雪餘夜色清如月、風未寒聲好聽泉、縱愛深園張鶴竹、難爭淨社遠公蓮、漸無良友稱三益、欲與哀猿學四禪、

歲晚避竹園夜集、得濤字、

謝客西村竹裏逃、文章未厭會同袍、山間雪色迎如月、巖曲松聲忽湧濤、抱病三冬食藥餌、因君一夜對香醪、從來性僻長違世、愧似張生隱趣高、

早春山齋、同板微卿讀書、既夕不令即歸、猶

尙與語月下酌、

文章會友屬初年、臘酒新沽斗十千、床展青氈慚舊物、窓開繖映讀餘篇、春風吹斷連山雪、流水分來四澤烟、向夕不須辭滿酌、梅花枝上月嬋娟、

首春不競廬席上

招尋相繼到新年、淑氣晴光更可憐、鷄傍詩書休廊下、鶯調鼓吹過階前、園中花木香浮酒、嶺上松林翠滿筵、此境看君爭席罷、華胥不羨夢遊仙、

正月十四夜、板微卿過飲山齋、諸子亦集、喜

而賦、得鶴字、

群賢霽夕偶相將、恰好山間月滿堂、草色匝池迎染翰、梅風入座勸飛觴、村香暗響樵蘇宅、野燒斜連蔣荔墻、明夜華燈何足問、不如觀此聚星光、

早春臨流菴、贈寬道師、大塚師居而題爲見因及第六句

流水潺湲透法堂、烟昏兩岸樹蒼蒼、諸天雨過新花發、大地風和細草芳、燈下談經揮麈尾、扇頭題偈染牙裝、何知佛餉分香積、野老同餐勝士傍、

同前席上、和寬道師見贈韻

名藍水石恒關情、不厭仍尋社裏盟、珠樹花繁香案發、碧雲光逐彩毫生、燈前夜靜灘聲近、橋上霜寒月色清、籃輿送迎憐脚疾、因君偶得似淵明、

春日遊谷隱軒、贈要師、

春風聽磬入蓬蒿、深愧芟除爲我勞、箒末片瓠飛擊竹、牆頭薄霧散看桃、縱將祇院河邊詠、何似跣趺谷口逃、老去未曾聞世事、知君心與此山高、

海藏寺眺望

鳥外高攀法塔來、山臨滄海鬱崔嵬、幽齋慧理營靈隱、峻奪琅瑯起觀台、千仞層樓分霧出、九天鵬翼拂雲開、此中本是稱難到、唯使閑人覽勝回、

暮春採釣園集、贈遂師、得深字、

三月群芳漸欲沈、孤村幽竊日逾深、餐供菰米當香積、坐掃莓苔倚綠陰、池上忘筌仍晤語、山間隱几共閑吟、枉稱園圃成佳趣、更喜禽魚會道心、

同前贈子介、得威字、

久知蓬髮宦情微、恰好茅廬世事稀、紅朮採來拋短甕、銀鱗釣罷臥幽磯、少年車馬喧堪避、終日琴樽興不違、地僻料君嫌卑濕、春風亦自帶寒威、

暮春大塚尊者、將之京師龍寶山、一日見迎、

時山花盛開、乃賦得花下別以饒、得麻韻、
離筵可惜滿山花、萬種交枝簇絳霞、能使禪樓容酒榼、何妨醉態接袈裟、芬芬經雨春將歇、彩翠成嵐日已斜、自有摩尼如月色、知兼龍寶照京華、

暮春山行、偶過續氏別莊、莊命釣耕園、爲主

人壁間留詩、得陰字、

山行偶爾入幽林、寂寂空堂午色深、猿雀莫疑隣里老、蒔蘿長結主人心、磯閑釣客依洲畔、田疇耕牛度水陰、官暇縱令耽野趣、家聲豈可愧朝簪、

又得泉字

青山如黛薄籠烟、何處風光不可憐、搗網渚中多白石、

浣紗溪畔見紅泉、臘脂猶住桃花色、翡翠相呼杜若前、此豈釣耕名自在、知君欲學富春賢、

端午前一日、過靈樹院、

法雲山色鬱蒼蒼、磴道盤回到上方、赤日漸移靈樹影、白毫兼啟佛燈光、簾清楚竹烟籠綠、席冷江蒲露帶香、習靜本來多得壽、何須續命五絲長、

五月八日、偶過大年山園、園唯有禽魚來集、愛

玩不即歸、乃賦此題壁上、

閑行偶爾入山園、獨坐悠然倚水源、門豈可題凡鳥出、林仍能愛此君存、榴經五日夜纔老、荷擢千莖綠漸繁、知是與人同樂事、淨琴雙掛對清樽、

仲夏過池生筠阿館

數筒琅玕出水隈、將雛鳴鳳彩毛開、綠添堂背忘憂草、露滌林間避暑杯、解箨漸遮隣並長、成牆已隔市喧來、莫嫌嘯詠淹朝暮、醉後須乘夜月回、

月夜板微卿訪山居、席上賦贈、

十里尋涼度水濱、初更乘月問幽人、菜瓜小摘慚羸乏、歲月窮交任意親、忽聽新吟蘇老病、便將清酌養形神、不須艱嶮愁山路、一入荆榛遠世塵、

晏華老律假住戒壇院、不見者三年、近得嗣席

人、今乃歸陰松月菴、欣然賦贈、
錫杖飄然自北飛、鄉關忽爾向南歸、三衣傳得孤僧在、
十戒由來具者稀、心遠世塵猶未染、隱深人事轉相違、
禪樓不改松林月、夜夜清光照石扉、

泰安師孟蘭盆會後、見迎靈樹院、余携酒、七
八句云之爲戲、

中元藉草會佳賓、餘興烹葵引老身、靈樹秋來猶帶綠、
龍宮雨過不飛塵、燈光如月慚蓬髮、爐氣隨風撲葛巾、
莫禁杜家新釀酒、願從蓮社昔時人、

仙桂尊者使齋諸物至、云是吾師聞翁脚疾捐餉、
且問近狀、明日賦爲謝、

憐君侍者遠携厨、直入巖扉贈老夫、報道不堪當餉炙、
管來眞足奪醍醐、慈深香積餐全飽、愁盡清羸病欲蘇、
但使草籠分佛餉、何須藥餌覓仙區、草籠見佛書

大納言清開公令子、既成童、近從大塚上人自
京至、此日妙解寺始奉謁、因賦呈上、事見詩中、

曾混衣冠在玉京、忽逃丘壑入香城、朝參風厭鳴珂響、
夜坐今閑打磬聲、爲侍多才黃峭士、預知千里白駒名、
從他兩髻同流俗、原自歸依道念生、
兒童自東都歸、欣然賦示、

三秋暫泊海東濱、忽入家山省老身、掌上明珠完似月、
堂前彩服燦生春、歸期早已逢瓜熟、供養何況見橘新、
長說白雲飄散處、西天瞻望獨傷神、

中秋前夕值雨、既而晴、原田氏同池生、過
飲山居、泰安師亦携瑚鏡二緇徒來集、欣然同
賦、得千字、

桂樹香浮招隱年、山中晚景滯生烟、共言朗月齊三五、
不惜醇醪允十千、雲氣離披飛錫影、露華連綴繫珠前、
秋來鉢底龍全蛰、幸免騰驤雨滿天、

冬日謝板微卿送鷄鳴酒

君家夜釀實奇哉、纔及鷄鳴便熟來、色借梅花如碎玉、
春留柳絮滿行杯、仙盤承露終無益、禁燭成漿那用開、
笑殺樽中分百味、兼輕抱甕雅舒才、

歲晚山齋集、贈板微卿、得闕字、

夢裏容華共歲殘、興來心緒爲君寬、閑吟並倚烏皮几、
隱趣相憐鶴尾冠、卉木觀移春稍近、樵蘇語少夜將闌、
欲傾家釀須沉醉、遮莫梅花雪月寒、

山居元日

野色蒼蒼宿雨收、新花細草發林丘、牆頭日射千峰雪、
洞口晴開一水流、避世烟霞從作疾、得人猿鶴不知愁、

長餘七十三年興、復詠春風醉裏遊、

十四夜、原子介板微卿過飲草堂、泰安師亦携
諸禪者來集、欣然同賦、得燈字既月南泉禪師事
隨睡亦見佛書

風流二子伴諸僧、先卜今宵偶此仍、曲愛陽春堪激楚、
盤慚酒色不如漚、逢迎重甌山中月、瞋睡誰觀世上燈、
清興超然塵想斷、接君疑對玉壺冰、

元夜怡雲亭集、得歡字、

山野蒼蒼夕霧殘、晴暉漸已滿欄干、風流賦月才誰老、
怡悅看雲意逾寬、地長烟蘿偏增僻、人將火樹謾成歡、
應須酌酒酬今夜、遮莫留連到曉寒、

又得光字主人合字甫六歲頭
敏可憐因及七八句

窓陰地白瓊壺觴、一醉仍歌竒窈章、嶺上片雲纔點綴、
澗中幽鳥欲翱翔、奇工莫問華燈影、清賞何如皎月光、
更向階前攀玉樹、枝枝早已發春芳、

首春泰安師禪房、和見贈之韻、

甘露溥溥竟不乾、凝香日夜滿梅檀、落梅布地迎移榻、
衆木參天覆倚欄、幽興熟來燈下話、詩盟結得社中歡、
自羞沉醉逃禪態、似是清塵濁水看、

避竹園贈鹽山子業子業豐後人
結句故云

泮宮春樹傍城樓、中有絃歌不少休、曾謂日隨多士誦、

何知更就一丘求、竹陰豈可堪逃避、山色應須供臥遊、
留酌莫辭村酒薄、請君傾瀉客居愁、

四時園詩集二篇卷之三終

四時園詩集二篇卷之四

肥後 米著子隱著
板獻徵卿輯
池濱伯虛校

五言絕句

春雨

一夜城中雨、紛々滿萬家、不知園圃裏、更促幾多花、

送太室師之備中

備中路向東、東北山河潤、流水與浮雲、不離君杖鉢、

題宋宗鷄窻圖

烟霧連蕉窓、冥々讀書處、此中有老鷄、知是作何語、

兒童贈梅花賦謝

掌上花如玉、彩衣相映新、不勞千里使、直贈一枝春、

辛子清約遊西莊、有詩寄促、因賦答之、

山中一事無、悵戀何爲久、所有唯白雲、不知怡悅否、

睡起

快哉勝昔夢、孤嶽聳天宮、上有群仙子、遙迎自雪中、

爲雄形氏、題雪山書卷後、

驚君揮寫奇、俊逸信如驥、不用問誰書、由來心畫異、

靈樹院

院樹生靈籟、蕭々雨色間、不辭行路難、獨有法雲山、

西山有懷古公餗、因作題芭蕉、併雜詠寄贈、

欲貽探勝篇、艸々題蕉葉、溪谷與峰巒、令君知所涉、

辛子清贈園菜、且有詩、賦答謝、

怪得青烟起、携來碧菜新、且聞今始摘、猶未供隣人、

山莊偶作

清肅誰家子、黃昏過石屏、無端花氣散、知是折梅歸、

謝辛子清貽羹

多謝調羹贈、供余傾玉壺、只言堪飽飲、不假郇公厨、

掛蘭盛發、招野伯修、

風簾吹掛籠、蘭氣散氤氳、今我琴操有、花前待爾聞、

早春西莊偶興五首

其一

試自山樓望、晴光滿水濱、前峰皆彩翠、何處不青春、

其二

淑氣生溪谷、春風拂薜蘿、蒼々烟樹裏、鳥語雜樵歌、

其三

尋春向南澗、偶值探樵人、因問山林裏、芬芳幾處新、

其四

東園春風裏、移筵坐落梅、隣鷄窺晚食、交過短牆來、

其五

村樹春烟散、溪橋夕月微、忽聞歌詠起、處々探蘋歸、

重陽前一日、寄野伯修、

明日已重九、君欲醉誰家、爲報山莊菊、無枝不著花、

聞野伯修迎諸子飲、兒童亦見招、因勿勿作此、

附以寄懷、

傳聞新霽夕、諸彥聚幽亭、但愧掌珠色、枉堪當一星、

暮秋兒童遊北山、率賦爲贈、

好去名山北、三秋賞不稀、白雲與黃橘、或恐戀庭闈、

兒將發、乞余所寫北山圖、云代鄉道、因賦併贈、

欲識北山途、臨行乞我圖、試看多少賞、恐有舊今殊、

雙川翁見示古硯、云得之魚腹中、且乞詩余、

余亦愕然絕賞、賦此爲贈、

硯池昔得魚、魚腹今求硯、銀帶與金星、何如此一片、

齋中五詠

愛此澄泥硯、欲欺龍尾英、烟雲隨染翰、時自片池生、

右澄泥硯

墨花分十種、無色不青春、總是堪爲伴、笑他三益人、

右墨花十友

翠簾細如楊、結成三尺闊、我來發嘯音、清吹華牋落、

右竹紙閣

遙出翠鋤際、馴來翰墨前、花朝將月夕、對我卽流涎、

右水滴牛

片石一何奇、嵌空含筆管、憐君瘦更清、宜與詩家伴、

右筆架石

答人山中值雨借油衣、

常不出山林、何況風雨惡、油衣莫復言、有酒且留酌、

歲晚有懷板徵卿、因賦一首、併梅花寄贈、

梅花驚歲晚、欲寄益相思、不分東城笛、黃昏月下吹、

遊探釣園、遂過辛子清宅、

東園隨水石、採藥釣魚回、偶爾逢隣叟、相迎勸酒杯、

秋日遊靈樹院、

爽籟生靈樹、涼烟透梵臺、蒼々山色裏、一片夕陽開、

廣福寺池泉

进水何清冷、淙々雜梵音、聞君曾卓錫、轉使賞情深、

山園偶作

幽篁接四隣、下有涓々水、雲岫與烟巒、總如在屋裏、

答厚禪者

君問棲遲意、幽居無一事、西東皆見山、日夜唯聞水、

夏日訪遂師、師時鉏斫山園荒穢、

山園除荒蔓、巖扉掃白雲、片帆時擊竹、無復衆人聞、

淵默堂

虛室全生白、皎然如玉壺、誰知淵默處、不二法門殊、

玄惠師再營寶泉寺、乞詩余、賦贈、

寶泉求舊池、池渴霜華冷、礮石咒清泉、清泉逐脚迸、

山戶氏隱居

松逕聞清韻、琴來晚翠中、愛君能避世、虛白即禪宮、

昨夜宿大琢禪師房、不許即歸、余亦戀々相語

及食時、因賦爲謝、

疇昔偶投宿、今朝猶接師、清言病忽愈、不獨聽新詩、

答池生

南溪春已過、復是探梅期、但恨多風雨、紛芳住幾時、

遂師約遊梅溪、今朝風雨俄至、既午乃晴、因

賦寄促、

梅溪風雨過、晴日照前峰、行欲求春色、多君爲製龍、

謝瓊師惠茶

雲芽香最異、應爲出花宮、新汲巖泉煮、松聲起鼎中、

首春怡雲亭集

愛此山房靜、白雲重不開、莫勞持贈意、片々入衣來、

同前代主人贈諸子

留酌山中夕、白雲深掩扉、欲持贈佳客、各處逐風飛、

三日遊原田氏別莊、晚過合妻房觀勝花、

船詠隨流水、幽房與復移、誰知人日後、更見綵花奇、

春盡田家即事

園花亂如雪、片々滿欄干、休使山童掃、明朝不可看、

送太室尊者歸筑前戒壇院

飛錫終難住、飄然入筑雲、遙知受戒客、無日不思君、

佐公明郊居

偶坐松窓下、聽風晚未回、森沈幽詭裏、空翠撲衣來、

井大年山莊、大琢禪師有詩、書芭蕉見投、走

筆奉謝、

禪餘尋勝地、山逕踏雲同、雲氣隨毫末、併移蕉葉來、

荅池直

暮嶺雲愈白、寒泉月共清、相看秋興足、此外不關情、

謝子介贈梨子

梨子含朝露、瓊枝出籠斜、聞君縱摘取、不是乞張家、

初秋苦熱、會山田生攜麪至、欣然有述、

多謝重羅麪、爲余供晚冷、不須苦秋暑、雪色滿水盤、

怡雲亭秋夕

山間雲帶雨、地上月如霜、泉石將松韻、聲々入晚涼、

柳水舟歸、中路利平出迎、率有此贈、

暝烟生柳水、繫舫欲何依、多謝相思意、篝燈望晚歸、

南溪探梅、得十一真、

聞說南溪上、梅花稍放春、先侵霜雪去、已有騎驢人、

雲漢硯池上、有二白條連綴、因命且題匣、

恍看銀漢水、瀉下瑤池裏、染翰落華箋、雲烟和墨起、

逢遂師

君住阿羅谷、應知谷中事、隣翁栽百花、樹々生春未、

五日暗香舍飲

山雨黃梅落、溪烟綠竹新、興來何所伴、痛飲讀騷人、

印師禪房

巖扉春草合、靜默亦多時、偶入白雲坐、雲深僧不知、

將過釣耕園、先寄板微卿、

聞說釣耕園、池邊花正美、春光不待人、猶有餘香否、

代遂師、和長岡君見問疾韻、

山房春欲盡、猶讀古方頻、頓覺頭風愈、新詩自有神、

泰安師山房集將夕、醉飽甚矣、不覺昏々然臥、

師乃設枕、睡起賦謝、

晚晴山吐月、蓮漏逐時沈、更喜能知我、幽窓展枕衾、

過篤阿館、是日也炎熱甚、池生開窓、而取四

面之風、且設枕、因有此述、余憶處曰踐行園

蕭洒篤阿館、新林綠不疎、冷然清吹發、一睡即吾廬、

兒童之東都、臨行乞詩、卒賦以餞、

名山將大澤、探勝向關東、東海陳詩處、誰如齊國風、

七夕山齋小集、席上分題各賦、賦得七夕經流

紗溪、

浣紗溪畔水、閑逐夜螢流、默禱知誰婦、慇懃拜女牛、

立春原田氏集飲

春意發庭柯、山中引我哂、宛然陶令家、兼有郇公膳

代原氏荅池生、此日原氏同遂師見過、

梅邊迎杖鉢、移榻依幽處、玄語縱同支、華顛休比許、

七言絕句

西歸、賦別野伯修、

歲月長隨東海流、故園西望路悠々、可憐今夜同樽興、

共是明朝萬里愁、

留別古公鍊

驛樹蒼々遶水濱、平明分手向前津、梅花十月江南路、

使者歸時寄與春、

浪華夜泊、遇阿蘇大宮司、大宮司將西歸首二

其一

浪華洲畔水烟開、南浦維舟且未回、豈意梅花明月夜、偶逢環佩美人來、

其二

蘇門西望彩雲中、蒼海青山路不窮、寒渚哀鳴孤白雁、幸隨鸞鳥度長空、

雪後渡播海

薄夜扁舟乘興同、雪華疑見月明來、西天不斷奇峰色、二百灘頭次第開、

長島夜泊

洲前長水與天齊、遙夜帆檣月欲低、唯有亂山雲霧色、鄉關望斷大荒西、

至佐賀港二首

其一

驚濤一片忽成山、帆影飄然共鳥還、萬里長風吹不盡、西天飛過白雲間、

其二

長櫓中斷海門開、大港盤桓凝露臺、臺上試披雲霧望、

千帆如雪碧天來、

元日還家

柏葉樽前金屈卮、還家一醉不須辭、可憐玉樹階庭色、已是春條欲長時、

自東都歸、示板徵卿、

萬里山川探勝回、樽前握手且銜杯、歸程佳興君休問、終乏三都作賦才、

秋江汎舟

秋山彩翠照平波、月出輕舟鏡裏過、十里芙蓉南浦夕、不知何處美人多、

十三夜未卜陰晴、既聞諸子集壁月亭、因賦寄主人古公鍊、

主人古公鍊、

君家白壁照清秋、遮莫陰雲帶雨浮、西郭東隣堪望月、誰知夜色滿高樓、

四時園新歲

青烟纔散柳如絲、稍覺朝來白日遲、歲夕漸繁花樹色、園中興逐四時移、

春日聞永廣翁壽筵、賦此寄賀、

壽席花開黃鳥過、聲々和得九如歌、當樽南有春山好、佳氣今朝幾許多、

友人柳栽

四時園新歲

楊柳參差綠滿門、他時封殖待陰繁、謝君不惜金城樹、枉使青春移小園、

山房春事、得三江

山園花發鳥雙々、看弄春光靜倚窓、曲蓋不知誰氏子、前峰行拂白雲降、

送君山師之京師二首

其一

津梁萬里幾時休、遙度峰巒向海流、舟路東來灘五百、還隨澗水入皇州、

其二

行向清都勝地分、千峰萬壑總迎君、嵯峨最是多奇僻、莫買名山入白雲、

春夜四時園聽子規

子規啼過五更樓、聲入烟雲深處愁、可惜春園花萬種、都爲血淚雨中流、

冬至前一夕、板徵卿過訪、欣然有作、得杯字、

病愁纔盡勸銜杯、欲飲東園夕月開、恰好窓前梅樹色、微陽先促一花來、

古公鍊贈梅、云是園花、因賦爲謝、

園林悵望水東濱、忽折梅花寄故人、城北城南無所有、憐君不惜二枝春、

歲晚答續氏見寄

問我梅花幾漏春、牆東雪後一枝新、每逢明月移疎影、除得香醪待故人、

續氏亭春集、得十一真、

桃李琴樽醉裏春、啼禽亦自與心親、不愁花發多風雨、此會年年足故人、

同席上勸酒諸子、用前韻、

樹々開花雨後新、同樽能賞幾時春、莫辭終夕揉沈醉、原自年光不待人、

答野伯修病中對雨見懷之作二首

其一

風雨蕭々閉戶深、誰憐同病一相尋、知君眼色孤燈下、屈指交遊感舊今、

其二

工賦高唐彼一時、猶思開麗楚臣姿、病來朝暮幽窓雨、惹恨偏長鬢邊絲、

首夏同諸子遊續氏別業、得十一真、

浣紗溪畔問餘春、雨歇前山黛色新、歌詠琴樽芳杜際、

相逢誰是不佳人、

野伯修惠園中二物、各有詩、和以爲謝、
聞君園圃灌江濱、忽折胡麻贈故人、謾道天臺饒飯屑、
何如柔葉細莖新、

右胡麻

芳馨寄贈白河茶、還勝龍芽與石花、此種只今誰得比、
清根原自托詩家、

右茶

暑日池生求昌蒲石、因賦併贈、
自汲清泉瀉玉盤、昌蒲新出石間寒、暑天不用逃河朔、
溪谷峰巒咫尺看、

秋曉

疎鐘片月曙烟中、斜漢殘星挂半空、怪得夜來衾枕冷、
西風零落碧梧桐、

慰野伯修悼孫

掌上新花忽一時、秋風此日不勝悲、但教王樹階前茂、
會見春芳更滿枝、

重陽前一日、板徵卿過訪、余時臥病、

籬邊纔見菊花黃、先解新醪使爾嘗、縱遣秋風催落帽、
病來終乏舊年狂、

早花贈野伯修

早買芳菲封殖深、新花今日發墻陰、一枝不惜園中色、
寄與陽春入楚吟、

贈芥生、生善歌、

聞說春風鼓吹前、昭君兼唱羽衣篇、垂楊枝上花如雪、
飛逐梁塵落舞筵、

向辛子清約遊西莊、近有詩寄促、賦答、

溪上桃華正滿枝、蛙鳴鶯語好聽誰、欲携斗酒窺園趣、
宜及春光不老時、

西莊贈并子琴

遠抱清琴探勝來、憐君原自藝豔才、山中往々多幽賞、
五曲寧無爲我裁、

野伯修贈新麥、且有詩、賦以答謝、

曝麥知同高鳳看、分來先使故人餐、更聞園父纔收得、
不是隣鷄已啄殘、

暮秋續氏園亭、得麻韻、

長樹西邊麗譙斜、延眺悠然對晚霞、山郭水村秋不斷、
白雲紅樹四邊家、

同前醉後既夕不即歸、遂過徵卿、同賦

樓南堂北興頻移、遂入西林晚詠詩、莫怪忽携王謝侶、

君家風月不勝思、

東溪探梅

黃昏微月野村東、欲問梅花入澗中、依岸試聞漁父語、
暗香纔自水南通、

冬日藤子寧寄酒、賦謝

纔解香醪寄故人、梅花恰風一枝新、縱然多病難耽飲、
豈負君家藥味春、

聞賣梅華聲

清香忽散小窓風、誰賣梅華過自東、微月朦朧人不見、
聲聲只在暮烟中、

晚步至平山、山有二松、是諸勝之一、

晚翠蒼々返照低、林樾漸度白雲西、那須更問平山路、
絕壁雙松望不迷、

至後藤子寧過訪、席間賦贈、得七陽

昨來仙律動微陽、已覺交歡共日長、窓外梅花君莫負、
還將夜月勸飛觴、

四時園新歲

四時園裡四時花、花落花開感歲華、園裡長爲花鳥主、
春風六十一生涯、

早春答子清懷余山莊寄贈

啼鶯芳樹野村傍、待爾尋春到草堂、原自西山靈藥足、
何妨采采滿青囊、

和伯修春雨見寄之韻

忽見春風錦字過、問余佳興近如何、老來無復池塘句、
芳艸唯含雨色多、

春日送藤子盛之、京師遍覽諸勝

舟路東連五百灘、春風乘去向長安、遙知大澤名山裏、
多少烟霞次第看、

寄繁卿田君、君善射、

東園三月柳齊黃、花拂彤弓臂上香、百步知君穿萬縷、
無人相見不如牆、

流螢篇

瑤階露結夜淒涼、臥見群螢照苑牆、來去東南秋不管、
風前流得入昭陽、

採蓮曲

紫羅衣上夕陽斜、縹緲扁舟過淺沙、直入芙蓉深處去、
不知攀折向誰家、

得山氏兄弟家釀、却寄、

醪醖不及此新醪、兄弟家名日並高、爲道清風明月夜、
堪將痛飲讀離騷、

賦得月下懷舊、追憶海南尊者、臨流卷
麻上
珠林明月舊時秋、忽逐長江夢裏流、此夜重遊君不見、
桂花空自滿香樓、

暮秋寄懷田生覽勝在北山十首

其一

長山秋色定如何、楓樹祇應落葉多、二十三峰行欲盡、
還隨水石向磻陀、

其二

磻陀瀑水碧天來、聲入雲山作怒雷、下有騰龍千丈窟、
不知何日探珠回、

其三

連山北透抽臺長、衣袂從沾滿樹霜、原自洞中多異草、
一枝那不寄秋香、

其四

龍頭龍尾白雲間、知爾乘風次第攀、懸路千盤秋不斷、
丹楓映出萬重山

其五

赤鹿山前九曲流、西通筑水遶豐州、試看縹緲雲霞際、
秋色都如畫裏收、

其六

回壑層巒道路難、滿衣霜露幾時乾、山中處々多靈液、
浴後焉知九月寒、

其七

遙思寒谷石泉清、細竹猗々岸曲生、翠露秋來應更美、
奪將南箭會稽名、

其八

山南一水遶村斜、叢菊秋深滿逕花、中有風流隱君子、
請看園趣似陶家、

其九

流憩園中流憩時、園中秋興不勝思、遙知賓主東籬下、
並望南山上酒卮、

其十

主客相携涉近隣、每逢佳境興逾新、山川美在秋冬際、
料爾歸程入小春、

九月十七日、四時園贈諸君、得歌韻、

憶昨西莊問薛蘿、共歎烏帽涉山阿、可憐此日東園菊、
也入諸賢醉裏歌、

奉酬桂源老侯聞余營不乏墅見賦寄二首

其一

白屋蕭條倚一丘、松泉不乏洞中秋、深林縱是堪招隱、

何似淮南桂樹幽、

其二

聞說閑居愛桂源、多時何事憶荒園、遙知高閣難爲水、
泉石松蘿不可論、

桂源老侯夢遊不乏墅、乃賦其事見寄贈、欣然

作此奉謝、

松下清泉咽石流、聞君夢入白雲遊、何知報寄詩中語、
枉比逍遙谷口秋、

余所愛盆榴始實、喜而有述、

可憐盆裏小榴奇、結子秋來賞復移、晉代若教安帝見、
還將六實易微枝、

河野生乞盆榴、因賦併贈、

盆底纔抽赤玉枝、爲分佳色掌中移、芳名莫問新羅種、
千葉何如尺樹奇、

首春寄屈氏

已見黃鸝求友來、弄春何處最徘徊、城中濟々青衿子、
同採香芹泮水回、

春夜小集、得吹字、

暮色東園月出時、前除移榻勸金卮、幸逢牆外梅花發、
莫使城中玉笛吹、

桂源老侯聞余致仕在西山、見寄二絕句、兼有

四物惠、率賦奉謝、二首、

其一

工裁輕帽寄幽人、併與長筇憚此身、老去多時無勝具、
綠君丘壑欲尋春、

其二

多謝風流老使君、雙柑斗酒爲相分、無端添得山林興、
能遣春鶯醉裏聞、

答野伯修見寄

詩中知夢白綸巾、何幸交情老轉親、每屬梅花明月夜、
前溪載酒望佳人、

奉答桂源老侯見寄懷二首

其一

卜隱元同老後心、幽莊營得倚山林、巾車幸問荒園竹、
敢比張生逃避深、

其二

起臥悠然老桂源、幽叢應逐歲年繁、多君招隱傳新曲、
早晚倍歡對酒樽、

元日山居偶興二首

其一

一 逃幽谷再逢春、黃鳥年々狎角巾、欲向梅花深處醉、
香醪恰寄自東隣、

其二

靜依芳樹望平田、東北山遙雁影懸、原上茫茫春艸色、
林垞何處不青烟、

其三

採石山前野水東、橋邊摘菜步春風、獨來獨往誰相見、
只有南園抱蠶翁、

綠川舟行

行見洲前水似藍、山華有待照平潭、棹歌莫使眠龍駭、
欲探明珠向日南、

過琵琶潭

清泉鳴玉過山陰、餘響潺湲透竹林、身在琵琶潭上聽、
猶疑裂帛四絃音、

赤松山、山生載酒出迎、欣然賦贈、

赤松山上赤霞浮、有客開樽待一丘、傾得已知同沆瀣、
似求天路作仙遊、

宿吉氏宅

水竹蕭條暮色寒、欲投佳境向前灘、愧君已掃幽篔簹、
枉作王猷嘯詠看、

同前美仲瑞來見、因賦爲贈、

傍人誰愛探珠才、握裏清光惜未開、乃欲投君君莫怪、
只今新自日南來、

懸壺亭飲、得十一真、

市後高樓倚暮春、千峰紫翠雨中新、怪來縮地烟霞異、
原自風流賣酒人、

同前酌酒、與伯修用前韻、

千石香醪釀得新、興來頻勸滿壺春、正如瀼水清澄色、
不用先生漉酒巾、

訪山氏

常將翰墨對青山、心遠終年吏事閑、借問何時最乘興、
丹楓秋色白雲間、

贈嚴居嶺

峰巒爭秀白雲間、險路千盤次第攀、回看昨來探勝處、
朝烟半斷海南山、

水嶼

層巖成嶼出湖波、中有源泉混々過、此日壯遊觀海處、
誰知一水賞情多、

白嶼

乍訝驚濤一片來、山光如雪海中開、可憐仙侶同舟興、

多少瑤花摘得同、

遍覽南鄙諸勝而歸、中途過桂源公山莊、公有
詩見贈、率爾奉答、

南遊歸興此經過、澗戶春深長綠蘿、若問山川何處好、
烟霞最傍桂源多、

南鄙中題

設將遊觀度三春、短屐扁舟興更新、探勝遙過山海路、
烟霞何處不留人、

暮秋山齋小集、晚際值雨、得多字、

纔延好客倚山阿、秋雨雜々入薜蘿、我有綸袍君且宿、
泥深澗道暮寒多、

梅花贈野伯修、是前年南郭先生所惠、

聊折梅花寄所親、慇懃看取一枝春、由來赤羽橋南種、
曾乞芙蓉館裏人、

至後答徵卿見寄懷

至後南園白日遲、前溪梅樹著花時、聞君夢不離林渚、
爲折春芳寄一枝、

初春山齋、和野伯修見贈之韻、

樽前一晤屬新年、芳樹啼鶯總可憐、但恐山園多少勝、
詩中謾向世人傳、

春日送北村氏歸 京師

好去長安大道春、桃花柳色日應新、知君深在紅塵裏、
更學墻東避世人、

春日聞和田翁七十壽筵、賦此寄賀、

花滿侯臺翠瑟前、趨陪幾度醉春筵、千金豈可論爲壽、
不淺殊恩七十年、

壽中根翁八十

新釀流霞勸羽卮、壽筵沈醉不須辭、自今長使紅顏駐、
會見王喬共等期、

臨流蒞席上、得麻韻、

澗水南繁紺字斜、玲瓏珠樹照清沙、峰雲遙送諸天雨、
散入紅樓便作花、

秋日瑛尊者見訪、席上賦贈、得秋字、

多君定起問林丘、暫接袈裟慰病愁、簾外羣峰皆爽氣、
澗中何處不清秋、

奉寄桂源老侯

桂花源上桂花秋、香逐清風日夜流、君自神仙誰不羨、
攀援眞作月中遊、

有吉君好栽菊、近盛開云、乞余詩、因賦爲贈、
秋園叢菊奪春花、籬下開樽白日斜、幽興謾稱彭澤宰、

誰知佳色在君家、

送德應師之京師龍寶山

何妨上國路悠悠、錫杖凌空不少留、遙憶名山雲霧窟、
群龍捧寶待東遊、

送郁師從瑛尊者之龍寶

香城縹緲帝王州、金策追隨大士遊、但使尼珠衣裏繫、
不須龍寶窟中求、

送俶師同前

上國遙從法旆行、途經紫野是香城、名山初地何須問、
龍寶清光霧裏明、

初冬山齋小集、得雲字

半天風雨雁紛紛、北郭南村夕照分、自愧山中無一事、
請君看取滿峰雲、

冬夜板微卿過訪、席上賦謝、得心字、

雪後前溪月色深、幽人半夜過山陰、可憐縹緲扁舟興、
十載猶存訪戴心、

答識師見寄懷

聞君夜月憶山園、應為峰峰雪色繁、料得珠林光最異、
松蘿寒影不堪論、

冬日送海師之羽州

好去津梁萬里程、流年欲盡入香城、羽山到日如憶我、

雁塔春風一寄聲、

經小天窟

海濱珠樹擁溫泉、異艸花深曲岸前、設道華陽靈窟在、
誰知小洞此開天、

答珍師

新裁梵偈寄山陰、爲我偏稱竹樹深、三逕往還唯二仲、
何妨衣鉢入幽林、

答常師

禪餘何事憶西林、應爲山阿隱趣深、纔製初衣人便怪、
非師誰解辟蘿心、

答悅師

禪餘裁出白雲篇、却向人間不惜傳、怡悅那堪山客意、
日將清詠撫無絃、

歲杪臨流菴集、有懷梅隱翁、因賦寄贈、分韻、

東林寒月照梅花、樹底涓々石瀨斜、此夜社中仍許酒、
無人不道憶陶家、

歲暮山齋飲、板微卿既醉將歸、率爾賦贈、

殘燈傾盡出柴扉、澗道休愁夜雪飛、無恙我家書畫舫、
蓬窗高枕夢中歸、

西山新歲

木竹猗々遶野田、夜來微雨响如烟、一丘一壑尋春度、
何處林芳不可憐、

早春答板微卿見寄二首

錦字飛來澗水濱、問吾杯酒與誰親、黃鸝似解樓遲意、
先入衡門報陽春、

其二

車馬墻東一水陰、却將佳興度流年、奉來不淺青霞色、
誰信君家有洞天、
來詩云古洞春回未弄霞

大室尊者遊北山、賦此贈之、二首、

其一

北飛金錫向名山、萬壑千峰遍往還、遙憶龍頭巖石上、
安禪日在白雲間、

其二

瑤瑤堂下紫苔生、雲樹千重響梵聲、君去試看靈液色、
應同八解浴池清、

答宮童子

忽見飛來錦字新、奪將霞色照衣巾、雨髭坱々諸童子、
詞賦如君更幾人、

冬夜答板微卿見寄

雪後西林月色新、聞君此夜憶綸巾、幽樓縱似山陰趣、
無復前溪放棹人、

元夜山齋小集、贈板微卿、得六魚、

年々此夜會幽居、喜爾交情老未疎、溪上梅花如有待、
新懸明月照琴書、

向辛子清約梅溪看花、風雨不果、有詩寄促、

率爾賦答、二首、

其一

溪上梅花欲發時、琴樽早與故人期、驚風忽送西山雨、
一夜春芳盡謝枝、

其二

梅溪雨歇水光分、擬咏春風一伴君、今日幸逢村酒熟、
啼鶯好藉落花聞、

梅溪卽事

一搥琴酒向梅溪、春霧着々樹色迷、借問開花何處在、
夜來風雨落爲泥、

太室師六十壽詩

遁跡居然六十春、禪林依舊綠猶新、延年不爲三山藥、
覺得無生過法身、

送太室師之筑前假住戒壇院

忽飛金錫去飄然、彈指經過筑海邊、聞說假爲名利主、不知何日是歸年、

夏日送辛子清之東都

清風躍馬向東方、萬里山川探勝長、前路不須愁暑色、芙蓉白雪照行裝、

秋日溪行

山前流水透田斜、樹色蒼々各處家、橋北橋南秋不斷、白蘋紅蓼滿溪花、

元夜小集

一拋冠帶七逢春、多爾仍憐白角巾、此夜華燈人盡賞、誰知丘壑月明新、

春日山叟宅看花、晚際遊遂師房、

山櫻開落野人家、樹底班荆對晚霞、一聽春風幽梵響、還從虎跡問袈裟、

寄遂師

知君跌坐古松陰、春艸迷人日夜深、誰入山中爲伴侶、白雲明月滿幽林、

初夏過靈樹院、登法雲山絕頂書石、

長夏山林綠接空、法雲深處是禪宮、更攀靈樹登高頂、

萬壑千峰一瞬中、

夏日宿臨流庵

孤月亭々象外山、臨流偶坐古松間、橋南此夜多車馬、誰信喧中也得閑、

叢桂園

焦尾山東鳳石山、梧桐秋老桂叢閑、他時每聽鳴琴響、明月清風數往還、

春日靈樹院席上二首

其一

阿羅谷口法雲深、雲裡攀來靈樹林、處々春風花似雪、但疑身在雪山陰、

其二

靈樹千重欲上天、樓前野色遠含烟、春陰淡々歸鴻影、萬落齊如在海邊、

感舊

少時何幸寵偏長、幾度陪歡鼓吹傍、忽見錦袍存舊賜、新裁繡袂護餘光、

春日遂師見贈花、且有詩、因賦答謝

工裁麗句寄幽人、併折花枝照角巾、溪澗即今冰雪遍、誰知靈樹別生春、

秋日叢桂園集、得六魚、

谷口雲深過客疎、只看流水透階除、秋來處々多生桂、不似琴山隱士居、

秋日酬松氏見寄懷

偶得新詩慰病愁、吟來靜對桂花秋、無端佳興因君發、先拂清琴倚一丘、

同大琢禪師遊靈樹院歸、既歷我門不即入、猶尙與語、不覺過東村、因大笑、乃歸就舍、明日賦此叙狂態、以呈禪師、兼寄諸禪者、

只尺吾廬路忽迷、清談未已遠相攜、諸君縱笑狂夫態、此興還堪比虎溪、

宿大琢禪師房

一雁飛過塔上霜、漏聲纔盡月蒼々、松窓寂歷幽巖曲、唯聽寒泉夢裏長、

睡起呈琢禪師

山窓高臥即吾廬、一睡昏昏任客疎、忽聽曉鐘驚借問、東來嶽日影何如、

冬日遂師同原田氏見過、喜而賦、得十五剛、

禪餘忽爾出名山、詩伴攜來水石間、溪上梅花如有待、好將清詠月中還、

红柿贈梅隱翁

山園朱菓粲寒光、寄與幽人佐舉觴、不用餘酣漱泉石、水盤盛得滿枝霜、

將遊梅溪寄徵卿

山樓明月夢梅溪、起望前峰雪色迷、知是橋南春信早、琴樽欲與美人攜、

答徵卿者

雪後山阿路未分、薜蘿深處絕人羣、虛閑莫是禪心會、茅舍三間但白雲、

熊生求余書賦答

欲寫黃庭老轉難、墨池冰雪不勝寒、可憐林叟華顛色、全似籠鷲玉羽看、

和遂師詠紅梅之作

名利紅梅已滿枝、恍看天女散花姿、知君樹底安禪處、似是桃林照眼時、

山居新歲

謾道人人生七十稀、猶將琴酒弄春輝、山阿不淺青烟色、欲製新蘿易舊衣、

爲池生兄弟壽其翁七十、

墻東一自避風塵、起臥悠然七十春、更見階前雙玉樹、

當樽齊照滿庭人、此詩在卷中

首春怡雲亭集、分韻、

山林春翠接花宮、仙梵樵歌聽不窮、更有白雲可怡悅、此心誰得與君同、

怡雲亭飲、歸路值雨、主人監與見送、明日賦此寄謝、

夜醉孤筇下翠微、山雲作雨忽侵衣、謝君監與扶衰老、也似淵明廬嶽歸、

春日遊靈樹院、分得十五刪、

春風乘屐向前山、仙梵微々白日閑、佳境漸移靈樹色、禪房深在法雲間、

又得十二侵
法雲山上法雲深、說法臺前但夕陰、嫩艸春香跌坐處、花既靈樹萬重林、

又賦此贈遂師、用前韻、
空居幾載倚幽林、草色春回坐轉深、怪得禪餘多俊句、峰巒水石滿窓陰、

池生有詩、問余近事、賦答、
茅茨深鎖竹林中、三逕唯教二仲通、此外山園何所有、松泉日夜響牆東、

答山田生

清琴濁酒竹林中、散髮狂歌與爾同、人在烟花深處醉、誰憐懶性白頭翁、

答池直
常棣花開芳艸池、春來佳興不勝思、謾言弱冠多名士、小謝風流似者誰、

首夏遊靈樹院、得親字、
猶思靈樹早尋春、重入林中綠已新、深院從來難可到、唯教山叟得相親、

山居五日
紅榴綠竹素琴傍、野水山雲繞艸堂、老疾堪將閑事養、何須續命五絲長、

瑞雲菴
簷簷林間一路分、銜花幽鳥自成群、那知六十年前客、重上名山入瑞雲、

夏日聞遂師臥疾、因賦寄問、
千重靈樹蓋禪居、長夏山中過客疎、靜者從來能勝熱、今朝起色定何如、

答桓嶺師
貝葉翻飛妙偈來、人間和曲奈難裁、看君清思如秋水、

何事兼稱聖名、
和池直靈樹院席上之韻
牛鳴僅隔野村西、靈樹陰々望不迷、回壑層巒行欲盡、法雲深處是禪棲、

答池生
怪來霞色照衣巾、彩筆銜花字々新、老去南宮狂未已、聲名豈比好驚人、

避竹園贈諸子、得深字、
三間茅舍倚山陰、下有潺湲石瀨音、門逕只從叢竹合、謾言張鷟避人深、

余將遊筑前、池生有作、率爾賦答、
何妨山海遠遊回、依舊猶存勝負來、雲霧窟中多梵刹、無人不要許詢才、

秋夜怡雲亭、原田君有詩見贈、走筆和答、
西村夜色靜林丘、石瀨涓々月影流、怪得詩篇多遠興、山中起臥白雲秋、

答山田生白雲樓寄懷之作
飛樓縹緲白雲間、南北平臨鳥外山、聞說長檠蓬髮醉、欲驚高臥一相攀、

渡後水登田生白雲樓

真使蓮花自口開、六祖偈云蓮花從口發

寄懷太室老師假住戒壇寺二首

其一
北入名藍護寶壇、無非四衆不相歡、近來授戒知多少、料得南歸隱遁難、南歸隱遁壇經文

其二
菩提老樹綠猶新、境畔成陰更幾春、知是滿枝甘露味、一時堪起病禪人、

山齋酬子介見贈
戶外南山雨色晴、籬邊三徑暮烟輕、喜君稍識琴中趣、乃抱無絃向月明、

立秋後遊靈樹院
下方桐葉欲飛時、靈樹猶能綠滿枝、如使楚臣遊此境、秋風搖落不知悲、

同前將歸、晚際雷雨俄至、遂師監與見送、走筆為謝、
雷聲逐雨響山丘、欲出禪扉不自由、多謝君將監與送、今宵脚疾頓忘憂、

答山田生
問我新篇幾許成、衰年藥物但關情、從來自愧彫蟲技、

行寒聚藻渡南川、欲贈幽人一繫船、遮莫橋東車馬滿、飛樓遙在白雲邊、

答章師

一醉城郭隱林丘、朝度岡巒暮澗溪、從是未曾聞世事、閑中但與白雲遊、

歲晚板微卿過訪

謝君山館雪中尋、為解新醪對酌深、無恙絕巖老松樹、龍鱗結得歲寒心、

聞有懷山園春事者、因賦示童子、

已聽黃鸝報早春、微風簾外一花新、羣賢若問山園事、為道雲深不見人、

早鶯

鶯歌鶯舞夢中迷、捲幔晴光滿小溪、起就落梅花下聽、聲聲已在酒旗西、

山行憩櫻井氏莊、灑掃施設、不許即出、余亦

悵戀、留坐至夕、因賦申謝、

竹樹林間碧玉盤、興來清酌偶交歡、非君誰得聽長嘯、愧作王猷簡傲看、

初秋寄懷太室尊者、在戒壇院、

南歸隱遁定何時、已見秋風百卉移、壇上如雲諸弟子、

不知衣鉢欲傳誰、

追悼海南禪師

玄偈平生數討論、天遊忽爾竟無言、唯遺梵體千餘字、神理綿々匣裏存、

靈樹院晚歸

一聽昏鐘出竹扉、虎溪橋北雨霏霏、乃憑籃輿過前路、人道淵明復醉歸、

泰安師遊東山、臨行卒爾賦贈、

寫經橋上彩雲傍、行聽秋風鶴唳長、仙路從來難可涉、心隨飛錫坐飄揚、

遊平井氏菊圃

憐君開徑種秋芳、却在城中逸興長、自有南山當戶秀、故添佳色照靈觴、

同前向夕、不許即歸、籬邊張燈復酌、

三徑燈光次第生、晚來沽酒復同傾、花前籬外都如月、笑殺陶家虛得名、

遊不之園

為政風流已十霜、却將多暇愛幽莊、園中不乏松泉響、更聽林間鶴唳長、

約遊梅溪、前夜雨、恐諸子見泥濘、怯出必愆

往期、走筆更促、

夜來風雨過梅溪、咫尺前村宿霧迷、朝起試聞樵者語、新花全發早鶯啼、

經梅溪過谷隱軒

遠尋春色入梅溪、何處鐘聲杳霧西、村落看花行欲盡、還隨源水就禪棲、

雪後寄泰安師

忽訝梅花已放春、回看雪色淨無塵、他時豈少參禪客、昨夜誰為斷臂人、

謝井大年寄鷄鳴酒

誰掃山烟早叩門、寄來家醞正盈樽、且聞纔及雞鳴熟、始信難同桑落論、

歲晚不競虛夜集、得窮字、

一樽何幸與君同、此夕歡娛不可窮、恰好梅花枝上月、斜移疎影過牆東、

首春梅花落者過半云、余南園中所栽、今乃初

發、因有此作、

簷南始見一枝梅、可愛花間移鳥來、若道春光不相待、何因今夕舉觴開、

送霍師之京師龍寶山

名山北繞帝畿長、行掃烟雲上法堂、龍寶知君先探得、投來莫謾惜清光、

送教藏司之京師龍寶山

山鎮皇州擁法壇、途繁紫野入旂檀、定知寶貨仍無盡、君就天龍窟裏看、

送絢藏司同諸禪者之京師龍寶山

香閣亭亭紫禁西、如雲法侶共攀躋、縱令烟霧遮初地、龍寶山光自不迷、

送表藏司之京師龍寶山

天外巍々龍寶山、掃雲遙向日邊攀、請君看取珠如月、莫是緇衣繫得還、

送松氏遊京師

馬蹄遙向洛城邊、千里山河探勝年、歸到待君持贈物、囊中豈少白雲篇、

送西氏赴京師

花間樽酒數相携、忽向春風送馬蹄、到日長安芳漸歇、前山處々杜鵑啼、

約南溪看桃、既而雨、恐諸子期不至、走筆寄促、

溪上紅桃已滿枝、春遊能得幾同期、幽林著雨花應好、願及臙脂不落時、

南溪看桃歸、歸則值風雨、明日原田氏有詩見寄、卒爾賦答、

夾水芳菲照酒杯、同人昨日賞春回、去程縱使迷風雨、似出桃花源裏來、

為邊子高賀其祖母八十八誕辰、

仙桃樹底紫霞杯、王母堂前青鳥來、料得自今三摘子、清狂本有歲星才、

春日送島翁遊京師

好去鶯花滿帝鄉、興來琴酒弄春光、西山最是多名勝、但恐彌旬戀賞長、

井大年宅賞牡丹

夜來微雨牡丹新、幄護香霞住暮春、豈為豪華爭比屋、但將歡賞不違親、

又得先韻

韶花映發露華鮮、不盡春香滿綺筵、世上謾稱金谷勝、未知名種在君邊、

嚮寬道師投玉石二顆、見乞余紫刀、今乃彫刻、

併鈕成、因賦一首附贈、

燦々瑋瑋照掌寒、摩尼光彩奪應難、他時縱供禪餘玩、刀未微瑕不忍看、

首夏天鏡師遊釋迦峰、因賦為贈、

釋迦峰頂白雲端、錫杖飛過古法壇、聞說餘春留積雪、雪華知作雪山看、

端午前一日、過泰安師禪房、師見許酒、且有

詩、因賦答謝

榴花先映紺林新、且見高蒲出水濱、併泛杯中供一醉、恨為多病獨醒人、

送紫澗翁之勢州謁神廟

靈廟巖然華表開、主祧相引且徘徊、料君鈴渚鳴泉裏、直探蘋蘩蕪得回、

夏日送山田生之東都

東關遙隔海雲端、暑色依稀道路難、不改芙蓉天際雪、寒光猶自照征鞍、

詩寄贈

曇華老律師見乞余所鐫篆印、因製一鈕、併小漠象從來可擬難、何況衰老眼華殘、文章為愛詩家技、煥彩還供淨社看、

夢逢兒章、章時在東都、

每逢風月憶佳兒、夢對紅顏覺後疑、嘶馬誰家聲不斷、歸裝正見解鞍時、

寒宵裁簡向爐邊、爐火如星亂落箋、僮子在傍稱妙手、無端字化作雲烟、

蓬萊石、宥師所藏、見乞余詩、因賦一絕寄贈、

綠石盛來白玉盤、摩尼清影並生寒、知君無量神通力、移得蓬萊咫尺看、

酬吉田翁見寄

遙聞白髮謝華簪、何處山阿遁跡深、我亦從來耽隱趣、非君誰解辟蘿心、

冬日遍照師寄紅梅、且乞詩、

紅梅寄贈兩三枝、先使春華入我詩、不啻赤城霞色似、兼思天女散花姿、

謝要師惠盆梅

講餘携到一株梅、璨々新花帶雪開、多謝禪心無所惜、還移五級鉢中來、

立春不競廬飲、既夕不許即歸、移席復酌怡雲

亭、醉後更賦、得寒字、

春風移席坐逾寬、暮色張燈酒欲闌、嶺上白雲迎發彩、醉中霜髮不知寒、

暗香舍春興

梅花深處坐春風、風送花香滿舍中、花裏誰為黃鳥侶、

戒壇院老律師、見惠鹿丘茶、因賦遙謝、

謝君遙寄鹿丘茶、卽汲巖泉煮露華、應為清腸詩伴少、先貽雲外隱淪家、

七月再風、田作無害、蝗為之散者過半、不亦

幸乎、因賦寄從子長岡太夫、

詠蕎麥

驚風亂颺曲溪流、農畝群蟲不少留、自是今秋禾黍熟、齊稱子產植田畴、

詠蕎麥

蕎麥花開野水邊、半侵閭巷半侵田、農收他日知多少、但恐秋霜早滿天、

秋夜集子介山莊、莊有怡雲亭及不競廬、

共是悠悠不競心、

山居至日

雪裏春風送暗香、山間彩霧帶初陽、南村欲問梅花去、此興堪添一線長、

歲杪立春

東城餘雪衆人家、北渚輕風一雁斜、不用奇工勞彩勝、何如獨酌弄梅花、

冬夜倚爐作書、致誤令燒、因戲示儻、

華顛七十四山翁

同前

山翁曾植一株梅、無數新花逐舍開、自有春風能解意、清香吹入濁醪杯、

首春暗香舍卽事

偶迎佳客倚幽窓、花氣隨風撲酒缸、林麓更聞輕屐響、追來誰子探梅降、

送遍照師歸天岬島

天草島中天草香、香飄兩岸海風長、浮杯好去潮音裏、玄侶迎君滿上方、

首春同諸子遊梅溪、憩谷隱軒、得來字、

重入南溪共探梅、新花無數傍流開、禪林更有旃檀樹、添得清香引客來、

怡雲亭春興

重上山亭望白雲、白雲無盡每隨君、隨君似解君遊賞、故作春霞綴錦文、

天鏡師自釋迦峰歸、見訪山居、極談其勝、因

賦申貪戀之情、

釋迦峰上紫雲飛、珠樹玲瓏照石扉、聞說院中收七勝、勝遊偏羨探奇歸、

送遍照師之增上寺

名藍隱々白雲端、遍布黃金地脉寬、寮舍三千分界處、知君獨似遠公看、

觀喝食典公書

如雲雨鬢結英々、彩筆含花梵篆成、意畫縱橫翻不止、愛君千里白駒名、

宇野東風校

古城貞吉重校

四時園詩集二篇卷之四終

靈雨山人詩集卷之一

四言

高臺、仁德天皇臨臺、望民殷富而作也、

登高臺兮、瞻望我民、斯靈斯燬、其煙霧兮、其屋斯鱗、
登高臺兮、瞻望我國、斯靈斯燬、其煙霧兮、其屋斯翼、
登高臺兮、瞻望我土、豐年多稼、賑彼饑寡、斯靈斯燬、
其煙霧兮、其屋斯夏、

高臺三章、二章五句、一章七句

有灌、美時歌也、

有灌者淵、維魚依之、豈弟君子、民庶歸之、
有灌者淵、維魚游之、豈弟君子、民庶休之、
有灌者淵、維魚躍之、豈弟君子、民庶樂之、

有灌三章章四句

露之灑灑、養老禮行也、

露之灑々、被彼枯楊、此日何日、言拜其錫、從公之所、
詒粥及醴、受言嘗之、詢熟且旨、
此日何日、與公同好、言拜其錫、詢恩且厚、公曰于嗟、
于嗟我老、匪帛何煖、匪肉何飽、引爾窶爾、俾爾壽考、

黃髮稚齒、于嗟我老、

露之灑灑二章、一章八句、一章十二句、

磨璞、美國君好學也、國君好學、則下民化德、

友朋相須、道始成焉、

言磨其璞、匪礦何得、言學其道、匪友何翼、

磨璞磨璞 不差其則、既見君子、赫々令德、

磨璞二章、章四句、

湯々、美稻氏也、言稻氏治水、三農着緒焉、

湯湯洪水、襄彼山墟、邑里爲淵、人民爲魚、斯漂斯溺、
斯失其居、

公曰于嗟、天之辜我、哀今之人、亦離其禍、誰翼我事、

治彼洪水、乃顧左右、命斯稻氏、

斯之稻氏、奉命敬止、匪逸匪豫、來援我死、原野茫茫、

洪流瀾瀾、斯決斯導、至海之淡、

他山之石、中林之薪、是拆是轉、築彼之濱、繼變者女、

儲彼南泄、既聞女歌、其誰不喜、

築陂丁丁、餘波既平、無溝不通、無田不疆、嗟我士女、

實竭其力、得魚與鼈、薦彼艱食、

彼險之子、胡而其酷、執策叱我、有睨其目、既見爾來、

斯跽斯踞、豈敢憚勞、懼爾之勳、

稻子來止、我其生矣、稻子不來、我其亡矣、其生其亡、
 稻子能之、子兮子兮、吁嗟靈哉、
 吁嗟美哉、彼川之陂、誰其築之、民庶攸々、無士無女、
 築之無懈、
 築之無懈、不日成矣、斯種黍稷、彼樹桑梓、桑梓蒸蒸、
 黍稷離離、
 吁嗟康哉、代之邑矣、水之斯繁、山之斯業、斯居斯處、
 斯就其業、維材維木、其用罔極、維魚維鹽、其利匪匱、
 于野謳歌、于鄉飲酒、令聞不止、永懷爾德、
 湯々九章、一章六句、七章八句、一章十四句

勸學

悠悠川水、流至于海、逝者如斯、日夜匪懈、聞古之人、
 死而已矣、見今之人、於何自棄、道遠乎哉、思之在茲、
 有嶽者岳、維塵成基、升高自卑、其下有岐、驥行千里、
 匪也一躍、鴻歷四海、匪也一搏、禽知載飛、獸知載走、
 人而不學、焉知斯道、

五言古

雜感五十首

扶桑海之東、日月出其中、神人踰天橋、來往紫微通、

戮力于上帝、已成立極功、功成傳玉璽、邦國維神封、
 誰其履帝武、靈妃降月宮、玆焉生斯民、孫子振以隆、
 文字代結繩、為政見國風、風化被異域、四門延來賓、
 浪華宮畔樹、花枝衝雪新、東風揚清香、乍報天下春、
 高臺望祥氛、人煙自氤氳、鷄犬千里外、鳴吠杳相聞、
 焉知帝之力、鼓腹太平人、衰職垂衣裳、無為貴清真、
 緝熙懸日月、忠誠感鬼神、自從延喜來、微言以為珍、
 兒女巧製錦、斐然五色文、白玉失光輝、青蠅營為群、
 怨怒變正聲、丘戈亂胡塵、君王何所愛、桃李嬌芳晨、
 三十六離宮、蹊道繞花分、仙妹迎玉璽、絲管日紛紛、
 當時重生女、歌舞進荒淫、蝦蟇來陰雨、白日已冥沈、
 敵苟飭與興、唯唯乎中潯、禁燭漸染指、覬覦思不禁、
 同車戲路傍、帷裳行露淋、往觀春日野、春蘭結芳心、
 要我西臺夕、花月照香衾、歡窮始識悲、夢味成古今、
 看花遠憶君、乘月步庭陰、花月皆依舊、舊人難復尋、
 一身空彷彿、泣涕滿衣襟、獨有中郎婦、深坐調瑤琴、
 流水何潺潺、總是白波吟、吟罷絃亦絕、誰繼其清音、
孤山云、欲言白波、故先言流水、欲言流水、故先言潺潺、樹思亦若矣、

茫茫波郊甸、誰維啓初基、我祖執耒耜、予以蘇蓬茨、

東皇嬰其坊、假農事曲折到處北郭發其菑、西瞻深其流、南川築其陂、
 蕤蕤傷我足、風雪裂我肌、牛馬已彫墮、僮僕盡衰羸、
 隣伍憫我老、同心扶耘耜、水耕也火種、力作不言疲、
 田圃從此廣、作習如何孫子堪可綏、春至桑鳩鳴、農夫喜天晴、
 五日風娟娟、十日雨祁祁、言播其百穀、嘉種曠以滋、
 桑女不治容、提籠相追隨、抑伐此遠楊、抑摘其柔枝、
 野村歸路遠、晚籜蠶既飢、蠶亂難作繭、唯恐女功遲、
 老母佐采桑、踟躕澗之涘、嗟思我公子、何以將報之、
 錦裳且繡衣、萋斐機中絲、絲帛故有餘、可以衣幼者、
 秋風入村樹、涼露湛園葵、稔稻正薺薺、黍禾亦離離、
 王事時既息、我屬無勤思、從今事收穫、得莫後祖期、
 其始築場圃、田峻喜可知、四憐情疆旅、慰食課孫兒、
 戴星出閭門、驅犢向郊岐、婦子最遲勉、遠餉勞不辭、
 禾稼三百廛、露積如京坻、惘斯孤寡子、衣食欲恃誰、
 穢穢墾田間、秉穗自滯遺、薄言滌場罷、合哺康年豐、
 公家倉廩實、饒賑慶勤農、處處雞犬聲、靄靄烟火通、
 春酒淳且香、舉觴勸社公、眉壽真可介、純嘏之攸同、
 鄉里迎賓友、饗宴誦頌風、大婦具鷄黍、小婦烹蒿葱、
 女伴相經過、杵歌助姑舂、中夜始就寢、吉夢殊不空、
 晨起新盥嗽、爰卜其應熊、婦人催力尺、衣裳預裁縫、

歡言生多孫、可以嗣祖功、祖功苦難嗣、屢過饑饉至、
 碩鼠群我田、螟蟥害我穉、何況旱魃虐、炎光燒天地、
 地作十字裂、天無一雨施、金石正銷鑠、黍稷焉得植、
 婆娑雲舞兒、鼓笛設遊戲、誰能變陰陽、可以當天意、
 王言年非我、豈識民困匱、官吏夜叩門、辟標不能寐、
 虛室唯四壁、租稅奚自出、婦女憐吾寡、顛覆俱百揆、
 中谷刈葛藟、東池瀝麻葉、杼軸無日夜、札々鳴不止、
 絺綌兩三匹、焉能盈一筥、婦有菱花鏡、女有玳瑁珥、
 呼童屬東肆、未足償陳吏、吏情少仁恕、颺言槌牀哭、
 哀矣叢中雀、踣踣懼鷓鴣、吾性何伶俜、已被皇天棄、
 世路多難險、無往不窮頓、去年鬻田宅、今年賣孫子、
 男為羈縻僕、女為倡家妓、狂風拂春花、飄零總相似、
 一別各東西、焉知生與死、衰老無人扶、凍飢不能起、
已言桑女不治容、此言女有玳瑁、何相矛盾、嘲罵山人到此嘆曰、先農田
 畝唯勤、故其婦女亦唯勤、不敢天治、及至今世、農夫愈惰、故其
 婦女亦稍修飾、故貧有花鏡、曾藏玉珥、所以破產也、

其二

吾國可以利、吾家可以利、機巧亂舊政、誰復言仁義、
 舌在匪是出、憂心恍如醉、貧賤賢為愚、富貴愚亦智、
 多錢傾王侯、高爵誇榮賜、已見市廛兒、青雲展長翅、
 意氣何驕奢、飽飯事遊戲、珠玉買蛾眉、樓臺喧歌吹、

郡小仰下風、陪趨求親媚、野人會隣伍、家政各計議、
語群皆悲辛、事事總失意、豈守墾畝中、生涯苦凍餒、
皇天不顧我、我民於焉庇、何如遷有無、西東趨城肆、
城肆百萬家、寶貨饒停積、一朝如得志、富貴兩可致、
自茲辭田廬、耒耜乍投棄、莠莠日蕪沒、驕驕無人地、
願言穀農夫、長此勸鋤治、

其四

楚國饒蕪澤、君王美宮室、唯荒色與禽、歡樂情非一、
騶子中本作馳、騶字作騶並驅從群醜、車騎耀青雲、
恩顧誰最是、林虞也官嬾、並驅從群醜、車騎耀青雲、
騶子中本作馳、騶字作騶鞭拂垂柳亂、蹄踏落花蕪、
腰橫白羽箭、身著紫羅裾、陸離如流星、窈窕爲行雲、
鳴弦無虛發、飛翼墜繽紛、焉暴其虎豹、焉脚彼麒麟、
王言美且武、左右誇功勳、紛々輕薄兒、誰是忠義臣、

其五

十九首之遺音東風吹麥隴、青青滿陵坡、中有雉子雉、嗚嗚求其雌、
一啄也一飲、翔止自相隨、采葑誰家婦、感之心傷悲、
終朝不盈筐、悵然有所思、裁書報君子、怨情一何長、
懷昨沫之鄉、携手弄春芳、夙夜方綏綏、多露濕衣裳、
贈我紅芍藥、芳信非相忘、同車與君歸、呼君始爲郎、
郎去成邊塞、妾啜泣空房、紅顏能幾時、荏苒送春光、

君歸妾自耻、那似舊時妝、昔者將借老、老去棄路傍、
浮雲無歸處、隨風或飄揚、牆頭誰成蹊、桃李晝陰陰、
新花非我春、狂風拂故林、夢驚芙蓉枕、腸斷鴛鴦衾、
掩面從是別、淚滿紫羅襟、妾身何足傷、傷若無德音、

其六

瞻彼筑波峰、微涓或可斷、下有不測淵、頽波何淼漫、
豈知紅圍裡、非亦是湯津、莫言不濡軌、臨深遺其身、
溺水猶堪救、其奈淫溺人、

其七

遐舉在中郎、風流多微辭、三都也九州、游冶任所之、
芳艸染錦裳、瀟瀟神仙姿、漂泊道路間、春容已傾移、
風花逐霜葉、露落玉樹枝、一朝窺明鏡、綠髮成素絲、
鄉國何茫茫、所思在天涯、平原信馬歸、歸程香難期、
乍聞秋風引、瑟瑟使人悲、誰能爲此曲、無乃小野姬、
下馬暫相尋、秋艸正參差、其中如有人、嗚咽欲語遲、
彷彿似夢中、言言皆往昔、記妾二八時、蛾眉傾城國、
人道桃李華、尙難比顏色、長安輕薄兒、夢寐求不得、
感君輾轉思、妾心潛悅憚、願爲雙鴛鴦、來去長比翼、
比翼一分飛、山川異棲跡、思君尋何處、東南亦西北、
譬如波上萍、漂蕩無流息、君子不思反、中心獨悽惻、

誰與歸其居、無人弔怨魄、蓬棘纏雲鬢、風雨傷眉額、
生死空爲別、別恨何時極、嗚呼唯吞聲、雙雙淚沾臆、
怨清言不盡、東方忽已白、唯見空欄腰、儼然在路側、

其八

城東春水綠、芳艸滿汀洲、吾來釣其中、長竿拂碧流、
誰家白玉童、遊戲青翰舟、錦衣凌綵霞、翠蓋映清波、
可憐鄂君情、解釋越人歌、柳陰迴棹處、花媚舞袖前、
清風來水上、紛紛亂管絃、白鷗飛不集、潛魚逃于淵、
吾亦從此去、長嘯五湖天、相顧無相識、浪跡思先賢、

其九

虎狼競人肉、猛噬何不仁、五日噬一人、十日噬一人、
虎狼雖可懼、焉似彼暴秦、秦漢括天下、苛政殺萬民、
哀矣爪牙間、難以脫此身、何處尋樂土、花深武陵春、
顧推

其十

作禽當作鳳、作獸當作麟、麟趾頌公族、鳳儀期聖人、
麟鳳雖德衰、猶未墜風塵、豈與豺狼爭、遂遠鳴鶴群、
嚴霜凋碧梧、中天有綵雲、神物能滅影、去俟德輝新、
俟字中本作待字

其十一

窮魚在涸轍、自稱東海臣、欲一躍王舟、曾經游孟津、
頓失風波勢、泥沙曝此身、吳牛喘月時、大車煙塵起、

昊天胡嘖我、吾情熱如燬、群蟻却得志、願我何倣倣、
真是眼底有珠、眼中有書、不然何以証明此等妙語乎
莫穿我眼底、眼底含明珠、莫擊我腹中、腹中藏素書、
書以報營丘、珠以光隋都、未抗圖南志、或恐肆中枯、
葛偶餘潤二川樂集作誰激西江水爲余潤喉

其十二

鵬鳩生七子、盈盈在棘榛、朝昏雌與雄、含哺能平均、
未報願復恩、中心難俱申、一子化爲鷹、萬里駭如神、
風期誰得知、暗與楚王親、何時擊大鵬、可以搏九天、
徒磨此鐵爪、猛氣久鬱然、親老弟妹稚、寒酸有誰憐、
欲別尙廻翔、身似繒繳纏、雲夢違宿志、難偶游獵年、
啄粟率場圃、護巢偷葦條、條弱巢難護、風雨屢飄搖、
蔽之以羽翼、羽翼亦譙譙、提携向何處、延頸思遷喬、
喬木不可休、群鴉相屏扞、叱嚇張其翼、怒氣何猛悍、
予潛不能奮、轉擊墜林畔、嗚鳩繞林鳴、餘子驚散亂、
於呼我何辜、晏天乎號喚、却被燕雀笑、心腸寸寸斷、
晨風我良朋、相看供永歎、永歎悉無我、其奈此急難、
請看孝子志、千載在揚名、自在樞樞中、預期四方行、
半途失驥尾、躊躇日將傾、立身當有時、零落一書生、
風前樹不靜、對之心悲傷、因學老業子、綵衣戲高堂、

其十三

構思亦不凡
寶鳥啣松子 飛欲向仙鄉、乍被天風吹、飄零委路傍、
既已涵斯活、可以凌風霜、誰知衆艸中、踐履厄牛羊、
豈無棟梁材、幽陰久蔽藏、側見桃李樹、含笑賣艷陽、
路人行且迷、花下逐芬芳、文木非貞真、玉樹耻先容、
秋風一以起、誰能持青葱、心期千霜後、錯落分蒼穹、
高條期鸞鶴、蟠根思虬龍、塵境非吾土、願托蕊珠宮、

其十四

獨立南山樹、喬喬凌雲霄、烈風無時休、蕭索碎枝條、
由來松柏質、難成楊柳姿、欲任隨時流、峻節不可移、
時流變節二句樂集作豈不難離脫節竟難移

其十五

青青春楊柳、袅袅綠池、上有好鳥語、間關三月時、
何人繫寶馬、游冶輕薄兒、金條掛玉鞭、飛花撲酒卮、
誰道春堪贈、路傍多別離、東枝也南枝、折盡寄那誰、
欲以蕃圃困、紛紛亂若絲、

其十六

空中一片雲、飄飄欲何依、已自出岩岫、未向故山歸、
倏忽難駐影、黯澹更失輝、誰道雲無心、變態有神威、
漢歌大風起、飛揚入帝畿、萬民表天瑞、光彩映錦衣、
嘆之漂蕩子、自言雲相似、何時從龍吟、爲雨灑大地、

失十七

雞卵難時夜、雌雄誰相分、中有海鶴雛、傲然思不群、
自辱與一場、爭食日紛紛、弱羽不能飛、悲鳴九天聞、
延頸空徙倚、凡禽却賤君、君本神仙侶、何久在風塵、
他日蓬瀛間、翮翎凌綵雲、

其十九

燕雀集華堂、顧盼有輝光、鶴穿玳瑁簪、燕棲芙蓉梁、
朝飲其玉池、夕啄其膏粱、應笑一大鳥、雌伏蓬蒿傍、
尺艸難蔽身、悲鳴苦雨霜、何日搏長風、萬里直飛揚、

其二十

驥駟紆櫪下、詎辨駿與駘、傳聞鎮西壘、昔日產神駒、
一登鐘山路、聲價傾名都、內厩三千匹、筋骨誰得同、
奮迅忽長嘶、萬里起雄風、菟河何渺瀰、春漲翻碧空、
鼓繁殷如雷、三軍碎劍鋒、何人爭先濟、所營獨折衝、
縱橫蹴怒浪、滅沒似飛龍、所向皆辟易、一當萬夫雄、
餘勇真可賈、千秋感大功、異代空嘆息、良御難再逢、

其二十一

空谷何所有、蘭蕙秀且滋、馨香爲誰發、猶任清風吹、
垂釣者誰耶、箕踞臨溪湄、烟水濕裘褐、霜雪上鬢眉、
猶任句樂集作清風日夜吹

其十八

吳卿辭日本、西向帝都遊、海路不可窮、雲濤接天流、
帆迴縹緲間、三島暨十洲、其餘之名山、如萍波上浮、
手以壁岩嶺、衣以擷雲煙、贈之李謫仙、藻思同相憐、
相迎入華清、四坐起周旋、天子賜顏色、王侯陳寶筵、
簪弁何嶢嶢、聚星聚秋天、清風洒翰林、高談推群賢、
蹤跡天下遍、名聲古今傳、猶仰三蓋峰、明月照舊篇、

其二十六

渺茫海門西、登高望欲迷、濤勢蹴遠天、連山雪摧頽、
群鬼何髣髴、來去驅風雪、孤島人不見、陳迹徒悲哀、
懷昔京國人、嚴譴遠城臺、驚波轉浮萍、漂蕩不擬迴、
陟岵且陟岵、父母何在哉、海澗無舟楫、天長絕雲梯、
瞻望無所處、踟躕泣蒼旻、靈風來日邊、口御紫泥文、
啓絨生顏色、照蘇忽飛神、附翼從此去、去時遺一人、
飄然不同首、影隔萬重雲、于嗟不我活、中心俱誰去、

其二十七

妾有五色綉、光綵滿玉筐、欲以贈君子、貝錦未成章、
願借天孫機、織得作衣裳、

其二十八

牀頭白玉壺、美酒清於冰、可以歡鬼神、可以宴親朋、
二月滿園花、芬芳酒中凝、欲飲杯無物、寂寂倚前楹、

生平老匹夫、誰識帝者師、三千六百鈞、豈與小魚期、
所期鈞六合、欲以報明時、皇天借我手、西顧牙璋分、
虎變威何猛、鷹揚思不群、長風生四海、倏忽卷浮雲、
一朝天上日、光輝舊邦新、

其二十二

三百六十日、日醉城肆傍、如意碎玉壺、高歌強自長、
肝膽向誰論、懷古神飛揚、請看貫酒者、乃維漢家皇、
贊龍驤萬山、風雲何渺茫、忽已脫鈞弋、飛騰入咸陽、
閭闔懸日月、光輝被八荒、自愛錦衣春、萬乘歸故鄉、
大夫當如此、笑此一書生、時平事筆硯、何因振英名、

其二十三

虎豹陷坎井、翡翠遭網羅、于嗟爾何辜、文綵維珍嘉、
所以賢達士、藏光在岩阿、儼以采薇蕨、寒以製薜蘿、
考槃養幽意、悠然且詠歌、日出炬更微、洗耳清冷波、
高山不可攀、空此仰嵯峨、

其二十四

落落千丈松、豈爲微風殘、陶令辱折腰、歸去脫衣冠、
田園未全蕪、籬菊猶可餐、見山逞顏色、壺觴心轉寬、
富貴何足道、總爲浮雲看、

其二十五

曷把彼星斗、與君同相傾、

其二十九

聖人製衣冠、上下各有等、龍與龍同窟、魚與魚共流、請看白帝孫、曾遊漁潭中、已被漁箭傷、赫怒愬天宮、變服無貴賤、何如辨魚龍、請看三字樂集作既聞曾遊二字作微行漁箭句作漁箭集其目

其三十

朝涉飛鳥川、清淺不漸裳、晚歸尋故渡、怒漲忽橫揚、汀渚却為淵、滔滔不可方、人情與波瀾、翻覆誰最頻、更見貧懷人、棄如路傍塵、吾有一壺酒、停杯俟嘉賓、耻彼花裡鳥、嚶嚶弄芳春、

其三十一

為鳥莫為鵬、為魚莫為鯤、潮落鯤忽枯、風歇鵬難竊、鷓鴣遊籬隙、陽喬躍蹄涔、物各貴適意、何論高與深、

其三十二

生涯何所營、鷄鳴趨西東、得隴又望蜀、行路幾時窮、日月不相待、倏忽如飄風、今日朱顏子、明朝白髮翁、啼鳥求友時、百花為誰紅、聊傾一壺酒、歡樂與君同、沈醉若休辭、芳時難屢逢、

其三十三

其三十四

其三十九

百年如宵夢、宵夢百年身、人君為僕所、僕所則人君、一貴還一賤、寤寐各相分、請看天歷數、却在艸間人、漢火燒秦天、宮闕已灰塵、是非何用論、狂風拂浮雲、愛我杯中物、可以澆愁腸、醉來忘身世、高臥春園傍、栩栩花際蝶、隨意逐芬芳、

其四十

既非鯢與鵬、亦搏風濤起、東鳴于扶桑、西躍于弱水、釣弋何所慕、一舉千萬里、借問是何為、乾坤不羈士、

其四十一

梁王在園囿、歡宴與誰新、清池排明鏡、高臺接青雲、春天饒雨露、花草自榮紛、麋鹿王前戲、鴻雁王傍馴、如問賢者樂、其奈此下民、

其四十二

可憐雪衣娘、飛來映玉堂、麗質誰得似、却奪月娥光、花紅終不染、樹綠獨分明、能言耽殊寵、每待君王傍、詎知厲之階、本自舌端成、

其四十三

華軒載衛鶴、金殿索旅燕、珍奇真可愛、干城托汝曹、笑彼鬼豎夫、蕭蕭老蓬蒿、

味谷脚顏影、明月升東嶺、兩曜如飛電、晝夜迭相聘、灼灼桃與李、艷陽開光景、殘香未辭枝、蕭颯秋風冷、

榮枯各有時、萬事一何窮、向二字樂集作何既聞東陵侯、種瓜青門中、

昨是千乘君、今守一畝宮、富貴豈長在、恍與夢寐同、願我服元氣、天外駕飛鴻、

其三十五

昨日觀流水、今日觀流水、今水非昨水、光景忽淪毀、男子四方志、于嗟吾已矣、曷借明駝足、一躍度千里、

其三十六

皎々天上月、夜々照前楹、愁來耿不寐、蟋蟀牀下鳴、大案古風多此三句所以相乘往昔歲將暮、百卉歇芬芳、嗟我思美人、瞻望水一方、欲從無舟楫、延頸徒彷徨、酒樽在我前、琴瑟在我傍、不鼓也不酌、中心悵以傷、絺衣與葛屨、其奈此風霜、

其三十七

曾為青袍客、負笈辭庭闈、父曰嗟我子、去矣幾時歸、言向不詳此所以然不遇也心期在汝玉、敦琢報光輝、欲答耻不才、明主與我違、獨羨反哺鳥、遙向故山飛、

其三十八

樓鳥擇高樹、躍魚樂深淵、魚鳥各有歸、游子何飄然、大案前句有二頃田其能明辨否余種知其有甫田之嘆也欲還營農圃、既無二頃田

其四十四

瞻彼玉樹枝、玲瓏且葳蕤、為能借雪色、全勝百花時、誠字中本作清中有二株株、何以辨誠潔、深林不見睨、愁心鬱如噎、吾來弄清香、春色忽堪折、折之欲贈誰、與君同歡悅、休向世人傳、誰知花將雪、將字一作與字

其四十五

劍客短後衣、意氣何揚揚、未讀一字書、生平唯佳兵、笑看仇家血、淋漓乎寒鏗、中作傍如何見人尙如雛、吳鉤膝前橫、中有青衿子、停杯意自傷、中作傍如何獨懷換玉杯、斗酒爭相傾、由來不習戰、生長在文場、惡少相磨浪、兒女何多情、仲尼喪家狗、文王姜里禽、文力弱於錦、豈可拔一城、笑傲傍無人、鼻息素寬侵、汝亦逐下風、我輩難論心、哀矣鬪場雞、毛羽碎離披、不見泰山高、焉知溟渤深、誰能決浮雲、可以答明時、聖人不得已、凶器猶用之、

其四十六

山中無神仙、海上無神仙、唯是筆硯間、靈跡杳相連、六六之名山、崢嶸乎目前、鬚髯古仙人、羽衣何蹁躚、鬢眉皎如雪、桃華顏色鮮、自道服元氣、不記幾千年、願我撫我背、授我以靈篇、長跪解龍絨、五綵爛雲烟、本是玉洞秘、世人焉得傳、冷笑秦皇愚、謾役徐市船、

長鯨數千里，長鯨數千里，雲霧蔽蓬萊，吹澇成雷雨，白日昧海天，童叟三百人，漂蕩不復還，他日如我求，雲霧但渺然，

其四十七

人云伊太素，辭交與世逸，問君若何意，意氣獨卓卓，笑拂衣上塵，塵尾指雲岳，岳神鍾雲烟，而鑄我容貌，容貌則雲岳，雲岳則容貌，大塊以為與，高天以為嵬，日月書窻燈，風雷鈞天樂，試欲濯吾纓，滄浪之水濁，舉手決銀河，河水下澆澗，新染造化筆，寫來五岳圖，上有群仙名，一一是我徒，同遊應相待，前期在清都，

其四十八

世人既棄我，我亦棄世人，獨住天地間，傲然出風塵，山林以為家，江湖或垂綸，移棹隨明月，拂石臥白雲，雲月未棄我，來去自相親，

其四十九

老父慨其嘆，嘆聲徹蒼空，人呼為狂夫，詎識實也翁，老母哭叩心，泣涕揮如雨，人呼為哀女，詎識實也姥，問姥何所思，問翁何所悲，欲答再三咽，魂消語亦遲，吞聲說家難，難在彼小兒，兒也累純中，如之何勿噫，由來高節子，難枉為夸毗，總角製菱荷，塵外寄幽姿，每乘趨庭暇，深愛山水期，高屐躡巖岩，短棹拂漣漪，

朝唱濯纓歌，夕誦叢桂詩，病色煙霞染，心事風月知，十一學書畫，十三學文辭，今年纔十五，日夜下素帷，稽古而傷今，還遺與世移，詠嘆傳餘響，風動萬樹枝，言者本無罪，問者何所疑，訟庭受嚴譴，生死一在茲，翁姥徒斷腸，鄉里相謗嗤，傍人扇青蚶，營營點美玉，光輝乍黯澹，連城焉得爛，于嗟乎蒼天，片言誰折獄，粟無可以下，金無可以贖，白日空赫曦，難照吾心曲，

其五十

天若不成章，雲漢不在天，地若不成章，地應無山川，成章配天地，萬象皆斐然，其人與骨朽，誰繼古聖賢，斯文長不喪，猶為吾黨傳，仲尼事刪述，照照春秋篇，千載仰末照，赫與日月懸，考聘虛無士，意遠言亦微，藏光毫髮中，神行且龍飛，陶潛歸去來，豈伊折腰人，臥遊耽詩酒，田園楊柳春，李白天仙侶，風流詩無敵，乘流采明月，雲波沒行跡，伊質其何人，卷身蓬蒿間，遊心于大素，下不窺塵寰，胸中何所有，三十六名山，孤山曰，韓退之以文既道，李太白以詩既道，雖未知其果得道與不得，然其文與詩之卓越千載，蓋亦在乎是矣，今大素亦以詩既道者也，故曰，詩之大原，出乎天地，天地授之仲尼老聃，仲尼老聃之後，寥寥莫繼，獨陶潛得之，李自得之，唐，今大素欲繼詩統之傳乎

千載之後，其所期望豈淺乎，余雖未知其果得道與不得，然亦知大素之詩之超出時輩，蓋亦在乎是矣，大素勉勵，又云，陸子靜有云，陶淵明李太白有志吾道，如子靜者，可謂之牝牡驪黃之外，今大素亦並稱，可謂有見解，

遊仙詩

浩浩且浩浩，雲波滔千里，誰將問蓬萊，無乃秦皇使，樓船載童叟，漂蕩迷煙海，神仙遠乎哉，潛跡混朝市，藏身在藏名，修道在修意，汝南稱靈公，周廷游柱史，安事控飛鶴，高蹈凌天外，

游米大夫探釣園

嘉樹何蔚蔚，欣欣鬱春榮，委蛇羔裘子，退食自公城，寬政有餘暇，逍遙養斯生，瞻爾貴丘園，泉石幽且清，薄言載琴酒，思樂彼之庭，林壑良成趣，真意與吾并，堂宇被綠葉，泉水泛朱英，流目觀發發，傾耳聽嚶々，釣于調鮮食，采之和美羹，舉爵又既醉，爵盡餅自傾，娟娟花間月，餘輝爛前楹，偶爾有新詩，吟罷還忘情，六月望夕，汎舟二丁港，乘潮泝綠河，

江山過輕雨，潭影影且朗，疑見波底珠，吐光脫靈蚌，回首望東岳，明月上仙掌，月欺三五秋，潮漲二丁港，

山水交相映，奇觀不可像，擊汰泝空明，飄飄盪輕槳，翮若挾飛仙，御風凌天上，舉酒酬明月，緬寄滄洲想，清輝凝玉杯，榮似金莖沆，含之如啜水，齒牙何冷爽，銀鱗出深淵，發發衝我網，豈其必吳胎，即是神仙變，鸞刀割紅鮮，酒賜可以養，設酌君休辭，人生在俯仰，感之醉又醉，物與我相忘，

夢遊大金峰

我讀名山錄，無如金峰勝，欲往陟高岫，我馬久疲病，煙霞凝想囑，寤寐神魂騁，真遊無隔邇，一身成風影，倏忽向南麓，氤氳乘春景，栩栩逐芳馥，深深迷花徑，花徑連陰壑，明滅望不定，巉巖層失脚，愕如陷深窞，綠熊啤雲谷，玄猿嘯松嶺，仰天空躑躅，兩岫絕石梁，輒起山鬼伏，吠去如龍驤，飛絕千尋瀑，蹴裂萬重岡，天風拂我足，飄颻素霓裳，憑高送遠目，天地正茫茫，雲霧擁群岳，何辨學仙場，臨風呼小角，遙答寶螺聲，要我虛左局，豫掃白雲堂，手啓珊瑚櫃，示我古仙經，其書乃鳥跡，爨爛紫泥章，讀之纔一夕，頓使心骨輕，笑着朝天服，翩然謁真皇，宮觀環花木，簾櫺雲錦張，玉鼎陳珍饈，金爵酌霞漿，勅我賜餘瀝，群仙勸羽觴，帝奏瑤琴曲，天女翩翱翔，無乃鈞天樂，清音入妙聽，

此時醉既醅、頽然臥玉床、歡興漸將熟、東方忽已明、
唯怪天地覆、俄然失仙鄉、感之傷心魄、殘夜起彷徨、
何得乘鸞鳳、高舉尋靈洞、人世徒相送、恍兮如說夢、

登金峰絕頂把酒示二三子

茲山何峻峙、人間徒仰止、神馳來海上、翼我飛天際、
置我萬仞巔、我神王其矣、長鯨躍我前、大鵬搏我後、
我東指蓬萊、我西辨弱水、展足濯清波、誤踏巨鼉首、
五岳忽顛倒、群仙欲何倚、回頭呼徐福、雲濤正渺瀰、
愚矣秦皇帝、謾道學不死、巡幸未回車、其人與骨朽、
感之欲歎息、把酒酬吾子、沈醉且休辭、頽陽不駐晷、
自古天地間、千載誰長壽、

甲午秋予客浪華、蒼君舉見訪、兼有酒饌贈、遂相携、
過飲賴氏水亭、主人延予勸以一太白、酬酢竟禮數、
以醉爲度、葛子琴、篠安道、田子明、岡公翼亦至、席

上分韻

孤雁來西地、萬里長哀鳴、離群失歸處、獨宿滄江傍、
淒風吹短衣、蕭瑟客心傷、舊侶遙垂顧、呼我自錢塘、
賦我以玉餐、飴我以瓊漿、提携度前流、翺翔水一方、
高軒臨清瀟、橋影彩虹橫、主人字千秋、曠然出相迎、
清風搖蘭佩、馥郁送餘香、君自儒雅秀、夙已知才名、

相逢無新故、談笑見交情、論文推先賢、扶輿引壺觴、
厭厭醉未歸、賓主互相忘、披襟倚水檻、微颺生晚涼、
日入江山暗、煙落遠微茫、聚星何錯落、光輝爛前楹、
此夕知何夕、邂逅見清揚、洒落葛子琴、風韻高且清、
其志在山水、峨峨馮洋洋、篠子塵表人、飄飄高翺翔、
笑拂三島雲、邀月吹玉笙、田子一酒仙、長歌來醉鄉、
倒卷鳴門濤、直瀉宿醒腸、披雲瞻公翼、于飛鳴高岡、
羽毛備珍彩、斐然五色章、五子共高妙、微言何其芳、
臨風飛咳唾、散作珠玉光、吾有名岳勝、胸中久秘藏、
欲以圖奇絕、吐來自雲生、滿堂來秋色、如坐碧山莊、
幽興覺漸熟、共惜夜未長、開簾望中天、河漢已西傾、
留歡宴未終、曉風動行裝、別後如懷我、一曲寄滄浪、

贈考槃逸人矢直

考槃逸人者、三野醫生也、客京師十年、予友善、
嘗著天竺醫方數卷、嚮扶老母看花于芳野、歸京之
後、老母逝矣、後每及花時、感念往事、無不爲流
涕、遂發病、今茲癸巳之冬將歸隱故山、因序其事、
以作是詩也、

直也何淳朴、少年隱醫卜、十載京洛間、韜光混塵俗、
白日下疎簾、丹經苦反覆、思之鬼神通、奇方傳天竺、

枕中深祕之、心比和氏璞、懷寶匪待價、樂資知自足、
高堂遺母在、鬢髮皓如鶴、一喜還一懼、唯惜歲歲感、
東肆買藥籠、還供飽與粥、求魚若難得、沖沖鑿冰底、
曾尋芳野花、扶老遊南麓、啼鳥發好音、啾啾出幽谷、
時除野店酒、手自茗芳藪、乘醉舞春風、花點老萊服、
言笑披顏色、欣欣心和樂、往事終成夢、思之亂心曲、
聞君還山路、行臨三野澳、昔是生禮泉、餘流瀉岩壑、
孝思動天地、千載懸飛瀑、滄茲欲誰報、相顧徒號哭、
余亦同感者、早既哀風木、養老不逮時、追憶何可復、
唯自愛遺體、光輝宜汝玉、去矣山水間、逍遙心所欲、
擁病臥煙霞、遠寄隨鹿鹿、考槃深得趣、幽淵獨蕭宿、
不言也不笑、悠然對南嶽、真意誰相知、閑雲遙出岫、

題浦郎睡起石

朝釣荒瀨浪、夜臥磐石上、睡起漱寒流、心骨頓飄颻、
笑臥一靈龜、倏忽凌碧漲、吾來尋仙蹤、緬寄紫霞想、
高遊不可追、天外勞瞻望、獨憐溪上月、曾照滄洲夢、

醉後、贈中禮夫、本敏卿

磊落吾黨子、意氣覆天地、學道不成儒、藏光巖穴裡、
本自耻□□、何□求權貴、明月脫浮雲、孤高誰相比、
愚矣縱掖者、首白不曉事、日對書生輩、撻罷說仁義、

仲尼且不用、去欲浮長海、人笑喪家狗、路傍何累累、
獨有楚狂人、風歌逸其志、高山不可攀、千載徒仰止、

感遇

大盜竊城國、小盜竊金玉、竊城爲人君、竊金爲人戮、
何知軒冕資、亦非豺虎屬、螻蛄窺鳴蟬、後已有山雀、
一人貴難得、萬民爭爲賊、大王已去邠、天下歸仁德、

送宮羽長辭學歸鄉

鳳本百羽長、文彩備五章、明王憫□□、養之後園傍、
食頰琅玕秀、飲賜玉池清、嘉鳴人所貴、清和叶宮商、
衆鳥懷好音、嚶々求友聲、余亦出幽谷、結交弟與兄、
敦琢玉其相、欲以揚耀光、荏苒春復秋、日月互頽傾、
未報思願厚、徒耻素餐名、一朝送將歸、同懷望鄉情、
解携從茲去、東西各翺翔、相思不相見、踟躕斷肝腸、
會面如可期、遲爾鳴高岡、

送古公餗先生之東武

君家賢兄弟、由來稱二龍、一盤雲岳西、一躍海天東、
海岳雖冥絕、風雲有時逢、神變人不測、倏忽度蒼穹、
余亦懷逸志、嘆息氣成虹、舉頭望天門、雲雨不我從、
已哉飛騰思、曳尾歸泥中、
送令禪師歸妙心寺

浮雲逐天風，飄颻何自在，逸矣令禪師，飛錫來天外，一逢吾黨士，三載論真意，誰道道不同，其具如蘭芝，身世無住着，交情淡於水，昨夢故山松，西偃迎歸思，泛然乘一葦，去欲凌長海，臨別執師手，依依重語話，看我跨鶴背，追飛尋寶界。

得支明上人書却寄

吾本葛天民，性情違時俗，終年絕送迎，高臥掩茅屋，何謂舊道侶，相思慰幽獨，寶雁下梵天，乍傳一書牘，解緘感遠情，再三讀復讀，唯疑雲錦落，光彩奪人目，欲以瓊瑤報，微言不可續。

提公亮宅前落庭柯望阿蘇山

剪落碧松枝，控着蘇山勝，紅旭上雪嶺，粲爛霞彩凝，誰其乘天風，輕舉尋仙興，試傍前楹嘯，鸞音遙相應，余亦塵表人，名山與意稱，何時拂衣去，靈洞餐雪水。

西江夜泊

繫舟寒巖下，一燈照五更，波瀾撲我枕，屢使夢魂驚，月落西江時，噫噫哀雁鳴。

歲暮書懷

昔日喜春來，今日悲歲暮，今日非昔日，馳景不少駐，愁來看明鏡，衰顏何太苦，心中懷千慮，鬱鬱欲誰泄。

西江一掬水，難活涸轍鮒，人生能幾何，如彼菹上露，獨羨王子喬，乘鶴遊雲霧，我願携斯人，東陔蒞萊路。

早春作

巖中有逸民，冥棲久養志，偶見梅花發，始知春節至，笑招沮與溺，一樽相共醉，富貴非我願，於世將何恃，借問誰為政，賢哲方在位，只祈霽天雨，及我桑麻田。

客夜

朝歌陟岵詩，夕讀登樓賦，詩賦易感人，何況旅館夜，夢懷一朶橘，獨歸千里道，阿母久倚門，愁顏衰且老，誰扶起居者，誰視飲饌者，戀戀彼季女，朝昏兼膝下，孝思真厚矣，顏色忘勞苦，而我終何事，書劍徒漂蕩，感之發嗟嗟，心魂驚起坐，起欲望鄉關，雲雨暗西海。

得阿母書

青鳥脚丹書，翩翩下崑崙，則知阿母使，千里乍召余，解緘感遠情，一讀再三吁，上說別離悲，悲來淚漣如，下說相思切，相思情有餘，欲答不能答，吞聲屢唏噓，踟躕仰蒼旻，西顧嘆歸歎，著屐陟彼陲，眷戀望長途，想像瑤池花，參差蔭仙居，行將待芳宴，願速花未踈，行將舞彩衣，願速歲未除，江海何渺瀰，雲山何峻峙，欲歸無舟車，搔首空徙倚，何得乘龍背，翻飛向鄉里。

得萬年杯杯中題小赤龜

崑崙一片玉，琢作萬年杯，金波映靈龜，粲然光彩開，一酌延人壽，再酌通仙才，黃安馱爾背，昨夜海中來，遭我三島路，勸酒宴雲臺，醉後一身輕，飄忽御風回，塞裝濟弱水，舉袂拂天台，笑彼秦漢主，求藥徒徘徊，非是杯中物，金丹何在哉。

感興

東遊蓬瀛際，深探神仙契，白雲緘玉洞，深祕誰得閱，縹緲紫陽賓，乘鸞朝日邊，天風吹環佩，餘響何珊珊，相顧呼我名，雲裏遙周旋，我欲與之言，倏忽隔雲煙，上有萬仞山，下有九重淵，虎豹伏我後，龍蛇橫我前，進退實維谷，日暮路逾難，何得凌雲翼，一舉叩天關。

大納言藤公下賜嘉魚數頭，時迎三子飲

大公釣渭水，久已費芳餌，馮驩彈長鋏，悲歌知何事，小大各有求，笑爾煩心意，今吾袖手坐，還受真人賜，樂集納言三字作中郎，驚見玉盤中，賴尾怒撥刺，疑是銀河魚，飛自碧霄墜，口中吐光彩，斐然雲錦字，稽首解其緘，殷勤何所示，為報藤納言，乘龍朝上帝，賜宴紫宸宮，天敕進班位，群仙爭獻壽，琴瑟競歡喜，吾生何疎懶，高枕連日睡，後此良宴會，瞻望空徙倚，天風時吹雪，為我滌塵思。

笑酌玉壺酒，坐招三三子，鸞刀手割鮮，爛如霞彩燿，一餐既忘飢，三杯既成醉，三杯復一餐，滿腹將何嗜，富貴非我願，自安江海士，悠然吾喪我，寧知有天地。

山姥贈酒時北嶺季六偶至

山姥不道名，只言山童母，折棣插束薪，繫以一瓢酒，入門不顧人，窺我自東牖，其事頗真率，亦解風流不，吾欲與之觴，去々不回首，開戶煙澹澹，日在溪上柳，閑人携藜杖，吟步出幽藪，相招相共醉，醉歌且擊缶，世人無此樂，唯吾與爾有，明朝又將事，荷鋤來南畝。

題無量山妙祥寺圖

我昔泛大洋，南尋天女島，天女遙相待，瑤臺為我掃，迴廊連貝闕，飛閣橫鳥道，六龍出復沒，三山傾欲倒，奇觀不可名，仙遊嘆不早，頽齡如可補，願言餐瑤草，塵緣猶未斷，還家身已老，豈意神通妙，又現此仙嶠，香閣何層々，可以窮登眺，玉岑涌波間，光景互相照，龍女捧珠遊，羽客臨風嘯，余亦舉金翅，欲翔無量寺，舉袂拂梵天，霞雲霧墜，停鶴取者誰，徘徊欲我遲，欣然揆子祛，霞微如嵐氣，拍手忽一咲，丹青奪人意，湛湛玉壺酒，誰與永今夕，徒悲古之仙，千載去無跡，感之題數語，寄勸名山石。

樂集手割鮮三字作割紅肥

樂集字作字

遊薩如□花城公子席上賦呈

險同稱巴蜀、強已知齊楚、一傾不可培、天人靡常與、誰作邦家基、嗟稱賢公子、築臺臨通衢、玉帛招名士、瑣然鳴珠履、雁行上青雲、豈意千載下、再見孟嘗君、才華耀異方、英氣凌前哲、幸值昇平世、琴酒耽花月、彩筆何斐然、飛文光岩穴、中夜推幽窓、解絨映松雪、語語多真氣、山水可與論、百里杖青藜、一夕扣朱門、樓觀橫南浦、捲幔海雲翻、煙煙銀燭影、粲粲照金罇、篋堆盛嘉菓、盤潔陳珍饈、含杯憑高欄、如月臨崑崙、已談三島勝、且及十洲言、人道紫霞仙、乘鶴降氤氳、誤洩造化秘、使君慕仙山、仙遊雖樂、難與衆同攀、我放一生志、君成衆生命、希君激清風、德澤流無竟、出此數語間、何處見仙聖、

薩藩公族大夫智覽君席上

不敢事王侯、胡然高其事、真隱能藏光、棲遲不擇地、我既見夫子、身世兩悠悠、逍遙喪彼我、宛如泛虛舟、常乘官餘暇、自擬少文遊、學書且愛畫、偏窮古名流、雲霧生席枕、峰巒歷牀頭、興來題新句、把酒臨滄洲、水剪吳淞半、潺湲當檻進、笑問洗耳者、如何洗心淨、輕風吹素帷、微波蕩空鏡、魚與我相樂、忘機馴鳥性、

偶值白雲人、丘壑稱同病、幽賞適幽意、一觴復一詠、放浪形骸外、心與風雲并、輪焉萬松樓、憑高思飛越、積水長天外、延眺入窮髮、蓬瀛森在眼、想像神仙窟、冀我伴赤松、於焉煉金骨、拂衣起彷徨、日昃天關閉、鶴馭待不來、愁髮半成雪、今我不極樂、逝者長悲咽、況此良宴會、留歡難爲別、秋色夜清洞、玉壺光相激、庭柯如繫珠、寒露瑩堪掇、主人開風爐、茗酌慰餘渴、隱几聽天籟、坐使清機^{賦發字}、言外有真意、寄與晴天月、

鹿城風月樓贈諸詞客

瞻彼鸞與鳳、嗜嗜呼其群、夕□瓊林月、朝戲紫霄雲、羽毛凝珍彩、五色粲氛氳、邂逅摛君袂、恰如攀芳桂、情話無新故、和樂歌棠棣、四海皆兄弟、何況魯與衛、政成見風化、詩賦何奇麗、結交嗟不早、惜哉歲月逝、未盡新知樂、驪駒嘶前路、悵然停酒杯、秋聲滿江樹、

忘言亭集贈主人

籠中有鳴鶴、珠樹在峴崙、豈無凌雲翼、感此稻梁恩、棲遲公館下、可以比仙源、吏事誰謂劇、心寬物不煩、淵默通微妙、已入無窮門、矧此迨官暇、言歸黃丘園、泌彼石間泉、洗髮弄潺湲、芳綠蒙池島、葳蕤蘭與蓀、松竹無冬夏、煙霞異^昏、飛橋出林端、人影度虛軒、

江山歛微雨、餘清澹綠綽、舒嘯生輕風、醉顏如玉溫、琴從漁父聽、詩與道人論、予亦樂天者、道□遊太原、欲問君真意、相對共忘言、微徵林景暝、煙水遠沄沄、解帶掛庭柯、高枕臥雲根、境幽夢也清、冷冷夜月魂、

伊豫龜岡城贈神氏

吾本東西客、來去時飄然、一既辭鄉國、十迎洛陽春、洛陽多權貴、軒冕一何新、高揖丹墀賓、不降青衿身、文明千古間、名聲復幾人、黃備與管相、中懷可以論、餘興探勝跡、千里度山川、遙遙入南豫、群山爭嶙峋、路值耦耕者、駐騎問前津、神公遙相識、迎我龜岡城、其人胡然真、眞骨脫風塵、手舉紫霞杯、笑酬玉壺醇、醉來發逸興、高談凌神仙、咳唾飛成珠、爭光明月天、

伊豫州河江驛與字藤二子同賦

孤翼凌十里、飄飄歸西海、日暮欲何依、聊借珠樹枝、旅懷何京京、愁來耿不睡、忽喜雙仙禽、清唳來相和、此夕知何夕、邂逅見君子、一接無新故、恰如兄與弟、論文窮今古、微言拆毫釐、笑傾玉壺酒、沈醉各隨意、頽然臥前楹、山月照夢裏、

伏陽客舍送薩州吏人長谷氏奉命還本藩爲國學先生

龍駒服鹽車、遠涉險岨地、垂耳從塞驢、斯才何得施、世其無伯樂、誰識駉將驥、賢哉長谷子、敦琢抱寶器、欲投人按劍、空鎖下和匪、明月排雲霧、光彩爛難秘、一出傾王侯、連城價何貴、玉帛落青雲、粲然盈其筥、遙喜國有道、乘時馳如矢、昔爲羈旅臣、奔走若塵累、今辱國士恩、衣錦溫且美、榮爾起涸轍、忽躍西江水、^{原注而至切} 翻飛生羽翼、風雲抗逸志、渺波臨海南、維嶽礙天日、懸知轍嶮氣、既洩生烈士、豪骨不屈人、輕死唯重義、未知有斯文、唯知貴武備、自從開關來、舊俗風難移、明主時爲政、日新敷其德、^{丁計切} 經營修臺榭、樂思臨泮水、四野爭向風、令聞稷不已、風化逮芻蕘、^{中本其字作無} 誰能作肱股、社稷輔闕事、往矣爾助哉、夙夜慎莫懈、吾聞飲牛者、桓公起相咨、

馬郎吟

縱成千金富、勿爲執鞭士、艸艸別家鄉、日夜無遺止、縱成千金富、勿爲耦純僕、行行離寒暑、日夜無遺宿、

古意

莫作弦上矢、願作弦下弓、發矢離郎手、彎弓就郎躬、願作弦下弓、莫作弦上矢、彎弓就郎躬、發矢離郎手、

靈雨山人詩集卷之二

七言古

仙遊悲

仙遊悲古有浦島之漁郎、乃在丹洋之北天梁之傍、天
 梁橫天與天通、叶地勢若飛虹亘碧空、叶枯耶切海渺渺兮山
 嶂嶂、霞彩朝起兮標赤城、我懷靈境久彷彿、聞說浦
 郎昔日乘龍背行、凌雲浪兮向蓬瀛、長與真人相翔翺、
 雪中君兮胡然帝、玉爲顏翠爲鬢、金銀之樓臺、假蹇
 兮天際十二欄干之臨瑤海、此夕何夕兮、邂逅而喜會、
 群仙舉杯慶女婿、錦瑟調兮玉琴和、叶胡芙蓉枕兮鴛
 鴛被、蘭燈耿耿照兮合歡之夢寢、天鷄一喚生曉光、
 扶桑之嶺日始上、漱碧海兮服霞漿、胸膈消盡兮塵
 想、從是眞遊耽歡賞、觀賞不知日月永、洞天遲遲兮
 駐春景、百花如霞凝鮮影、鸞鳳銜花送瓊樹、暗嗒深
 得兮和鳴之趣、鸞鳥啼兮鳳皇驚、霓旌雲旗拂天路、飄
 颻西遊兮崑崙之縣圃、翠雲紅霞列錦鋪、珍饌哈兮靈
 與盃、臨瑤池而觴王母、黃竹白雲曲交度、侍女拳袂

飄飄舞、觀樂既極哀情起、中心惻惻碎歸思、嗚昔夢
 兮故園之桑梓、雙袖掩淚語仙媛、嗚嚔吞聲難與言、
 何年再會展殷勤、目送遙遙下洞天、十洲三島一瞬間、
 飄忽擊兮舊闔門、相見誰知昔時顏、耆老無復兮一人
 之存、原野累累有荒墳、或云昔人尋仙去不還、爾來
 空餘七世孫、於焉愕然盪胸臆、撫心仰天長嘆息、長
 嘆息、人誰知兮余所憶、袖中有秘抱之泣、白玉簪兮
 雲錦飾、竊憐兩心成離合、解絨滿目爛嘩嘩、蹙蹙雲
 氣管中出、飛向蓬萊作五色、我欲行從之不可得、風
 徹心骨秋蕭颯、綠髮凋兮霜蓬白、大耋之嗟何可及、
 君不見眞遊恍惚如夢裡、東海涸兮塵揚起、不死之仙
 人安在哉、請君莫辭兮一杯酒、莫辭兮一杯酒、莫辭兮
 一杯酒、人間自古無千載之壽考矣、

白波操

風吹兮白波揚、龍山巍兮嶂嶂、夜將央兮君獨何逝、
 思君不忘兮傷妾意、風飄兮白波亂、龍山矯兮嶂嶂、
 夜將半兮君獨何起、思君不見兮傷妾情、妻之懷兮過
 肩長、非君信兮爲誰妣、與君戲兮倚銀牀、總角之契
 兮何可忘、

久別離

游子幾年不還鄉、愁心五閭歸雁聲、秋氣易感人、況
 此離居情、至此心絕魂亦消、翠黛青娥罷畫泣、淚如
 飛霞亂回庭、今春寄書問歸程、春去秋來無報章、秋風
 兮秋風兮、爲妾吹魂夢到漁陽、秋風不解恨、終夜寂
 歷入空房、

河上吟

棄我逝者河之水何悠悠、傷我心者春之春不可留、君
 不見昨日如錦滿枝花、今朝作萍逐東流、落花流水送
 春去、感之何人不懷愁、可嘆蕩子無定跡、泛然不繫
 波上舟、江湖漂泊三十載、敝裘孤劍悲遠遊、王門曳裾
 吾已矣、歸去來兮營田疇、

暮春吟

載我酒於東園兮、玩此青春之餘芳、鳴禽寂兮群木繁、
 兩蕭々兮花紛々、折瑤草欲遺君、悲哉西日之易曛、

龍山送空寶上人之京

龍山之龍飛出鉢、神僧一喝起風雲、直乘風雲何處去、
 紫微宮前黃道分、行盡三十三天上、天花翻風雨紛紛、
 余亦逸氣脫風塵、飄然欲凌百由旬、雲中鍊身攀龍將、
 將絕而墜海之濱、去影倏忽不可追、縹緲雲波秋殺人、
 法宣寺讀左元幹詩有感賦呈道冲師兼贈之

君不見綠河流水繞金利、日夜滔々瀟氛埃、中有限
 寂之道人、蓮作衣裳雲作臺、高如天上掛明月、清似
 雪裡吐新梅、昨夜雲翰投入寰、五色翻風錦繡開、報
 道仙厨醒醜醜、換得衣珠俟嘉賓、吾性由來好米汁、
 宜與彌勒爲儕倫、所以生平愛逃禪、禪意解釋酒中眞、
 試泛玉杯爲賀後、醉來乘興渡迷津、津頭雲水通彼岸、
 淨域漸與世路分、菩提樹下停幽履、又履字作履徘徊依舊得勝因、
 道人顧我拊我背、笑我塵中凝染身、手傾一杯功德水、
 洗却五濁五情新、摩尼大鏡開畫裡、磨來光輝覺精神、
 天風條忽卷飛雪、頓變色界爲白銀、銀華玉葉千萬樹、
 人天光景交成春、對雪坐花焚妙香、香烟氤氳花繽紛、
 上談眞諦下新文、誰向壁頭題後句、云是柴桑舊隱居、
 往往探去多奇作、來與廬岳鬪嶙峋、熟視眞是故人書、
 書中有情暗相親、一吟低首念前期、再吟回首嘆離群、
 三吟四吟吟未畢、歸去欲伴漉酒巾、昔在田園醉花柳、
 濁酒枯魚不厭貧、披襟散帶北窗風、緩步長嘯南山雲、
 雲飛風驚何飄忽、十歲難逢羲皇人、相思相望不相見、
 各天蒼茫奈參辰、何時重謁遠公前、與君同此交歡欣、
 空裁尺素起徘徊、願因飛鴻寄殷勤、

暑日法宣寺留連三日醉後贈呈仲上人

江樓何處宜臨眺，火雲六月天如燒。冲公顧我立靈沼，手弄芙蓉生微笑。遙逐餘香入清境，斜憑水檻且徐嘯。息機知親魚鳥，逍遙總忘網與釣，一談真諦談未了。片言解得妙又妙，寂歷靈籟搖松標，心骨冷然魂夢覺。頓疑玉毫放光耀，起望東方月出皓，瑤管對月奏妙調。天風傳響徹清曉，乘興不知醉既飽，仙厨醞醕傾欲酌。名飲誰向河朔要，豪興千載凌袁紹，翺翔高出風塵表。幽賞清談消炎暍，銀盤冰水凍相照，漱來忽使餘渴療。文苑相如亦何病，不羨金莖玉露饒，昔遊洛城耽歡賞。朱門瓊館乘月歇，彩筆題詩寄華省，榮似雲錦翻仙鶴。懷裏珪瓊知多少，笑臨溝壑忽一拋，餐霞采芝我所樂。拂衣飄忽謝舊僚，滄浪清濁休復詠，豈論吾纒濯不濯。真人雪心塵其貌，素性不必借奇巧，吁嗟乎笑矣乎混。沌子混沌子，何人設罽爾七玆。

道冲師歌贈道冲師

道冲師稱妙禪，朝浴函海之清池。夕棲薜蘿之高巖，兜率披雲謁天仙。賜天仙傳法宣，歸來不向人間說。寒巖高枕臥松雪，我知爾禪心如月。

古溪堂歌贈安公雍

古溪堂、笑堂者誰安公雍，堂非高兮溪非深，來遊胡

然自西東，主人不答笑爾笑，林間微日影西照，醉眠堂上醒漱溪，好鳥間關花裏啼，興來臨水觀魚，又尋芳艸曳青藜，一壺一丘意所適，不須結構壯臺閣，鴻雁翔兮麋鹿走，梁王豈知賢者樂，君不見古溪堂高枕處，夢與孤雲相來去。

南江月夜吟

江山滄兮夕嵐凝，清風徐來兮水漣漪，桂之樞兮蘭之棹，凌縹緲兮乘涼天，晴沙皎兮洵瓊瑤，淵中明兮觀游鱗，迴流光兮影飄飄，盼明月兮思倭人，下閩

大鳴門歌送莊生歸阿波

木虛昔賦海，餘波蕩千載，怪爾少聽視，東海獨遺大鳴門，大鳴門鳴不止，雷咆電激激百里，勢拔地軸轉天輪，游者碎鱗飛者散翅，大鵬不能搏扶搖起，巨鼈不能負蓬萊奔，惡醜歛起簇積水，百川倒瀾萬靈駭，須臾冥晦失乾坤，西溟釣客豪意氣，一竿認得千竿餌，欲誇東海牽神鯤，鯤為胎海為醜，與君連日同一醉，行矣我送汝壯哉，萬里破却風波難。

對酒奉某公時罷官

有風莫擊垂天翼，有波莫躍橫海鱗，風波一歇勢難乘，失路青雲墮沙塵，燕雀笑傲蟬蟻喜，圖南之志與誰伸。

我有樽中貯萬石，賞流湛乎漾琥珀，請休彈長劍而悲歌，我能破卿墳壘磊塊之胸膈，手舉大白仰青天，颯爾高風吹岸幘，羲和揮鞭不待我，白駒如電飛過隙，人生百年歸一夢，胡然惻惻傷心魂，試向人間論富貴，飄忽浮雲多變易，石家金谷罷歌舞，風雨落花春狼藉，吳王宮殿久荒涼，姑蘇唯餘麋鹿跡，感之慨然發嘆息，一官誰論黜與陟，長嘯放歌生所適，與卿縱飲披顏色，君不見大人先生心闊達，笑倚甌頭頌酒德。

中秋送石大車弄月湖上

我有玉壺清，新釀瀉桂液，欲與故人傾，預期三五夕，三五月既明，故人何相隔，君今別我何處游，石鏡山南明月秋，月照湖山開鏡影，光湧金波萬頃流，此境此遊人所羨，觀賞誰同月下舟，笑向湖山欲飛越，難那吾身無真骨，天遊仙侶相思否，因君將夢滄洲月。

玉泉歌壽山本翁七十初度

翁家以釀酒為業，或載一壺獻右府滕公，公美之，名玉泉而作之辭，家寶藏之因詩中及之。爛爛兮日邊之霞矣，湛湛兮花源之水矣，滄彼釀斯三百壺，百壺新醞淳且旨，中有一壺異百壺，醞來琥珀漲光彩，美哉斯酒可以供神祇，美哉斯酒可以宴賓友。

一酌乍破兮愁顏，三酌漸潤兮枯髓，三酌五酌酌無量，使飲者唯競歡喜，有客載斯酒，東陟兮蓬之巔，手舉兮紫霞杯，披雲兮招天仙，招天仙兮催良醞，翠為屏兮瓊為筵，醞關醞醉品斯酒，皆云金溪瀉玉泉，停杯染翰裁靈頌，斐然雲錦翻碧天，借問何人釀斯酒，道是西宮山氏叟，此叟今年年七十，朱顏綠髮似童子，自釀斯酒管斯酒，精神養得終難老，塵表高姿人仰止，宛如孤松雪中秀，人間榮辱無所關，唯道吾生樂吾道，開居樂易天借年，春秋保得無疆壽，富貴浮雲何足論，不顧黃金支北斗，吁嗟乎山叟兮，壽者長以為寶兮。

贈石大車家翁

玄海之洋何空濶，西馳波浪連溟渤，中有驪龍護大寶，光耀射天欺明月，還見名家生才子，文彩與斯珠就最美，一朝懷寶入皇京，十和失光隨侯耻，不管群小按劍視，連城自擬懷袖裏，待賈者誰石夫子。

名山樓歌

靈雨山人莞爾笑，誰解微意入玄妙，真人默兮愚人煩，夢中說夢不復覺，昔我閱仙典，徇戀群仙遊海嶠，海嶠何冥絕，雲水滔天障瞻眺，手折扶桑拂東海，海氣晴分鳴谷曜，金銀樓觀現空中，青靄紅霞聚相照，玉

顏仙子如星聚、鸞歌鳳舞遊珠樹、仙管齊調鈞天樂、
 風傳妙音滿瓊圃、聽者彷彿不能去、舞踏、拂衣羽欲翫、
 任公謾成譚、叱咤激風濤、釣竿千萬丈、一舉連六鰲、
 六鰲蹴浪怒相觸、地轉海溢簸五岳、瀾洲淪沒蓬萊流、
 方丈方壺碎如玉、多少仙人迴風馭、去影倏忽不知處、
 漢皇秦帝空相求、瞻望不及飛天路、天路一自失前期、
 時時延頸望雲霧、誤將杯酒墮塵寰、酒人爭知醉大索、
 俗士聽我言、捧腹笑不已、蟬蛸實知夏、偶語冰雪稱
 怪異、幽與明交表裡、無將有相終始、君不見日東天
 子寶字年、薩陽波激拍高天、天地縱裂洩元精、冥晦
 旬日合雲烟、一朝天霽驚奇觀、三峰湧出玉青蓮、雲
 蓋桂旗何翳翳、欲峰蓬島舊遊仙、鶴城公子愛仙遊、
 南臨冥海架飛樓、名山神秀歸斯人、崢嶸異骨凌崑丘、
 彩筆飛動驅龍蛇、狂瀾倒捲紫海流、海神驚走山鬼哭、
 回風度雨大荒秋、我來支願海上石、眼底茫茫天地碧、
 天眞風骨誰得相、人人呼我稱奇客、奇客好奇饒奇語、
 欲吐未吐空寂寞、此日何日披青雲、層樓延我上瓊席、
 高鉤珠箔引天風、人疑凌霄生羽翮、萬里江天秋澄徹、
 鏡中帆影去無跡、詩成逸興覺神助、浩蕩心雲生我膈、
 清談未盡夜已深、鶴鳴十洲秋月白、

龍門公子賜佳筆及華箋賦茲奉謝
 君家別館臨南浦、一洲三島憑欄觀、夜深江月照簾櫳、
 夢繞閩苑瓊花塢、此時但合思僊侶、誰圖惠好逮環堵、
 綵筆華箋何啻嘩、王笏盛來光巖戶、筆拔霜毫寒月兔、
 箋裁天錦勞星女、一弄之使詩情動、胸中丘嶽雲欲吐、
 非是神助能起予、何以報之名山花月之主、

怡雲子歌贈怡雲子

怡雲子、手展名山圖、口稱名山語、名山何在薩城陽、
 海環仙嶠通天路、寫綠烏笏杖青龍、風飄兩袖空中舉、
 怡雲子、坐席瀛洲月、臥衾蓬萊雲、夢魂長伴雲與月、
 行盡洞天三十六峰巒、

別後寄懷

昨日送君綠河舟、今日望君水悠悠、松江煙雨暗驛亭、
 哀雁呼群過塞汀、想君獨夜不堪聽、琵琶溪水咽幽崑、
 如恨如訴哀音啣、想君愁聽沾青衫、海上奇峰稱赤松、
 傳聞赤松遊此峰、千載之後誰同姓、想君高踏問仙蹤、
 水肢城南霽秋雨、瞻望天問明月浦、想君乘月陟彼岵、
 千嶺蕭森天日曠、薩雲肥水合復分、歸思南兮離憂北、
 想君心緒一紛紛、蓬壺之山歷靈龜、上有樓館輪焉高、
 樓上仙人應相待、想君寒裳凌雲端、峰巒倒映錦江天、

白雲紅樹鏡中懸、想君秋興入新篇、山郭江城一百二、
 何處江山饒勝事、白鶴宮前三島月、想君尊酒南樓醉、
 笑著斑斕舞高堂、稚子嬉戲索衣裳、三年不見空房婦、
 別時孔喜歸時舊、中本詩作新艷陽花兮秋風柳、秋風柳兮艷陽花、
 何如君之鬢邊華、

玄海島阻雨旬餘、一朝天氣清朗、舟船悉發、行
 三日入浪華、休息一日、又將湖淀河入京即事、

五日避惡風、十日寢陰雨、五日十日多風雨、大船小
 船漂煙浦、何彼渺兮玄洋海、唯見西日沒波際、大鵬
 忽搏扶搖起、翼我一舉凌萬里、江靈驚失海若潛、餘
 波卻走激天地、東南一息扶桑域、暫侍太陽晞我翼、
 漸覺帝座不違顏、垂天雲氣成五色、

白雲歌送山叔歸歸上毛

白雲山上多白雲、山上白雲長隨君、君今還入白雲山、
 白雲隨君度峰巒、峰巒崢嶸路盤迴、百步九折白雲間、
 昔日白雲送君去、今日白雲迎君還、還到故山樓隱處、
 看山看雲心自閑、一作卷舒宜 與白雲閑

城文卿別莊贈黃龍道人

黃龍道人叱黃龍、忽跨黃龍降雲峰、遙聽一喝發虛空、
 風雨聲落萬壑松、纔到人間龍影滅、唯見彩雲擁鉢中、

傳呼頭陀墜梵天、此日爭迎翰墨筵、滿堂盡是風騷侶、
中本信字作客

詩成逸氣凌神仙、天鍾神秀托我手、六々名山推臺前、
 試道人聞奇絕、還驚七寶照無邊、寒影彌天胸中月、
 妙香逼人舌端蓮、麤髮塵尾拂四座、漸覺清風洒大千、
 乘興直傾三百杯、笑道余是酒中禪、歡娛未終輕離別、
 由來不住心飄然、借問諸天日月燈、何時還向迷方傳、

春日還山贈故人

春酒新熟歸山中、花間黃鳥鳴其鳴、看花把酒聽黃鳥、
 花逼玉缸酒亦香、今我不樂老將至、荏苒日月不同光、
 此時歡賞與誰俱、遠望美人陟高岡、美人美人來何晚、
 蕭蕭風雨碎群芳、

得左元幹書時遊白河上

黃熊城東白水濱、清風漣漪滌暑氛、此時懷君君不見、
 一日三秋嘆離群、前流躍出雙仙鯉、啣來錦字光彩分、
 查中數語何殷懃、祇言相思朝復暝、

擬晁監贈李日本裘歌

非是王恭之鶴氅、又異相如之鶴縞、日本殊有日本服、
 本是太古真人裝、東海神靈如真龍、恣橫海岳食扶桑、
 吐縷千丈又萬丈、紛似遊絲百天長、織之蒙戎勝狐革、
 紫菱藍翠斐其章、遠遊爲誰承其筐、大唐名士謫仙人、

仙人不帶王侯印、笑道余是三十六帝之外臣、恩賜輕
拋宮錦袍、榮若天風飄彩雲、高姿新誇日本裘、氣意
昂藏脫風塵、遠物由來何足貴、天涯聊寄褊袍情、君
不見積水滔天三萬里、眷顧鄉國唯雲海、瀛洲蓬萊亦
何辨、鬱嶠如萍扶桑薺、我御長風破浪、倏忽矯翼
凌天外、西溟天開日沒所、直叩天閤謁天子、周旋赤
墀青鎖貴、冠冕如星爛光彩、少陵整笏起相揖、王維
李頎把我臂、天下文獻復幾人、爭傳太白隕於天、風
神飄逸高其事、徒使人間仰嶙峋、即命思汝不相見、
人道長安酒家眠、長安花柳春如錦、一醉不惜擲千金、
此日何幸得邂逅、歡宴與汝同琴酒、我為汝歌汝為
我舞、醉歌醉舞、不厭玉山之倒、風飄飄兮吹袂起、
逸思直欲凌天地、

白雉歎 十丁山中有白雉、皓然如雪、衆雉來
與之鬪、予嘗采薪適見之、因有比歎

歎白雉、白雉皎々胡然真、冠朱霞兮衣冰雪、孤影分明
芳艸春、野雞不耻風姿汚、錦羽彫臆對君誇、飲啄擅場
身已肥、求雌求牡育群雛、衆侮獨兮來相鬪、鐵距裂
石雄氣餘、朱冠玉屑推不惜、淋漓紅血灑綠蕪、歎白
雉、衆人汚濁兮、誠忌清潔、菘草沒蘭兮、嗔雲蝕月、
懷彼汨羅與長沙、千載遺兮斯悲咽、吁嗟白雉兮、周

王逝誰辨嘉瑞、

西行問答

西行子西行子、問子東行關何事、嘖然含笑指群峰、
霏微嵐翠寒眠中、彼山昨日使我西、此山今日使我東、
東行西行山又山、山雲山月兩相從、名乎實乎吾喪我、
天地同是本來空、君不見芙蓉峰上雲煙氣、飛逐天風
何自在、

席上贈藤士龍

邂逅見美人、風流何文雅、玲瓏玉樹枝、照我兼葭下、
清談消塵想、穆如風泉瀉、自說尋名岳、十洲三島高
翔翔、怪得吹噓生五色、雲烟染成錦繡腸

靈雨山人詩集卷之三

五言律

花影

東苑送餘芬、風吹淑景分、依稀迷蝶影、漾艷疊波紋、
纔傍瓊筵失、深臨綠酒蒸、還疑微日夜、髣髴夢行雲、
仲春宴三樹館在鴨水上

何處多佳賞、青山我欲遊、花環三樹館、柳苑二條橋、
春水魚初躍、芳園鳥既嬌、猶迎東嶺月、歡賞永今宵、
重過伏陽道懷藤宮二君

孤客悲別離、感時情有餘、東歸零雨夕、西望舊山居、
候雁來千里、故□無一書、獨憐芳艸道、從此送君車、

詠雁

京師作

一行違北地、千里過南京、蕭々秋風羽、噫噫旭日聲、
聽絃驚欲落、彈瑟怨何清、獨有離□客、悵然兄弟情、

詠朱離

誰將丹壑水、灌作玉盤泉、賴尾翻霞撥、絳絳濯錦鮮、
躍舟寧獻瑞、成駕欲迎仙、何乘雲雨去、高朝赤帝前、

玄海舟中作

西溟何渺々、白日落波瀾、豁眼游無暇、蕩胸過急灘、
蓬陰生五島、帆影失三韓、奔走連山色、回首應接難、

伊豫川江驛贈希賢堂主人

君有盈樽酒、相迎解旅裝、他鄉疲負笈、斯道耻升堂、
豈意希賢輩、枉容中聖狂、客心聊遣興、一任醉歌長、

贈嶺陽村宅二子金巖山山作

名山饒秀色、延領望氤氳、人若雙明月、文成五彩雲、
羨君同鳳舉、耻我在雞群、何得追飛去、海天凌紫氛、

登象頭山

海南探勝迹、路轉幾層丘、孤劍衝星宿、飛樓倚象頭、
山鳴天狗過、月落夜猿愁、疑是乘雲霧、神仙夢裏遊、

蔭公賜宴

蔭公賜宴、既夜、予醉甚、誤觸床上瓶梅、花
萼散亂、一座大笑、因走筆奉謝、并以解嘲、
芳宴宜春夜、厭厭不解回、誰將金谷數、能使玉山頹、
拂袂紛飛雪、滿堂歌落梅、欲吟天上月、乘鶴向瑤臺、

送道士還山

道人何處去、去入洞天雲、夢寐三山色、行藏一日分、
杖頭龍欲化、絃上鶴離群、纔過前溪路、花深不見君、

牛嶼醉後題石壁

絕島有三字一作島嶼樓三字一作徘徊

絕島有荒村、停棧日欲昏、印沙陽鳥集、蹴浪海牛奔、孤劍餘三尺、輕裘換一尊、詩成題石壁、縹緲彩雲翻、

早發冷水山

歸客頻瞻夜、空山欲曉天、星言催早駕、鶯語破春眠、溪咽巖間水、花啣谷口烟、回看投宿處、家在白雲巔、

秋日山齋迎垣子兆賦

樓連丘壑意、誰問一衡茅、林臥驚黃落、詩盟得素交、暮雲歸遠岫、寒鳥護深巢、寂寂南窓下、殘棋向月敲、

與冲上人話舊事

一與真僧話、名山戀舊蹤、鉢中携蠅虱、杯上渡洵洵、雲月仙宮曉、霜天海岳鐘、追憶高踏處、奇勝逼心胸、

秋日本葉山中閑臥贈垣子彌在菁莪齋

棲遲人不識、丘壑掩衡門、黃葉霜初墜、青莪露幾繁、簪纓非我事、山水與君論、昨夜東城月、無端引夢魂、

過大雅先生竹裡亭

一亭幽竹裡、可以結詩盟、彩筆雲烟色、瑤琴山水情、暮林藏鳥語、春雨聽蛙鳴、欲步青苔去、加何履跡生、

田禮天幽居

愛君幽築地、林壑畫森沈、簷雨黃柑落、籠烟翠竹深、逸人宜鼓腹、流水入琴心、他日南窓晚、清風灑暑襟、

聞野輟再遊金峰絕頂此寄

君有神仙契、名山試再遊、欲餐金洞液、頻嗽紫溪流、絕壁雲千仞、明波月十洲、乍聞長嘯起、蕭颯海風秋、

送人歸湖中二首

君本江湖客、飄飄意自輕、去留雙袖淚、醒醉一樽情、乘月尋蕭寺、看花上古城、關門今不鎖、何敢唱雞鳴、

東望琵琶海、離歌遠送君、波從絃上響、山入鏡中分、久客鱸魚意、片舟鷗鳥群、誰知今夜夢、杳渺度湖雲、

送白雲道人遊松島

東海仙臺路、蒼茫島嶼微、非乘黃鶴去、豈與白雲飛、松月迎芝蓋、江風送羽衣、何時將縮地、奇觀寄西歸、

法宣寺呈道冲上人

香閣水之淵、登臨坐未移、烟松銜落景、風竹拂淪漪、雙眼青蓮色、片心明月知、勝因應不盡、屢此得幽期、

別後懷左元幹

故人難屢會、山館□□心、芳酌花前酒、清聽月下琴、烟霞高病色、金玉入詩音、猶有相思夢、飄揚繞暮林、

訪松氏山莊

深園宜晦跡、寂寂野村東、山水鳴琴裡、峰巒出畫中、鳴蛙芳艸雨、狂蝶落花風、憐爾將書興、冥棲護故叢、

遊靈岩洞

靈岩如玉立、光射碧溪波、窺洞雲中入、排□樹杪過、石蓮神女坐、鼓瀑異人歌、隨意迷幽處、還堪製薜蘿、

遊蓮臺寺二首

洲渚通蓮界、到來愁思多、古堂烟水滲、□□暮雲過、芳艸王孫跡、白河名妓歌、不看執扇影、明月自婆娑、

何處尋前跡、寥□□□□、空林餘古塚、高閣俯中流、一水三輪曲、朱絃白髮愁、□□楊柳色、蕭索不堪秋、

送人歸松浦

目送西飛鶴、杳然凌海煙、誰將松浦釣、將伴玉潭仙、衾枕無歡寤、琴樽奈別筵、望夫山上月、先照遠歸船、

仙媛玉潭之事出萬葉集

堤山人宅同中禮夫本敏卿賦限韻子時歸自京師

歸問林丘路、逍遙步綠苔、三年始說輟、一夕共陶杯、山異愁中過、人疑夢裡回、夜深聞鶴唳、明月數峰開、

訪清溪道人

欲問清溪子、遙隨野鶴歸、手携青竹杖、笑叩白雲扉、仙酌分霞液、松聲灘玉微、林間一片石、吟臥送餘輝、

送僧之鷹尾山

高翔鷹尾嶺、望入梵天分、染翰題紅葉、吟眸映碧雲、

林棲瓊利影、溪躍錦波紋、一夕將頑夢、名山遠送君、

客中驚秋

孤客逢搖落、蕭然有所思、青楓白露湛、旅雁淒風時、歸歎歎吳淞、悲哉入楚辭、自驚明鏡裡、愁髮颯成絲、

客中歲暮贈倉善治

負笈同爲客、倦遊年更深、風塵空落魄、天地已窮陰、未展凌雲翼、還成伏櫪吟、何時將駿骨、一顧報千金、

送成之章還葦北分韻時重陽前一夕

家山何所處、天未指崆峒、鶴唳琴三疊、龍行劍一雙、夢懸明月浦、心洗白巖籠、遙羨登高興、風煙醉玉缸、

奉答大江公

上國違行樂、臥遊丘壑陰、貧宜初素履、身是舊青衿、聊和探梅句、何論折桂心、猶懷梁苑興、乘雪幾相尋、

送僧歸琉球

人世輕別離、飄飄一葦歸、風波書雁少、雲雨鉢龍飛、何處琉球路、曠濛島嶼微、海天明月影、獨照繫珠衣、

訪北山隱者

山園春寂寂、餘興尚從容、芳樹藏鶯語、落花迷鹿蹤、一作歸雲失數峰洞光丹竈火、烟色碧溪松、回望初來路、雲霞暗幾重、

雪後送高君遊代南

江山冥雲後、白里一相尋、別棹携餘興、郢歌誰嗣音、雲邊迷鶴唳、月下疊瑤琴、今夜探梅夢、隨君度水潯、

壬辰栽松于尊明閣南庭

玉樹凌霜雪、夙懷千載心、由來中嶺秀、移得泮宮陰、隣與椅桐結、棲期鳳鶴深、何時高閣上、清響入瑤琴、

蕭華堂集分韻二首

壁上蕭華堂詩
故句中及之

青衿雖自棄、白社故相容、名山如待我、高掛玉芙蓉、雪從仙掌映、雲與鶴峰重、一倚前楹嘯、寒颺落碧松、豈問西來道、非福是我宗、廻翔塵網外、休沐寶池逢、薜蘿樓金翅、芙蓉現玉峰、忽驚風雨夕、鉢底起吟龍、

詠夾竹桃

誰知仙苑賞、分得墜人間、灼灼凝花影、猗猗映水灣、心藏孤竹節、笑解大桃顏、還怪湘靈淚、紅痕和露斑、

古雪亭分韻

城裏苦炎蒸、相忘水檻凭、琴瑤誰和郢、綠酒醉如湘、地縮名山勝、樓嘲古雪凝、誤□千仞頂、赤脚踏層水、

和辛翼之韻兼贈主人

在座

豈無河朔興、名飲寄江亭、鮮潔餘吳脍、濁醪晒楚醴、歌飛絃上雪、影並膝前星、雨後遙山色、依微眼底青、

夏夜水樓卽事

江山微月上、烟景澹南樓、消醉憑空檻、誤疑坐片舟、露荷香欲滴、風竹夜驚秋、縱見波光動、沙邊失白鷗、

感興贈河文學士首用韻

君自風流子、名都獨滯淹、登樓千里外、愁鬢二毛添、佩動蘭蕙室、詩鳴玉滿簷、思歸悲失路、冥日逼西崦、自與同人別、時時戀舊歡、新花芳苑雨、涼月水樓簾、盤潔冰鱗剖、杯濃綠蠟黏、可憐良夜宴、歡□□慙慙、我友風騷士、揮毫與劍鉞、詩教三舍避、珠奪九重潛、本是龜龍瑞、寧將大馬殲、慨然歌一曲、涕泗滿移躡、嗟君不曉事、孤直守清廉、暗書鳴雄劍、陰翳蝕皎蟾、舊囊金百鎰、新著字三緜、想得西山客、夙知薇蕨甜、昔日放遊地、相逢與不厭、新題迎客品、連榻聚星巖、紙賦三都貴、毫凌五岳尖、各天消息絕、何處寄歡瞻、大行鞭綠耳、遠挽滿車鹽、嗟汝連城價、誰將片石覘、賢良堪水菽、艷美數文纖、豈莫尊中醴、孤飛脫楚緝、自得無高卑、人情各樂恬、愧隨籠鳥啄、誰慰轍魚噉、吟醉三杯足、愁懷萬緒兼、唯教丘壑在、依舊護茅苫、高枕南窓下、呻吟送暑炎、一時隨蠖屈、千仞羨鴻漸、落魄長糊口、談經且撫髯、中情誰可照、明月入茅檐、林壑甘嘉逐、升沈不必占、吾生終放僻、君子故鳴謙、

雲臥遺朱後、書淫降素憺、苦問忘憂處、清風動酒帘、解香明月佩、謝爾綠霞襟、一結同心契、悲歡雨不嫌、翻飛垂倦翼、棲息寄衡閭、懷裡餘光彩、長憐錦字籤、

夏日遊東溪道觀六首用佳韻

靈觀饒清賞、青溪白石階、倚松聽稷稷、洗髮弄滄滄、笑指升仙取、豈妨當路豺、雲中舉手去、何處撲洪崖、忽出人間界、飄然脫屣鞋、骨蒸炎熱苦、山得夕曛佳、白鹿騷靈御、青蛇睡我懷、更疑雲臥夢、縹緲入瀛涯、碧流環道觀、一半水雲埋、洞壑含真氣、簪纓與意乖、仙駕頽玉液、蟬脫謝塵骸、煉□名山石、輔天女媧□、昔聞王子侶、控鶴陟雲街、我有滄洲諾、預求道觀齊、探源宜溯漢、招隱豈期淮、何服丹霞去、洞天隨意排、愛爾清溪靜、逍遙可以借、手携吟月杖、足着踏雲鞋、有待乘騰鯉、忘機笑戰蝸、不須尋藥去、臺岳伴仙娃、冥棲人不識、深結一茅柴、飛虹橫澗飲、宿霧聚峰羅、依居鍊玉骨、頽我嚼靈芝、欲托歸天鶴、并題姓字牌、

奉別大納言藤公

朝辭金殿側、夕弄紫沂歸、靈契傾瓊笈、恩波沾錦衣、九霄星宿阻、千里雁行違、別後蓬萊夢、相思海上飛、

次浪華蒼君魯見贈韻答五首

金城臨綠水、瓊樹挾芳洲、難與君成別、彷徨卜再遊、酬詩競彩筆、買醉解輕裘、暫欲緩歸棹、西江落日愁、鄉關雖可戀、難別浪華洲、梅柳芳春酒、烟波夜月舟、豈無分袂淚、其奈倚門愁、道路行將阻、何時問舊遊、春早芳菲地、佳人可與遊、梅花且柳色、綠水將紅樓、遲日違歡宴、各天添別愁、何當尋舊侶、重買浪華舟、舊國送歸路、蒼茫萬里流、謝君樓上月、照我海中舟、雙劍龍將別、離絃鶴失奇、陶闕前浦夕、雲水使人愁、梅花江上月、長照故人樓、楊柳洲前水、乍催歸客舟、雲山千里別、琴酒一宵愁、春色重要我、尋芳入帝州、

題五戲園人需

佳人弄彩羽、姿態自依依、欸着梅花落、翻追柳絮飛、頰頰隨玉手、遊戲伴羅衣、笑語春園裡、新粧媚□暉、

右飛燕戲

遊戲出香幃、捎愁興不違、柳邊迎月進、花下弄珠歸、宛轉歌相媚、飄翩別復依、嫦娥一失手、玉兔脫雲飛、

右拾遺戲

春苑迎隣女、鞦韆扶興遲、輕舉依錦索、飄拂島花枝、還恐行雲化、猶疑舞鶴姿、步虛如有路、欲向月中移、

右綉羅戲

紅袖携文礫、相投點點圓、隕來星化石、彈去鳥驚丸、拮据勞纖手、嬉娛忘晚餐、誰如阿姊巧、總掩一場歡、右弄機杼

優符分寶蛤、一旦別離非、片思^口歡合、兩心期屢違、爭花芳袂掩、得月玉顏輝、與罷昏昏黑、梁間燕燕歸、右合蛤蟆

送鶴唳子

歸客悲鄉國、天涯忽獨行、俱憐傾蓋地、其奈旅裝輕、遠岫歸雲影、孤琴別鶴鳴、淒淒霜露夕、似聽九臯聲、春盡途中

歸心千里客、鄉國望悠哉、落魄猶書劍、窮愁自酒杯、鶯花時易失、鯨海路難回、作夢東園裡、殘紅滿碧苔、平安客舍

一時名士會、文物見賢才、天地星為客、風雲龍是媒、雄心能說劍、豪興謾傾杯、爭報懷中璧、夜光隨意開、為松春臺壽伯父七十

清陰何落落、千載一孤松、密葉藏栖鶴、蟠根穩臥龍、漢將文木異、氣帶瑞雲濃、試見風霜後、高標凌碧峰、奉寄懷大納言藤公

天遊屢誰卜、瞻望重思君、素月逐萊夢、紫霄鸞鶴群、

笙聲時剪鬚、旗影暗氤氳、懷裡神仙字、飛成五色雲、

宿山寺

松暗藏曲徑、山寺不知名、欲叩雲門宿、斜傍澗水行、妙香空外徧、仙梵月中清、獨坐巖岩上、悠然觀此生、續氏別業二首得野字

我原高踏者、雲月情相惹、眞骨秀如峰、素心喬而野、新詩倚石題、綠醜聽鶯把、可惜滿園花、徒令風雨多、吟步入深園、微風芳艸野、玉餅携聖賢、蘭佩隨騷雅、客到柳陰迷、泉從花底瀾、探幽途未窮、谷口通驢馬、和丹霞洞主人時全有遠山之志

洞天凝想曠、嵐翠轉雍微、雙鶴銜書下、孤雲引夢飛、山寧遠舊諾、水自送將歸、明月松間夜、仙人弄玉微、堤公亮過訪

一與幽人語、名山意不違、樵漁懷舊業、蕙荔戀初衣、自失餐霞術、無由控鶴歸、煩君題壁上、雲霧滿堂飛、并子瑤宅同辛伯彝和子成賦分得節字

愛爾艸堂幽、詩盟可共結、忽欣雞黍期、兼速鶯花節、林酌泛芳葩、野餐供紫醴、牀頭萬卷書、閑倚南窓閱、入十丁山見岳翁

遠尋仙鹿跡、來問岳翁家、千里勞魂夢、三年笑鬢華、

洞虛藏日月、杯盡買煙霞、雪裡看春色、滿園珠樹花、

贈三介子五首

崑山三介子、容貌一何愚、唯解談農事、無情競世途、知君如美玉、貽我以生芻、笑顧鳴駒立、林風動紫鬚、冥棲共一壑、路與白雲深、未相看山憩、壺觴坐石樹、飲牛歌月夜、捫虱語花陰、逝矣無懷氏、誰人獲我心、適自林中起、彷彿獨抱琴、隣翁分野餉、邀我坐溪陰、閑話桑麻事、且知丘壑心、雲歸山欲暝、虛谷鳥聲深、野父同幽願、塵喧可以逃、耕牛任爾借、樵斧代予勞、菽水生涯足、雲山夢境高、姓名無所用、長此老蓬蒿、大國文明日、清聲入管絃、朝應無闕事、野豈有遺賢、翰墨三餘業、湖山二頃田、何疑貧與賤、長此樂夫天、早春奉寄天朝諸名卿

海日上扶桑、天開萬國光、雪盡山山麗、春回樹樹芳、鶯鶯朝金闕、琴樽醉玉堂、野人何所樂、蛟壤任歌長、喜田子幹訪過

何人吹玉笛、聲入晚風傳、睡起書窓下、笑迎雲岳前、涼天宜舉白、靜日足談玄、如不嫌貧窶、從容養浩然、田禮夫席上

相見唯相笑、澹然忘是非、由來青眼侶、不素與情違、

林壑秋方好、琴樽夜未歸、四隣人賴灌、明月在岩扉、

雪夜辛伯彝席上

風雪輪蹄絕、人疑坐禁亭、竹陰延皓月、梅影隨疎星、客鬢將先白、子衿依舊青、同朋如可照、身世擇沈冥、雨夜與伯章話舊

莫問舊時遊、潛焉濕敝裘、酡顏花底酒、朗詠月邊樓、二十年情話、三千里別悲、蕭蕭今夜雨、猶作客中秋、古溪堂集與李先生及辛和二子同賦得元

微君同樂志、山水與誰論、依舊尋三徑、忘愛對一樽、宛然丘壑趣、無復市城喧、溪上重乘興、來敲雪夜門、春夜松籟園集得外字

超忽如蟬脫、逍遙遊物外、身無軒冕^口、意與烟霞會、重覺湛露、月高^口遠瀨、丘中琴一曲、餘韻傳松籟、春日集并子安宅^{和光}

官餘足臥遊、城市也林丘、時理孤琴罷、復題新句留、柳邊醒醉石、花底沂源舟、誰謂滄洲遠、忘機對白鷗、孤山亭集三首得野字

多謝高堂宴、狂客方外伴、杖頭掛酒錢、袖裏携雞卵、每餘竹林深、不知蓬髮短、陳狂復休笑、吾性甘樗散、其二得佛字

一自遺身世、是非如恍惚、卑高無異倫、小大元齊物、醉鄉傾聖□、法外遊仙佛、冷冷松下琴、只任清風拂、

其三 得佛字

適語名山勝、烟霞暗髣髴、高歌懷白駒、長揖謝朱紱、文誰稱有神、尊獨於無佛、請看霜後松、寒碧終猶鬱、春日與隣更、耦耕崑山之陰、適聞清溪先生來在艸堂、欣然輟耕、乃使隣更買酒于東市、余手摘蔬而歸、則先生已去矣、因有此作

忽聞君子車、遙向野人居、酌酒行山市、摘蔬歸艸堂、唯餘題鳳字、難得換鴛書、惆悵徒瞻望、夕陽林壑虛、

田禮夫過訪有詩和韻

還山非避世、幽意在烟霞、野圃宜栽茗、溪田也種瓜、素琴臨水撫、春酒對花除、只是忘憂友、應知遁思嘉、

慰堤公臥病

丘壑饒幽事、主人何所嗟、幾年將痼疾、此處臥煙霞、閑話宜充藥、春情豈負花、鳥鳴猶喚友、何命巾車、

送蒼汝庸歸省浪華

携手上高臺、懷襟一鬱哉、聽君歌陟岵、使我泣離杯、臆句催春艸、班衣送老萊、江山微月夕、應夢浪華梅、

和和子成

江山乘暮色、曳杖獨依依、行葦春猶短、洲花景稍微、潮痕侵石壁、燈影掩柴扉、忽既聞人語、前灘舉網歸、

和辛伯粹

前浦多幽事、夜過漁子家、杖錢隨處掛、瓢酒就舟除、宿鳥驚歸汝、飛魚轉淺沙、微微斜月影、一半在江花、

丹渡河即事同堤公亮賦

野步隨仙鹿、丹丘行可卜、莓苔埋舊徑、松檟藏幽屋、名岳一餐霞、真人長避穀、高吟涉後園、餘響振林木、

春夜從松賴園歸崑野草堂

夕從松壑出、閑月送行吟、犬吠柴門外、人稀竹徑深、石滑雲生履、花低露滴襟、□□應未睡、隔水聽鳴琴、

二月十五日遊鎮興寺過槐客和尚舊院有感

微雨閑庭艸、萋々日夜滋、傷春逢佛滅、懷舊泣花時、壁上唯遺偈、□中猶贈詩、空餘禪定處、雲霧鬱□□、

栗長甫席上賜有松學字

四隣人籟斷、山市夜蕭然、愛爾情原素、留吾語亦玄、嶺雲低檻外、溪月捲簾前、時聽松風起、冷冷入野絃、

暮春置酒堤公亮山園待田禮夫不到適見青艸中有白頭者采之賦贈

惜矣舊時盟、微音久不展、佳期芳草歇、遲暮美人情、無復紅顏色、蕭然白髮生、陶陶春月夕、其奈玉臺傾、

怡雲子園亭同諸子賦分得齊

人似阮將嵇、開園一水西、因君耽竹飲、處處作花溪、乘月携琴到、看雲拂石題、葛衣淒欲濕、枕上綠陰低、

戊戌秋將赴薩中、熊城諸子設別筵于夕陽亭以待余、時北山舊友堤公亮因病闕出錢、余乃就之先告別矣、實九月十三夜也、

天寒孤鶴怨、聲斷海雲間、行李期明月、別筵違故山、夢從今夜遠、身得幾時還、惆悵難情歇、留詩慰病顏、

蓬壺館席上

高亭臨曲浦、風京勝前聞、簾捲三江月、琴停五嶽雲、逍遙唯喪我、邂逅況逢君、欲問滄洲路、清汀伴鶴群、

赤彥禮席上琉人勸酒賦示

遠近通幽塞、歡娛共一堂、客中途異客、方外問奇方、謝爾琉球酒、酬吾琥珀觥、興來談海岳、雲霧坐茫茫、

忘言亭

野橋橫竹外、林逕轉庭除、紅樹藏歸鳥、綠池觀躍魚、酒盟從我如、詩思得君舒、唯恨相知晚、江山亦自疎、

鶴江樓留別柁城公子

江月嘲樓影、人疑坐碧空、纔逢歡醖洽、却恨別離初、琴瑟違良夜、雲山歸舊廬、鶴鳴南浦外、回首屢躊躇、

和田禮夫

君如百丈松、孤直耻先容、真秘長年術、冥搜太古蹤、細書虛石室、探藥度雲峰、他日期何處、青天騎玉龍、

訪三介子臥病

憐君閑臥處、誰復問蕭條、幽徑空修竹、荒疇不辨苗、游神□造化、憩影就逍遙、明月含涼翠、林間酒一瓢、

李先生栗長甫和子成見過喜賦

誰意丘園樹、欣欣再向春、野厨無旨畜、林酌有嘉賓、翰墨空成賦、煙霞可共親、此生從所好、不復厭清貧、

端午松籟園作

不知端午節、林臥已忘歸、自笑披裘者、從君授葛衣、忽逢榴酒好、更覺楚醪非、興至多真趣、閑吟坐翠微、

和田禮夫

小築宜容膝、還山計易成、風塵堪白眼、雲壑寄幽情、服稱初年製、詩尋舊日盟、何時君念我、松月照前楹、

早春偶作

春芳何處早、野逕獨相尋、偶得梅花句、且停藜杖吟、遠山猶積雪、幽谷已鳴禽、寄語城中侶、興情誰淺深、

席上答馬彥章得庚

遊道忘窮達、逍遙見物情、猿宜幽整嘯、鶴向紫霄鳴、
別積詩思、歡來復酒盟、豈將人事、戚戚耐勞生、

送赤彥禮

赤松西嶺曉、共拂雪中裘、黃鶴南江夜、同登月下樓、
送君還舊府、使我憶曾遊、握手難成語、潛焉滄海流、

薩山大夫還、經我藩將、願崑野之傲、茅

茨漏濕、豈可下賓客之榻、徑路蕪沒、難以容大

車之轍、因載酒與脯、勞于富陽之驛、大夫欣然

喜曰、既已見其人、又何見其廬乎、即稱廬相酬、

留飲斷夜、花影參差、惜賞客筵之春、月色朦朧、

傷思行路之曉、興情不一、悲歡相雜、聊賦小詩、

共述幽懷、

既聞勞跋涉、休復顧岩阿、無處容車馬、空門自辟蘿、

野花深驛路、煙月澹溪波、幽賞聊添酒、對君長醉歌、

移居示舊友人

無適非幽意、依然舊隱倫、途窮忘日暮、機息見天眞、
雲臥山常靜、巢居鳥共馴、可憐東嶺月、猶照北山人、

野村

野村誰謂陋、意懷物皆妍、不復知溪惡、只能從酒賢、

聽琴松自韻、移坐石爲筵、幽興長如此、逍遙可樂天、

留別

淒風何颯颯、吹雨過林塘、正有琴尊興、其如松菊荒、
留詩非別遠、盡醉爲情長、愁緒逢秋暮、山人也斷腸、

九月十六日重宿田禮夫宅得心字九日訪禮夫

復喜憩園林、秋荒趣自深、黃花邀尚笑、幽竹對虛心、

已值陶無酒、又憐嵇有琴、何妨風露夜、情話得同衾、

寄懷薩州田子幹

聞說君高臥、相憐亦病生、幾時同酒態、中道少詩盟、

花發看遺恨、雁歸空復情、斷腸河上笛、猶似別離聲、

秋日同齋藤翁自猿崖行樂到白石山西福寺

秋風吹野服、意與片雲閑、欲憩青蓮宇、行尋白石山、

聽鐘過谷口、植杖語林間、茗酌忘昏黑、坐看栖鳥還、

經砥石山有感

山靈應我識、來往十年前、苔蝕曾題石、松藏舊漱泉、

停節黃葉晚、折屐白雲巔、回顧猶餘興、長吟落日天、

獨吟

無復憐同病、獨吟從酒噓、蹤荒三徑草、臥寄一峰雲、

飲澗猿懸影、畦田鹿逐群、秋風衾枕上、黃葉自紛紛、

送赤彥禮兼呈枕城公子

赤松歸海嶠、雲水渺傷神、遙謝蓬壺月、曾邀翰墨人、
於今思勝景、何處望仙真、因爾聊傳語、瓊花夢裡春、

北山艸堂喜淳也到賦示二首

不憚千峰險、相思任獨行、歡從鳥鵲報、詩得鶴鴒情、
會友文應博、忘貧病亦輕、蟲形何足事、慎勿釣時名、

遊道忘窮達、天眞養此生、苦心詩稱老、佳句耻難兄、

吾與林岳徧、爾音金玉清、每看春艸句、疑是夢中生、

答鶴城公子來詩云相思千里

瑤臺清唳鶴、野外有時聞、極目山川杳、愁雨雪紛紛、
誰知千里夢、却繞一峰雲、終夕看明月、沈吟獨懷君、

次田禮夫韻

一時論道流、眞意誰先覺、斯叟扶玄化、後生歸素朴、
松檜使鶴護、藥餌從鶴啄、雲月素餘興、遙幾海岳

守歲

守歲衙門下、更無人事喧、寓居宜舊媾、取興在清樽、
已解貧非病、眞知道自尊、此生安塞劣、不復羨飛翻、

出谷

出谷逢晴日、鳴禽聽始新、夙懷高尚志、長作太平民、
耕釣遊閑業、琴樽惱我眞、寒松終舊色、梅柳各爭春、

野遊

春風牽野遊、散步無能定、欲問故人廬、還迷芳艸徑、
鹿蹤過水斷、鶯語隔花聽、幽興得詩遲、雲歸林壑暝、

春雨堤公亮林亭同諸子賦

煙霧籠林壑、閑窓坐雨時、暮花紅寂寞、春草綠參差、
幽思偏嘉遜、賞心頗瘦詩、年芳眞可惜、愁髮易成絲、

拜熊野祠時天暴雨詞在極虛

千載靈宮闕、神光可見難、森森幽竹裡、寂寂古松壇、
雲氣簇崖黑、雨聲熊野寒、偶逢行潦到、采藻向溪干、

答某文學問余所友

吾有虛無友、此交人不知、自從三介逝、又與六藏期、
唯能全素性、何必解文辭、彼我相忘久、海鷗休復疑、

期辛和二子到時已季賦贈之二首

前蕪何多日、同袍既幾年、淒其風露夕、秋盡空林泉、
竹飲賢人酒、松聲夜月絃、懷君徒惆悵、瞻望只雲烟、

九日重贈

復已逢佳節、徘徊丘壑陰、白雲只怡悅、黃菊與誰斟、
一別空愁思、三秋寧嗣音、登高慵着屐、獨坐撫幽琴、

九月十三夜對月有感

聽琴松自韻、移坐石爲筵、幽興長如此、逍遙可樂天、

雲雨中秋惡、月華今夜奇、林寒栖鳥影、地白履霜時、
從別管公宴、徒懷楚客悲、山風吹欲盡、空惜桂花枝、

待和子成不到余時宿紫
溪先生宅

待君君不到、望月月將傾、誰與同幽賞、悵然思舊盟、
從來非室遠、況又有尊盈、一曲鳴琴罷、停雲空復情、

贈辛伯彝

翰墨君依舊、林丘我逐初、來遊耕鑿暇、且喜詩論餘、
美玉新收琢、閑雲故卷舒、懶生真自棄、蓬髮不勝梳、

寄懷田禮夫堤公亮

養素得天真、煉丹辭世塵、琴書宜共樂、雲月也隨身、
愁思集幽獨、夢魂還舊隣、蒼山歸鶴遠、瞻望易傷神、

悼怡雲老人五首

名園非疇昔、門鎖水之濱、千古藏舟壑、一丘埋玉塵、
樓懷登月夜、詩憶寄花春、舊侶相逢語、潛焉淚滿巾、
嗟我懷真隱、幽期不再同、書長藏壁裏、世嘗避網東、
舊佩空蘭氣、荒籬老菊叢、誰思空館夜、獨宿聽松風、
平生懷別恨、計至更悲復、不遺斯老、豈堪號彼蒼、
靈將玄帥寂、人與古琴亡、唯餘高臥處、竹影亂斜陽、
野亭要枉駕、花月幾停杯、掛榻終空在、携琴候不來、
別愁孤鶴夜、何意斷猿、涕淚令人怪、吞聲已矣哉、

懷昔與君遊、南尋海岳幽、踏雲隨謝屐、吟月盪仙舟、
勝景留詩別、歡心買酒酬、向誰談舊事、逝水日悠悠、

贈岩城氏二首

聞說岩城子、煙郊獨卜居、時人皆鑿折、於爾覺舟虛、
夢裏逢黃石、意中藏素書、載樽江月夜、自有釣來魚、
亭館鐘幽賞、江山似畫圖、時移蘭渚棹、復拾月洲珠、
花暖鶯呼侶、松陰鶴護雛、四難并爾意、八詠豈人需、

贈赤彥禮七首

凡愛容狂態、忘形見素情、時將戲謔、得慢和喂鳴、
論適潛夫意、欲從君子爭、但教知己在、何必問時名、
世上輕貧士、窮交與爾宜、同衾憐夜話、分箸慰朝飢、
愁思微無酒、歎心總在詩、悠悠管鮑後、斯道有誰知、
遊道還忘道、情疎任世譏、游魚宜共樂、棲鳥豈乖飛、
美日花留別、蒼山雨送歸、猶餘蕉葛贈、裁換薜蘿衣、
懷君勞著屐、遠度白雲岑、竹徑歌詩入、花源載酒尋、
共喜金蘭契、亦同丘壑心、一自遷喬木、無由聽好音、
一別如生死、音書久不通、交遊猶昨夢、各地復秋風、
鴻斷天何潤、鶴悲山更空、松間明月夜、琴酒與誰同、
嗚昔尋名勝、西南又得朋、屢貪春誦暇、遙問夜禪僧、
仙嶠俱雲臥、江樓憶月憑、何時談舊事、剪盡五更燈、

鬱陶思舊盟、風雨暗江城、鶴別琴猶怨、龍潛晝夜鳴、
屯邛方衛趾、惠好久留情、願我携妻子、於君託死生、

中秋風雨時余有鍾
惺感

不寐聽風雨、鍾惺獨自知、鶴鳴思子夜、桂惜墜花枝、
就膝星看暗、憑樓月負期、嫦娥何涕淚、天上失明時、

到綠河上宿田氏聽松亭得冬

依人為樂事、何處不從容、洲艸董微雨、江雲出斷峰、
靜琴携倚竹、醒石坐聽松、搖曳波間鳥、更無來去蹤、

冬夜北山艸堂叔九季淳偶到二首

離散嗟幾獨、提携悅匪他、圍爐然野竹、品茗煮溪波、
詩復聞棠棣、情偏寄薜蘿、悟言堪共被、更覺曉寒和、
雁行兄與弟、依舊自相宜、計既無三窟、棲堪共一枝、
興情皆翰墨、笑語是瓊瓊、對爾忘多病、不須禁酒卮、

贈淳也還熊城

鄒魯諸君子、遺風慕雅言、四詩應日興、三禮與人存、
爾玉成敦琢、吾文乏討論、好音如不惜、遙寄舊林園、

贈九也還故山

艱險萬峰齊、病生難共携、雨霜荒野暮、桑梓古溪雨、
歸鶴離群怨、孤猿伴影啼、白雲瞻望盡、佇立恨含悽、

贈北崑隱士玄真

誰謂高其事、遺身且樂天、與君嘉遜志、同是考槃年、
聲有山傳響、心虛水澹然、許由非我友、洗耳穢清泉、

野老

野老亦憐春、吟行興更新、水清堪洗髮、風暖任吹巾、
幽鳥鳴求友、美花笑映人、忻々皆自得、會意見天真、

左元幹宅值道仲師師元
幹弟

論詩難弟在、談法又難兄、共結蓮華社、兼憐棣蔭情、
繫珠堪並照、懷璧既同明、看取池中月、空天一色清、

幽居

幽居見現少、烟雲方峰陰、群鹿無歸處、棲鳥失故林、
舊朋書既絕、多病臥逾深、獨愛青松色、歲寒終此心、

飛雪

飛雪亂回颺、雩雩夕又朝、眼前欺玉迸、林上作花飄、
春色採先偷、歲寒松更驕、唯應詞賦客、各被園招

歲晚作

歲月常閑暇、窮陰豈更驚、不才拋草莽、當世耻文明、
犬馬空年積、萍蓬尙意輕、只須將獨釣、江海樂殘生、

早春作

來往披幽逕、山人亦賀正、新梳蓬髮罷、故補褐衣成、
俱喜豐年是、猶看舊雪盈、自今風日暖、樂事在春耕、

五言長律

慰齊子直失恃

倏爾虞淵日、安回隙駒馳、終風無靜樹、逝水豈停波、
 黃耆非恒待、白華虛補辭、山曾南嶽壽、原已北輿尸、
 當里開幽隧、萱堂聞舊帷、招魂雪積野、竇缺血凝澌、
 聖善于號泣、蒼旻不怒遺、寤求昏完處、誤看凤起時、
 髣髴聽梭軸、依稀見帔縗、隔窓烏尚語、繞幕雀看疑、
 蟋蟀寒牀去、蛸蠅登戶垂、杯香存口澤、鏡黑失容姿、
 讖罷滙壘酒、操殘紛繭絲、教雞寧故供、懷橘亦難貽、
 怨帶離群鶴、德勻啣哺鴉、稚啼還作哭、斑駁轉為齊、
 襁褓三年愛、墳塋萬古悲、寢笄身反側、啜粥面衰羸、
 累累愁龙狗、循循感鹿麋、後行離慈母、得食叱呼兒、
 眼見物皆淚、情關躬自羅、蓼莪何忍誦、天棘報勞遲、
 朋友徒長嘆、兄弟獨最知、矧予將附贅、與女和吹篳、
 却負螟蛉子、偏如棠棣枝、貧賈焉管鮑、同調即牙期、
 倡和交嚙躡、弛張互切偲、唯憂應臥病、將恐是登危、
 軒敢資承考、祝俱稱介眉、苑林邀倦鳥、霽日照傾葵、
 來就恩愈厚、胥娛家且宜、御冬傳廣被、當暑授輕綈、
 豐極引賓宴、貧憐截髮慈、妙齡崇有業、仁術若尋師、

陟岵迷瞻望、歸鄉引夢思、責從斷機重、方到折肱奇、
 敦琢有光儀、何堪奉祀隨、莫言終孝巨、

靈雨山人詩集卷之四

七言律

菊池懷古

搖落悲風林壑間、荒臺懷道有誰舉、絃歌長憶南朝化、
 城跡空餘西海灣、天地冥冥龍戰日、雲煙漠漠鳳儀山、
 兒童不解傷前事、黃菊池頭飲犢還、

聞大納言藤公退朝探棧伏陽賦此奉寄一首

天門曉闕送仙郎、昨夜春情夢寐芳、行舍鸞車從踏踐、
 欲攀瓊樹且彷徨、雪中疎影迷環佩、風裏餘香襲錦裝、
 試見羅浮山上月、嬋娟應照美人粧、
 仙輅尋芳降玉墀、傳聞上苑著花遲、雲霄忽謝鸞鸞侶、
 江嶺高凝水雪姿、微月隔煙疎影動、輕風度水暗香知、
 名山春色難同弄、遙向人間寄一枝、

登高來岳

崢嶸海岳倚天高、落日登臨興轉豪、陰合阿蘇千仞樹、
 灣吞築紫九江濤、孤帆忽逐鯤鯨度、輕直凌鳧雁翽、
 洞裏仙經如可閱、長隨松子鍊青膏、

謝浪華友人貽梅花 洛陽客舍作

靈宮未問浪華棧、多謝君携春信來、流水淺灣煙黯澹、
 清霄疎影月徘徊、一枝新賞先江嶺、千載餘香落酒杯、
 非是王生能獻頌、誰知瓊樹雪中開、

和堤山人遊蘇山韻却寄

名山何處問神仙、笑指蘇門萬仞巔、魚眼玲瓏明月夜、
 鸞聲彷彿彩雲天、開窺石鏡梳蓬髮、且羨塵顏灑玉泉、
 洞裏流霞君有意、歸來寧莫一杯傳、

擬送在中郎擇居東奧二首

聞君此夕出皇京、綠酒瑤琴慰遠行、魂向異鄉迷夢寐、
 家將勝跡試經營、西臺花月離人淚、東岳風瀧游子情、
 河上白鷗如解語、相思一報洛陽城、
 仙郎將別帝城闕、東望名山解珮紳、莫羨歸潮通舊國、
 却教鳴雁報令辰、鸞車過處投佳果、彤管題來貽美人、
 隨意他鄉花盡、餘芳猶帶玉顏春、

送河子訥之浪華

遠遊東望浪華灣、知爾行行興幾深、晴渚停舟明月夜、
 空城吹笛碧山陰、棋花春盡餘靈跡、蘆荻秋荒傷客心、
 試向人煙饒處問、高臺誰繼古皇吟、

詠佛法曹

金海蓮臺鎖彩雲、神禽自唱貝多文、妙音同和頻伽侶、
能語寧傳鸚鵡群、色界脚來花點點、空天啼去雨紛紛、
最憐閑坐焚香夜、深向松間明月聞、

畫後屏風

青巒丹壑鬱秋陰、古木蕭森猿欲吟、巫峽雲烟毫末動、
巴江水月目中深、誰知五指通神妙、猶恐三聲傷客心、
身在畫堂屏障下、還疑獨夜宿空林、

九日與道冲師同舟湖綠河

十日江山九日天、輕舟乘興破蒼烟、籬東懶學陶潛醉、
南浦欲參杯渡禪、乘流澗寒明月動、吟中秋爽碧雲傳、
湖回還覺風波穩、應是真龍鉢底眠、

賦得松契遐年壽紀邱大夫七十初度二首

侯園松樹帶輝光、中有珠簾白玉堂、海嶽仙人停鶴馭、
雲臺神女掛霓裳、風音偏和朱絃曲、花氣還添綠酒香、
爲是南山新獻壽、清陰長此報無疆、
樓臺十二水東涯、松色當窗映碧紗、假蓋高迎朝日掛、
橫枝半擁瑞雲斜、香分金鼎仙人液、影照瑤池王母花、
兼愛庭陰留處、壺觴瀉出洞天霞、

冲上人席上詠畫鶴

仙禽何日下天池、珍障樓成珠樹枝、華表月從禪刹指、

巖山雲繞佛牀移、身隨飛錫三清外、名託高林千載知、
若使支公誇愛畫、寧將殺翮誤真姿、

別後重奉寄懷大納言藤公

公家皆戚 御杯並別下賜 賀也附以公及中山清閑卿 書故中 句及之

仙遊昨夜夢蓬萊、却望東天滄海開、杯灌霞漿餘五色、
書飄雲錦落三台、握蘭香逐清風動、佩玉聲乘明月來、
恥我身中無道骨、空騎龍背葛坡回、

酬浪華中泚荳君舉見寄作

君家何在浪華城、簾櫳臨流下築成、歌繼梅花王子頌、
調清仙管鳳笙聲、湖洞中泚人猶阻、瞻望西江月欲傾、
一葦難航風雲夜、自憐來往夢魂輕、

夏日古雪亭集分得寒

白日披襟俯碧淵、高吟長嘯意何寬、雪凝神嶽千秋色、
風送江天六月寒、窓竹禽歸窺林篔、畫屏雲起疊峰巒、
壺中別有乾坤在、不羨飛騰生羽翰、

聽松館集話薩中山水

蓬壺靈跡再難求、徒就圖中話昨遊、鶴嶺雲隨揮塵動、
龍宮月蕩舞鸞流、松風夜靜聽仙管、海雨朝晴現蜃樓、
一葦欲航無處所、漫漫烟水使人愁、

五言絕句

舉杯酬明月

舉杯酬明月、杯傾月未傾、願使天上月、夜夜與杯盈、

山中無題

讀罷五千言、松窓坐明月、夜深聽靈籟、冷然徹心骨、

詠鷺

孤影何清潔、飛來白雪寒、纔過花月失、還映柳陰看、

白石枕

片石皎玲瓏、冰雪逼膚涼、似借真人牀、姑射山上枕、

訪龍谷隱者不遇

山客無蹤迹、飛泉灑碧林、欲窺龍臥處、谷口白雲深、

龜溪

朝釣龜溪源、晚釣龜溪渡、不知春潦生、迷失來時路、

雪晨

庭陰聞鳴鶴、皎影看有無、玲瓏數株樹、一庭總成珠、

寒曉

叩冰漱前溪、深夜萬籟寂、一聲何處鐘、滿山霜月白、

題僧房

一字碧山間、薜蘿擁岩戶、試問老僧年、笑指古松樹、

暮春志賀寺即興

湖山春欲暮、寂寂古梵刹、山風吹落花、飛作湖天雪、

題畫

落英紛不盡、溪流合復分、舍舟從此去、鷄聲洞口雲、

擬古

客來多風雨、客去少風雨、唯使客心寬、何如愁風雨、

擬平忠度和歌

行行日已暮、樹下即爲家、今宵誰是主、上有滿枝花、

臨中流舟人妻詞 君子作也

阿郎臨中流、手自事舟楫、多恐寒裂膚、夜來風雨急、

送齋氏兄弟

君有雌雄劍、千金買得歸、休衝風雨去、恐作二龍飛、

絕句

殘月山窓曉、雉鳴破春眠、無處尋野經、芳艸綠如烟、

席上贈西秀才

語來林壑暝、半窓脚烟月、把酒對阿戎、竹風吹散髮、

簡城中人

幽谷苦冰雪、春城興若何、人傳喬木鳥、早已好音多、

子真自南潤歸因賦贈

好鳥春未歇、愁人空對酒、君過南澗時、早採著花香、

失題

煮茗坐清晨、松雪壓戶牖、衆壑凍雲深、何路邀隣叟、
早度野橋去、霏霏雨雪多、欲問梅花處、不見一人過、
深雪埋松逕、幾日斷行人、一鳥歌幽谷、山中始知春、
昨夜梅花發、今朝柳色新、鬢毛一衰改、無復舊時春、
出門小兒啼、問爺去何處、爺道去尋梅、兒道抱我去、
巢燒宿鳥驚、轍涸窮魚哭、無力決江湖、爲爾空歎息、
平山民家災金適見
收餘燼者因有此作

賦行迷野徑、微月隱煙樹、不聞犬吠聲、何知人家住、
我出山中時、寒林花未發、我自城中歸、春草綠如髮、
潺湲泉始瀉、林壑澹晴暉、試從松逕去、餘雪落我衣、
百卉向春榮、衆鳥自嚶嚶、謳歌荷鋤者、不知帝堯名、
山深猶墮戶、風暖始窺園、求友鳥相喚、向人花欲言、
拚酒聽啼鳥、逢花復停杖、不知林景暝、前峰微月上、
蕭條暮天鴉、追飛入杏霧、唯聞山寺鐘、不知山寺路、
故人復踈澗、風雨草堂愁、前溪不可渡、後峰不可遊、
游魚邇上流、啼鳥遷喬木、愚矣移山者、年年老空谷、
抱疾臥青山、療飢煎白石、幽況人不知、雲月自朝夕、
童稚藏林中、弄以鎌與斧、學人事材木、自能呼許、

採藥入春山、山深迷出處、暗聞鷄犬聲、試向花洞去、

偶興贈人

孤琴不調復、對酒空相想、恨殺梅花月、難與情人賞、

春日歸山

雪盡漲春溪、山山花如霧、歸來恐自疑、非是前日路、

別後簡亦彥禮二首

執法城外路、芳草綠萋萋、
昨夜城中月、今宵照竹林、
相思不相見、惆悵一張琴、

夜坐待子直歸

夜坐待君歸、犬吠雲間嶺、忽見一星降、知是松炬影、

無題二首

山中何所樂、雲月饒幽賞、白駒不人絆、玄牝可自養、
見山且盤桓、誰知靜者情、日暮稀樵者、萬壑唯松聲、

題續氏畫壁

咫尺爲千里、峰勢爭峻峙、欲題還停筆、恐有雲霧起、

有吉氏山莊

雨霽峰巒碧、煙水澹成空、花影與松色、總在明鏡中、

玉龍山卽事

大千歸眉宇、下界人如嶼、拂石坐白雲、悠然觀無始、

夢斷

夢斷聽松風、山窓似人□、明月在枕上、白雲在枕下、

西島氏訪過

忽有足音登、開戶看山月、自非同病士、誰問烟霞窟、

六言絕

送赤彥禮分韻得休

對酒中腸斷絕、臨歧雙袖龍鍾、與君再會何日、目盡千峰萬峰、

七言絕句

過赤馬關

長風破波一帆還、碧海遙環赤馬關、三十六灘行欲盡、天邊始見鎮西山、

贈釀桂花酒者

問道天宮月樹花、秋風吹落杜康家、玉杯非是傳仙掌、誰服名山五色霞、

獨酌取醉時藤公賜生魚一雙欣然復盡殘樽賦

天上仙人頰玉餐、彩鱗雙落五雲端、誰知杯酒誇真隱、却勝羊裘釣碧灘、

西京四時樂

春

謝公何處携名妓、遙望東山春色美、樓閣花深不見人、絃歌聲在風煙裏、

夏

丹鳳城頭綠鴨河、長橋乘月度空波、朱簾齊捲清風夜、誰氏樓臺涼氣多、

秋

通天橋影映飛虹、秋霽携登兜率宮、回望夕陽紅樹色、樓臺總在錦雲中、

冬

連山曙色皎漫漫、珍館瓊樓相映寒、應是香爐峰上雪、美人遙捲玉簾看、

春日散步從鴨河堤到藤子龍洛東客舍

春風輕暖自飄飄、傍柳隨花不覺遙、行盡鴨河芳草渚、故人家在第三橋、

和子蘭

風動仙人雲錦裳、南樓月出見清揚、耻將霜露兼葭質、設借岷峩玉樹光、

答河氏

百杯傾盡蒲萄碧、忽將設典酬詞伯、誰道一時詩無敵、

自笑縱橫醉李白、

贈賈酒人贈 家在洛東白河橋酒旗上 拙以黃鳥一聲句

一聲黃鳥勸杯新、一聲一杯醉幾人、非醜白河花底水、玉壺何得貯芳春、

送人歸隱赤松山

赤松山上古仙壇、仙去壇空山月寒、行矣洞中歸隱士、應收餘燼煉金丹、

采蓮

朝蕩輕舟向若耶、青娥紅粉映蓮花、多情惱殺游冶子、溪上陶陶白鼻騮、

送人歸高砂

高砂靈跡彩雲間、碧海天開萬里山、莫謂長松非舊侶、猶留秀色待君還、

別葛陂先生

故人琴酒惜離顏、海上蒼茫萬里山、試借葛陂仙子杖、欲凌雲霧問鄉關、

靈雨山人詩集終

古城貞吉編校

滄浪草稿卷之一

肥陽 墨昭猷君微撰

古樂府

黃澤辭

皇之淵、其馬蒼蠅、皇人受禱、

皇之淡、其馬驟耳、皇人樂只、

皇之水澤、其馬歎玉、皇人穆穆、

皇之靈德、其馬翼翼、其則不忒、

白雲謠

白雲在天、山陵間之、樂只東土、萬民受禱、悠遠路里、將子歸來、

瑤池謠

白雲自出、復洽而野、壯哉山川、歸服諸夏、將子三年、能顧見女、

越人歌

山有雲兮江有波、鳴鐘鼓兮擁柁歌、今夕何夕兮見王子、檢修袂兮舉繡被、今日何日蒙詬耻而不煩兮、得中流心靡它君知不、

南山歌

南山白石爛離離、生與湯虞不同時、薄夜飯牛何其悲、焉佐伯王命車蹄、單褐短衣予能來、

易水歌

風凜凜兮首鳴、日冷冷兮白虹橫、壯士怒兮短髮寒、易水逝兮不復還、

核下歌

為楚歌兮漢覆地、天亡我兮時不時、飲帳中兮美人侍、左右泣兮莫仰視、

大風歌

大風吹兮赤雲起、乘八驪兮歸沛里、民桓桓兮俱受祉、時橫四海挾猛士、

天馬歌

天馬生徠中國、配乾行歸有德、地之精陽為主、躡浮雲龍為父、體容與超激風、絕流景虎奔雄、天馬徠誰攻爾、御飛電迅若鬼、天馬徠歡明玉、飛而黃四夷服、天馬徠循東道、承靈威服歷阜、天馬徠誰同期、登玉臺今安之、天馬徠從大宛、竦予身踰崑崙、天馬徠協帝圖經、千里擊匈奴、

琴歌

鳳兮鳳兮倦遊歸、時未遇兮知者誰、周歷四海翻高飛、

滄浪草稿卷之一

情兮淑女在深閨、室邇人遐思依依、今夕弄琴心和諧、交情通體永為妃、家徒四壁何其悲、鳳兮鳳兮將還鄉、側棲荆棘無所將、車騎雍容過臨邛、來舍都亭一舉觴、中夜相從升斯堂、永雙翼兮共翱翔、鳳兮鳳兮爰求凰、得託琴尾如鴛鴦、

四愁詩

我所思兮在東魯、欲往從之龜山拄、引領遙望涕如雨、佳人遺我鷄舌香、何以報之明月瑤、于嗟我手缺斧斨、永懷莫致倚悲傷、

隴上歌

隴上壯士跨驕驄、服幹雖小藏猛雄、雙帶鞬服懸月弓、南一敗走陝中、七尺大刀盤白虹、丈八蛇矛奮烈風、當前當後失大刀、戰始三交亡其曹、雙鬪驕驄賊幽逃、心肝抵節為爾衰、隴上激兮流水飛、壯士去兮不復歸、

克商操

上邳天則兮、可以安乎、殷差皇天兮、及以亡乎、

龜山操

予欲將歸魯、望魯問龜、吐雲蔽之、辨之何其、

篋篋引

公無渡河、浩浩河水滔天、公無渡河、咨咨河伯安憐、止

不及兮墮河而公溺之、公馮河兮無悔而何及茲、終然葬江魚之腹當何其、將風波兮無鱗甲何處依、公自如斯、妾何處歸、嗚呼噫嘻、

秋胡行

日月易陰、天地難愛才、日月易陰、天地難愛才、華臣立朝、政不節財、自直者忌、自枉者俛、仲尼還息、厥操以哀、歌以言之、天地難愛才、

飲馬長城窟行

鬱々長城窟、水冷傷馬骨、汗馬日相驅、拊襟倚幽闕、幽闕欲何之、苦哉生別離、別離一愴惻、中心如荆棘、高樓知天風、搖落知天霜、各自爲誰媚、顧眄轉悲傷、浮雲西北來、鴻雁東南飛、附我尺素書、游子日依依、浮雲長相望、素書長相思、上言故鄉好、下言早旋歸、

神絃十八曲

宿阿曲

蕩蕩開天門、沉沉閉地戶、真宮從蘇林、出入先風雨、

道君曲

中庭有桐、布葉青青、道君來下、道同神靈、

聖郎曲

前自語梧桐、後自語鳳凰、姑坐青溪側、郎坐白水傍、

酒無沙糖味、玉無白石光、

嬌女詩二首

一遊越溪南、二遊越溪北、艷於十五女、芙蓉傾城色、絃歌綠水間、餘音心相憶、

蹀躞白石江、江水東西分、自結合歡帶、自織連理紋、繡出雙鸞鷺、三三兩兩拜、

白石郎曲二首

郎之徠當絃歌、衣以紫綺佩以珂、上有長松下女蘿、積石累累芙蓉艷、臨江花與郎同色思其雙、

青谿小姑曲

青谿近門、白石爲橋、小姑無郎、胡爲獨嬌、

湖就姑曲

湯湯赤山湖、窈窕綠水歌、遙望中菱菰、大姑居大湖、中姑居湖西、小姑獨有懷、

姑恩曲

明姑威蕤齋、番謁六萌車、前導斑璣獸、後從朱鳥鳳、孟陽二三月、流藻津無根、單身如楊華、持底報天恩、

採蓮童曲

扣機妖且開、高唱采蓮歌、更將紅顏色、特照芙蓉華、東湖採芙蓉、西湖有愁婦、不禁菱與菱、攘袖見素手、

明下童曲

走馬白水側、照耀紫金鞍、遙望射堂頭、馬蹄以可彈、緒白願千金、斑驕一舉、並轡猶未歸、日與陸郎語、

同生曲

人生局一世、一日不可知、松作夜遊燭、爲樂無乃遲、蟋蟀鳴空牀、霜委同心草、來去爲古今、三歎令人老、

烏棲曲

雲作繡帳月作燭、含笑一轉面如玉、郎今投宿宜城下、停鞍暫繫紫騮馬、浣紗渡頭柳如絳、何如能得繫日落、高髻雙珠鳳凰釵、應是懊惱郎君懷、城上樓鳥知天曙、生憎雙啼語相去、含情不語處空牀、玉籠鸚鵡不呼郎、繡帳羅幃爲君垂、一夜千年更相思、白馬踴躍珊瑚鞭、遊冶石城諸少年、

江陵女歌

風從蘋末起、舟從抑唐流、拾得娘玉簪、刻蓮作並頭、

襄陽陽銅蹄

陌頭馬上兒、朝發襄陽城、望別不能言、攬衣乃含情、白馬紫金鞍、一步自生光、照耀珂峩頭、郎去不憶鄉、陽春二三月、大堤諸女兒、歌舞不知愁、郎今定憐誰、白馬踴銅蹄、家本在襄陽、酒如漢水色、與雙杯行、

猛虎行

餓食首陽之下、渴飲穎水之涓、玉使楚客泣、絲爲墨子悲、月徂歲載卷、榛棘自多枝、但見猛虎窟、鳴條起風吹、腰佩金赤刀、一曠南山睡、河之深可馮、不可以暴之、輪囷當道路、十夫且撓椎、不用則爲鼠、斑文嗟已而、

短歌行

草駒可糜、去日難維、桂醕蘭漿、人生幾時、歡當以娛、曳尾泥途、唯有莊周、我心煩紆、黃鳥于鳴、其聲嚶嚶、但爲君故、悲歌暢情、樂少憂多、歲月蹉跎、華以春芳、落不再柯、朝露未晞、風蓬速飛、越陌度阡、何處可依、月明如霜、鴻雁南翔、吹笙鼓瑟、嘉賓樂康、何能坐愁、枉用相求、野萃青青、鹿鳴呦呦、食不厭精、胎不厭細、周孔孔落、道以無弊、

燕歌行

素瑟蕭條吹我衣、群芳銷歇秋氣悲、天霜蕭蕭雁南飛、林上月皎照羅幃、念君遠遊常依依、浮雲萬里長相思、何爲淹留不有期、空牀蟲鳴夜凄其、當懸援琴撫玉徽、哀絃激音中心摧、憂來無方何得知、星漢西流梁難爲、滌爲中零不可揮、出戶慄慄遙睇故何時當來歸、

王昭君辭

妾本漢家子、垂髮處後宮、光彩自射人、六年不相通、一應倉皇詔、萬里遠嫁戎、上殿辭明主、下殿出銅龍、前驅奏胡笳、琵琶曲未終、轅馬去如鳥、節旄列如虹、雪飛陰山下、淚零瀚海中、行行入穹廬、哀鬱填心胸、貴我以關氏、胡母分雖崇、固無冠帶飾、旃裘以相蒙、渾酪以相荐、焉持顏色紅、浮雲遙相望、涕泣瞻飛鴻、昔如乘上珠、今似風前蓬、甘我逗落草、苟生難殺躬、前朝烏孫主、良知遺恨同、

鬼將軍歌記肥陽遊童謠

鬼將軍兵如雲、忽開不言分、忽戢不言合、大機變態誰折拉、一鬼將軍兵如神、影隨而響臻、將軍一投梭、白河之水自滔滔、二鬼將軍兵如洗、搏虎怒風卷、一震納王子、神策胡為不言鬼、三鬼將軍兵如雷、一戰海夷曠、再戰韓來聘、嗟夫將軍之力哉、四鬼將軍兵如林、農民息其陰、肥州道路開、將軍一去不復回、五

滄浪草稿卷之二

肥陽 墨昭猷君微撰

五言古風

古意

高樓屬浮雲、下有故鄉道、鴻雁西南飛、秋風搖百草、傷彼蕩子顏、呵徠難獨好、含意將安適、歲月漫浩浩、來者去為昔、年命莫能保、所遇但遺跡、日以人著老、胡為待來茲、零涕復盈抱、坎軻失要津、無為季子嫂、古人心尚爾、廻車信不早、馳情一水間、焉得如魚藻、

雜詩

行行日已遠、思君夢故鄉、道阻萬餘里、乃在天一方、游子累長夜、攬衣起彷徨、越鳥飛南樓、胡馬鳴北望、陰陽漫浩浩、感傷令人老、努力各有時、棄捐一何早、相思度加餐、紅難獨好、歲暮不願返、別離勿復道、
其二
娟娟漳河女、依依樓上戲、沾沾倚秦箏、悠悠多悲思、皎皎映臙立、呵眄為誰媚、蕩子去不還、素書不可寄、明月在空房、耿介難獨寐、
其三

松柏寒陰陰、白石爛離離、人寄天地間、奄忽能幾時、斗酒厚不薄、娛樂難可期、驅馬振飛鞭、名都以遊嬉、冠帶一何美、宮闕自參差、甲第羅夾巷、蕩子將安之、生年即滿百、極宴多所宜、王侯傲貴氣、如何思盛衰、

其四

良宴屬今日、合意欲極歡、嗚笳奮新聲、逸興觀若蘭、芳氣隨風發、高唱再以彈、齊心得其真、令君中道還、感感守窮賤、平路一何難、人生忽如歸、譬若濁水瀾、逝者率如此、輜軻長嗟嘆、

其五

高樓出浮雲、河漢間重梁、上有愁思婦、被服羅衣裳、絲竹妙一世、新聲中清商、誰能識此曲、含意歌慨慷、知音難再遇、絕絃一悲傷、棄如秋草委、凝氣激繁霜、白日西南微、浮雲為低昂、阿閣今難棲、鳳凰千仞翔、

其六

製衣采菱荷、芳蘭饒九畹、將以遺所思、致之苦道遠、山川阻舊鄉、歲月忽已晚、芳華難久恃、無因欲願返、

其七

明月耿長夜、既望瞻兔缺、寒氣加孟冬、仰觀衆星列、四時其代序、空牀悲蟋蟀、玄鳥辭秋社、寒蟬鳴林樾、

疇昔同袍徒、交若膠與漆、良遺携手好、高林各有日、迢迢牽牛星、織女苦離別、機杼不成章、皎皎執高節、

其八

再再結根竹、在彼終南陰、截為雄鳴管、宮商附其音、新聲和中節、妙曲能齊心、弄玉從籟史、吹作鳳凰吟、豈能在人耳、寡鶴安可任、欲得日相御、孤生隔虛歛、千里遠致身、我無合歡衾、佩彼蕙蘭花、徘徊獨至今、

其九

良馬東南行、踟躕中道路、玄黃懷苦心、江水莫能度、不惜千里勞、傷無千金顧、馳情而離居、奄忽歲云暮、

其十

弄機河漢星、攬手理紈素、素手不負輓、幾許歲云暮、紅顏私自憐、泣涕如露露、終日一水間、引領東南顧、盈盈河無梁、攬衣不得度、

其十一

策筇逝安適、故鄉長相思、浮雲蔽白日、軒車失路岐、四顧無故物、百草各盛衰、棄捐以速老、隨物陰陽移、人無盤石固、振翮能幾時、徘徊復何益、但傷立身遲、

其十二

東城百餘尺、浮雲屬透迤、歲暮傷蟋蟀、悲風秋草萎、

人生如朝露、盛年日又衰、美者燕趙女、令德合妙辭、
促柱理清曲、絃急一何悲、當戶整巾帶、扈彼芷與籬、
灼灼顏如玉、衆女嫉娥眉、謠詠謂善淫、愁思當告誰、
願爲巫山雲、徘徊入君帷、君帷良不開、賤妾亦何爲、

其十三

蕭蕭郭北楊、青青廣路柏、古墓何磊磊、新墳何歷歷、
一寐黃泉下、冥冥卽長夕、千歲意難申、陰陽潛復易、
漫漫何時且、人生不滿百、願爲常歡笑、年命非金石、
賢愚同此理、萬歲但遺跡、愚者愛求仙、服食復何益、
衣錦莫夜行、美酒多宛洛、

其十四

迴車出郭門、遙望郭北林、里閭與古墓、松柏何森森、
去者日爲昔、來者日爲今、故鄉有旨酒、願言常酌斟、
欲歸道阻長、踟躕一沈吟、

其十五

滔滔河上水、逝者復如斯、何能舍晝夜、秉燭屬良時、
千歲不我與、生年以爲期、賢愚道非一、榮名亦可思、
僂人安期生、後世夫何其、

其十六

凜凜涼風厲、當戶聞螻帖、游子衣裳薄、獨宿歲已徂、

焉得同車歸、携手不須與、所思在洛浦、還顧倚踟躕、
佳人惟舊好、惠我貂裘綸、將以報錦衾、致之隔崎嶇、
違我同門友、何如越與吳、轆轤守窮賤、枉駕陳歡娛、
誰能處重關、感傷心煩紆、翩翩中林雌、如何雙翼孤、

其十七

孟冬玉衡指、北風委蘭佩、皎皎明月望、冉冉蟾兔晦、
棄妾爲歎歎、隱者歌慷慨、鴻雁從河漢、孤飛何相背、
一聞不能寐、再聞不可耐、思君衣帶緩、徘徊遙眎睐、
一字無書札、別離及三載、

其十八

佳人從洛浦、遺我鴛鴦綺、比翼發文綵、願裁合歡被、
中有長相思、相去萬餘里、會面幾許時、紅妝難久恃、
人生非膠漆、焉能得依倚、

其十九

明月入綺窗、皎皎有餘輝、攬之不能寐、游子寒無衣、
夢想不盈手、行行久不歸、憂愁緩中帶、出戶遙相睇、
入房守長夜、淚下霜雙扉、

擬李陵與蘇武

嘉會難再期、良時不復幾、送子蹊路側、携手野徒倚、
今如飛龍乖、昔似高鵠比、河梁暮何適、仰視浮雲起、

生爲胡國人、死爲漢家鬼、

擬蘇武

夫婦一結髮、恩愛兩可思、燃婉及今夕、何忘歡樂時、
千里顧踟躕、悲哉生別離、往路悠且長、各在天一涯、
起視參辰沒、相見當無期、我有絃歌曲、以喻子中懷、
慷慨吐哀吟、激烈一何悲、欲叙平生親、傷子不能歸、
對酒夜未央、握手遙相辭、願借飛龍翼、與子常追隨、

建安七子體

代曹子建

烈士多雄思、邀遊事四方、我后赫赫怒、人馬臨江湘、
一舉披九土、奮戈何激揚、攬弓因右發、連爲下彼蒼、
損軀赴國讎、國讎亮未亡、長驅登高隄、拊劍情內傷、
悲風鳴鎧甲、東嶽旗幟颯、高唱雲中曲、凱歌入許昌、
置酒飛觀上、勞賜超山岡、厲我凌雲翼、飄颻仍翱翔、
意志通大道、千秋垂聲芳、

代王仲宣

翩翩秦川子、悠悠中心愁、秣馬欲何之、悲傷淚難收、
薄言歎式微、白日安能留、涇渭揚素波、回颺漂吾舟、
塞柝登河防、我裳漙露浮、日久無煙火、榛棘生城丘、
故隄走狐兔、四望無所由、大江烽燧起、黃雲蔽旄旆、

帶甲震天威、神武多奇籌、從軍殊何樂、一舉願封侯、
我無鉛刀用、素餐誠可羞、

代陳孔璋

從軍白馬津、萬里望鄴京、忱慨一何苦、飲馬度長城、
窟深水且冷、撫劍傷我情、白骨誰復葬、蹄血灑混坵、
一身棄鋒端、人馬紛縱橫、顧眄望我軍、耀武于戈精、
羽檄日相馳、戰士爭先鳴、安老書記室、男兒重姓名、
雖我無時謀、奮身竭忠誠、

代徐偉長

霜氣以皚皚、北風正凜凜、從軍馳萬里、鼓角發悲音、
列舟下淮泗、隨波載浮沉、日暮見人烟、空城蔽重陰、
我君不遑寧、鐵騎日駸駸、未充葵與藿、秋露沾我襟、
饑渴中道路、猛虎窟且深、慊慊若寒行、安息野雀林、

代劉公幹

我後遠出征、整駕代獯羗、六軍如雲集、皚皚劍如霜、
金鼓山川震、沙磧轉北颺、時裏先登羽、縱橫奮斧斨、
戎事疾且難、烈心苦慨恍、濡翰坐纒幕、小臣安能詳、
離思結不解、賦別連詩章、今我沈痼嬰、喟然怨道長、
願得肅肅羽、相追共翱翔、

代應德璉

孤雁翔萬里、高飛入雲中、方舟列長流、眷眷顧鄴宮、
淮泗一何急、征夫思仲仲、乘弓控皎月、拊劍提白虹、
鸞鷖生平原、飄飄多轉蓬、戰氣起城南、振威大舉功、
鎧甲蒙霜雪、長驅代西戎、其德越商周、神武勞聖躬、
安慰飢渴懷、細微非無雄、羽翼已摧頽、天路以難狎、
永懷戀故鄉、送目不可窮、

代阮元瑜

厲馬度陰山、玄黃我馬疲、金鼓日夕起、但見愁雲垂、
四野何蕭條、飛揚游俠兒、舊勇如豺狼、吳國速可夷、
雄志馳九關、功名揚邊陲、天機運帷幄、三齡何勞師、
親戚誠乖別、念昔獻南皮、擲筆從君樂、歲徂非所悲、

效應休璉

嚴牆不可立、知命且自將、何願為世儒、莫用如豺狼、
嗜函已崩亂、董袁還淪亡、佳麗帝王居、銅雀雲中翔、
丹雘開天府、風飈驚飛梁、既命入承明、使臣典文章、
我聞仁智士、是謂君子鄉、不能歌德聲、千歲無相當、
賤子復何言、慚愧為慨恍、筐篋有玉璽、經國在化光、
焉享周公業、聖明為大康、

感懷

猗猗蕙蘭花、零露陵瓊蕤、孤生在穹谷、清風一御之、

含英亦何傷、萋艸故難為、豈不王者香、結根非所宜、
勿々歲將暮、感彼霜雪時、采采置懷袖、中心誰敢知、
薄言歌慷慨、吾道欲委蛇、下流亘久居、千載聲不虧、
席上走筆謝諸子過訪

有客飄自遠、徘徊吹參差、其音入微妙、聞者不知疲、
樂哉殊何樂、傾蓋云追隨、北馳飛微駭、朱華挺芳蕤、
甘膠盈樽壘、相酬一杯行、炮鼉騰胎變、縱橫各賦詩、
薄言攬衣裳、凌厲有高姿、天地論風雲、揮毫文在茲、
人生多轉蓬、歲月自如馳、今日無極懼、何以慰我思、
古人嘗有言、不醉終無歸、良遇又難值、此會勿長違、

悼亡兒

晷度運天機、代謝晦與望、朝露凝寒草、夕風多白楊、
嗟汝寐黃泉、冥冥即夜長、年命無能度、私懷誰克當、
兄妹皆有子、嗚呼我獨亡、魂與寂無響、嘆息重惘悵、
形容長幽隔、人生各靡常、缺月照我室、松柏生北邙、
齒齠張空牀、泣涕臨爾祭、私懷安能已、悵坐目存形、
啼聲猶在耳、心慙東門吳、哀似子夏、欲言言哽咽、
此悲難具記、離難自易茲、朱華自無恃、感感感物嘆、
生者奚免死、雖禱爾神祇、焉能復存爾、穉襟一毀傷、
嗚呼知命矣、沉憂復何益、自顧能令鄙、

答元參上人

一日到寶地、車蓋曾不通、溪水發微音、薄言思加聰、
霜林收陽彩、殘菊依寒叢、老師服黃衣、朱顏似仙童、
能看幽隱物、黃眉而青瞳、口誦師祖傳、反顧慕高風、
來問六塵縛、還寤五纏曠、鳥聲答梵音、曇華散空中、
嘉果充圓方、龍團和氣融、惠愛不知疲、携手詩思濃、
扶光迫西嶽、分陰宴有窮、塞衣上橋梁、師能比遠公、
親疎任來去、譬彼河水東、歸促會日長、斯心嗟轉蓬、

彈劍

一夜青龍泣、樂射斗牛光、曾自風胡至、凜如凝水霜、
有仇須學舞、只看割羝羊、腰帶誰勉視、龍騰又虎驤、
晴日空籥膝、抽之彈以傷、天門風冷冷、愴海浪泱泱、
惜哉一寶劍、已哉嗟王祥、

滄浪草稿卷之三

肥陽 墨昭猷君徵撰

七言古風

上山歌

上西山兮自崔嵬、探紫芝兮云徘徊、先公割地雲長在、
我勝遊兮思悠哉、

醉歌行留別井孟寬

我醉同君歡、我狂君試看、飄飄舞袖芳草地、古渡柳
綠盡折殘、關西游子慨然嘆、一揮雙淚海水寒、道說
古來多壯士、一朝擊筑飲燕市、意氣飛騰衝紫霄、井
子見子笑不止、醉裡長嘯吐素霓、此遊自愛春酒美、
少年結客多擲金、古人曾隨青雲起、人情難值酒如澗、
須臾酒盡情未已、井子知酒醒、把酒再勸割雞豕、飲君
之酒吟君章、淒淒曲轉清、斑生介子丈夫行、二子英名
猶崢嶸、武陽城外欲何征、武陽城下水盈盈、烈士各有
志、林木各有英、紅日將將入、白雲空復情、武溪鳥不
度、何日同逢迎、賦別彩毫滌大瀛、一夜雙龍為雄鳴、
萬里風起吟吹不住、劍佩長揖向西京、

兵庫旅泊聞橫笛歌

君不聞玉笛江城悲、江城一夜何人吹、吹之數曲恨難持、須臾客思亂如絲、昔日山陽一夜淚、淚痕還添生別離、粧鏡臺前落梅花、望鄉樓外折枝、西江明月來何遲、山東明月欲低時、玉笛怨兮欲送誰、月落潮平長相思、向月玉笛誰忍聞、併將月華好贈君、關塞白馬自離群、夢寒曉愁徹頭雲、玉笛向月何人吹、玉笛怨兮不可云、此時此情誰相憐、此曲此調誰相傳、聲聲蕭颯海潮飛、平君一去不終還、

三月六日發藤澤驛、值雨雪、仍作此行、

青陽三月雪霏霏、黃雲千里捲旌旄、輪摧不辨羊腸坂、難哉徒御寒且饑、餓渴何處傳旅食、馬蹄不前長歎歎、乾坤怒號狂飈、芙蓉玉塵盡逆飛、巖阿攀樹樹亦凍、須臾神眩心亦微、此時寸心將折盡、薄暮徒倚欲何依、相顧生死無相識、古來征客幾人歸、何日披襟共春草、忽地新裁白紵衣、朔氣凝寒猛刺骨、道說千載白登園、士卒墮指什二三、平城將裂心不甘、漢主一違還自慙、青陽三月雪凝凝、縱令身棄鋒端之間、雨雪行兮可堪、

胡沙行

胡地八月馬自肥、龍庭風塵羽檄飛、擬擒可汗分奇略、更拜嫖姚寄戎威、一夜黃榆風涼冷、萬里白草雲陰霏、

慘目傷心不可道、游魂欲消嘆調餓、枯骨滿地誰家子、未見邯鄲一人歸、郡邑瘡痍嗟苦難、何時蒼生一解顏、四郊多勦誠可耻、誰以丸坭封函關、終軍請纒越南越、一書麒麟堪可恥、鴻雁夜度陰山月、將軍射雁傍城還、手彎弦月欺垂楊、腰帶七首飛胡霜、天柱欲折金鼓震、旌旗獵秋陰長、無奈漢時漫論和、有女終嫁烏孫王、

七月七日詠牛女會

長生殿上月如鉤、窺簾似媚夜轉幽、銀河橫秋鳥鵲高、今夜天孫嫁素牛、合態恨無限、纔解年年機杼愁、天上人間不相識、人間天上羨仙遊、武丁設說天上事、人間故上乞巧樓、豈非娥眉相移奪、應堪脈脈一水秋、此夕掩泣恩猶在、不知天上賦白頭、天雞唱曉起離歌、零淚如雨沾翠娥、雲曳羅襪促天步、風裂殘錦亂玉梭、女媧煉成五色石、焉補天兮不補銀河、銀河之曠無橋梁、無端西折漲奔波、虎可搏兮河不可馮、銀河明朝如秋何、

滄浪草稿卷之四

肥陽 墨昭猷君微撰

五言律

春望

迢迢春色在、寂寂向芳菲、聲老歸鴻早、江晴斜燕微、風烟空掛榻、露旅只無衣、欲送登樓目、乾坤一落暉、

過返車坂

蕭蕭雨雪吟、感感遠遊心、曉發烏棲月、雲愁邊塞陰、返車人所畏、叱馭我相臨、遙謝兩行淚、盈盈肥水深、

梅落

金閨一樹梅、對着恨徘徊、香氣入羅袖、華容落鏡臺、關山雲漠漠、庾嶺雪皑皑、胡塞幾千里、春同人未回、

賦得春來歸雁

春雁離離去、年年如意何、關西絃月小、塞上暮雲過、沙暖草青嫩、江深梅落多、八行誰為達、送目渺煙波、

寄左自天二首

河梁別後雲、樓上思紛紛、就艦誰挂帆、煮鯉一食文、竹老風流遠、宣會鶴齋士十竹、管哀明月聞、時蒙軒客死東都、昨夜逢君夢、渺茫路不分、

其二

客舍近江崖、露凋楓樹衰、吳歌漁子唱、蜀棧古人悲、春遠鴻雁夢、秋寒鷹隼姿、霜空攬繫搏、勿令羽毫垂、

中秋雨仍有賦

簾外飛秋雨、雲壓玉樹高、乘槎入已遠、觀海客彌豪、鳴雁迷湘水、明珠去漢皋、欲裁紈扇思、千里寄同袍、

四更月霽

吹斷關山引、四更月倚欄、淺沙潮色滿、雙鬢鏡光寒、白雁書方至、碧梧秋已殘、篋篋爰可拂、采照玉人看、

兵庫泊

兵庫水犀散、福原王氣終、衣冠陵墓在、海嶽霸圖空、日落瓊雲黑、江春舊樹紅、時聞歌古調、蕭索起悲風、

夏日間居

不盡青山意、白雲識官情、深思三月鮪、豈付五侯鯖、酒妬榴花色、纓憐流水清、疎狂吾道在、側目厭浮名、

賦山下泉

山勢削成老、懸泉不識名、洋洋多古調、冷冷濯塵纓、飛雨疾雷迸、激風萬馬驚、將軍無憤怒、那得聽雄鳴、

仲夏間中偶成

病起科頭出、黃鸝夏木鳴、懶心耽寂寞、酒興只縱橫、

松影考方拙、竹香深轉清、吟餘幽意豆、不是學陶生、
恭奉和 賜中瀨豐長七十生日詩 應教
衡門多樂事、白髮及明時、身嘯雄風色、恩歸冷暖基、
一家肥蕩鳥、長壽抱蓮龜、新賜有聲畫、更令歲月遲、
五言排律

哭左自天

肥州玉名郡人、幼受業于柳川藤有庵、後爲肥文學、在府
山陽、性喜吹笛、居數年所、移病角浦別業、頃之卒、

已哉柳川秀、徵車上楚臺、握蘭情不厭、罷帶髣髴、
歲月憐同病、乾坤艱育才、禮容家德化、學業世規恢、
季札挂龍劍、延陵透電雷、絕絃偏欲泣、雜佩恍如來、
夢裏返□綿、淚痕生綠苔、空幃多月色、散帙委塵埃、
左傳有時出、三都異日哀、孤鴻迷角浦、仙宦去蓬萊、
禪草誰相問、舊蹤腸幾迴、山陽隣笛夜、愁賦可難開、

八月十五夜與諸子遊喜安寺觀月

地自東南勝、況逢良夜期、兩花香氣散、吹笛白雲披、
龍藏摩尼色、烏棲玉樹枝、流螢合暗草、露雷怨西吹、
榻若廣寒坐、髣因明鏡悲、霜侵砧杵動、秋逼蒹葭移、
兔老憐丹藥、人清吐雪詩、虎溪高笑意、不許傍人知、

滄浪草稿卷之五

肥陽 墨昭猷君徵撰

七言律

寄南郭詞宗

越王城上有高樓、東望關河入海流、簾外空懸明月夢、
山頭一贈白雲秋、時名遠愛潘郎拙、著作何妨虞氏愁、
千載詞雄吾輩在、誰知天地憶清遊、

寄春臺詞宗

羨君才氣最翻哉、關遠五噫歌更哀、獨薦雄文慚狗監、
誰將駿骨說燕臺、飛鴻落木秋無數、別雀遙霄夢未回、
孫綽榮朝元舊好、彩霞何日起天台、

寄東里秀才

楚天搖落一綈袍、萬里銜杯坐鬱陶、壯志碎壺今女病、
酣歌彈劍是吾曹、馬卿諫獵功名薄、騶衍談天才氣高、
海內只今少同調、更將白雪向誰操、

寄答徂徠先生

麗譙百尺俯銀灣、檻外江雲縹渺間、遙下鴻書合起色、
別來豹管見文斑、獨知著賦未移疾、誰解佐才能好還、
無奈乘槎千古興、秋風容易度函關、

蘭溪夜集

蘭溪豐州人、就傳肥陽、官以其英絕、游學于東
都林祭酒之門、

鄴中七子走騶還、清夜金尊開雅筵、高齋梅花迎劍佩、
畫橋流水映朱絃、合香漢室生春色、受簡梁園多雪篇、
客有登樓知倒屣、中郎書翰向君傳、

席上和主人韻

才子風流交淡如、杖藜看竹到幽居、霞杯深照鬱金色、
仙露新分白玉瓊、東閣清遊千古興、西都文物六朝餘、
買船柳岸春風裡、料識彩毫走鱗魚、

船中作

故國西風吹桂花、一身踳躓逐年華、南溟直起垂天翼、
北斗雙懸貫月槎、胡塞愁雲黃接地、漢時折戟白沉沙、
吟成越客孤眠夜、何處江樓倚暮笳、

和高惟馨被寄韻

才子風流滿海涯、抽毫共賦赤城霞、神過落水心如醉、
客臥文園髣髴華、萬里遙矚杯裏月、一霄空犯斗間槎、
高歌伏瀝琅玕碎、却羨青鸞有五花、

奉興二首

侍從梁園授簡年、座中上客漢時賢、隴頭起色梅花雪、
河畔索情楊柳煙、百代才名書劍裡、五陵意氣酒杯前、
看他羅薛山阿長、依舊春風轉自憐、

其二

城頭晴色動輕寒、行矣勝遊良可嘆、人過身僂非不壯、
客題金馬雅能官、一天高興冥鴻意、千里春雲老驥看、
多病還於詩律細、不妨茅坐酒杯寬、

須磨懷古

千秋此地走官軍、龍虎英雄霸業分、臺榭笙歌空指野、
王侯富貴散如雲、沙埋枯骨白潮落、燒入芳叢紅氣薰、
矯首風煙多感慨、荆榛陰暗掛斜曛、

懸河旅情

雄風吹響三十里、眼看春光道路移、尺素各天鴻跡滅、
朱[]遙夜鶴首悲、海東重嶽白雲起、河北高樓明月隨、
回首滄南多隱逸、折腰寧合老驅馳、

出塞

將軍射獵疾如彪、野火連天白草秋、殺氣飛霜衝甲冑、
雄心返日振戈矛、風驚畫旆朔雲裂、星逐駉弓漢影流、
一舉破胡渾膽落、稟街功就取封侯、

奉寄家兄

吹老秋風肥水鱸、登樓萬里白雲孤、可憐多病常爲客、
元是故山不負余、委佩自趨車下去、畏途空逐歲華徂、
羨看江海聚星色、一夜思君獨據梧、

觀獵

結隊嚴然出涓城、將軍大獵朔風驚、忽追狡兔星戈疾、
顧射橫鵬電羽輕、畫鼓聲寒天柱折、朱旗凍合暮雲平、
萬蹄騶駘南山曲、行酒歸來細柳營、

聞邵董二賢客崎陽寄邵霞浦

燕臺駿骨未催還、一繫長江萬里船、郢客調成君豈惜、
龍門人在自堪憐、研朱新補梅花易、載酒誰談秋水篇、
轉覺八行持巨贈、掠天黃鶴去高翾、

寄董霽天

僊槎八月問蓬萊、五島風煙多客哀、高覽鳳皇千仞德、
賦成鸚鵡古賢才、轉憐潮水歲星色、遙見天關紫氣來、
極目崎陽何處是、思君不下白雲臺、

作客崎陽、思歸念切、際茲春莫倍覺愁、予忽

承中瀨長卿詞境、以佳章見惠、真不啻空谷足

音、登然喜也、漫步原韻一律奉酬、愧不成詩、

聊誌相慕之意云爾、祈郢正之、

久客天涯思欲還、春風未放木蘭船、多君大雅遙相

憶、顧我疎狂劇可憐、月透懸燈疑色笑、珍歸筍筐

是瑤簫、無由得慰調餽、惟羨晴空素羽翾、

天都青門生霞浦氏具稿

筇管蒲盧已數年、旅愁如織薄雲烟、多君忽投有桃

好、愧我終慳御李緣、

乙未暮春、客坐長崎、適長卿詞雅、以聞名之

想慕、投白雪之佳章、第余筆硯久荒、陽春難

和、辱承雅愛、只得潦草步韻應命而已、還祈斧

正是荷、

年年敲棹訪蓬萊、孤館殘燈客思哀、不分欲為窮鳥

賦、誰期解作臥龍才、黃鸝恰向花間囀、白雪遙從

海上來、咫尺渾如天際濶、但憑清夢繞吟臺、

閩南三橋董晴具

奉寄邵霞浦

憐看征鴻垂羽翰、高樓落日紫烟殘、遙霄纔許一牀夢、

滄海難同十日驩、世路豈無衰風嘆、時名仍作臥龍看、

故園春事碧江上、腸斷平蕪瓜地寒、

奉呈徂徠先生

平臺授簡幾多年、詞賦風流世已傳、醉采落英甘白首、

新操叢桂易朱絃、過門歌去楚狂客、題柱夢徂蜀國賢、

漢王無未封禪意、倦遊人老轉堪憐、

秋懷

千里飛霜度上林、白雲鴻雁轉蕭森、三江虛動投竿興、

四海難論攬轡心、雨過石鯨秋色老、跡荒金虎月明深、
登高詠賦銷魂客、徙倚西風見古今、

南郭欲至未果故賦之贈

聞說跳梁知幾年、史才經術已稱賢、使君病自觀濤起、
上客賦從移疾傳、未下青烏驚歲晚、相思玄鶴入孤眠、
秋寒都尉曲將製、關塞風煙何處憐、

和山之茂中秋書懷

昨夜微霜白雁回、高城砧杵暮相催、鬢毛屢與登樓老、
澁菊偏緣伏枕開、家在夢中歸未得、秋來江上思難裁、
翻憐梁苑月如水、流入西風繞吹臺、

發東都

千騎如雲氣壯哉、金鞍光射白銀臺、江吞二水風濤濶、
天削孤峯晴雪來、歸日黑頭堪自愧、窮途青眼為誰開、
羈情原與故山厚、暫倚登樓脚酒杯、贈伊湘宮士

過函谷關

風寒十月動征旗、客子重歌出塞詞、葦菜只須秋後老、
名山況復雨中移、湘江天暗鬼長哭、函嶺雲橫馬去遲、
不使一夫當險隘、戰國多壘轉堪悲、

兵庫舟中作

北風吹雁雁悲哀、秋盡江陵萬里回、安帝祠前青樹古、

摩耶山上白雲來、仙槎貫月銀河接、鵬翼垂天滄海開、
擊楫經過歌未已、應堪客髮歲華催、

夏日偶成

夏白林亭坐夕暉、前山雨色入簾帷、滄江天濶龍蛇掛、
海國雲蒸霹靂飛、徐榻屢移幽澗竹、離騷臥誦釣魚磯、
世間炎暑不曾至、乞取秋風蘿薜衣、

滄浪草稿卷之六

肥陽 墨昭猷君徵撰

五言絕句

偶題

林臥讀離騷、此生付濁醪、自方疎懶甚、不敢訪山濤、

楊柳

夾門多綠楊、才拂紫絲轡、莫是輕攀折、今朝幾許長、

臺上賦雪

北風吹雪花、誰窸入綺席、平臺王按簡、不知授何客、

馬上吟

草憶哀江賦、鴻迷落日西、平安雖兩字、馬上更難題、

月下吟

一片青天月、徘徊映綺牕、太憐鷗寄翼、顧影不成雙、

其二

繫馬楊柳枝、春風發發軫、不惜白花飛、只恨尊酒盡、

其三

相謝金尊月、遙寄獨自來、似憐歌吹處、故故照京臺、

其四

君去關河水、鯉魚多水源、釣竿重可把、一爲思加餐、

其五

無言難贈恨、言外乃成情、但飲涓城酒、不聞鞍馬鳴、

馬乳河

不盡甲河水、猶餘大國封、昔時風雨夕、躍馬化爲龍、

函嶺旅情

故園猶渺渺、歸思似浮雲、一宿湘山月、猿聲不可聞、

浮島原上見富士山

士嶺秦時雪、削成裂碧天、不須尋藥去、何有病神仙、

途中作

可憐道路塵、欲飛委春雨、從得東南風、何如轉鄉土、

發蒲原驛

朝發蒲原驛、暮度玉笥壘、亂山看不盡、只傍士峰青、

送慈考潤之洛陽八首

陌頭楊柳樹、蕭索半無枝、試聽笛中語、百年足別離、

其二

江上青青草、翩翩匹馬鳴、愁心射夜月、同滿洛陽城、

其三

一作上林客、蓬蒿滿舊廬、控弦時射雁、應有北陵書、

其四

君向山東去、離歌杯酒深、獨携雄賦往、洛紙購千金、

滄浪草稿卷之七

肥陽 墨昭猷君徵撰

其五

走馬城東陌、君去月色白、不是地上霜、那用見君迹、

其六

君愛東籬菊、君行醉異鄉、屋梁秋月色、來照一枝香、

其七

揮手從此別、壯心玉壺缺、秋風螢易老、冬臆自有雪、

其八

聞君有雄劍、言自延津得、豈不思其雙、紫氣北斗側、

冬日江上作

日澹滄海流、天寒頻呼酒、北風江上來、雪片大如斗、

遊山二首

偶至翠微裡、白雲堪可持、山中怡悅意、獨有杖藜知、

其二

桃樹夾溪新、源頭春可視、飄零隨綠水、却恐問津人、

七言絕句

楚宮詞

曉過陽臺神女裙、巫山悄悄望難分、不知春夢落何處、

十二峰頭總白雲、

八月十五夜雨

廣陵城夜雁吹簫、捲雨驚風海色驕、濤起蹴天三百里、

登臨却聽浙江潮、

梅坡過訪得安字

投轄陳遵共鬱歡、林間春色石蘿寒、官途愧爾歸田賦、

自吉樵漁計不安、

留別徂徠先生三首

東都詞賦自風流、花發琴臺載酒遊、一作登龍門下客、

春風別後憶僂舟、

其二

別鶴轉憐君據榻、登樓花老白雲孤、香膠自若春流薄、

落日長歌倒玉壺、

其三

笑殺春風倒接權、花開共醉習家池、琴臺明月長相憶、
駐馬愁聽折柳詞、

春閨怨

閨中少婦試春衣、織錦連環字不稀、郎向鳳凰山下住、
杜鵑啼盡未思歸、

呈子式

莫道少年結客場、脫中醉臥酒家傍、相逢試解佩刀看、
已是星文五月霜、

九日呈鶴雲際士三首

小山秋色幾多年、羨爾淮王上客賢、散帙經綃青眼冷、
晴牕寫入桂華篇、

其二

壁上高懸漉酒巾、柴桑秋色不辭貧、落英千歲思難製、
轉憐長作獨醒人、

其三

一買南山種秫田、罷來此日選頭眠、尊前無恙黃花色、
雙鬢秋風堪可憐、

十日

故園故園蕪菊開、殘花十日對殘杯、翻憐秋色江東意、
鴻雁風高塞上來、

送山栢辭之武

毒淫元是武陵溪、匹馬蕭蕭探舊題、停鞭遙指桃花色、
一路春風自不迷、

送考洲

翩翩裘馬出西關、應順并刀明月鑲、詞賦何妨勞問訊、
赤城元首彩霞殷、

寄子式

短髮蕭條尊酒蒸、悲歌燕趙客如雲、曾言龍劍不論值、
海內窮交自有君、

贈僧大寧

憶爾風流盛嶽盟、雪絃一惜故人情、敲推得意烟霞路、
何必停車問姓名、

謝江子惠以茶江淡水為八代縣茶、其地多佳茗、淡水又能
品茶而其名益著、段茶亦其一云

浦果酒生憂解醒、四明狂客愛成名、品題關意段中種、
纔看茶星向代城、

中秋月霽

月出武昌樓上寒、蓼花白雁滿江干、何來明鏡二毛色、
一夜蕭條不可看、

答山栢辭賦秋日書懷見寄

客中搖落好對書、江上白雲雁影疎、借問秋風鳴缺裡、

歸歎彈就食無魚、

贈春臺

吹落秋風龍口河、各天心地鬢暗囉、縱無九月剡谿興、
憶爾扁舟雪調多、

夜猿啼

曉月暫飛湘水昏、江邊楓落聽清猿、傳雲聲似怨西吹、
如奈有知帝子魂、

過浮島原二首

源公游獵振英威、諸將論功爭錦衣、一去試看浮島上、
富峰依舊白雲飛、

其二

徐子祠前芳草肥、人間大藥事多違、秦時明月長堪憶、
富士峰頭去不歸、

發草津驛與岡貞典渡琵琶湖

天外三峰湖上流、揚帆一日入皇州、乾坤莫逆情何淺、
爭說神僊李郭舟、

過播摩洋

福原富貴接青雲、兵甲三千勞水軍、橫笛沙場烟浪遠、
不知何處弔平君、

孟寬戲梁山豆腐羹葡萄雪梨賦之謝

桂櫂秋風動客情、佳人持贈豆腐羹、梁山異品還斯製、
也耐淮南舊味清、

右豆腐羹

馬乳元從異域來、瑠璃盤上露華開、浮槎未放張騫在、
萬里秋風携得迴、

右葡萄

偃蹇秋高露未晞、籠中紅梨自含涼、故人還有相知渴、
為摘滿林張谷霜、

右梨子

留別高子式
天地風雲意氣看、明朝匕首入長安、肯辭今夜一杯酒、
千古蕭蕭易水寒、

豐州道中贈蘭谿

豐城春色照精神、北斗闌干紫氣新、一夜雙龍騎中泣、
欲將風雨度靈津、

舟中作

天入浪華滄海流、風烟萬里盡豪遊、誰知今日是何日、
人在鄂君青翰舟、

水田白鷺八代秦安八景

七月水田魚子肥、聯禽得意自相依、且看天地能容汝、

皎皎成群青浦飛、

梅華

北人殊愛嶺南春、南客還思嶺北新、那解盧家紅婦恨、看花盡是太平人、

八月十五夜

月出梁園授簡來、朱欄夜冷酒杯開、清光滿地渾如雪、人在孝王歌吹臺、

金河道中戲呈山栢巖

翩翩裘馬出東秦、霜落海門秋色新、江上名山多到處、誰還不作官遊人、

天龍河

天龍山勢枕流開、古渡驚濤動地來、一去驪珠何處覓、長懸明月照江隈、

遊黃鶯山

黃鶯山上黃鶯鳴、起把黃醪聽黃鶯、對酌山花還獨笑、黃醪色逼黃鶯清、

臺上值春雪

巫山儂女字朝雲、瑋態輕如柳絮紛、雨過高唐凝似玉、陽春應傍楚人聞、

送一枝上人之江東五首

同盟廬嶽幾年徂、我亦風流塵雜徒、君去葛巾何處着、虎溪夜度月明孤、

其二

上方二月見花披、花裏逢君還別離、明日關山春可遍、白雲何處寄相思、

其三

杖鉢飄然不可留、陌頭楊柳繫離愁、笛聲何處吹輕絮、散作天華逐去舟、

其四

芳草凄凄夢裡生、石門斜日小鶯鳴、江東春色還如此、愁殺桑乾渡水情、

其五

松樹枝東一夜回、摩崖碑古自青苔、都人爭說法蘭至、知向龍池辨劫灰、

贈酒客

明月不如玉椀光、習池風暖醉顏香、酒人莫漫向人傲、更得高陽第幾狂、

熊孺子五十

金馬才名冠漢庭、湛恩分露杖家齡、曾聽西海桃長熟、始信人間有歲星、

奉和徂徠先生被寄贈二首

彩筆新干氣象高、秋來起色廣陵濤、須知中散耽疎懶、鴻雁曾無向選曹、

其二

漢時詞客馬相如、誰是楊生說子虛、一賦上林偏雨露、君王不問篋中書、

武藤殿男校

古城貞吉重校

烟霞洞集自序

余性嗜酒、自幼至冠、飲量不減不增、每飲必以醉爲期、既醉則吾喪我、醒而思繹之、如夢之得覺、如死之得生、而亦不自知其樂如何、近者則不然、飲不必醉、一飲則暢鬱懣勞、形神相親、骨節通利、渙然如水之將釋、煖然如春陽之方至、其樂洋洋焉、華晨月夕、必與二三兄弟、俱相酣飲、其樂亦洋洋焉、而飲減於前日一等矣、於是始知其量之小也、而知其樂之大也、而知今日之是、而前日之非也、今茲乙亥七月七日、使家僮曬書、適得詩稿盈筐、誦之矍然、嘆曰：嗚呼、吾於詩亦猶於酒乎、嗜非不深也、思非不至也、何以知今所謂詩之非詩耶、今所謂非詩之非詩耶、他日若乃有得知其才之長短、知其樂之大小、且前日非、而後日之是也耶、然則足以諷一世也耶、聊錄以待來日云爾、

明和乙亥孟秋

富高元朗

烟霞洞集

七言古

古劍行

歐冶鑄龍泉、昆吾飛紫烟、雌雄爐中躍、乾坤歛凜然、本擬扶智勇、如何空棄捐、君不見七里隕天點鋒鏑、燦爛夜夜吐精光、驅珠寶環光錯落、琉璃玉匣鳴琳琅、精靈時有凌霄色、何不提携獻明王、憶昔群雄逐秦鹿、颯爽奮翼瀚上翔、使之一飛鐵幕間、五色雲光先已揚、可憐神物委塵土、千載無復雷孔章、四海只今誰能識、紫氣空干斗牛長、

浦郎行并序

雄略帝二十二年秋七月、丹州餘社人浦島子者、遊於海瀕、釣得一龜、隕然而大、固乃騎之、而縱其所至、忽得一島、有女出迎、美艷不可言、遂誘而至其家、黃金爲堂、白銀爲門、珊瑚之樹、碧玉之枝、其鳥獸盡白、蓋所謂蓬萊者也、居亡何、悲思求歸甚切、於是女送之、至于前日相逢之所、指其道示之、且遺一器、戒曰慎勿發矣、後數日復見子于此矣、遂決去、乃得還故居、鄉黨州閭無一相識

者、驗之前後三百四十四年也、因怪焉、而發所遺器、則有如雲氣者出、愕然驚、欲以手壓之、軒軒颺去、於是乎哀樂好惡、擾擾萬緒起矣、執鑑自照、則鬢髮已皓、齒鬢皆墜、不日而死、時淳和帝天長二年也、世至于今、歌詠悲其意焉、

丹州天梁滄海東、直與十洲三島通、天梁風光一佳麗、十洲三島望不窮、朱顏綠髮一釣客、心逐浮雲萬事空、菱荷爲衣芙蓉裳、年年歲歲天梁傍、忽踏鼉背縱所至、碧湖渺渺雲茫茫、邂逅美人顏如玉、相邀共入神仙鄉、黃金環珞七寶閣、十二珠欄碧玉堂、琪樹繽紛集孔雀、琅玕璀璨栖鳳凰、堂上侍兒皆靈麗、脩眉聯娟似蛾揚、一時群僮來滿座、雜佩珊珊尙成行、皆道今日慶女壻、鸞歌鳳笙勸玉觴、向存鶴駕皆散盡、侍兒牽衣入洞房、彩帳月照芙蓉色、金爐風蒸蘭麝香、此中歡樂何時極、自覺悠悠日月長、塵心未盡歸心切、庭開桑梓不可忘、遙夜相見告歸去、中心悄悄徒悲傷、臨別相贈白玉匣、粲然秀色似夜光、殷勤爲語慎莫開、相思又應持此來、遙指人寰引歸路、縹緲島嶼一瞬間、歸來鄉縣總不識、疊疊古墳委塵埃、袖中只有美人贈、拭淚緩開雲氣催、綿綿如練且雲霞、忽向蓬萊

烟霞洞集

宮裏飛、心中萬緒擾擾起、已知人間既往非、須臾綠髮變爲雪、須臾朱顏謝春暉、可憐華胥一時夢、無端覺來空裡歸、君不見天梁浦上兼葭裏、白鷗依舊上漁磯、

觀加藤清正鐵槍歌

昔聞父老談鬼將、使我扼腕買餘壯、今觀祠堂藏鐵槍、開匣忽覺神氣王、刃如新磨礪、光猶動靈精、勾胡懸片月、鋒鏖祭七星、霜氣曉凜凜、神彩夜熒熒、維昔天造草昧時、群雄逐鹿相驅馳、將軍提之誰能敵、中原豺各披靡、神器別有天授在、猶爲將軍嘆數奇、君不見高句麗國渤海西、直隸波濤驅鯨鯢、禽敵斬將幾千百、威名猶聞止兒啼、日本今有高麗門、將軍功名千載存、撫槍慨慷睨天地、無邊雷雨咫尺昏、

五言律

折梅逢驛使

江南梅似雪、不似隴頭遲、縱有遊仙夢、何如驛使知、相思萬餘里、聊贈兩三枝、寄語關山道、莫教橫笛吹、

邊思

非爲題麟閣、承恩出漢家、旃裘秋牧馬、錦袷夜吹笳、

一六七

沙漠陰雲暗、關山邊月斜、隴頭千里雪、忽憶洛陽花、

遊西光寺

非問西來意、風光暫此尋、孤雪臨寶地、落日入珠林、
碧殿花爲雨、紺園竹欲陰、悠然歸未得、處處聽幽禽、

雪中訪山叔瑟

十里黃雲滿、霏霏雨雪斜、無端披鶴氅、乘興到君家、
魚有隣人贈、酒教稚子除、餘酣携手去、處處問梅香、

洗竹

林亭多樂事、洗竹淨塵氣、一水長流去、千峰暮色分、
依微指去鳥、縹緲見歸雲、幽興總堪掬、何曾忘此君、

山人勸酒三首

靈鳥脚書至、赤松暫此尋、殘霞點壺醕、流水入琴音、
唯使童顏駐、何妨鶴髮侵、陶然笑相見、嗒坐人無心、
山人具鷄黍、邀我勸金卮、綠水流無盡、白雲來較遲、
鶴栖新雨後、半下夕陽時、此興須沈醉、還丹未有期、
仙源能駐客、金碗瀉流霞、綠髮歌臨水、朱顏醉映花、
桑麻乃晉雨、衣服自秦家、不厭人間到、重疊雲路除、

訪園士錫

緩步江村晚、相迎把臂親、梅花如有待、竹色望逾新、
積雪鞍峰北、寒烟菊水濱、此中幽趣足、應作耦耕人、

所思三首

我本清狂士、悠然有所思、詩書違夙志、山水送生涯、
不使天機淺、何論人爵遲、童冠一卷服、諷詠艷陽時、
我本玄通士、逍遙有所思、汗隆隨道變、窮達受時疑、
操愧於稷子、樂同榮啓期、采真遊不乏、何使世人知、
我本安期侶、飄然有所思、瀛洲明月夕、閩苑落花時、
應跨青牛去、何須紫氣垂、同遊三四五、齊唱步虛詞、

古別離

遠征人未返、蘭瑟又驚秋、非有經時別、何知獨處愁、
金爐香已殘、彩帳月空流、試望陽關道、黃雲萬里浮、

征馬嘶

苜蓿烽南曉、嘶聲最斷腸、臨風悲漠地、向月怨漁陽、
應帶離魂苦、偏教歸思長、故天千里色、無處不飛霜、

宴邊將

邊風一蕭瑟、班馬夜嘶秋、不有三軍宴、何消萬里愁、
苦辛仍未老、恩寵豈難酬、誓掃胡塵去、芳名千載流、

四支

歲杪九鳥精舍集、遲馬彥章右仲陶、不到、得
林亭方卜夜、歲月欲闌時、懸壺何須嘆、盍簪同有期、
推窓窺窺到、虛座把杯遲、應是梅花下、相逢共賦詩、

和山叔瑟人日思鄉之作二首

他鄉千里客、人日戀庭闈、黃鳥林間嘯、冥鴻海上歸、
非關張翰興、爲著老萊衣、應值春風暖、高堂慰斷機、
稱心驚物候、萬里思依依、元自山河異、況逢人事非、
開窓芳草遍、舉首白雲飛、風桓君應感、何關夙志違、

梅雨二首

連日黃梅雨、柴門客自疎、隣人時贈酒、稚子或携魚、
樂事狂歌外、甘眠露醉餘、夢追鷗鳥去、杳渺水涵虛、
雨來雲霧密、四顧一冥冥、泥濘無人到、杯樽笑獨醒、
江光林外白、山色樹端青、遙見群飛鷺、迎晴下晚汀、

烟霞洞讀書樂八首

小洞長閒靜、泊然獨讀書、比肩親百世、努力事三餘、
爲有因人熱、唯甘過客疎、釜中魚亦在、一笑似萊蕪、
環堵琴書在、何曾擁百城、開窓迎月影、隱几見雲生、
樂地真名教、險巖是世情、唯應誦詩句、一醉玉壺清、
高風護鷄日、匡衡鑿壁時、文章同好少、狂態世人知、
難字常多過、微言且闕疑、舊遊時適至、猶有采真期、
幽居謝賓客、寂寞閉柴門、只有琴書靜、長無車馬喧、
名何今世著、文與古人論、最好盈樽酒、一杯誦一言、
歲月耽文史、悠然物外情、應同漂麥詠、且慕帶經耕、

夜引隣家燭、曉窺東壁明、寸陰如不惜、何得謝浮名、

吾愛孫文寶、終年閉戶閑、不須悲白壁、唯是有青山、
諷誦何時已、呻吟俯仰間、應同玄圃上、積玉任人攀、
白屋無長物、荷衣即隱倫、文無如豹蔚、松已作龍鱗、
隨意章編絕、唯將鳥几親、此生誰可比、恐是羲皇人、
讀書燈或盡、螢雪憶先賢、謝客無浮白、鎖門唯守玄、
逍遙心自恬、慕好夢相牽、世縱疎儒術、甘吾送歲年、

送保仲固歸東都

未盡新知樂、河梁嘆別離、共傾一樽酒、聊贈五言詩、

東遊雜書四首

萬里浮雲意、千峰落日時、解携心緒亂、宛似綠楊絲、
東京三千里、悠悠羈旅情、鄉關回望隔、雲嶽逐行生、
詩句無神助、孤貧耻聖明、唯應蘇季子、千載散裘名、
四海爲家日、遠遊無畏途、三春行樂足、萬里旅情孤、
草木驚花異、山川信杖扶、此生堪獨笑、到處醉逾愚、
飽餐堪多倦、漫遊不可期、浮湘同大史、小魯本吾師、
大海揚帆去、名山倚劍窺、每逢聖神秀、長此欲栖遲、
遠遊辭故國、杳杳料行程、夜月還家夢、春風爲客情、
已無懷玉罪、何愧散裘名、大道坦如砥、因知近洛城、

赫赫

赫赫東方國、深知天子尊、諸侯猶有貢、率土或維藩、
縱遇干戈動、長令大寶存、爲依封建制、四海慕皇恩、

尙思

尙思麟跡化、瓜瓞一綿綿、王室仍多故、勸圖互得全、
素餐實君子、肉食豈才賢、篤願周文德、巍然萬古傳、

萬古

萬古周天子、東方霸主賢、豕蛇山驛裡、俊傑廟堂前、
借問專文弱、何如耀武堅、欣逢太平日、行樂艷陽年、

石室

在播州傳道七古大已實少產名二人
向力造之孝德等白姓年中祭祀之

層崖開石室、巖下瀉清泉、地古驅龍窟、名明白雉年、
曾聞神禹鑿、且怪巨靈穿、自有滄洲趣、應栖肥遯賢、

將赴勢州道中作

昨宵京洛宿、今且入江洲、日月空堪惜、年光不可留、
岸花送行客、堤柳隔前儔、驛舍春多酒、一盃破旅愁、

歷鈴鹿山宿坂下驛

已過溪門盡、飛揚斷斷山、劍橫彩虹外、袖拂白雲間、
花樹行相引、烟蘿到處攀、驛樓臨峻坂、勸酒一開顏、

荅廟

筑紫菅公廟、肅然更閉門、綠池看鴈鷺、碧水借蘋蘩、
衰職知堪補、天工常自論、梅花如昔日、春色向黃昏、

赤馬關懷古

維舟空吊古、何處不蕭條、萬歲蓬萊日、一朝滄海潮、
如聞環珮響、不見翠華飄、到夜關門閉、濤聲破寂寥、

秋夜書懷

一夜西風到、蕭然入碧梧、葉兼心緒亂、月照淚痕孤、
深隱慚玄豹、生涯嘆白駒、好逢秋水冷、日日釣江湖、

登三井寺觀音閣望琵琶湖

高閣登臨處、琵琶湖水濱、岸開蒼樹斷、雨過碧雲新、
飛鳥千山暮、歸帆萬里春、大夫飄渺日、暫伴釣魚人、

遊覽雜詩

我有名山癖、三春作勝遊、暮烟馳細馬、殘月棹扁舟、
芳野看花過、巖岫聞鳥休、留連靈境裏、仙侶坐相求、

早發高野山赴和歌浦舟中作

曉下深山去、一嘯上扁舟、回看迷野鳥、醉臥狎沙鷗、
兩岸花相映、連山雲自幽、曲曲河流穩、日暮向滄州、

發和歌浦宿山中驛

行行春服好、一夜宿山家、綠水鳴深澗、巖扉簇彩霞、
樽前蝴蝶夢、客裡杜鵑花、坐覺多幽賞、起看片月斜、

宿琵琶湖西岸

琵琶湖水口、一夜臥春烟、暫與漁人語、閑隨鷗鳥眠、

珠從龍窟映、月傍鏡山圓、此地多清興、客心轉杳然、

七言律

閑居三首

白河西畔卜閑居、野服烏巾世事疎、開映深慚左氏癖、
剪燈欲學右軍書、逍遙微醉三杯酒、寂寞空甘一草廬、
幸有門前東隼近、家僮時又得鮮魚、

東西碧水夾鄉流、中有閒人縱臥遊、明月夜迎浮白侶、
晚涼時上釣魚舟、養生應似漆園吏、狎客還隨滄海鷗、
獨爲無心堪避世、不須方外問丹丘、

柴門懶性此栖遲、總有新知似舊知、屋後小園皆種藥、
窓前終日坐談詩、水清潭底游魚少、樹淺林中暮鳥疑、
始信無心雲最是、飄揚只有去來時、

秋日送人之東輿

詞客當年試遠遊、天涯東指路悠悠、羽人夜嘯仙臺月、
毛狄寒生魚海秋、駿馬于今同冀北、良金自古抵荊州、
到時握裏珠明滿、莫向王侯容易投、

擬登大華山

天際蓮花秋色開、登臨此日入崔嵬、丹霞半鎖神仙窟、
瑤草長餘玉女臺、楚地雲連九江斷、秦中雨自二陵來、

振衣下界蒼茫盡、疑是紫微朝帝同、

玉山先生從東都歸賦此奉呈

真人昨夜向西還、令尹先迎函谷關、石鏡寒烟侵綠髮、
芙蓉晴雪照朱顏、潮歸桃海青牛度、日出秦天紫氣間、
說得不言言外意、玄門咫尺有誰攀、

擬賀及第作

仙郎甲科玉符班、五色雲霞染翰閒、總有彩鸞巢北闕、
何須玄豹隱南山、錦袍新映丹墀上、白雲長翻紫極間、
從是恩光應日遍、朝朝咫尺侍天顏、

金魚

銀盤綠水浸明霞、日日沈浮鏡裡斜、鱗尾時疑點瓊玉、
錦鱗新見捲桃花、不關觀物濠梁興、何羨化鵬溟海餘、
怪得瑤池夜來宴、群仙早已貯丹砂、

白蓮

清風花滿綠池隈、露氣浮沈香不開、應是高禪同社處、
還疑神女弄珠回、姿含春雪凌姑射、影入朝雲落楚臺、
好是波間無月夜、不知宿鷺近人來、

擬過五丈原

憶昔神州分鼎年、中原爭戰臥龍賢、圖成三顧猶堪許、
星落西朝終黯然、殺氣秋高秦樹色、風雲夜冷漢營前、

綸巾羽扇人安在、鳴鶴空聞渭水天、

送人入山探藥

聞君探藥入名山、偏羨心中萬緒閒、非是青囊傳寶訣、何知金液駐朱顏、天台應逐翔鸞度、閩苑時隨羽客攀、王母蟠桃携滿袖、併得雪色寄人寰、

還山四首

高唱五噫還故山、伯鸞深愧媚人間、白雲流水如相待、叢桂青松堪可攀、身退何妨名未遂、心清最愛物偏閒、一丘一壑元吾道、長此烟霞映醉顏、

鄭圃真人元我師、青囊寶藥獨栖遲、四愁欲擬張平子、三樂已同榮啓期、自道南山玄豹隱、誰歌空谷白駒詩、浮雲今古總如此、變態暫時何足疑、

高歌蓬累北山陲、笑見浮沈各有時、楚調于今無客和、隋珠自古受人疑、深憐玩世雕蟲是、漸解知天失馬遲、幸有玄談多少侶、相迎供給白雲期、

生年三十未爲家、長嘯振衣千仞霞、却喜浮名同燕雀、遠近隱深伴麝麝、閒眼入夢瀛洲月、習靜關心閩苑花、爲是人間有窮達、深山自古伏龍蛇、

懷古三首

懷昔君王自狩年、宸庭入夢補公賢、誰知管葛期同忘、

應是蕭曹堪比肩、三世忠郎職社稷、一身慷慨報皇天、英雄心事終黃土、寂寞祠堂鎖野烟、

一谷行宮滄海濱、當時文物委灰塵、春深老樹迎花鳥、夜靜荒臺哭鬼神、闕下應由無瓜士、幕庭亦是乏良臣、可憐昔日絃歌地、唯有扁舟垂釣人、

一自六龍帝蹕留、鬱葱草木幾千秋、非無險地分兵守、已少材良借箸籌、北闕專權爲豺虎、中原挑戰有貔貅、回首追憶諸公子、欲向春風問昔遊、

登比叡山

長梯萬丈道丹丘、峻極天邊此壯遊、四海波濤迷積氣、五畿河嶽入双眸、灑觴水浸乾坤潤、膚寸雲含風雨浮、一有當年延曆誓、依然長鎮帝王州、

摩耶山絕頂望海

大岳春雲滄海隈、偶緣探勝上崔嵬、諸州地似壺中縮、積水光從鵬際開、已爲天邊踏靈境、始知環外有蓬萊、飛揚更作神仙侶、何羨當年濟勝才、

五言絕句

幽居

小洞人不知、枕邊生芳艸、悠然無所爲、時復誦黃老、

子夜春歌

紗窓楊柳樹、青青藏乳燕、乳燕啼不止、妾心誰得知、

秋風引

秋風何處至、一夜入人衣、不爲鱸魚膾、蕭然張翰歸、

玉山先生水明樓十咏

梅石

尙似羅浮色、一枝帶雪開、醉眠花下石、夢裡美人來、

蕉雨

薄夜芭蕉雨、颯沓秋氣爽、幽人猶未眠、孤琴落清響、

聲鶯

桃花開且落、中有黃鸝鳴、聲聲堪勸酒、不知壺自傾、

月灣

明月臨寒潭、流先十餘里、樹影將山影、總在金波裡、

竹涼

萬竿流水上、日夕翠烟新、時有清風好、洒然吹葛巾、

雪晨

萬峰寒色凝、長天飛鳥絕、試上一層樓、唯見一色雪、

流螢

流螢露葉間、依微高飛去、忽被輕風吹、復落讀書處、

菜花畦

偶來花下醉、春暉照朱顏、莫驚醉後夢、蝴蝶有無間、

浴鳧飛鷺

片片波間鳧、娟娟磯上鷺、鷺人忽不見、江上渺烟雨、

小艇觀魚

愛此濠梁趣、悠然觀魚情、江風吹不斷、一任小艇輕、

美人鬪蝶

美人采芳草、采采憶漁陽、相逢忘鬪艸、昨夜夢蕭郎、

畫龍

素練真龍出、雲烟五色浮、欲鑿鱗甲去、直向九天遊、

歸雁

歸雁入春風、飛飛滿烟渚、欲寄一封書、忽入窻冥去、

山寺

不知山寺在、但聞山寺鐘、山寺何處是、蒼蒼數株松、

早起

起來多曉霧、霧霧入窓紗、林間鳥飛出、脚去山茶花、

咏松

絕壁孤松秀、青青入紫霄、偏能凌霜雪、不爲歲寒凋、

須麻浦十絕

朝望須麻浦、漫漫滄海除、春帆風一起、忽到浦南家、

人云風土美、風土洵自美、曉山雲如錦、春城花似綺、

行行重行行、日暮到南浦、花深人不見、今宵花爲主、
 長聞古寺鐘、提携入古寺、唯見山櫻落、不忍問古事、
 二女迎公子、春月遊烟渚、卽今芳草深、茫茫不知處、
 孤島霧中生、白鷗群不起、一飛須到麻、島知淡鷺是、
 結髮誰家子、相逢瓶各掣、倉皇汲潮煎、忽疑一片雪、
 一曲櫓聲發、青衿双淚流、故園應尙遙、舟是故鄉舟、
 朝得故鄉書、暮別故鄉客、合樓無一言、孤帆大瀟隔、
 浦南萬國船、落日棹歌起、中有故鄉客、欲言隔潮水、

登書寫山

侵夜上名山、峰峰漸已曙、雲霧窟更深、高僧書寫處、

春日志賀道中

可憐志賀花、如雪點春衣、假令雪如花、幾回拂袖歸、

淡路島

朝看淡路島、暮看淡路島、不是朝暮雨、何知淡路島、

田子浦眺望

田子浦頭望、天末浮雲滅、不見芙蓉色、唯見芙蓉雪、

佐野渡值雪

雨雪向佐野、渡頭人跡稀、漫漫暮天色、匹馬欲何依、

秋夜吟三首

秋夜一何長、心腸正斷絕、不關秋夜長、爲傷玉樹折、

竹馬今猶在、阿兒何處遊、出門呼不答、搖落梧桐秋、
 逝矣弄璋兒、孤墳在山寺、每聞山寺鐘、慘然多涕淚、

寄慰大道師四首

山中生玉樹、月歲待花開、半夜秋風至、一枝忽已摧、
 衣裡双明珠、一珠光先滅、蒼茫何處尋、肝腸正斷絕、
 每看殘碁在、應思對局時、子聲空寂寥、孤月使人悲、
 了悟清淨理、微笑謝塵寰、宛似蓮花色、亭亭不可攀、

觀布引瀑

飛流千仞餘、疑是銀河水、應有驪龍眠、縹緲彩雲起、

題唐崎松

假蓋幾千年、鬱葱映湖水、下有往來船、一任松風起、

行經關原

行行問父老、言是古戰場、四海歸天授、長懸日月光、

過義仲寺

將軍塚猶在、千古草離離、欲問當年事、春深啼鳥悲、

登高野山

傾杯攀絕嶮、徑道一線通、步步回看處、身在白雲中、

舟中雜詩

憶昨東遊日、燒痕春未遠、西歸回首望、四面皆青山、

題唐崎松

假蓋千年松、蕭颯長風起、上有琵琶音、下有琵琶水、

七言絕句

田家秋興

槐柳蕭疎客到稀、西隣烟火掩荆扉、秋風落日村前路、
 遙見家僮驅犢歸、

謝人惠筆二首

鑲管如花五色分、翩翩欲拂墨池雲、春來更向烟霞去、
 一寫名山重贈君、
 一片霜毫握裡寒、珊瑚爲架玉爲冠、山陰更寫黃庭罷、
 爲換雙鵝借汝看、

巫山高

十二峰雲鬱不開、襄王暮雨滿陽臺、當年神女今何處、
 縹緲猶疑夢裡來、

猿夜啼

寒月蒼烟望欲迷、瞿塘峽口夜猿啼、愁人已下三聲淚、
 孤夢飄飄楚水西、

寄遠曲

翡翠樓頭鷺夕暉、閨中思婦下殘機、忽看柳絮隨風散、
 遙憶天山雨雪飛、

秋閨怨

繡纈初月鬱金堂、相憶關山道路長、夜夜秋風枕邊起、
 何時吹夢到漁陽、

宮鳥曲

柳色如煙夢裡迷、臘臘孤月碧紗西、深宮花落金與絕、
 腸斷双鳥夜夜啼、

聞雁思鄉

楚水吳山思昔遊、青楓白露十年秋、可憐多少南飛雁、
 一夜聲聲入客愁、

落梅花送人

金樽綠酒別行人、橫笛遙聞江水濱、萬樹梅花空落盡、
 明朝何處見殘春、

歸雁

瀟湘烟水雨霏霏、楚客天涯猶未歸、何事孤鴻不相待、
 哀鳴先入白雲飛、

浪華三首

河北河南十萬家、丹城畫閣帶朝霞、海門西望長風起、
 一夜千帆入浪華、
 孤帆東入浪華城、碧海桑田百感生、借問梅花何處古、
 萬家綠竹入新聲、

昔日君王禮未成、老臣偏侍浪華城、陽春一有梅花發、相照國風千載名、

琵琶湖二首

琵琶湖水半連空、一片征帆細雨中、最愛湖南清絕地、暮花春竹妙音宮、

一望湖天入鴻濛、湖南湖北水烟空、舟人指點山櫻發、知是當年白鳳宮、

石山覽古二首

石山樓閣彩雲懸、勝地風光憶昔年、欲問名媛著書處、落花寂寂鎖春烟、

高閣登臨春日斜、平湖千里似琵琶、自從形管留名跡、猶使遊人泣落花、

赤石浦

孤舟一夜海門西、浦畔祠堂落日低、洲島于今多曉霧、微茫猶自使人迷、

驛路遇雨

細雨東風楊柳新、天涯孤客轉憐人、行色龍鍾迷驛路、何似當年蟹角中、

采女怨

南宮明月露斜暉、薄命佳人出禁闈、雲髮如爲猿澤草、

秋風吹向玉階飛、

妓王怨

相國佳人紅粉妝、深閨夢斷泣羅裳、愁看春艸萋萋色、總是秋風一夜霜、

噫小角仙人圖二首

誰道神仙可接難、紫烟今日掌中看、猶疑夜夜芙蓉上、直向天風試羽翰、

如霜素練動精靈、猶看葛城山色青、獨誦黃庭對明月、夜深唯有鬼神聽、

綠珠怨

金谷名園宴日催、風飄蘭麝酒涼臺、何傷薄命隨秋草、月下猶吹玉笛來、

村居二首

綠水青山此卜居、葛巾野服世情疎、即今何用三分計、空擬南陽一艸廬、

野竹疎籬小路斜、人間萬事一長嗟、從他天下無知己、唯有東隣賣酒家、

藪子厚見訪和韻

寂寂幽居老樹林、疎籬深竹欲黃昏、今期纔有梅花發、已使騷人叩石門、

肥疆行并序

夫詩人之興、感物而作、今也國家爲仁恕之政、四民樂其業、乃創建泮宮、使國人之弟游處、設師導、庠諸生、聽絃歌之聲、觀文章之美、巍然中國而成國光、不亦盛乎、吾野人也、偃息於衡門蓬蒿之中、談話於樵者田父之間、何足以知國家之盛者乎、雖然至視世之貴遠賤近、重耳輕目之徒、則不能無憾焉、心臆之鏗乎、如擊鐘鼓、不自覺其鳴也、所謂感物、而作者之類乎、時會誦陸士衡之齊疆行、因聊效其題、詩則從近體、以贊美一世、而少風焉、傍諷詠封內一二之山川古跡、以慰其神靈之不遇、亦實委巷之歌謠也、嗟乎吾寧見笑於大方之君子、抑庶幾不爲詩之家卑人乎、

天開海畔置名城、畫閣丹樓映日明、爲是封疆饒沃土、輕肥衣馬故縱橫、爲政百年不起塵、山川形勝似西秦、已知故國非喬木、今日濟濟是世臣、一國雄都熊本城、樓臺處處霧中生、繁華能似邯鄲否、萬戶春風絲竹聲、名城長擁一州雄、春省村村農事同、爲是蠶桑近開業、

謳歌已是入翻風、

百尺城樓壯麗哉、巍巍高擁白雲開、只今當路多君子、不識何人子產才、

一迎秋省報年豐、粳稻花深微雨中、委巷歌謠堪可愛、新聲總是入雄風、

泮宮春水入琴聲、歌詠時聞政績成、自是風流能化俗、翩翩詩賦答升平、

春水洋洋繞泮宮、四方絃誦此相同、國家總爲因風化、林下飛鳴音自工、

阿蘇山上一峻嶒、萬丈丹梯不可登、日夜雲烟飛不散、總成五色繞神陵、

森漫秋水入雲流、靜夜天寒明月浮、一自名媛悲白髮、風光千古使人愁、

一州大港絲河通、多少人家海氣中、此地由來饒商舶、千帆落日掛秋風、

金峰山上倚雲看、大海長風積水寒、回憶王師征不服、翠華一片入三韓、

熊水西流入海長、兼葭白露結爲霜、不憂決口同瓠子、幸有成功濟世才、

菊水連天匹練新、鮆魚八月白如銀、年年且有蘋蘩口、

堪薦王公與鬼神、
蕪城秋色野烟空、
管嶽崧峰望不窮、
千古惟餘將軍樹、
晚來蕭瑟起雄風、
深山一字梵王城、
古木千章到處生、
此地高樓念佛鳥、
月明靜聽誦經聲、
寒火如星入夜懸、
海南海北映波鮮、
王舟昔日西巡去、
猶駐餘光照史編、
鹿門秋至重嶙峋、
無限溪流月色新、
此地誰知隱君子、
應同當日姓龐人、

隱居

幽人遁跡碧山隈、
繞屋蘭桃手自栽、
溪口寥寥春欲暮、
香風錦浪一時來、

雪中送人之浪華

天涯東指浪華城、
此去孤帆雪裏行、
到日梅花開正遍、
併將絲竹入春聲、

山家雪

千山雪滿似春回、
積素如花四望開、
鶴唳徘徊林下去、
暗香知是一株梅、

舟中值雪

雨雪霏霏大海流、
遠遊孤客繫扁舟、
回望連山如畫裏、

玉樹花開十二樓、

赤馬關懷古

關門一日繫扁舟、
古寺風光憶昔遊、
春水衣冠何處是、
王孫春艸使人愁、

周南夜泊

一望天涯故國遙、
洲邊漁火更蕭條、
今宵宛轉還家夢、
驚破春風千里潮、

遊嚴島三首

二月春風碧海間、
扁舟乘興問名山、
飄然直上金銀閣、
三島十洲次第攀、

昔聞鷲首戴名山、
今日扁舟到處攀、
玉女壇邊三秀艸、
採來能更駐朱顏、

渺漫碧海秀孤峰、
神女銀臺十二重、
夜夜春潮似明鏡、
月輪倒掛玉芙蓉、

送僧

雲水袈裟夢故山、
三千里外片舟還、
明朝更向天邊去、
蘇嶽烟霞依舊班、

題唐崎松

孤松千載古皇都、
蓋擁瑞雲似畫圖、
夜夜長風吹不盡、
清音總入琵琶湖、

古城貞吉校

檜岡詩集

東肥 富高元朗 著

五言古

聖壽無疆詞

聖代敷文教、
車書同萬方、
衣冠趨玉殿、
瓊瑤會明堂、
學比周膠序、
詩傳漢柏梁、
魚龍躍春沼、
鸞鳳下朝陽、
擊壤歸仁德、
負圖呈瑞章、
恒升隨日月、
清濁唱滄浪、
酒似銀河瀉、
杓含星斗光、
金爐煙點綴、
仙掌露微茫、
欣遇無爲化、
猶歌既醉章、
南山多秀色、
持此獻君王、

菊城覽古

遺跡千齡古、
登臨思不窮、
連雞栖易底、
奕葉業終空、
地據山河險、
天懸日月融、
威靈敷四海、
玉冕下三宮、
開濟勤王略、
周旋絕代功、
彤弓奉恩詔、
黃鉞擁元戎、
星水鳴蛙歇、
芳池時菊同、
杏壇仰文德、
虎口慕英風、
管嶽餘寒影、
鞍峰飛彩虹、
攀榛哭黃土、
偷劍訴蒼穹、
哀鴈雲烟外、
飢鷹霜氣中、
將軍樹獨在、
秋色雨濛濛、
寄懷安子孝

蘇山峻極天、
可以託僂仰、
金嶺在其西、
天際屹相向、

我住金嶺下、
子歸蘇山上、
一〇三四年、
無日不惆悵、
憶昔在泮宮、
論文買餘壯、
南北一時會、
各期得個儻、
一朝忽離散、
悠悠空相望、
青囊僅餽口、
歲月空甞甞、
聞君對名山、
長嘯神孔王、
朝陟金嶺望、
唯見紫煙颺、

泰泉觀避暑

道觀爽塏處、
白河檻外清、
蒼烟圍樹斷、
碧水接天平、
炎熱何能至、
涼風次第生、
鬼移磯上曬、
魚向鏡中行、
枕簟含冰色、
瓜盤捧水晶、
還疑因縮地、
忽已過蓬瀛、

七言古

老將行

白馬游俠且勿誼、
老將醉裡歌一言、
我本漢家羽林兒、
結髮新將十萬師、
橫行萬里黃河北、
鳥飛不下陣雲遲、
白草茫茫水渺渺、
單于烽火照天時、
畫戟如林深甍壁、
綠眼胡兒不肯窺、
輕騎乘夜進合圍、
三軍壯士死如歸、
前隊亂射金僕姑、
後隊雙雙馬爭飛、
兵刃未交驕虜走、
幕庭勞士傾牛酒、
三躍劍舞且悲歌、
未說流矢貫左肘、
不意單于親臨軍、
練兵襲來再戰鬪、
朔風墮指天山雪、
新羈疲兵勢懸絕、
振臂一呼風漢恩、
劍病皆起爲飲血、
脩爾風雲隨指麾、
單于遁逃不復馳、
始知我亦由天幸、

漢日高懸照旌旗、凱旋獻捷建章宮、天子稱我六軍雄、
鳳凰脚下紫泥詔、紫綬金章光玲瓏、又憶蕭牆干戈動、
撲檣亂射紫微中、此時將軍年尙壯、怒髮衝冠氣吐虹、
左右萬騎似使臂、一朝煙塵掃地空、天子稱我爪牙臣、
龍顏含笑四海春、獸盡走狗忽將烹、徒混落魄屠肆人、
君不見黃金臺上招俊賢、綠耳飛兔相周旋、唯今駿骨
無人貴、爛醉空就爐上眠、

送山仲瑟遊溫山

君本毛州客、蓬萊雲海間、一跨青牛去、西渡紫氣關、
靈境處處無不到、天縱從來愛名山、曉起鵬翼叩天關、
昏乘鸞背入紫垣、興來且御天風去、傲然長嘯吼乾坤、
君不見芙蓉三峰碧雲端、燁然高懸旭日寒、上有靈
洞之沈澹、下有碧海之波瀾、波瀾浩蕩神自王、沈澹
瑤紳堪可餐、船掛沈瀛薦天孫、揮毫縱橫五千言、天
孫時賜雲錦裳、粲然照耀玄牝門、殷勤拜謝下去處、
綠水蕩漾聽清猿、羨君汗漫九垓天、送君告君莫留連、
我亦清狂放歌士、隨君東海問神僊、

畫竹歌

去年種竹主人庭、今年畫竹主人亭、誰知主人深愛竹、
可愛竹貫四時青、種竹不足又畫竹、對竹日忘酒與肉、

庭前珊瑚起風聲、亭上猗猗綠堪掬、亭上庭前幾萬竿、
日暮天清雲相逐、中有太古葛天民、笑殺子猷樂來真、

五言律

幽趣

青山連戶外、流水入園林、啼鳥如相待、幽花堪悅心、
蓮池魚自戲、竹塢日將沈、況有杯中物、餘酣拂玉琴、

晨起禪院讀書

禪院開書帙、清長物象分、時看摩尼色、還誦貝多文、
花散諸天雨、煙飛下界雲、林巒靈籟響、寧使世人聞、

春日山莊

遲日衡門下、間聽春澗清、琴音彈不盡、壺醕醉還傾、
爲愛禽魚趣、徧親雲水情、寥寥無過客、嗒坐笑無生、

哭町東柯

嗟君乘鶴去、忽爾謝人間、爲記平生語、猶疑昔日顏、
青囊手澤在、丹旆淚痕斑、採藥知何處、滄州終未還、

舟中晚望

藕心逢日暮、飄蕩任行舟、岸遠蒼烟斷、天寒白鷺浮、
山雲還寂寂、江水去悠悠、欲望鄉關樹、風帆不自由、

漁父

滄浪流水澹、華髮濯纓人、幽渚隨鷗宿、高歌與月親、
關心三島夕、入夢五湖春、還拂長竿去、煙波處處新、

山寺讀書

祇林開映處、雲霧盡冥冥、說得黃庭意、還翻白馬經、
天清靈籟響、夜靜鬼神聽、唯有長松在、高臨鳥几青、

擬登岳陽樓

飛樓洞庭上、孤客倚欄看、洲遠蘆花白、岸平楓葉丹、
暮山神女雨、秋色楚臣蘭、萬古蒼梧北、蕭蕭明月寒、

初夏藤氏携酒見訪

未起玄經草、青樽任汝携、寂同楊子宅、趣似武陵溪、
芳樹花皆落、新林綠已齊、殷勤桃李下、來往數成蹊、

雪夜遲某不至

南樓空下夜、雨雪獨相看、瑤瑟絃仍澁、玉壺冰自寒、
三更人未到、一榻燭將殘、莫是山陰去、扁舟轉渺漫、

訪山仲瑟得十二文

比憐何命駕、搔植數尋君、壘塊須澆酒、寂寥甘屬文、
無將白眼對、且使玄經聞、況有神時旺、談論入夜分、

七言律

美人睡起

春雨驟驟隔碧紗、起來雲鬢倚欄斜、隨堤楊柳深生色、
唐苑牡丹已着花、玉珥未收撲蝶蝶、珠簾纔捲瀉流霞、
誰言薄命紅顏是、長使蛾眉鬪麗華、

夏日飲岡氏宅分得花字

卜築高居綠水涯、相迎此日瀉流霞、臨頭辟荔時含雨、
池上芙蓉新着花、白壁偏憐和氏在、玄經誰識子雲誇、
狂歌一曲停杯處、門外垂柳有暮鴉、

立秋前一夕玉山先生宅得十一尤

相逢今夜上高樓、雨後新涼欲立秋、楚地幽蘭香已動、
淮南叢桂露初浮、憑欄偏覺銀河近、搗藥還憐玉兔流、
莫笑狂歌不辭醉、明朝一葉使人愁、

春色滿皇州

長安春色自繁華、歌吹紛紛十萬家、遊子行攀渭橋柳、
流鶯飛入上林花、蒼龍闕下迎朝日、丹鳳樓前送晚霞、
別有採桑秦氏女、陌頭能駐使君車、

吳城覽古

吳江綠水繞荒城、遺跡蒼茫感慨生、金虎憤空春草沒、
青龍舟去暮潮平、霸圖一自旌旗散、靈氣如聞兵甲鳴、
目送飛鴻回望處、煙波無限五湖情、

折楊柳

二月長安楊柳華、赤欄橋畔影參差、春風忽起花為雪、
煙雨新晴綠似絲、公子朝迷金絡馬、美人暮歛翠蛾眉、
折來堪繫離情切、莫使關山橫笛吹、

同馬彥章過飲橋氏宅

緩步城西欲暮天、高樓杯酒此開筵、醉來自有鳴琴興、
故態還論說劍篇、脩竹青松餘積雪、梅花流水澹寒煙、
請君試問心中事、牀上冰壺明月懸、

送人之潁州

潁州遙指紫冥天、此去山川思昔年、八島風雲脚落月、
二陵草木帶寒煙、潮歸漁火愁中是、雪滿清猿夢裡傳、
為是六龍留帝蹕、猶知瑞氣入新篇、

冬日還山留別友人

草堂遙指北山陰、萬壑千峰雨雪深、遊子應同圓吏夢、
故人自似梁翁心、浮雲幾度臨流水、暮鳥欲歸思舊林、
別後梅開逢驛使、殷勤為我寄歌吟、

長信怨

宮殿深陰秋氣涼、傳呼玉辮幸照陽、鸞歌風吹歡應遍、
銀箭金壺愁轉長、紈扇空懸明月色、羅裙猶帶博山香、
坐看河漢清如練、偏使女牛斷妾腸、

聞隣家彈箏

遙夜彈箏畫閣西、新聲綠綺夢中迷、綠雲時映朱絃落、
纖月斜隨金柱低、應是邯鄲秦氏女、休疑齊國杞梁妻、
一身願得為鳴鶴、飛入君家珠樹栖、

題玉山先生水明樓

層樓百尺架青天、秋水夜明孤月懸、雲斷簾前迎織女、
風清檻外有飛仙、魚龍潛躍金波色、鳥鵲參差銀漢邊、
隱几朗吟還自和、優遊此處學長年、

送山仲瑟城文卿遊八代

翩翩遊子戒行裝、並馬離歌一斷腸、日暮王孫祠上色、
塞高北斗廟前霜、琵琶潭靜清音響、橘柚園多微雨香、
豫識文章裁俊句、歸來應是擅詞場、

九月八日登米山絕頂

同人多暇此相求、心逐浮雲不可留、叢桂黃花如有待、
青樽濁酒不知愁、共憐彭澤當年興、何減龍山明日遊、
酣醉時縱千里目、滿天飛鶴落寒流、

雨後見月華得五微

雨晴月露瀟清輝、萬里銀河星轉稀、驚見驪珠臨席照、
還疑鸞鏡向空飛、霓裳色冷嫦娥影、雲錦寒凝織女機、
此夜何人吹玉笛、關山一曲淚沾衣、

送人入山採藥

峻嶒富嶽鎮神州、萬里憐君採藥遊、為帝嘗經冰雪老、
當餐霞映日華浮、青牛時入深溪去、紫朮幾隨絕嶮求、
愧我人間空落魄、追隨早晚向滄洲、

送山君叔瑟歸省上毛二首

遊子思親萬里還、天涯東望指鄉關、蘇峰雲送行裝近、
烏水月迎歸騎間、照乘明珠清影動、趨庭綵服染霞斑、
到時杯酒高堂宴、常棣春風入醉顏、

官遊十載戀庭闈、東望故園匹馬歸、海畔時乘明月過、
山中或逐白雲飛、豈同張翰思鱸膾、原擬老萊著綵衣、
知是瑣笺吹且和、殷勤再會莫相違、

七言絕

秋日送人歸省湖中
憐女思親萬里歸、孤帆一片入雲飛、琵琶湖畔芙蓉露、
靡染斑斕五色衣、

雪中訪隱者不遇

山中雨雪興相違、采藥幽人猶未歸、行迹欲尋不知處、
空留白鶴認巖扉、

落葉

河上秋風多白雲、蕭條木葉晚紛紛、愁心無那逢搖落、
況復砧聲數處聞、

謝井氏見惠夾竹桃二首

枝枝宛似武陵春、綠葉紅花含露新、借問名園何處得、
遙知當日避秦人、
綠葉綺綺帶露低、枝枝花發入新題、人間春過芳菲盡、
應是瑤池王母携、

訪僧院

雙樹西風秋色分、蓮花池上漏聲聞、到來唯見爐烟起、
總作蒼茫下界雲、

題西行憩柳陰園

江路如絲春水深、數株楊柳自成陰、呻吟總為風光好、
笑殺他關喻法心、

訪馬彥章不遇

寂寞玄亭絕世塵、主人何處獨垂綸、稚松似解逢迎意、
楚楚猶含落照新、

流螢篇

金井欄前秋葉稀、斑姬掩淚溼羅幃、齊紈欲逐流螢去、
還向照陽宮裡飛、

山寺觀楓

紅樹千林掛落暉、白雲一片掩禪扉、踈鐘聲度諸天外、
葉葉紛紛瑤珞衣、

聞砧
萬家砧杵月輪殘、孤客天外獨夜看、翡翠樓中愁夢斷、
幾回□□不堪寒、

七夕送別

銀燭金樽送別離、楓林織月馬蹄逢、誰將天上歡娛夜、
却作人間腸斷時、

山居送僧二首

相值幾年臥薜蘿、一朝飛錫向空過、遙知衣裡明珠色、
遍照東方世界多、
高僧欲別具袈裟、遙知西峯寒月斜、一鉢飄然無住着、
浮雲流水是生涯、

遊石山寺

蕭寺樓臺百尺餘、到來懷古獨躊躇、可憐石鏡山頭月、
曾照美人形管書、

古城貞吉校

日岳先生文集卷之一

肥後 富太鳳伯圖著

男 謙文山輯

門人 木靜君山校

風雅

峩峩者山、君子戒志士也、志士將還山、因以
諷焉、

峩峩者山、白石皤皤、君子秉心、磨而不磷、
峩峩者山、白雪皤皤、君子秉心、不傾不頹、
峩峩者山、青松蒼蒼、君子秉心、不凋不傷、
峩峩者山、洋洋者河、維仁維智、其樂寔多、
峩峩者山、四章、章四句、

鳳鳥嘆

鳳兮鳳兮、鳳之來兮、不逢宣尼、斯海之東、武弁之
子、斯海之西、左衽之地、靡視匪棘、靡棲匪枳、鳳
兮鳳兮、何枝可依、
色斯舉矣、不敢辟弋、有窶在前、有饒在後、維躋維
踞、以戢我翼、
彼有蒺藜、此有苞桑、人之非蜂、我羽以傷、凄其風

雨、我音嗶嗶、

窮髮之北、大瀛之濱、鳳兮鳳兮、姑容女身、自今百
歲、天降聖人、鳳兮老兮、恐不迨年、

鳳鳥嘆、四章、一章十一句、二章、章六句、一章八句、

維園有桂、臘月望釋采而醴以宴髦士也、

維園有桂、春葉冬榮、四時不易、濟々髦生、

維園有桂、好鳥所棲、斯絃斯誦、多才斯歸、

維園有桂、霜雪不侵、於女衆士、勿變初心、

維園有桂三章、章四句、

維南思先王也、忠厚之情、通乎神明焉、

維南有樹、其樹森森、不凋不落、剛直其心、取材寢

廟、枝葉千金、

維南有樹、其華韓韓、既華且實、孫子相依、零露所

濡、人望盡歸、

維南二章、章二句、

箴

第一箴

天地運轉、寒暑往復、吉凶影響、禍福倚仗、君子向
晦、守介慎獨、

第二箴
裘葛隨時、屈伸應形、貧福所素、一虛一盈、日居月諸、既食復明、

五言古

遊宴

姬滿樂瑤池、嬴政思瀛洲、千載不復返、宮觀皆山丘、人生多苦心、何以寫吾憂、清夜會嘉賓、西園共行遊、零露敷豐艸、垂條覆清流、明月出雲間、徘徊照高樓、桂酒盈金爵、玉觴紛獻酬、琴瑟合和樂、中心共綢繆、願託文章業、千載長不休、

侍宴

梧桐生高岡、鸞鳳鳴朝陽、羽儀何翼翼、青雲共翱翔、陽春垂德輝、百卉各芬芳、翠條拂飛蓋、丹霞繞高梁、忻遭太平時、會集君子堂、玉盤割頰鯉、鸞刀擊華魴、燕飲不知疲、萬壽奉無疆、

游覽四首

扶桑神秀地、平安佳麗境、桂鴨夾二水、窈岩標双嶺、泮溼揚素波、竦巍合清景、白日麗鳳城、春氣何飴蕩、連甍百萬戶、飛閣幾千丈、太平多樂事、優游歲月永、

永日游東山、縹緲送春日、湖光澹可鑑、山翠珍盈掬、丹葩被嘉卉、朱榮麗灌木、好鳥斯和鳴、佳人斯與暉、將君絃上音、勸我盃中醪、妙音何劉亮、微吟斷復續、何以報佳人、腰下有佩玉、
蒼莽嵯峨野、崑崙雄藏山、鳥宿楓林晚、猿嘯秋雲間、明月照桂門、層波何潺湲、佳人在中谷、清靜長掩關、奇服裁綠蕙、雜佩組幽蘭、高歌繞屋梁、餘響度前楹、嵐龜松風起、永夜共珊瑚、知音已逝矣、千載不可攀、名都倦遊覽、世上厭喧嘩、臨風召雲騎、駕吾五雲車、松島沐月露、芙蓉服日華、晞髮天梁渚、濯足嚴岷涯、揮翰爲春葩、吐言爲朝霞、下土何累塊、衣冠何參差、悠悠千百世、且暮空相過、何如天地間、往還常爲家、

遊仙

旭日照扶桑、瑞雪含芙蓉、燦爛如雲錦、炫耀若燭龍、玉女駕雲軒、遙降芙蓉峰、羽裳何飄飄、瓊佩何玲瓏、遊子有仙骨、邂逅此相逢、歌舞窮情態、歡樂一融融、滔滔滄海水、落落原上松、千載人不見、何處問遺蹤、

詠史

延喜光明德、赫赫照東方、孤鳳鳴景雲、宮闕斯翱翔、白日隱黃霧、芳蘭被秋霜、哲人孫顯位、考槃西傍海、

雜詩

吾有鴛鴦繡、裁爲合歡被、粉黛爲妍容、言笑亦不鄙、人道西家子、妙齡有才美、寒彼中庭蘭、相遺結生死、苟得同心言、芳香長不已、

怨別

公子好遠遊、車轍遍神州、飄飄暮春衣、采采嚴冬裘、眺望杜若洲、春風消餘雪、三河綠水流、吟詠不知歸、歲月空悠悠、

興囑

季秋步西郊、吟詠復幽翫、烈烈悲風起、蕭蕭艸木枯、履霜傷堅冰、顧日畏遠途、哀壑玄猿嘯、愁雲白雁呼、種種黃髮老、秋畝荷耒耜、語余農圃道、諄諄自不愚、

遊仙

詞客愛勝地、行遊及良辰、朝登磨墨峰、暮臨硯河濱、硯河蟄神龍、墨峰吐奇雲、揮翰寫光景、人工奪天眞、片言苟不朽、足慰名山神、

田居二首

飛蓬非葢澤、大隱非朝市、礪田桑田間、結宇斯樓止、繞舍種翠柳、灌園引綠水、夏來麥飯熟、秋至社酒美、

手栽松梅竹、遺愛同甘棠、落落千丈松、青青萬竿篁、妍妍寒梅樹、皎皎揚素英、明月照翠條、春風送芬芳、琅玕合瑞雪、玲瓏似瓊漿、異材識龍鱗、清韻寄鳳笙、自歎陽春化、又爲歲寒貞、豈謂節目、是足棟梁、大厦終傾覆、千載空悲傷、

詠懷二首

北方有佳人、南國多衆士、容華傾國色、文章絕代技、聯翩聘其才、綽約競其美、白駒何駸駸、歲月如流水、顏色終變衰、名聲獨不已、
崑岡產美玉、楚畹生芳蘭、上國麗山水、往往出紅顏、歲穠曳織縠、陸離披素紉、瀟瀟連翠幄、縹緲垂雲鬢、春日照綺樓、鼓琴倚玉欄、忽駭淵底龍、且舞霄間鸞、人生苦不遇、傾國難爲歡、

讀離騷經三首

南國有佳人、絕世多妙姿、一顧蒙恩渥、中心不復疑、如何桃李華、忽被春風吹、自非金石質、顏色有變衰、佳人采芳艸、鬱陶有所思、菱荷衣未成、環佩空陸離、椒丘悲風起、浮雲千里馳、何以慰中懷、佇立吹參差、日夕步蘭皋、余馬亦已瘠、衆女嫉蛾眉、室人還責予、水裔采芙蓉、佇立望極浦、帝子今何在、心中多悲苦、

佳日迎父老、清夜會鄰里、太平無所爲、野人可燕喜、蓬蒿塞吾路、稗茅盈吾田、晨星牽牛出、夜月荷鋤還、村落何寥寥、三戶渺人烟、哀殺嘯荒野、飢鳥擊寒天、逝矣渭川叟、邈焉傅巖賢、芻蕘若有詢、龍鳳尙可攀、

贈友

耳餘負劬頸、王賈用利交、賈聲同市道、背憎或調嘲、昔吾關里友、金蘭期志操、禮經以古處、道德相鑄陶、但願他山石、追琢成瓊瑤、

自叙

夸父欲逐日、愚公欲移山、區區七尺軀、乃長艸莽間、結髮懷大志、慷慨脫人寰、文章觀魯道、禮樂識周官、爰居長鐘呂、於越噴衣冠、匹夫懷美玉、遠行多艱難、恭默思古道、中心稍自寬、鑿藥信小技、奔走爲飲餐、世路多危險、室家呼飢寒、寧戚曾牧牛、梅福亦抱關、微身如蟬翼、聊寄高樹間、

和江文卿韻送別

唱君別離詩、勸君別離卮、臨別欲有語、君且聽吾辭、龍虎固有待、共會風雲期、轡勒中原氣、冠蓋日追隨、名教當世美、政典百代師、吾有韞匱玉、久待良賈知、荆烹似汚節、版築復辨誰、飲牛固辛苦、牧羊徒爾爲、

已矣鴻鵠志、雄飛在何時、

述懷

西方禮樂國、斯道萬代尊、詩書敷其教、美化溢乾坤、戎狄猾周室、洪業卒屯難、匈奴寇劉氏、邊境日不安、晋家乏廟略、北胡據中原、李唐承大統、周漢道尙存、英主感尤物、中書不可言、羯狗乘其變、四海皆妖氛、爾後數百載、衰亂難復論、趙宋弱道學、豎儒豈善軍、皇京終不守、車駕南土奔、明主固英武、一朝掃胡元、赫赫神聖宅、萬世揭斯文、豈思數百歲、胡奴覲北門、皇天何不祐、黃塵日月昏、輔賊爲左衽、冠冕終見髡、邈矣東夷士、百慨常銷魂、何賴神聖德、更復周代勳、

讀靖節先生集

太風印一世、上師夷齊、中友仲連、子陵淵明、下好少陵、百歲之後、知已醉我哉

卓哉首陽山、清風邈難攀、悠悠千百歲、爰及晋宋間、凝陰堅冰至、哲人斯屯蹇、韜光亦存義、居易且樂天、道德慕周孔、節操比原顏、偶乘春秋好、散帶步丘園、獨鳥歸遠岫、游魚逃深淵、酌我床上酒、陶然拂無絃、天造多俊句、飛毫自成篇、不遇君休慨、微音千歲傳、

歲晚送長野生還山得雪字

二之日栗烈、游子歸心切、書劍未卒業、琴樽姑告別、幽人畏歲寒、閉戶坐風雪、悲歌繞屋梁、餘音自點綴、

想子山中居、泉石渾皎潔、風月揚清暉、峰巒爭奇絕、亭亭竹色青、瀝瀝水聲咽、雖非羲皇人、無復車馬轍、寄語名利士、寧克思巖穴、

乙卯元旦詩并序

吾輩太平之游民、餬口於執技、煦濡苟活、仰歷觀往昔英俊之行事、俯夷考當今人士之出處、彼何人哉、非有四目兩口、我何人哉、如斯其區區也、視面目特不自愧乎、懷乎古之君子、三十而成立、四十而強仕、蓋自此以往亦難爲大業也、寬政乙卯之歲、余春秋三十又四、尙蹉跎莫成、嗟夫何□、乃自援筆伸懷、陶寫吾憂爾、

春至旬五日、臘盡卽新年、梅蕊全欺雪、柳條暗帶烟、太平何所事、巖穴無遺賢、特我居賤技、衣食日周旋、蹉跎老將至、艸木委黃泉、腐朽惟骨肉、精神無所傳、念之肝膽裂、擗擗號皇天、我吸造物秀、滿腹經史編、咳唾皆金玉、鏗鏘振山川、旁人皆側目、四座盡嗒焉、已哉箱斯巧、空言何譏諉、特喜同朋在、卮酒又歌絃、優游文園裡、聊以養浩然、

登菊城

荒墟但芳艸、古墓自喬松、落落無人境、遙聞山寺鐘、

冥冥緩嘯雨、淒淒鬼哭風、遊魂何時返、功名獨自雄、肥多倘儻士、餘澤自先公、想君邈不已、生死無由通、采彼澗谿藻、薦享致精忠、存亡非所聞、義烈盟蒼穹、何當謝塵累、相伴集雲峰、

野望

冥冥暮春雨、漸漸麥方華、村落烟火少、指點兩三家、園徑種蔬芋、藩籬植桑麻、倦鳥遠山曲、行子野水涯、四顧渺無際、天地一長嗟、

栽蘭

小園無碩艸、湫隘少奇葩、獨餘九畹種、移自三閩家、琅玕挺成葉、瓊瑤聯爲花、朱莖相錯落、綠萼共參差、夜露凝靈液、朝暉鍊丹砂、穆如清風至、忽想湘水涯、憐君高尚志、之死終無他、馨香流萬古、仰止復長嗟、

和島田大夫韻九首之內脩井

不改舊時井、井井復濺濺、甕敝不敢竊、異水未得便、窮士苦消渴、井井獨自憐、夜嘯寒山月、朝吸幽澗烟、偶有鄰人識、往來相與穿、井甃不須幕、隨意食寒泉、吾有肘後藥、起來手自煎、長愛枵櫟質、灑灑不敢捐、

垂釣

垂釣不敢倦、得魚不求多、窮達看雲月、行□托風波、

傾壺步丘壑、振衣浴江河、醉起時一漱、花竹澹煙蘿、此時裁初服、采采芟與荷、始驚濫觴水、襄陵自盈科、禍福如影響、倚伏原無他、却想孔夫子、嘆彼羅門羅、

植石

雖無五丁力、自得女媧具、日添苔紋綠、時敷花茵新、未鼓魏榆舌、怪君陽宋身、好是風月夜、能留枕流人、醉來衣帶緩、朗吟時一振、磊珂看英氣、屹立如有神、克守介如節、尋常亦同塵、

樵者

落日幽溪上、松風好梳頭、遲遲步初月、餘酣漱清流、愛彼山梁鳥、不慕首陽丘、霜雪蒙群木、磊磊千丈楸、悠然觀物理、徑路不敢由、荆榛多苞塞、蕪穢不堪稠、看彼雲水影、點點沈復浮、形骸爲土石、外物無所求、鶉衣兼塵飯、軒冕却是羞、幸有飲餐足、肱枕此歸休、

洗竹

幽獨無所事、鳥雀下庭除、時與此君語、龍孫臨吾廬、能傳伶倫韻、風吹常慰余、殺青君勿慨、將繼子雲書、男子千載業、從來因君舒、

再春館開講筵詩并序

仁風扇和、萬物飽再春德、恩露降澤、群黎浴春雨

渥、創建醫學館、追周官之遺闕、徧聚毒藥、探藏農之餘策、技究扁倉、祖長沙之方法、先公肇基、三世重華繼光、先進垂統、後學媲美聯芳、孟春始和、恭奉玄酒之享、潤谿蘋藻、庶明德之馨香、上卿莅筵、聽鸞和之鏗鏘、大夫衆士、威儀翼如成行、碩學茂才、紛如花奔爭妍、宿師鴻醫、聚如雲霞競鮮、身平至樂、民躋仁壽之年、君公大德、長比南山不竊、微臣願列、不堪鼓舞踴躍、敢陳鄙辭、斯布中心緬綿、

熙陽逢載陽

春雨集高堂、萬物實生色、百卉紛爭芳、遵奉義農術、浸淫扁倉方、神訣探丹竈、靈藥搜錦、四時無痼疾、群黎毋天殛、我公坤厚德、壽考亦無疆、小臣何所仰、謳歌呈禎祥、

日岳先生文集卷之一終

日岳先生文集卷之一

肥後

宮太風伯圖著

男 謙文山 輯

門人 木靜君山校

七言古

觀芳埜圖

君不聞大和之州神秀境、山有金峰之絕奇、埜有芳埜之美景、芳埜之花天下聞、二月三月花如雲、嬌首春天看不見、滿山花氣一氤氳、翠壁丹嶂翠如錦、綵霞紫煙結成文、白鳳天子遊此中、手操瑤琴和春風、餘音縹緲度重嶺、宛似鸞鳳嘯層穹、玉女迴車降紫府、翩翩妙舞態無窮、天顏含笑蕩忘返、彼此歡樂共融融、侍從由來多才藻、萬古名山俱爭雄、爾來悠悠幾百年、乾坤無處不塵煙、南朝天子奉玉璽、六龍踏躑芳埜邊、一時傷心看花月、御衣涕淚正漣漣、山中萬物皆失色、桂殿椒房共黯然、北寇兵鼓動地來、皇子城樓迫崔嵬、酣戰白日腥風起、六軍呼天殷如雷、此時尙有紀信侶、僅披荆棘挺身廻、補家子弟稱忠孝、三世尙存武侯才、轉日回天死不朽、委身報主心未灰、千載瓜瓞終綿綿、

長欽英風不堪哀、君不見三百八十洞天深、層崖絕壁互岑嶽、黃菊揚英紛可掬、笙竇生風如有音、琵琶之山虹瀑水、清響颯颯落前林、吾生從來好勝事、披圖今日洗吾心、對之倏忽如有得、無端肝腸吐古今、金玉突口鳴鏗鏘、芳埜金峰總生光、君不聞金峰之巔白雲幽、小角仙人拊髀遊、山中珠玉本多秘、肉眼之人不得求、他日吾躡名山頂、赤脚習習問丹丘、大筆奪將造物秀、滿袖携來向人投、

重陽作黃菊歌勸酒山人野伯裔

黃菊河邊黃菊開、因歌黃菊勸酒杯、君不聞菊池先公全盛日、佳節開宴菊河隈、蘭英之植黃菊酒、舉玉卮兮酌金盞、一時爭獻千金壽、滿堂賓客自多才、雲雨宛轉夢難成、歡樂須臾哀還生、運移澤盡終何事、蕭蕭豺虎日縱橫、臺榭一朝委荆棘、大樹何處見旗旌、風儀浮雲長鬱鬱、杏壇絃誦寂無聲、日暮荒原悲風起、寒艸無人狐兔驚、別有瀑布懸青霄、倒流千丈颯寒聲、憶昔隣寇來襲我、將軍短兵此相要、匹馬隻輪顛艱險、至今血痕未全消、箭管峰南片月高、虎口窺裡風怒號、酒人相遇談往事、意氣揮臂撫佩刀、悲歌終宵不能已、一吟一飲氣愈豪、又不聞南朝天子蒙塵時、奕葉